


中國方志叢書·華中地方·第五〇七號

據

清·談遷撰  
清康熙間鈔本  
影印

浙江省

# 海昌外志



9/5/103

成文出版社有限公司印行



\*10101713\*

中國方志叢書·華中地方·第五〇七號


據

清·談遷撰  
清康熙間鈔本

影印

浙江省

# 海昌外志



95-103

成文出版社有限公司印行



\*10101714\*



3820939

中國方志叢書·華中地方·第五〇七號


據

清·談遷撰  
清康熙間鈔本

影印

浙江省

# 海昌外志



9027/03

成文出版社有限公司印行



\*10101715\*

中華民國七十二年三月壹一版

# 海 昌 外 志

共 三 冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市 大理街 145 號

新聞局出版登記證：局版台業字第一一四三號

本志原書係中央研究院歷史語言研究所所藏

並承惠借 謹此致謝！

邱真樸石自朱華手書辨三女之誤及真道之瓶  
佳事眉間錦鼎瑞井也取卷舍筆祀

海島外志存鈔本內為宋氏潛采堂魏氏士珍  
魏氏本後歸拜任摩与在結海濱縣蔡  
志均費數十年披求而得者見模印跋蔡  
志後今兩書幸証落吾手當益念前人得  
之難而慎嗜之是必法書好古之志存心之  
一節也余自知有書癖而深念得書之不易  
因記于卷首以告後人之能法是儒者時在  
同治庚午八月二十二日在都拜任道書院是  
年与蔡志同錄入取記卷三地志目中

海昌外志序

自秦析郡縣而會稽望於東南會稽實奄有我吳班氏志地理  
有海鹽當時不寧蓋犬牙入之晉割屬吳郡鹽官之名特著逸  
民良史間托竹素使鹽官重於九鼎大呂何江左之彬也  
不  
映之邑於海鹽共幅異時者或入海鹽或錢塘入其以鹽官自  
見則唐宋以也唐宋之文獻秩然如劉覽史氏或至不可解  
清臣大父昌終鹽官州判因家焉夫鹽官自唐以前未嘗州也  
不寧惟是鹽官始於吳王濞初醴淮近海故類言之吾寧  
實未嘗設官也漢至武帝權鹽鐵舉郡國設官諸傳記可見且  
許睢陽奪而與新城張橫浦奪而與錢塘耳目前不應若是悖也

新城至今祠睢陽亦曰忠義之氣無所不至之

明永樂間輯諸儒性理直籍橫浦錢塘此尤彰明較著者也而  
寧志亦自多誤字淳熙十六年會稽陳恕令監官太史題其柱  
曰真監鐵使夫太宗所稱監鐵使乃南昌陳晉公恕而淳熙為  
孝宗其時其人相去遠甚此不獨悞兩曾參也宋嘉定有園  
明曾司訓蔡明府始有志草路監縷以啟山林數千載而下實  
嘉賴之吾寧藉以冠帶衣履海內矣詩曰維桑與梓必恭敬之  
間得軼事一一直珙壁跡之用參前志損益舊聞醴之流也則  
馳吾其邯鄲之園也皆

丁亥秋七月二左遺民談遷題於杏林東原

海昌圖經序

圖志之設尚矣自元和郡國寰宇九域等書皆定命於朝而海  
之內一無所遺卷帙至繁然總其大綱而已厥後雖有書則  
登載已詳足以備史官之採擇開卷而知其人之才否搜訪貴  
博而簡別不能精紀述務實而去取或未當叙神異則易隣于  
誕書人物則多失之夸列守宰善政而載筆者亦與焉龔黃復  
生人且不信乃併與其可傳者掩之皆圖志之疵也海昌為今  
畿縣令尹古括潘侯景夔下車以來慈祥臨民儒雅飾吏政成  
暇日披臨安志全書增攷故牘命秀士相與訂正之歷代之沿  
草山川之向背風俗人物賦域土產凡一邑之所當問者會粹



滿編而以碑碣紀咏次之將與斯人仰許睢陽之餘烈挹張無  
垢之遺風以庶幾於起敬起慕之意垂受代而書成欲鈔之本  
邑尉玉牒崇稷華之外弟也介以請于家君叙其事于篇首機  
務鮮暇乃使小子書之敢請所聞以塞嘉命先祖太師岐公頃  
歲由工部郎知處州作括蒼志繪郡境及城府為圖以便覽觀  
遂不失圖經之旨後有作者雖或加詳實本諸此云

嘉定貳年立冬四明樓肇謹序

海寧縣志序

聖明統一寰宇垂六十年聲教漸被靡間遐邇然輿圖幅  
員之大弗資紀載固以知山川地里之險易民情風俗之微惡  
與夫人物土產貢賦之殊古今沿革興廢之由皆無自而知而  
議禮制度考文之事闕焉非盛世之遺與乃今永樂戊戌  
天子命儒臣纂修鉅典仍遣使四出網羅舊聞凡六合之內八  
方之外有闕風教者咸使採錄海寧古號海昌又名鹽官或為  
州或為縣歷代相傳沿革不同我  
朝建為縣舊有海昌圖經先賢錄皆鄉耆所著今述其舊而新  
皆詳備為事以實紀物以類分以類相從較成六卷總名曰海



寧志掌教邱武曾咏以予為邑人也。文獻既微，不可無序。自扶輿清淑之氣，渾命磅礴鍾而為人，而人才之出為世用也。或著于忠孝，或顯于節義，或發于文章，或行于事業，皆表：偉：足以羽儀邦家，光照里閭者。唐有睢陽許公，宋有文忠張公，全節楊公，謹獨施公，是皆雖乘時而出，亦山川之靈秀攸聚也。國家陶鎔涵煦，誠有年矣，所以造就而期待者亦已厚矣。乃今復新茲典，以隆紀載，風勵之意何其醇，復而懇至哉。嗟乎，聰明出類之才，世固不乏，然豪傑之士，雖無文王，猶興矧。今遭遇聖明躬逢盛典，車書混一，禮制大同，山川靈秀之所鍾，又有前賢往哲為之表率，孰不薰漸企慕，鼓舞而興起耶。行見邑之人才彬彬。

輩出接武先賢而忠孝節義文章事業將與古匹休矣詎伴許  
張楊施數君子專美于唐宋哉予于是志而深有所感焉故勿  
辭而為序

永樂十六年己亥夏五月既望邑人沈升譔

+

海寧縣志序

歲乙卯予承乏海寧既蒞篆欲周知境土形勝與夫往昔沿革  
人文事蹟之實問焉而無知者惟于簿書期會間得之胥徒不過  
錢穀兵刑會計之數而邑之文獻蔑如耳始悟舊典之無存久  
矣加以島夷寇亂自柘林來盤據硤石四封之民皆入邑居悉  
力捍禦晝夜靡寧遑復為他計哉然予心終缺然也是縣古之  
名區在杭郡為首邑浙以西莫先焉固宜典章燦然而闕存無  
聞殆類荒陬僻壤不亦異乎乃謀于博士師生衆驩然曰邦之  
人士仰公久矣公其無讓茲訪諸民間得永樂戊戌舊稿巨束  
前訓導魯昶所修者也蓋迄今百四十年矣又請于諫議杞翁

先生得宋本嘉定圖經令尹潘景夔所修者也蓋距古三百五十年矣隨又請得續志二帙殆亦鄉哲所哀而翁校定焉者于是乎足徵矣既而殘篇斷簡紛然雜出而昔賢銘碣自獻于上若有冥契咸曰豈非教乎于是移書山中招碧里子者來與諸賢事同四月己丑鎖館矢殫厥心酌古準今合同推異凡若干日而粗就得九卷焉地理者以言乎提封也田賦者以言乎任土也建置者以言乎都邑也禮制者以言乎儀則也代天理物則有職官明倫派德則有學校明目達聰則有選舉鍾靈毓秀則有人物攷古於遺則有雜志彙而成之子讀之歎曰史乎史乎頭晦有時雖作之在人亦天也物無終泯而况邑乘乎大忠如

顏許大儒如<sub>不</sub>始而可使終淪乎予聞前政君子亦多有意于  
斯歷聘三數鉅公而迄無成乃今在兩月間力省功倍微茫之  
緒幸存於黃蒿大賢之家得有所據使漸熅將盡垂絕而復續  
謂非天乎而翁之慎重收藏寶之如赤刀大訓不忘宗國之盛  
心為何如哉予既為邦人喜乃捐俸梓之仍述志之所繇成使  
吾民家諭戶曉以無忘其所自庶後之君子踵而輯之千古遺  
文炳然在目豈非一快事乎是役也校讎于內則教諭張志訓  
導蔡惟孝李玉潤庠生吳必學徐一卿贊襄于外則縣丞張杲  
揚人紀主簿羅鈿而督工則典史王國佐因并書之以紀一時  
在會云



嘉靖三十六年夏五月丁卯日知海寧縣事古亭蔡完書

邑志攷引

志安昉：于春秋春秋者孔子不得志於時所為作也今天下  
郡邑皆有志采筆者不惟其爵惟其人它不具論令典四月淮  
陽亦嘗舉先為廣文時所州而彙之為淮陽志矣吾寧古鹽官  
縣更而州：又更而縣代居海國無虞播遷而近乃羅海患劇  
守土者方日夜憔悴勞瘁鍾紛紜又奚暇弄不律圖不朽為當湖  
趙無穀先生者其學博綜扶輿其下筆排山倒峽而其人則慷  
慨木強自庚子逮今困公車三十年研穿裘敝邑：不得志乃  
退而振鐸吾寧登壇之日凡士之翹楚必拔不棄躍冶必創不  
貸不靳諧俗而靳諧理遇公正一發憤無避忌祖左右聽者解

願心服五年于茲每恨邑志築舍以忝文献乃為作脩攷其目  
凡十有二其法詳古畧今詳舊畧新則吾因是而重有感于今  
也自日用飲食以至衣冠言動自鍾鳴鼎食以至甕牖繩樞目  
之所睹耳之所聞無一衷于古而懷于舊者矣獨一郡一邑乎  
哉積妖禳災遂至犬羊訶於北魚龍吼于南所在不寧吾邑倍  
遭其毒斯時也誠得志而志之覽古傷今砥新還舊俾怒濤息  
而斃歌興所係豈斯哉既脫縈為付厠氏將擊易水而游曲江  
迺以玄晏屬典得無謂非吾友者不欲得語其而惟典之友也意  
興拙不逢年慙不諧世差足武先生之後塵也乎先生不得志  
而作脩攷余下得志而為脩攷序其歸一而已矣維時偶憇郡

北別業朱葉已暉綠蔬適口時雨新霽種、快人正泚筆而先  
生惠焚餘至亟讀客問盡吐肝胆皆言人所不能言不敢言者  
一切知罪無所撓其慮又何有于邑誌之一齋

崇禎庚午陽月第八洞天外臣許令典識



寧志脩攷引

周禮外史掌四方之志今郡若邑博士古外史秩也

國初郡邑博士得參中秘之席百年来第能省藉而歎侏儒嗟  
乎博士不當史耶吾師無穀先生冥搜逃覽下土二千年間既  
已多所撰著乃頃來振鐸吾寧登壇之暇汲讀寧志而喟然以  
諸生請輒操不律從事及成又遜謝不任題曰脩攷嗟夫人禍  
天刑史往有餘惧先生其凜昌黎之戒歎所裁草大較詳往  
昔而濶略耳目之前蓋郭泰不滅否人物庶幾近之雖然漢書  
成而雜記不廢于西京晉史出而世說終傳于江左如  
明詔忽下分遣黃衣使者采蘭臺石渠之副不能遺寧又奚

能置是編表東海之雄風也抑生有說烏太常博士叔孫通所  
蕞漢儀奏曰諸弟子儒生隨臣以與臣共為儀願陛下官之高  
帝悉以為郎先生亭孤節干霄直上度必不願為林孫吾党  
小子請以魯兩先生服膺先生可乎時

崇禎庚午

談遷謹題

海昌外志緣起

邑乘惟嘉靖蔡明府所葺板藏庫中前永樂曾訓導景志失傳又朱迪續志四卷未詳其人無論書矣開成化中鄞縣進士洪遵修吾縣志或即朱迪續志耶硤石周青羊山人珽嘗見志一帙忘其名當是朱迪耳宋潘景夔圖經向藏硤小閣氏偶從王氏借閱紙墨即燦今恐不存

崇禎己巳平湖趙無穀先生維寰司諭吾寧銳意修志會中輩語幾欲輟筆署縣貴陽劉元瀚同知德忠之捐三十金助梓始成予先有纂錄蒙其收彙賢達苦心有光海澨携板還家嘗語予曰終歸之塩官以存典故今無及矣徒有西川之



博耳

文獻殘闕徵攷甚難窮搜僻採必煉月廣跡而後可噫此非  
筆陋所任也至權衡人物之間易生怨謗日者趙先生作志  
予自引避得免于喙雖稿成未輕以示人知終當覆瓿也  
乙丙間兵禍縣志板散失有慨于懷即舊稿補定近事附一  
二焉念生平積志不忍漫滅章逢可棄獨不曰志在春秋乎  
敢匣而藏之

談遷書于秋雨研北

海昌外志

輿地志

沿革

食貨志

戶口

職官志

令佐

建置志

城郭

選舉志

形勝

田賦

師儒

公解

山水

課程

雜秩

泮宮

都鄙

徭役

武弁

祠廟

風俗

鹽利

郵梁

物產

寺觀

甲科

鄉舉

明經

封廕

薦辟

人物志

儒林

忠直

文苑

宦蹟

高行

孝友

隱逸

寓賢

方技

烈女

玄釋

叢談志

祥異

古蹟

丘墓

佚事

藝文志

典籍

遺文



海昌外志



東林談遷孺木著

輿地志

寧雖褊僻介在杭嘉間襟帶江海舟航馬足固五父之遠也在  
昔秦皇帝渡浙遵海而南武原有秦望山吾寧寔寄其徑而掌  
故佚之南宋下輦轂下托于日月之末稱天邑矣

明初不費斗糧奉圖督亢至發

高皇帝之寤寐聖作物覩賜我敝邑履西至于仁和北至于崇  
德東至于海鹽而海其南也守在四境故詳封以內方域土俗  
毋或遺焉作輿地志

## 沿革

秦始皇二十六年置海鹽縣屬會稽郡吳王濞煮海于武原鄉設鹽官按通鑑胡三省注吳王濞煮海為鹽今淮鹽也史記漢武帝元封元年以桑弘羊言設鹽鈇官凡二十八郡或鹽官在武帝時乎新莽初更名海鹽曰展武展武後陷為柘湖移治武原鄉為武原縣東漢建武初復舊順帝永建四年分屬吳郡吳黃武二年析海鹽置鹽官縣此立縣之始而陳壽陸遜傳遜始仕幕府出為海昌屯田都尉并領縣事則孫氏初又海昌郡也晉宗齊梁並隸吳郡陳武帝永定三年置海寧郡隸以海鹽前京鹽官郡治鹽官隋開皇九年廢郡置杭州大業三年更餘杭

郡唐武德四年在郡又更杭州鹽官別屬東武州七年省入錢塘  
貞觀四年仍鹽官縣屬杭州宗建炎三年屬臨安府元初仍復  
杭州成宗元貞二年以戶繁進鹽官州泰定四年海圯天曆二  
年潮患不作罷後改海寧龍鳳十二年十一月海寧州降

明洪武二年二月改縣轄四百八十四里因海決止三百六十  
里縣距杭城百二十里東西百三十里三步南北七十里二百  
十三步距南京八百四十六里北京四千里東界海鹽八十三  
里西界仁和四十七里北界崇德三十里西北界德清四十八  
里南至海一里

形勝

南宋都臨安長安鎮扼其要德祐初元伯顏抵鎮宋遣御史楊  
應奎議降

明初築石墩楮山兩寨東西據海之勝嘉靖中島夷果首犯之  
東陞黃灣北陞硤石亦隩區也宋嘗立寨黃灣元末張氏犯杭  
城分部自黃灣進推此可以徵守矣

### 山水

各山自天目發脉由西徂東前志首于東境特為釐正各山寂  
寂靈運之游屐少至幸不煩于愚公斧柯止恙亦蘿薜之榮若  
南觀于海河伯望而卻走未嘗不爽然自失也第利害甚鉅宋  
元以來共患之詳著于篇以俟攷

赭山縣西南四十五里高七十五丈周三里界仁和對紹興龕  
山：色正赤曹漢炎詩江流曲似陽水篆山色丹如葛令砂宗  
建炎三年金完顏宗弼犯臨安郡守康允之退保赭山 明湯  
信公和請設巡檢司立寨嘉靖中崑夷首趙龕赭又國初海鹽  
乍浦河泊所船戶太倉劉河出洋後苦倭改錢塘江赭山出洋  
龕赭夾峙扼潮迅湧二八月最高峨：二丈有餘

禪機山由赭山西不一里高五丈周五里巔有禪師井

文堂山在赭山東半里高三丈周半里永樂初徙赭山巡簡司  
其上

盤山在文堂山東一里高七丈周二里



葛嶼山高六丈周三里

巖門山縣西南四十里高百丈周五里穿隆峭拔疊嶂盤薄號  
為主小其巔有塔宋時設鹽<sub>場</sub>

河莊山在岩門西一里高七丈周 八里

雷山高七丈周一里有奇據于江中翠鬱可嘉無如潮囓何

胡家山在河莊東不一里高五十丈周六里有奇圖經曰黃山

一名越城山其土色黃按縣西四十里有百人浦越王起百尺  
樓望海疑即其處故越城所自名耶

蜀山在岩門東十里高五丈周二里隋書有鹽官縣蜀山：有  
洞宗紹興癸丑淨元禪師結庵後廢

花山縣東五十里高十五丈周一里坦夷蟠薄如密如陀山多  
鵬鳩亦茂松竹

黃山縣東五十二里高六十丈周七里巉岩峭拔多楊梅山茶  
嘉靖中都指揮周應楨遂倭死此萬曆末許太守令典治東西  
兩坵為名流觴詠處

葛嶺山在花山東三里山形聳特高四十丈周四里

笠山在葛嶺東一里高五丈周半里名雖俚樵笠亦非俗物

菩提山在黃山東半里高六十丈周七里多桂竹鶴庾文雉其  
麓真如寺即干寶故居旁為張無垢先生讀書臺寺最上層曰  
般若臺無垢同刁令文妣所遊也山巔靈泉怪石

游菩提山值雨宿存思庵

貝瓊廷臣

連山插天危欲崩，來冬結構當千層。  
我來看山風雨惡，入山喜見靈泉僧。  
閉門留客共野飯，風回雨絕清無繩。  
酒酣熟寢喚不起，夜深花落龕中燈。  
軒轅已恐即韓愈，許記未可訊陳登。  
天明僮僕催欲去，却歎世故來相仍。  
重尋曲折恐蹉跌，安得遠討百支藤。  
林開川豁見烏下，山寒石峻愁猿騰。  
呼舟獨返州堂路，他日重來共甃甃。

靈泉

張九成

高僧超物外，有戶晝長扃。  
海濶知天大，泉甘識地靈。  
一簾春月靜，半點越山青。  
客有歸與嘆，移文休勒銘。

釋行因

夢回芳草池塘靜  
思入清江霽月明  
萬丈寒磨斗氣一  
散吟徹恐山精

張無垢讀書臺

許相卿

古臺全草沒  
閉戶半雲扃  
往哲猶生氣  
狂夫欲乞靈  
蝸書陰薜碧  
烏破晚烟青  
高節存遺傳  
閑來讀舊銘

怪石

董將

茲山翠成堆  
峭骨乃如許  
化工妙融結  
石罅走青乳  
昔年女媧氏  
煉此不及補  
岩至於今  
丈室枕其股  
我來乎摩娑  
松陰日亭午  
初疑道士羊  
亦類將軍虎  
坐久飢腸鳴  
試作先生煮

靈泉

陳逸

邑之東六十里山曰菩提水曰靈泉廟佛其止曰真如予以職  
事出郊嘗往焉山多喬木修竹前寺如菽後寺如衛泉在寺亭  
飲之與吾家庶子泉頗相伯仲山之浮屠曰昔有道士搵夜與  
鬼神講佛書一日井涸神告之曰當有泉發于山俄實于寺前  
之西故謂之靈泉此邑地半海鹵而有茲泉惜乎陸羽張又新  
輩未嘗一顧不列于茶經水品地僻跡遠且不多名研鼎之間  
有若士之有道而不自表暴者庶子泉在二浙之衝拚槩之行  
不遠萬里好事者謂茶得泉如人得仙丹精神頓異故自御府  
至于鄙人勝之不可一日無此安知靈泉亦能點化甌中之廣

寒也今泉雖有灵名而煮海之民常以為滯當其雨潦浸淫蝸  
蟠游焉可為歎息雖然物之窮通固自有數造物者每乘除而  
机括之豈特斯泉未遭也哉

錢山高十二丈周半里多松竹倉廩山雀

錢山水仙花

顧辰

燕罷瑤池曙色涼凌波仙子試新妝金盤露集珠襦重玉珮風  
生翠帶長萬里弱流通闌苑一簾疎雨隔瀟湘歲寒林下花時  
節只許孤梅壓衆芳

白鶴山在錢山南二里高十二丈周二里

管山在白鶴山西不一里高四丈

妙果山尖聳綿延高二十丈周七里

龍尾山即妙果山尾相傳劉誠意鑿斷夫誠意未嘗輕用民力當在湯信公巡海皆石骨雖斷秀鍾冠蓋土人乞灵不淺

龍尾山隱者歌

胡奎

龍尾之小青蛇蟠何年躍出東南天夸娥不能為之負祖龍不能為之鞭雷公雷母相後先珠光璧采生重淵中有幽人顏色好自采青芝拾瑤艸大丹鍊就金芙蓉世人得之如得寶我乍來閑一訪君清晝柴扉對白雲欲覓仙踪不知處薜蘿涼月秋紛紛我無隋侯珠何以報區：明當南還大庾嶺青鳥來時須

寄書

夾山在袁花東四里高三十五丈界海鹽夾金粟金牛間于本  
邑長一里半

金牛山縣東七十里高三百丈周十九里深宵洞回山則金牛  
洞與邃宗建炎初居民多避胡于此燭之不可極後人游之有  
蛇怪遂絕太平寰宇記昔吳楚間有金牛自昆陵奔此已而沒  
之因名陸廣徵吳地記陸華兄弟逐金牛處穴山被壑魯應龍  
閒牕括異志昔有金牛糞金村民臯伯通隨之入牛山穴鑿山  
而入山顏兄弟皆死其說不一山麓有烏龍大王廟福濟廟萬  
曆己未七月許稚則先生治園得古磚唐戚氏沈夫人墓志銘  
簡朴可百字夫人下邳郡人父潤長女子六人春秋七十有六



大中五年卒大中六年葬于鹽官縣靈泉鄉里號金牛去袁花  
市南三里之原

鳳凰山在金牛山西二里高三十二丈周五里兩翥軒舉有翔  
舞之勢

崧山在金牛山東二里高三丈周三里

望夫山在崧山東一里即廟山麓高七十五丈周四里巔有石  
盤、側立石常棠漱水志昔日海商失期不返其妻登盤望夫  
泣墮化而為石因名山形聳拔立烽堠其上

望夫石

胡奎

小頭日、望市歸江水悠、信息稀若使一年能一見便逆天

上作支機

山頭日、望即來山下長江萬里開  
即去不如朝有信朝、暮  
暮兩番回

雲作衣裳日作梳化為白石望征夫  
石頭有轉心無轉不省即  
歸得見無

廟山高九十七丈周九里有寧祐廟祀臯蘇二將軍

青陽山縣東南六十五里高十九丈周三里

黃灣山在青陽西一里高九十丈周九里舊名盈山立寨

石棋山高四十五丈周四里岩阻岑蔚

瓣山高五丈周半里

石墩山縣東南五十里高十丈周二里海上要地立巡檢司土  
城周四十丈營舍俱備舊戍百人今止巡卒五人虛而不守

董穀

山石稜層聚作墩海上險要此為門公然巨寇成巢穴安用將  
軍壩上屯

小尖山在石墩東一里高五十五丈周十里

黃陀山高一大周一里

橫山在黃陀南一里高六十五丈周八里

尖山高百丈周十里岸律崛起亞于金牛南臨海其山出雲必  
雨諺云尖山戴帽和光初平霧伯鄭鴻遠以舟師道經海上覆

舟鳥

譚家山縣東南七十里高二十丈周三里五代譚峭煉藥得道  
處所著化書傳

烏龍山在譚山北二里高六十丈周二里壁立昂起若翔若翔  
唐天寶五載置烏山戍宋時廢有烏龍井深七尺廣四尺清泓  
可溉田百畝宋元禳旱輒應相傳臯蕪二將軍捕黃巢時黑馬  
跪地得泉也

胡隆成

烏龍井中黑雲起電掣雷轟走神鬼烏龍捲濤天上來却向人  
間作風雨大風吹海：水渾大雨洗出珊瑚根湏臾雲收星月

即黃河直接瑤天門

赤土嶺縣東六十里長一里舊稱赤土嘉靖丙辰文學董啟坎  
得古磚宗張無垢先生赤兎荒洞銘也聞吳錢塘侯全琮受村  
之後隱居赤兎洞岩北麓南巔為書院洞口為肅兎亭隴頭為  
寶文塔日夕躬耕楚稼以育赤兎十餘隨娛自潔遇人勿為禮  
人以禮加則大咲曰是何罔我也人競怪之止何四方學士咸  
集人益異焉觀者接踵忽且飄然舍其屋塔亭院引兎而去追  
者如雲而馭弗可返矣洞迹用泯俛惟先唐李氏昆季倡明白  
鹿日有穀予慕侯風不遠數百里而來志將莫之而會莫之逢  
也唏吁長歎銘曰不貴異物惟彼異彥龜龍麟鳳氣數罔愆

感物而動哲人用權嗟子曠世闢地灵泉四顧荒落一日長烟  
訪蹟攷老侯免登仙兵鋒尸及巢窟洞天胡然天也予彼後先  
與物俱化予志則然有形弗踐無像逢玄微心于石侯啟明賢  
荆浦張九成識 遺 按吳志赤烏九年全琮拜右大司馬左軍師  
十二年卒子懌嗣陳壽曰全琮有當世之才貴重于時然不檢  
子獲訛毀名事見信史而故老訛傳如松高者流橫浦先生又  
不深攷遺誤舊志特為証之則赤免嶺或侯圃畜處耳乘雲御  
風非其事也

贛山縣東北六十里高五丈周二里上有潭澄湛如鑑云錢王  
磨劍池

審山高三十五丈周七里宋臨海南陽二郡太守沈景墓此因  
訛審食其有秦王磨劍石磨劍池豈南巡時耶葛仙翁丹井碩  
况讀書臺靈龜池其嶺知標塔春日游人如蟻山產浮石金雀  
花蕊黃北河中出沈步貝瓊曰北齊海鹽令周顥至此謂其林  
境清洒亞于鐘山之北云北亞山

顧况讀書臺

胡奎

朝登紫薇寺日出林扉開尋僧訪古迹始見讀書臺歲月不復  
攷古人安在哉空餘丹井石窠冥生蒼苔

紫薇山高三十丈周三里宋圖經云紫薇舍人劉禹錫作刺史  
行縣至是山故名嘉靖歸志歸之白樂天夫劉白止論幸邀其

寵灵而不得片咏犹覿面失之也紫薇與審山東西相望市河貫其中故名硤石山有紫薇洞深丈餘廣四丈馬自然燒井處山前惠力寺進為廣福寺其巔五顯灵祠、石刻紫薇山宋右班殿直監漱浦鎮稅蕪烟火樊世卿書又丹井在小麓紫薇泉宋淳熙十年建亭其上邑令鍾必萬題曰漱玉元至正間廢近亭而不額

頽况書臺

紫薇之峰林壑幽頽况臺前曾一游千年古寺白雲外一个長松丹井頭僧借翻經涼月夜童來掃葉夕陽秋明朝別後登臨處惟有書教雜澗流



鑿石誅茆四十年稜層空插出諸天更逢地勢驚游客不負身  
披懷袖田別郡坐着雲散後平湖不獸鳥飛前還知老令忘歸  
否為惜難移近縣廛

富臨邑令

施德操

何處登臨眼最明雪峰佳處一川平潮隨海月生時上峰在雲  
天靜處橫幢蓋神扶喬木影風雷井閉古泉散靈蹤鑿石翻惆  
悵何日名山報道成

題硤石佳勝圖

胡奎

昔有紫薇郎登眺東西山持節去不返名留天地間我嘗覽陳

迹行尋顧况宅峨：讀書臺蒼烟鎖荆棘仙翁著稚川丹井尚  
依然井畔長松樹不聞啼杜鵑鷄鳴海波赤東望扶桑日六寺發  
鯨音長林起蕭瑟俱胝天竺來一唱洞庭間鑿厓闕灵迹老石  
封莓苔回看山下路迢然起黃霧懂：往來人日中自旁午閑  
西供奉孫兩峰青到門微風生綺席明月落清尊乘閑來訪我  
中流浮一舸手持三尺菴恍如山中坐

高 啟

硤石頗奇怪長河出連山絕壁兩岸開行舟過其間高處誰解  
登陰藤氣難援旁垂兩痕古仰露天光慳不知真宰意隨地設  
險銀一夫據蜀閣二世憑秦關賴此非要區爭奪得少閒徘徊

停望久日暮飛雲還

登紫微山

孫子良

老病龍鍾強出遊杖藜扶過虎溪頭  
乘閒直上紫微閣借宿還  
登丹井樓方外故人何寂寞  
世間甲子肯淹留  
高歌一曲下山  
去回首碧雲天際流

五祠古檜

胡奎

靈祠雙檜鬱蔥蔥  
秀色渾如在魯東  
笏籟半空來鳳吹  
波濤中  
直撼鮫宮碧雲圍  
蓋天門近翠霧當  
窻日觀通  
會有神明扶正  
直奇材直與棟梁同

紫微秋雲

兩峽亭：拱翠微白雲漢：淡秋暉飛騰碧落遊龍去點綴青  
松待鶴歸直度鍾聲來梵閣朝浮嵐氣濕僧衣會須化作商家  
雨可是無心出岫飛

登審山

張景鄭啓

東山此度携藜過霜落天高秋氣清風度曙鍾諸刹近雲開旭  
日兩峯晴葛翁井上烟霞古碩况臺前草樹平登眺不須傷往  
事故鄉回首獨含情

蘓平

冠蓋相逢總俊髦登臨此日興偏豪青山有約憐同社黃菊多  
情咲二毛萬里碧天連海迴兩峯秋色依雲高誰知碩况臺前

月還為詩人照錦袍

登紫薇山

朱 裡

醉携佳客叩禪關  
舟泊南湖第一灣  
一抹寒烟橫野戍  
幾家茅屋背青山  
空林秋老花猶在  
古渡僧歸鳥共還  
重過題詩舊游處  
碧紗籠寺雨痕斑

閏九日登審山

李 蕃 桐 卿

兩度重陽日西風又一過  
青山秋色老紅樹夕陽多  
醉客同雲臥歸樵  
隔嶺歌坐來清興遠  
我意在煙蘿

登硤石山

王 守 仁

朝登硤石巔  
霽色浮高宇  
長崗抱迴龍  
怪石駭奔虜  
古剎凌

曾雲中天立，鰲柱萬室湧。魚鱗晴光動，江澗曲徑入藤蘿。行、  
見危堵寺僧，聞客來袈裟。候庭廡登堂，識遺像畫，繪衣冠古。乃  
知顧况宅，今為梵王土。書臺空有名，湮理化烟莽。莒井雖依然，  
日暮飲牛疑長松。非舊枝，三規啼正苦。古人豈不立身後，香雉覩  
悲風，振林薄。落木驚秋雨，人生一無成，寂寞如何許。

孫 璽

短棹東風下，石灣孤蓬歷。指前山雨添，海嶠沙村晚。潮落春  
江野，釣閒千仞浮屠臨。葦塹群飛宿鳥帶霞還，霽天空濶星河  
耿。倚听 水月間

九日同陳勾溪登紫微山

沈 祐

九日開尊硤上山危崖高澄漫濟攀客依紅樹停藜杖僧傍白  
雲開竹闌天入長江流不盡老期衰髮者成斑黃花寂寞同真  
意莫使良時酒社閒

登硤石山

陳鑑海鹽

天斧何年劈兩峯半空金翠出芙蓉一溪中斷斜陽艸六寺深  
藏細雨松青壁偶隨佳客去白雲閒與老僧逢只疑誤入華陽  
洞長嘯清風落短筇

九日同項少嶽登審山

徐禾

千村雲物護澄江萬木扶疎隱法幢菊蕊未舒籬下色萸香堪  
把石邊窻時將勝地重為九山與高人并作雙丹井泉分頻試

若還令消渴病魔降

登紫薇山

徐元春  
嘉興

兩峯晴翠晚霞明  
蒼靄微茫入望生  
山色遙連秦駐嶺  
江流不斷越王城  
滿林落日啼玄豹  
幾樹新聲變早鶯  
形勝空餘真隱地  
自慚猶未解遊名

宿硤石山

項元洪

曩、山樹樓控絕巔  
飛窻高檻拂雲烟  
空浮已散人間世  
寂靜聊依色界天  
梅共兩花時不斷  
月同輪鏡夜長圓  
此中政是安眠地  
莫遣晨鍾到枕邊

九日紫薇山

栢 斷



九日南州風氣煥  
早霜猶未著  
霜林楚天雲  
雨空朝莫吳會江  
山自古今濁酒多情人  
盡醉重陽不偶菊  
何心疎砧野笛清愁  
裡信有牛山泪滿襟

曉發硤石

李應徵

昨夜宿長水  
今朝踰硤石  
明星高欲墮  
晨光正東白  
俄者曉日  
暎漫見朝霞赤  
驚風拂蘭渚  
崇雲駭荷澤  
肆目渺林際  
泝流壺  
川脉時序感  
茲今浮名愧  
前昔空負邦人音  
後懷趙氏壁  
憂思  
欲何為鬱鬱  
傷心魄  
羨彼凌風蟬  
高栖安所迫

題紅梅為紫薇山人作

胡奎

玉顏老去怕風沙  
學得仙人服片霞  
丹井西頭曾一見  
縞衣

都染葛洪砂

寄硤山人

碣石岩前有隱君，  
州堂分得半間雲。  
兩湖月色當窻見，  
萬壑秋聲隔樹聞。  
墨沼寒通丹井水，  
銀床暗護紫苔紋。  
此身迥出烟霞表，  
長倚青霄看鶴歸。

寄硤川楊司征

我愛閩西好孫子，  
紫薇山水足遨遊。  
千家樹色双峯曉，  
萬壑鐘聲六寺秋。  
渙唱樵歌通樵李，  
龍光劍氣屬揚州。  
老夫儘有登臨興，  
載酒能來倚暮樓。

硤石送萬和甫還江西

李應徵

把手西風淚不乾，青山瘁歷對愁看。  
今朝此地悲歌別，明日它鄉行路難。  
霜落烏啼浙江樹，月明潮上子陵灘。  
豐城歸去雙龍氣，夜、遙瞻北斗寒。

登硤石

談于庭

滿目烟雲色漸開，杖藜先自惜蒼苔。  
冷風列子稱長馭，走石秦皇果異才。  
瑤島輕雲橫社燕，石泉新火試宮槐。  
蒼茫燕翠諸天外，布襪芒屨任往來。

九日登西山

周璉

楚天梵宇壯豪游，挾瑟湖光入檻流。  
坐處笙竽飛竹雨，望中樓閣點沙鷗。  
白雲秋草原無主，綠酒新詩祇自由。  
天地不禁狂客

興肯輸陶孟佔前籌

秋日過審山

田徹

短履高登石徑斜，秋風欲老刺桐花。  
兩峯相照當明月，一水中分帶落霞。  
古寺深開黃葉裡，疎鐘遙度碧天涯。  
蒼茫別處是人間，意烟市橋連數百家。

茗山縣西北三十八里，高八丈，周二里多，茂林喬松，山雞雉雉。

沈繼元

九曲溪南訪茗山，茗山高臥水雲間。  
雲騰太古鴻濛氣，水抱滄浪鴨綠灣。  
洞口雨腥龍墊去，樹頭烟暝鶴飛還。  
紅塵滾滾成何事，偷得浮生半日閑。

登審小塔

王 榘 嘉興

桀監山椒出遙遙崩劣行空階扶鳥翼高隙聚風散游氣通無  
象浮光倒若晴白雲終不去獨以待吹笙

海 唐書鹽官縣有海隄長二百四里開元三年重築宋因經  
海在縣東南十里屢為患方勺泊宅編政和壬寅歲鹽官縣南  
至海四十里而水之所噬去邑聚才數里邑人甚恐十一月朝  
廷降鉄符十道每一符重百斤正面鑄神符及御書呪貯以青  
木匣遣曹官同都道正送縣設醮投之海中宣和癸卯鹽官  
縣蜀山雷小沙漲初鹽官自投符後稍沙漲前此經制司差  
武經郎路升措置水利欲作長隄以捍潮其論尤誕杭帥翁彥

國咲曰平生且不見人修海又程秘洺水集有鹽官禱海父曰  
天相民居莫于下土海鎮神塲長於百神凡有阡危敢忘哀籲  
伏念鹽官之境忽羅潮汐之灾圍縣千庠惴為魚之惧良疇  
萬頃駸淹洳之虞臣食息薰心匍匐請命仰神龍之有位暨  
水府之群司鑒此微衷降之大惠風濤受令宥無衝噬之憂  
浦淑還沙水賴隄防之固嗣新祠宇祇答灵休按秘非專土或  
南宋後患海遺祭耶宋史嘉定十一年十二月甲子臣僚言鹽  
官去海三十餘里舊無海患縣以鹽灶頗感課利易登去歲海  
水衝沙岍每一潰裂嘗數十丈日復一日浸入洳地今聞潮勢  
深入逼近居民萬一怒濤奔湧海風佐之則呼吸漂蕩百里

之民寧不俱奠奠腹乎况京畿赤縣密迩都城內有二十五里塘直通長安輝上徹臨平下接崇德漕運往來客船絡繹兩岸田畝無非決壞若海水徑入于塘不惟民田有鹹水滄沒之患而裡河隄岸亦將有潰裂之憂乞下浙西諸司條具築捍之策務使隄堅土實不為怒潮所衝逆之十五年都省言鹽官縣海塘衝決命浙西提舉劉垕專任其事既而垕言縣東接海鹽西距仁和北抵崇德南瀕大海元與縣治相去四十餘里數年以來水失故道早晚兩潮奔衝而北遂致縣南四十餘里盡淪為海近縣之南有捍海古塘亘二十里今東西並已淪沒浸入縣兩旁又各三四里止存中間古塘十餘里萬一水勢衝擊不已

不惟鹽官縣不可淤存而向北地勢卑下所慮鹹流入秀湖則田畝不可種植大為利害詳今日之害大概有二一曰陸地淪毀二曰鹹潮泛溢陸地淪毀者固兵力可施鹹潮泛溢者乃因捍海古塘衝損過大潮必盤越流注北向宜築土塘以捍鹹潮所築塘基址南北各有兩處在縣東近南則為六十里鹹塘近北則為袁花塘在縣西近南亦曰鹹塘近北則為淡塘亦宜驗兩處土色虛實則袁花塘淡塘差勝鹹塘且各近裡未至與海潮為敵勢當東就袁花塘西就淡塘修築則可以禦縣東鹹潮盤溢之患其縣西一帶淡塘連縣治左右共五十餘里合先修築兼縣南近海一里餘幸而古塘尚存縣治民居盡在其中未



可棄之度外今就見管椿石就古塘稍加工築壘一里許為防護縣治之計萬一又為海潮衝損當計用椿木修葺花塘以捍之上以為然

元史成宗大德三年塘岸崩都省委禮部郎中游中順洎本省

官相視虛沙復漲難于施力

昔鹽官州去海岸三十里

至仁宗延祐己未庚

申間海汛失度累壞民居陷地三十餘里其時省憲官共議宜於州後北門添築土塘然後築石塘東西長四十三里後以沙漲而止

泰定元年十二月海水大溢屢捍禦庶天其相之壞隄塹侵城郭遣使祀海神仍命有司視形勝所便還請疊石為塘詔曰築

塘是重勞吾民也其增石圍有司以石圍木樞捍之不止二年  
八月大風海溢捍海隄崩廣三十餘里袤二十里徙居民千二  
百五十家以避之四年正月戊午海水溢壞捍塘隄二千餘步  
杭州路言與都水庸田司議欲于北地築塘四十餘里而工費  
浩大莫若先修陂塘增其高濶填塞溝港且濬深近北備塘濠  
塹用椿密釘庶可護禦江浙省淮下奉路修治都水庸田司又  
言宜速差丁夫當水堵閉其敷工役于仁和錢塘及嘉興附近  
州縣諸色人戶內斟酌差倩即日淪沒不已旦夕誠為可虞工  
部議海岸崩摧重事也宜行文江浙行省督催庸田使司塩運  
司及有司發丁夫修治毋致侵犯城郭貽害居民四月癸未復

崩十九里俞都水少監張仲仁及行省官發工匠二萬餘人以竹落木柵寔石塞之不止五月癸卯俞天師張嗣修醮禳之從平章禿滿迭兒茶乃之請既而杭州踞又言八月以來秋湧洶湧水勢愈大見築沙地塘八十餘步造木櫃石圍以塞其要處本省左丞相脫歡議安置石圍四千九百六十抵禦撲噬以救其急擬比浙江立石塘可為久遠計工物用鈔七十九萬四千餘家定糧四萬六千三百餘石接續興修致和元年三月海陸崩遣使禱祠造浮屠二百十六用西僧法整之四月海溢並發軍民塞之置石圍二十九里省臣奏江浙省并康回司官修築海塘作竹蘆條內寔以石鱗次壘疊以禦潮勢今又淪陷入海

見因修治倘得堅久之策移文具報臣等集議此重事也旦夕  
駕幸上都分官扈從不得圍議令老戶部尚書李家奴工部尚  
書李嘉賓樞密陀屬樹指揮青山副使洪灝宣政南院南哥班  
與行省左丞相脫歡及行臺行宣政院庸田司諸臣會議修治  
之方合用軍夫除戍守州縣閑津外酌量差撥從便添支口糧  
合用丁力附近有田之民及僧道也里可過答失重等戶內點  
倩凡工役之時諸人毋或沮壞違者罪之合行事務提調官移  
文稟奏施行從之四月二十八日海鹽朝廷所委官泊行省臺  
院庸田司官議大德延祐欲建石塘未就泰定四年春潮水異  
常增築築土塘不能抵禦議置板塘以水湧難施工遂作蘆條

木樞間有漂沉欲踵前議疊石塘以圖久遠為地脉虛浮比定  
海浙江海鹽地形水勢不同由是造石囤于其壞者屢疊之以  
救目前之急已置石囤二十九里餘不曾崩陷略見成效庸田  
司與各踞官同議東西接壘石囤十里其六十里塘下舊河就  
取土築塘鑿東山之石以脩崩損時戶部尚書李家奴奉命祀  
海神文曰兩儀判位幽明有秩各執厥司以効天職潮失故道  
逼于鹽官有司捍防民力既殫神職或缺孽邪為害浙郡多下  
恐為淪敗民寔何辜不德在予相臣來言交修用孚乃勅中外  
悉智展力相爾有神聿抵寧一我土既同民生莫安六府修治  
報祀萬年文宗天曆元年大水沒田都水庸田司言八月初旬

當大汛潮勢不高風平水穩十四日祈請天妃廟自本州岳廟  
東海北護所鱗相接十五日至十九日海岸沙漲東西長七里  
南北廣或三十步或百步西至五都修築捍海塘直抵岩門障  
禦石圍東至大尖海口二十日復巡視自東至西漲沙漸增高  
潤二十七日至九月四日大汛本州岳廟東西水勢俱淺漲沙  
東過錢家橋元下石圍木植並無頽圮水息民安于是改塩官

州曰海寧縣

明永樂三年大霖雨海溢六年海決赭山巡司陷沒九年復決  
流六千七百餘戶淪田幾二千頃發軍民修築捍海塘仍命戶  
部遣官巡被災之家十一月塘成萬有一千一百八十五丈許

六年戊戌十一月朔甲子遣保定侯孟瑛禮部侍郎易英致祭  
海神曰朕膺天命主宰萬方一民不得其所寔切朕懷茲浙江  
屢奏潮水弥漫衝突隄岸決裂田土蕩毀廬舍俾民父母妻子  
皇：無棲抑且築隄辛勤勞瘁不獲休息朕尤悼念夙在靡寧  
惟神受上帝命職司南海浙之民皆上帝所有上帝好生而惡  
死福善而禍淫神帝休上帝意凡水旱疾疫之為民害者皆宜  
捍禦之今浙之民遭荼毒而神固知憐惜豈上帝之命乎抑神  
受上帝命而不敢違乎如果上帝有命神不敢違朕請命上帝  
以甦民瘼俾免墊溺之患以遂夫生養之願斯朕不負上帝所  
託而可止愧父母斯民之責如非上帝所命神宜休上帝好生

之心陰業休庇俾水患消民得以安居樂業歲獲豐稔永享大年之福則其民受上帝之惠永久無窮而神亦不負所托矣維神其鑒之十八年四月通政司左通政岳福奏修人和海寧塘岍時風潮陷田千五百餘丈正統十二年八月海水溢成化十三年二月海決八月海塘成壬辰七月復決溺人畜亡筭杭州守陳謙議去城里許開丈河築內隄延袤十里水殺及于隄而止又崇德丞沈謙築法樑木繫石隄遂成民並祠陳沈為嘉靖戊子沙潰垂二載自塞萬曆乙亥五月晦潮溢壞塘三千餘丈溺百餘人傷稼八萬餘畝五年九月海塘成築石塘七百五十丈修千七百九十二丈計費十萬金甲午沙潰及于隄竿測之



未竟邑人大恐知縣王嘉賓檄民戶修築得安天啟甲子浚溝  
漸潰知縣乾觀光議修築止寔績崇禎元年九月大風潮決入  
內地十餘里溺人畜止笑事聞下有司修築戊寅六月辛亥大  
風潮西鄉溺千餘人其後塘成雖上下蒙安視舊隄弥不及矣  
舊隄木櫃籠石厚積二三丈知縣謝紹芳始議築浮砌表而不  
內及見舊隄潰出嘆古法堅久勉效之終不如前

談遷曰陳方伯善言縣治南即海：之上即塘距城百步而近  
東抵海鹽西抵浙江延袤百里塘西南數十里有楮小與龕小  
相對峙為海門潮水所逆始猶廣衍繼入隘口橫流至此東不  
得肆輒怒而東迤東五十里又有石墩小與楮小相望若兩拳

然潮迅為此山所障仍鼓怒而西東西盪擊數十里間狂瀾駕  
風若萬馬馳驟銀山雪屋排空而下此枚乘七發之喻所為作  
也噫邑雖據海上其利害關于全吳堅則晉安瑕則晉溺規宋  
元之已事淪陷殆百餘里非東南重事耶海若善怒大役難舉  
以事歲給塘夫三百金時一葺治竟為其文入長吏之橐邀  
人之幸枕席吏民日者王令之役父老子弟頗有鴻隙之謀政  
節人可與樂成也近川原獸人之內褰裳而趨猶曰無及甫脫  
難不我之力惟增賦募役耽有攫金之色木石問吏畚鍤  
回民天亦悔禍之延旦夕紆禍今所修築視古人何如也予先  
一家東林元季走城南叅亭橋滄桑屢變海之為患甚矣追思

先世至今使人心悸何父老子弟相視于危幕之上也

潮汐 吳亨壽曰坎本月之体月本水之精月與水一而已在

天為月在地為水天有陰陽太少而月為太陰地有剛柔太少而水為太柔古人以方取諸水于月其氣類固相感也而况子午之位乃陰陽之始于其所始而月加焉則陰與陽感而陰以升陰與陽遇而水以盛水陰類也當其所加之時涌而遂上泛其類也月一晝夜凡一加午故潮一日再生月一日退天十三度十九分度之七故潮日遲一日所以初三之潮晝遲而入十八之潮十八之潮夜進而入初三之晝也一月之間生明生魄潮亦再盛焉生明之潮則自前月二十六長水謂之延信歷

晦朔至月初三日謂之大信初四潮勢漸殺謂之落信歷上弦  
至初十日謂之小信生魄之潮則自十一始長歷望至十八而  
盛自十九始殺歷下弦二十五而棄其起落大小之信如之天  
下之至信者莫如潮生落盛棄各有時刻故潮得以信言也月  
于一日之間漸遲而縮一日潮于兩信之內漸遲而縮兩潮秋  
月最明秋潮最盛亦其理然也

海上夜忽有火如燈可百十望者異之鯨魚將子出游故裴氏  
記鯨魚目即明珠故其光如此今人家海鱗遺地恆星、作  
白光可推也

海色晝如空夜如合春如進冬如歸夏秋如驕日海平雪海深

兩海悲風海怒月海樂

觀海

楊載

海門東望浩漫、風颶無時繼惡湍黑霧漲天陰氣盛滄波漲  
月曉光寒豈無方士求靈藥亦有幽人把釣竿搖蕩星槎如可  
馭別離塵土亦何難

胡奎

元氣浩、混太虛天吳簸蕩撼坤輿千年木石勞精衛百谷波  
會尾閭月下明珠鮫女泪雲中飛觀羽人居秋風吹老珊瑚  
樹不見麻姑錦字書

九日望海觴咏

放曠麋鹿性逍遙林野娛良時遂傾蓋真賞侶聯裾高堂澄泰  
宇旭日即心舒亭：遠峰出靡：幽花敷凭高倚飛閣歸憇八  
方壺幸陪金闈彥獲與靜者俱何當凌八表飛鳥躡雙鳧

海門洪濤

一花初起白龍堆萬騎長驅石壁開碧海有小都是雪青天無  
雨只聞雷秋高鴻鵠排雲去夜靜蛟龍出穴來借問乘槎向何  
處五雲只足是蓬萊

步  
履

晨登江上臺海色揚潮時范：坤軸中天水何淋漓東踰扶桑  
國西接王母池朝宗此禹國百越來珍奇我：蓬萊山飛仙渺

難期我欲往，泛之蛟鼉浩紛披。寥々乘槎意，旦暮徒興思。  
天化不可測，崇卑分濁清。滄溟會東南，有泄亦有盈。周流始一  
氣，蕩々猗難名。秦嬴獨何愚，駕石希仙靈。豈不念茲水，而與天  
齊傾。彼哉精衛魄，何如白鷗盟。鯨波期弗沸，中國有皇明。

蘓平

滄洲烟景共徘徊，白鳥忘机去復來。蜃氣遙連沙島樹，潮聲時  
震海門雷。秦皇輦石空遺恨，徐福求仙竟不迴。落日蒼茫思無  
限，弱流東去者蓬萊。

祝淇

萬水日朝東，層波動遠空。氣澄天象落，棹撼地因雄。蓬島春霞

赤扶桑曙旭紅皇仁同覆載直與外方通

登鹽官望海

王庭

高層出千仞大海浮其東烟波自浩蕩日夕吹長風羈心豁登  
眺獨往罕所同長嘯發悲謠顧視無寰中一身若飛鷲萬里如  
鴻濛

月湖赭山西側周百八十丈深五尺今湖塞圜經縣西北二十  
五里建興湖長十里深五尺可勝百斛舟溉田二百頃吳建興  
中開故名縣東北十七里高湖長二十八里廣一里縣東北四  
十六里谷湖周四里深五尺縣東六十里竹浦湖周六里深五  
尺勝八十斛舟溉田百頃並廢



硤石湖縣東北六十里廣三十六丈

茶湖縣東北六十里周三里

彭墩湖縣東北七十里周三里

臨平湖縣西五十里自宋來分隸仁和

吳赤烏二年寶鼎見因稱鼎湖又得石函中小青石長四寸

廣二寸刻皇帝字改元天璽晉武帝咸寧中彗星字于大角

占者云臨平湖自漢至是當開長者相傳此湖開天下寧俄而晉平吳岸崩有石鼓無穀張華曰以蜀桐刻魚形叩之鳴也果穀闕數十里桓玄之難湖水色赤熒、如丹陳後主禎明元年草久塞忽然自開後主惡之即自賣于佛寺為奴以

猷之水經注湖水通浦陽江下注浙江名曰東江滄桑之  
變其然豈其然乎

臨平湖夜泛

權德輿

素彩皓通津孤舟入清曠已愛隔簾看還疑卷簾望隔簾卷簾  
當此時惆悵思君：不知

過臨平湖

張祐

三月平湖草欲齊綠楊分映入長隄田家起處烏猶吠酒客醒  
時謝約啼山檻正當蓮葉渚水勝新築稻秧畦人間漫說多岐  
路咫尺仙游路欲迷

蘇軾

餘杭門外葉飛秋尚憶居人挽去舟一別臨平山下踏五年雲  
夢澤南舟淒涼楚地緣何發解后秦淮為子苗寄謝西湖舊風  
月故應時許夢中游

釋道潛

風蒲獵獵：柔輕柔欲立蜻蜒不自由五月臨平山下踏藕花無  
數亂汀洲 藕子瞻書刻于石宗婦曹夫人善丹青作臨平藕  
花圖

張元弼

船過臨平欲住難藉花紅白水雲間只因一霎溟濛雨不得分  
明看好山

縣市湖嘉靖志宋元間縣東有賦亭驛舟楫往來元末移驛長  
安併作水驛自此湖漸湮塞且地脉閼之氣運猶人身之氣脉  
豈可一息之停昔舟楫往來商賈輳集舊志縣西南二百五十  
步置鹽官市以便貿易今舟楫不通市井蕭條為政者能于農  
隙浚復則不惟可通商賈亦可灌負郭田禾一舉而兩得矣

袁花塘河縣東五十里

新江塘河縣東北二十里

硤石鎮市河縣東北六十里

洛塘河縣東北三十里

淡塘河縣西北二百步宋嘉泰間海岸崩陷築隄障之自市西

至秧田廟可六七里而淺

二十五里塘河縣城北門達長安

郭店塘河縣北二里半深

白彈港縣東二十五里袁花塘河支流也

黃土港縣東三十三里淺

夾山港縣東六十里

吳姚塘港縣東六十五里

石棋港縣東七十里

秋門港縣東北五十二里

麻至港縣東北五十八里

天門港縣西二十八里

褚家瓏港縣西三十里

馬牧港縣西三十二里

渾水港縣西四十五里

赭山港縣西四十五里

東陳村港縣西北四十七里

長安堰唐時有三堰宋因之紹聖間纒沙羅木築之重立斗門

二後壞紹興八年轉運使吳 芾以石紹熙二年成下閘九

十餘步至中間又八十餘步至上閘：兵百二十人崇寧二

年勅開旁易民田濬兩澳上澳九十八步畝下澳百三十二

畝潞水旱則車注之開浚廢

因經元至正十年達魯化  
赤當住知州張光祖修復

熙

寧中時議廢北閔長安二埭上塘之渠以與下塘相通餘姚

主簿葛書舉行視議錢塘二埭其未久矣固執不可其事遂

寢江東兩浙轉運副使毛漸所部水溢賜緡錢二百萬賑之

漸言數州被害即捐二百萬倘仍歲如之將何以繼乃案錢

氏有國時故事起長安堰至鹽官徹清水浦入于海開無錫

蓮蓉湖武進廟堂港常熟疏注梅里入大江又開崑山七耳

苕涇下張緒浦東北道吳江開大盈顧匯柘湖下金山小官

浦以入海自是水不為害

泊宅編

長安鎮市次

元長

五序陵

淹徧衣衫猶未乾何如李白醉長安牡丹庭院溽新露燕子簾  
櫂過薄寒春晚絕無情可託日長惟有睡相干舊題猶在輕羅  
扇小字斜行不厭看

長安棋

謝 甫

海寧州西來往頻長安棋上最傷春東風桃李非無主歸燕樓  
臺不見人天末去帆隨望遠雨餘芳艸喚愁新故鄉門巷干戈  
庶越客相逢話是真

長安新堰舊義亭埭在義亭驛東堰早上下船商民苦滯元至  
正七年流民韓日升李尅捐貲市地置堰于舊堰西為壩車  
船判官呂忽都塔兒董役又周某以田三畝拓堰旁乞今使



之

莊婆堰縣西北三十里元至太閭蔣氏募建石橋四十石開而  
不閉

李六堰縣東五里

黃家堰縣西五十里

瓦石堰縣東北一里有奇至元四年知州李愨重設車注之具

今廢

通浦堰縣西北五里

次家堰縣西北四十五里

吳家堰縣西北四十七里

淡塘縣西北至杭城九十里

袁花塘

運塘

南塘縣東門至黃灣六十里

海塘縣南三里廣二丈高一丈東連海鹽西接人和延袤百三

十里

鹹塘廢

二十五里塘縣北門至長安鎮紹熙初令陳恕築以石廣三丈

民利之號甘棠隄

甘棠隄

蘇平

甘棠隄上水平溪野人樵河新築隄春風杏花三十里長安道  
邊聞馬嘶使君政績朝天去沙隄惟見棠梨樹兒童騎竹待公  
還父老攀轅願公住公到今京甸久由聽馬重來隄上頭鹽官  
入口三十萬寒則思永飢則飯我今試作甘棠飲父兮母兮可  
奈何

范縣西三十里進西施取道廢今陷入海

百尺浦縣西四十里輿地志越王起百尺樓望海因名今陷入

海

黃灣浦縣東六十里因經有黃灣湖廢

王家開石家規開姚沈規開寺注規開萬家開洪範開石家開

弘治間水利僉事伍 見規筒壅塞自北門外至臨平設石閘  
七蓄上河之水民甚利之今廢不復修

高家規尹家規王家規並在一都

戈家規向家規石家規並在一都

丁沈規周徐規蔡家規萬沈規梁廣規方姚規姚沈規並在一都

父老相傳昔有戚夫人見河南下田苦水令以木筒透運河  
下塘溝則泄旱則閉其名曰窺大為民便有司設窺戶常按

視修治一作規天順間杭州守胡濬嘗治堰規為永利嘉靖

志又有鄭家規郭馬規馮馬規萬家規王仲仁規君尹十二

規周家規規沈家規何八三規朱八三規尹十六規朱注

規苗郭一規德洋注規寺注規趙玘堤陸家規吳注規蔡沈  
規因庄規郭港規共二十一規較舊志詳矣

永樂二年通政使趙居辰行視水利凡東西鄉下田修築古圩  
岬以備旱澇側植桑柳固之

十二都帽字等圩 縣西北四十五里 各圩岬三萬三二三百

六十五丈四尺徑一萬六千二百五十三丈桑五萬八千五

百十九株柳九萬九千百十二株

十三都臣字等圩 縣西三十五里 各圩岬二萬六千七百六

十三丈徑四千八百丈桑萬一千二百二株柳一萬三千四

百七十六株

十四都周家村等圩 縣西北三十里 各圩岸一萬七千三百七十一丈徑一萬二千四百三十丈桑一萬七千六百九十四株柳四萬七千九百七十三株

三十二等 都李家等圩 縣東六十五里 各圩岸七千二百五十一丈徑二萬百七十五丈五尺桑一萬六百八十四株柳二萬三百四十九株

都郵

坊 字民坊 縣前臨平志宣化坊

亞魁坊 縣東百二十步 宋尚書凌景夏寓

崇儒坊 縣東南

節義坊 縣西八十七步 梁廟

忠義坊 縣西百五十七步 宋侍郎楊由義寓

成福坊 縣西二百步

仁賢坊 縣西南七十五步 宋狀元本待問寓

崇福坊 縣西北二百五十步

仁智坊 縣西北二百五十步

狀元坊 縣西南二百六十步 宋張九成故居  
田名信義

亨會坊 縣北二百二十步

安化坊 縣北三百七十步 宗安化郡王：稟之孫沆故居

固始有信義坊宣化坊善化坊墨鄉坊俱令魏伯恂立邑人

張少良書額

鄉鎮 太平寰宇記蓋官縣一百三十里舊二十二鄉今九鄉

時安志六鄉元吉西鄉時和鄉昌亭鄉元吉東鄉長平鄉靈

泉鄉

元初增四鄉蘇臨天長安化移民分里四十五各有名後去

四鄉及里名分為都我

明因之在城隅四鄉六鎮二都三十二計五百四十八里屢

陷入海今存三百五十六里

城東南隅一里東北隅三里

西南隅三里

西北隅

田三里今折存二里共十三坊



九西鄉 一都二都三都四都五都六都七都

原東鄉 十八都十九都二十都二十一都二十二都二十三都

長平鄉 二十四都二十五都二十六都二十七都硤石鎮二十六都

靈泉鄉 二十八都二十九都三十都三十一都三十二都

時和鄉 五都六都七都八都九都十都

昌亭鄉 十一都十二都十三都十四都十五都

縣市唐貞觀四年立縣西北開元十一年今踏宣遠徙于縣

西南今十一里

長安鎮縣西北二十五里額二里

硤石鎮縣東北六十里額四里

轉塘市縣東十二里

黃窪市縣東五十里

袁花市縣東六十里

郭店市縣北十二里

硤石最饒袁花次之長安又次之郭店為下轉塘黃窪特  
村墟數廛也

### 風俗

廣谷大川異制民生其間異俗風俗之代變也自古然矣禹入  
裸國泰伯遷荆蠻因其俗也吳之先斷髮文身安知吾寧不斷  
髮文身耶周漢邈矣無可徵信隋書益官縣土澤沃行商賈並

秦貨人~~子~~尚禮庸庶淳龐風俗澄清教道隆洽彼一時也不  
熙豫之盛際哉近且鮮衣怒馬鑄錢作奸盜珥華頰悖刺認  
出宿昔載聞之外若夫矜能喜殖兢于本計耕織交勸猶未為  
失也

冠禮廢不講婚喪在禮俗之間論財娛屍例所不免歲時元  
旦各拜賀或金鼓爆燎望夕為燈節城市尚之邑善製橘花  
燈貴其圓轉舊傳雙廟所葺第一今不存農家火炬照田卜  
紫姑寒食問士女啗青佞佛相踵清明祭塚蚕月親故絕跡  
有司停徵午日懸長佺縷佩艾符灸石首魚所少競渡九日  
登高亦偶為之孟冬朔仍祭塚冬至日民間不行拜賀臘月

祀灶治葬以為常除夕團飲守歲公私之事俱畢衣冠從時  
 飲燕從俗大都天啟以後視萬曆初懸甚上論其前也萬曆  
 初物力豐盛俗尚儉朴布袍為安二簋可享見羅綺遇水陸  
 人：駭之今直固然也殫力營貸所不避焉往時令丞牛馬  
 走以事至民舍徒步能一餐略犒之而去今無役不舟無遣  
 不費若重客然故徭訟多至破產又荐紳異日能自重不至  
 武斷迹者怙勢漁奪銖兩之事借端恫喝文致深中千金之  
 家不待望長吏之屏立洗其索矣一時畏荐紳甚于苛政酷  
 吏也崇禎末忿民相挺而起釀大變闖人林令塗知其弊  
 潔清自持凡荐紳蒼頭盛服闌入邑門痛撻之始稍斂戢則

禁暴止虐良有司當任其責也向者汙令溺荐紳之諂說各  
便其私貽禍小民供荐紳之魚肉嗚呼難言矣

男女服飾大抵十年小變聞先祖婚時製布靴紬褶衣今絕  
無矣前人以擗蒲為恥間蹈之輒自諱今轉相招也予舞象  
時補諸生嚴視令多毋敢布幣迺來士子爭迎謁干請群然  
趨之臺獎生辰趾錯于門試事竿牘盈案又人、刻制義以  
相高亦士習之大異者然各因其地西鄉人尚氣而畜多漢  
藍織販東鄉人趨勢而靡多業儒習尚稍有不同

邑中五月歲有闕將軍會粧飾綺麗士女駢闐韶童倩女孩  
服冶容恬不為恥前硤石嘗有土地會袁花有觀音會亦盛

極一時萬曆中郭令一輪嚴治硤石之首事者得止糜財導  
淫是所當釐正也 又安國寺六月廿九日以佛誕邑人雲  
集塵肆列貨因釀奸盜邑大夫未嘗禁者何也

物產

穀之屬 早苗稻 晚苗稻 廣秈 白稻 雁來枯 赤稻

老子烏 麻子烏 黃粳 鮮 香粳 早粳 羊鬚 馬鬃

晚粳 胭脂 鐵梗

粟 杭粟 稷粟 芦粟

麥 來 牟 蕎 穠

菽 青 黃 赤 白 紫 黑 豉 菜 葵 羊眼

龍瓜 刀梅 豌豆 晚

菜之屬 芥 莧 菠稜 甜白韭 葱 蒜 薤 瓜

茄 薑 芋 乾芹 蒿苳 芦菔

卉之屬 牡丹 芍藥 桂 萱 菊 芙蓉 山茶 梔

海棠 石榴 薔薇 荼蘼 水仙 荷 山丹 棣棠

辛夷 木蘭 鹿春 鳳仙 杜鵑 木香

木之屬 桑 柘 槐 柳 榆 楓 楷 楮 楊 櫟

樸 椿 松 杉 栢 松 梧 桐 樟 梓 檀 棟

檉 石楠 冬青 烏白 白朮

竹之屬 早石 淡金 斑紫 猫刺 枇杷 枝 苦

水 筍 筋 蔴 木 筍 捕雞

菓之屬 石榴 櫻桃 桃 李 杏 梅 枇杷 梨 枣

柿 蓮 藕 菱 芡 橙 橘 林檎 銀杏 荸薺

柚 西瓜

縣舊有枣林村其枣佳甚長可二寸許膚赤如血實鬆脆味

甘稱鹽官枣今訛為羊官枣元時村地陷于海尚傳其種西

瓜近海上得佳種子細質紅藝之倍售

藥之屬 半夏 羌絲 車前子 薄荷 枳實 菖蒲 金

銀藤 茴香 香附 荊芥 白芷 紫蘇 苦葵 枸杞

葛 香薷 蒼耳 大薊 小薊 何首烏 陳皮 桃仁





鷓鴣 鷺鷥 鷓鴣 鷓鴣 鷓鴣 百舌 戴勝

毛之屬 牛 羊 狗 豕 猫 獺 兔 狸 獐 獾

鱗之屬 生河池中 鯉 鱖 鯪 鮓 鱔 鮑 夏月水漲 鯽 鮓 鮓 鮓 鮓

黑 鯪 鯪 鯪 鮑 鮑 鮑 鮑 鮑 鮑 鮑 鮑 鮑 鮑

其生海中 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

青脊白鱗肥腴 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

多鯪春未有之 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

鮫青斑色無 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

結色正白濛濛 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

呼歎 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑 鮑

海物維錯言不勝數也吾寧濱于海其產僅一惟沿海人得

動食指母及內地者以海鮮易敗土人取朝夕之供不善製  
 以餉遠也 鱉最佳其出有候河豚迹始食之刀鱉鱸日  
 列于市其產特盛矣日者崇禎初潮決平野亡何長河中俱  
 生呼歎又水上蝦細如針芒網之狀如浮雪時鹽以為醬亦  
 一時之佳味也

介之屬 龜 鱉 螺 蚌 蟹 蝦  
 白蝦 草蝦 芦蝦 螺 田螺 秋

河螺春  
 月味佳

其生海中 蛤 蚌 螺 蚌 蟹 蝦  
 白 蛤 蚌 螺 蚌 蟹 蝦  
 其細曰 蝟 蚌 俗名黃 蚌 蟹 蟹  
 黃左螯大而無毛其行斜 螺 香 似 蝟 而 大 右 螯 小 禁 步 名  
 傍冬月味佳夏後不堪食 螳 而 赤 生 溝 渠 中  
 推斂橫一行 螯 土 蚨 蝦  
 大小不一

虫之属  
蜂一 蟻 蛙 蝮 蟻 蜻 蝶 蟻 蝸 蛛

蛇

陶南村輟耕錄海寧人喜食螞蟥螫名鸚哥嘴以極紅者似之按此即黃甲如螞蟥則不可食矣南村亦讀爾雅未熟耶又叢葦中或得陵鯉刺蝟或得九頭烏并書以佐博聞之一物產因地而殊西鄉多早稻木棉以其耐旱早東鄉多晚禾土澤故也西鄉蚕登簇迫以炭易茧而絲白東鄉則否西鄉魚地利重賦與田等東鄉潞水而賦輕西鄉蕪紗羅絹蓆之織東鄉專于布西鄉畜羊多色褐東鄉多色白戒菴漫筆謂造筆羊毛硃石為第一亦里耳所鮮及者



海昌外志

東林談遷孺木著

食貨志

則壤定賦載在令甲無庸紊也寧地中上相饒錯肥磽不一西  
鄉剛土而瘠東鄉澤土而腴其徭賦等也聞之父老曰正嘉間  
稅額雜出胥吏易售其奸凡鬻田非稱南陸地則不售時田租  
特重故也田降而地則售主受其利鬻戶存其額于是家徒壁  
立虛糧待償累殍繼之矣末年龐侍御尚鵬按浙會計徭賦  
諸額畝總若干立條鞭法民世食其德又許令典贈均田詳  
明絕其詭濫亦世德也由今觀之籍定則賦清政簡則役便今

襄楚之歌猶不免焉則有司不加之意偏任胥吏催科不揆其  
候鞭笞不情原其情賄：胥讒能毋怨乎且優免國恩也獨濫  
于薦紳蠲逋特

訟也鮮蒙于下戶雖在目擊疇為言之於戲有治人無治法諒  
哉其作食貨志

戶口

宋祥符志主客戶四萬九千五百八十三

乾道志主客戶五萬八百三十一口五萬九千三百四十四

淳祐志主客戶五萬七千三百三口十四萬五百二十七

咸祐志主客戶五萬六千九百四口十三萬九千八百七十

元至正二十七年戶五萬八千九百十七口三十三萬六千二百八十二

明洪武九年戶六萬三千四百四十六口二十四萬六千五百九十三

洪武二十四年戶七萬二千六百九十九口二十七萬九千五百五十五

永樂十年戶七萬三千三百十八口二十四萬五千七百一十一

宣德七年戶七萬二千五百七十一口二十三萬四千三百八十一

成化八年戶六萬六千八百二十六口二十三萬六千六百



六十九

弘治十五年戶六萬六千一百四十六口二十三萬六千三百三十

正德七年戶六萬六千二百五十四口二十三萬五千三百三十

嘉靖元年戶六萬六千二百八十九口十八萬八千九百七十二

嘉靖十一年戶六萬六千二百七十二口十八萬八千七百五十二

嘉靖二十一年戶六萬六千二百七十四口二十二萬七千

八百七十二

嘉靖三十一年戶六萬六千二百九十八口二十四萬七百九十三

嘉靖四十一年戶六萬六千二百九十八口二十四萬二千七百九十三

隆慶六年戶六萬六千二百九十六口二十四萬二千七百九十三

萬曆十年戶 萬 千 百 口九萬三千五百百二十二

戶口繁于 國初減于今日何也 國初給戶帖子女若干

歲賦獲若干指田若干畝屋若干楹牛若干頭絲毫毋隱否  
者立死戊故版籍為盛胤是以降法令寢弛勢得以容其奸  
凡登于版籍俱男而不婦主而不僕雖詳明之吏不能家閱  
而戶悉也舊制民年二十而傳六十而免今既入籍至物故  
不得除里胥計賄為贏縮有司按額為征求單丁空室不免  
無償累齒殷門僅同孤息戶口之不可問也所由來漸矣林  
、總、教為私案安得嚴御如 國初頓洗其弊哉

舊額軍籍六千七百七十八戶新增百二十戶

舊額匠三千七百一名輪班匠一千六百名每名四年一班  
納銀一兩八錢值閏月加六錢 南京住坐匠四百九十五

名北京住座匠三百五名本府織染局匠一千三百名

田賦

宗民田八十一萬三千二百二十五畝一角四十六步沙田六  
千六百八十六畝三角營田三千二百九十二畝五十步共  
八十二萬三千二百三畝四角九十六步 諸色雜地二十  
五萬六千五百三十五步

夏稅絹萬三千四百九十九匹三丈五尺三寸三分 紬千  
一百七十二匹一丈二尺四寸七分 綿萬一千二百十五  
兩二錢 畸零夏稅絹三百五十六匹三丈八尺三寸二分  
和買紬二百三十七匹一丈五尺 營田夏稅絹五十九

匹三丈七尺四分 亭戶鹽折夏稅錢七千四百六十二貫  
四百二十文 夏稅絹七百四十八匹三丈四尺九寸二分  
夏稅紬二百十二疋九尺六寸六分綿千四百五十六兩一  
錢七分 小麥八十六石七斗二升六合 本色夏稅絹  
萬六百六十匹二丈一尺六分 本色和買絹四千八百九  
十六匹綿六千六百九十兩八錢五分析綿錢七萬六千七  
百四十六貫四百文 和買紬八千八百十五匹二丈五尺  
夏稅紬五百九十一匹四尺五寸絹千九百九十三匹三丈  
五尺五寸綿三千六十八兩一錢八分 沙田夏稅錢百六  
十三貫四百六二十五文免役錢九千七百三十四貫六百

九十文

秋科苗米三萬三千八百九十石四斗五升六合六勺 營  
田米百六十八石七斗二升八合 亭戶鹽折米千三百六  
十四石一斗五升六合二勺 府倉受納苗米二萬七千四  
百八十石三斗六升四合五勺 縣倉受納苗米四千六百  
五十三石一斗七升一合 常平倉據縣倉隨苗米納義倉  
米五百一十一石八斗四升九合 職田米二千四百十八石  
八斗八升四合 職租錢千二百二貫一百七十二文 瞻  
學錢四百十二貫三百文

元田土無攷

夏稅絲萬一百四十五斤八錢八分四厘九毫五絲 綿九  
百九十七斤十四兩八錢一分八厘七毫五絲 本州寔徵  
絲萬五十三斤七兩七錢四分五厘 寔徵綿八百八十二  
斤十四兩八錢五分九厘 江淮財賦麥七十七石七斗八  
升四合 課程鈔一錠三十四兩八錢四分  
秋糧米二萬一千四百九十三石八斗九升三合七勺  
淮都府財賦米荳五十石六斗三升八合五勺折鈔二十三  
錠三兩八錢一分五厘

明

洪武十年官民田地山蕩池萬二百八十八頃六十一畝夏

稅絲萬九百五十三斤四兩綿九百九斤三兩小麥千九百六十一石租錢五十五錠四貫七百八十七文 秋糧米七萬一千四百六十九石四斗

二十四年官民田地山蕩池萬五百四十一頃十三畝三分九厘四毫

田七千四十三頃五十二畝二厘一毫

地二千九百二十五頃二十五畝四分七厘七毫

山二百九頃九畝四分二厘五毫

蕩三百六十二頃二十五畝六分六毫

池二頃八分六厘五毫



夏稅麥千七百八十八石三斗肆升二合六勺

絲十八萬三千三百八十八兩八錢三分五絲租鈔二百八十貫八百七十五文

秋糧米八萬八千六百八十石五斗九升二合二勺壹四百九十六石四斗四升二合五勺

永樂十年官民田地山蕩池萬五百五十四頃四十二畝五分一厘三毫弘治十五年同

田七千四十五頃二十五畝五分七厘二毫七絲

地二千九百三十二頃八十二畝一厘九毫四忽

山二百十頃十八畝六分九厘八毫七絲五忽

蕩三百六十四頃一畝二分八厘

池二頃十四畝九分四厘

夏稅麥千七百五十四石四斗八合九勺絲十八萬四千八

十二兩四錢一分六厘三毫 綿萬七千八百五十八兩三

錢三分五厘三毫鈔二百八十五貫八百十文

秋糧米八萬九千七百三十九石三升四合六勺九抄四撮

六圭三粒八黍七微五塵蓋四百六十七石三斗七升三合

七勺八抄二撮五圭八粟七粒五黍

成化八年官民田地山蕩池九千四百六十五頃四十八畝

八厘

嘉靖二十一年官民田地山蕩池九千四百六十七頃二十

六畝四分六厘

三十二年四  
十一年並同

官田地山蕩池六百七十三頃十九畝四分一厘八毫三絲

六忽一微二漠

官田四百七十六頃十六畝三分四厘一

毫四絲七忽八微五渺 官地百九頃二十九畝八分八厘

二毫二絲七忽七微九塵七渺二漠 官山三十八頃六十

九畝四分四毫三忽 官蕩四十九頃一畝八分九厘一毫

五絲九忽四微九塵八渺 官地一畝九分

民田地山蕩池八千七百九十四頃七畝 民田六千二百

六十六頃六十九畝五分九厘三毫九絲五忽三微三塵九

渺一漠 民地二千六十五頃一畝九分四厘八毫六絲二  
 忽六微五塵六渺 民山百四十九頃八十一畝八分六厘  
 七毫七絲一忽二微七塵九渺一漠 民蕩三百十頃五十  
 九畝六分六厘七毫六絲七忽七微六塵八渺八漠 民池  
 一頃九十四畝九分六厘四毫八渺一漠  
 寔徵夏稅麥千四百一十一石四斗一升五合 絲十六萬八  
 千八百六十三兩五錢四分三厘七毫 綿萬六千二百七  
 十三兩七錢二分五厘 粗鈔四十三錠三貫四百七十六  
 文 起運京庫折銀麥九百二十一石六斗二升每石折銀  
 二錢五分共銀二百三十兩四錢五厘 折絹絲綿十二萬

几千七百六十八兩六錢二分一厘七毫每絲綿二十兩准  
絹一匹共絹六千四百八十八匹一丈二尺九寸三分二厘  
五毫五絲 存留本府織染局絲五萬五千二百七十二兩  
二錢四分六厘六毫每兩折徵銀四分三厘七毫五絲共銀  
二千四百十八兩一錢六分二厘五毫六絲六微二塵五渺 奉  
府資盈庫鈔四十三錠三貫四百七十六文每貫折銀二厘  
共銀四錢三分六厘九毫五絲二忽 本縣永平倉麥四四  
百八十九石七斗九升七合五勺每石加耗二升該耗麥九  
石七斗九升五合九勺五抄共正耗麥四百九十九石五斗  
九升三合四勺五撮

五升該耗米百六十三石共正耗米三十四百二十三石  
永平倉正米三千四百七十八石六斗九升八合一勺原額  
二千一百六十八石六斗九升八合一勺本色內預備倉米  
本折中半千三百十石作加添軍餉支用不為定例 支剩  
餘米二千七石五斗六升九合六勺七抄

寔徵鹽糧鄉民人口原額八萬六千四百九十九每口正耗  
米六升共五千一百八十九石九斗四升無閏支撰正米三  
千七百七十石二斗六升九合四勺每石加耗不等共正耗  
米三千九百九石七斗八升二合八勺七抄 儒學倉正米  
三百五十石 永平倉鹽糧正米三千三百八十石二斗六

升九合四勺 支剩塩糧餘米千二百八十石一斗五升七  
合一勺三抄 聽補本縣無徵沙陸地米二百三十五石二  
斗 撥補本縣秋糧缺欠永平倉正耗米四百三十六石二  
斗八升三合八抄三撮 寔餘米五百十七石八斗六升四  
合五勺四抄七撮候布政司督糧道支用

隆慶六年官民田地山蕩池九千三百二十七頃六畝九分  
五厘四毫萬曆同田六千八百十七頃十七畝一分六厘一  
毫 地二千四十頃十畝二分四厘一絲 山百九十九頃  
十二畝四分八厘六毫 蕩二百十八頃三十四畝七分  
三厘 池百頃四十二畝六分六厘 夏稅秋糧各項同前有

修河米折銀二百四十二兩二錢六分七厘三毫  
解鎮江府  
過江脚米銀三百六十一兩二錢三分  
解淮安府

嘉靖志曰糧有耗米之說自宣德初侍郎周公忱計處田糧  
各鄉取士驗其肥瘠議定民田一畝正米五升每年加耗輕  
重不一迄弘治間弊益增甚至有一斗一升三合者民困不  
堪後賴南都梁公村守杭洞知其弊議將各縣民田量加耗  
米五升奏為定例寔中正之良法也里書無所售其欺小民  
受惠至有圖像於家記者

### 漕規

嘉靖末漕米每百石加濕潤節颺淋尖米九石八斗崇禎庚



午因旗軍橫勒改徵銀十七兩六錢四分清朝以修船盤運  
視墊等費不敷每石再加銀一錢八分細司銀二分通共津  
貼銀三十七兩六錢四分

行糧資旗軍鹽菜薪水路費每石折銀五錢于條鞭中取之  
崇禎未改徵本色遂亦索使用票錢京兌

談遷曰田賦為惟正之供民所樂輸而國朝之額賦宋為  
重宋秋米三萬三千八百九十石國朝北漕米六萬六千  
八百六十八石南京民解正耗米九千九百十石六斗六升  
六合地損于舊而賦倍之矣所恃有司幹恤寓撫字于催科  
之內庶有濟乎併夏稅于秋糧自弘治始均平米自嘉靖戊

中始并力差銀差額坐辦難辦諸稅皆徵之秋糧自嘉靖乙  
丑丙寅始民甚便之行之既久而漕軍之橫索南解之逋累  
上天啟崇禎間破家相望矣嗚呼為民牧者亦少念之哉

### 課程

宗醋庫租額月息錢百八十貫 酒庫歲額十萬四千九百五

十四貫四百五十文

殿司硃石坊黃岡坊袁花坊許村坊平陵坊長安坊六窰坊故廟坊

稅務三場務歲額二萬一千三百六十貫五百八十七文

元酒醋課歲辦連閏鈔二千五百五十七錠十八兩六錢四分

稅務歲額千九百五十錠五十一兩一錢硃石務在外

茶課歲鈔百三十六錠三十七兩七錢七分八厘

明洪武十年酒醋課程錢鈔三百六十六萬八千六百四十文

曆日工本錢鈔二百九十七萬五千二百二十文 茶引

由五百五十道工墨錢五十五萬文 房地沒官債錢二十

萬八千五百四十七文 農桑絲四十二斤九兩四錢二分

黃麻五百二十斤 棉花百二十斤 杭州府志

成化十年粟殼乾生姜各百斤 寮陀僧二十斤 續隨子二十

斤 山梔子三百斤 金箔十二貼 銀箔八貼 弓七百七十三張

箭七千三十七枝 弦三千八百六十七條 雜色毛皮八百五

十五張 翎毛十一萬六千一百根 鷓鴣一隻 兔七隻 鷓鴣二

十隻 鷓鴣五隻

嘉靖志帶办油榨等項雜色課程歲鈔三百六十四錠六百  
十文 附屬課程縣市稅課局歲錢鈔銀二百二十六兩三  
錢二分三厘帶辦翎毛三千四百六十根熟鉄六十九斤三  
兩二錢折銀一兩三錢八分四厘值閏加共銀二十四兩九  
錢七分五厘九毫魚膠七斤一兩銀五錢六分五厘  
赭山湯鎮稅課局帶办翎毛千八百四十根熟鉄三十六斤  
魚膠四斤歲鈔銀百六十兩一錢四分一厘六毫帶办銀共  
一兩五分六厘值閏加銀十六兩九錢九分八厘  
硃石稅課局鈔銀八十一兩五錢八分二厘七毫值閏加銀  
七兩七錢三分三厘七毫

長安稅課局翎毛十根魚膠二斤鈔銀二百二兩七錢六分  
七厘帶辦銀共五錢六分值閏加銀十四兩五錢九分八厘  
本縣河泊所鈔銀三十八兩九錢九分值閏加銀五兩四錢  
九分五厘四毫帶辦翎毛三萬六千一百根魚膠七十五斤  
折銀二十兩四錢四分值閏加一兩七錢四分四厘  
硤石河泊所鈔銀十兩二錢四厘八絲值閏加銀一兩八錢  
六分二厘二毫帶辦翎毛萬二千一百三十根魚膠二十五  
斤銀六兩八錢五分二厘值閏加銀五錢七分一厘一毫萬  
曆事例有額辦銀千三百四兩二錢六分二厘六毫坐辦銀  
四千五百四十一兩六錢六分九厘值閏加百五十五兩九

錢一分雜辦銀三千二百十四兩六錢五分七厘二毫值閏  
加四十七兩一錢八分四厘

### 徭役

宋初差役法熙寧中保甲法助役法寶慶中義役法

元州設坊正鄉設里正都設主首專办税事後改為季役其次  
有貼役襍役

役法每里編里長十名輪役十年又里設老人給以教民榜  
文各都有糧長主稅二稅有總甲小甲巡捕盜賊皆正役也  
如皂隸弓兵獄卒禁子門子庫子斗級馬夫膳夫齋夫館夫  
鋪司巡欄大戶之類皆謂雜泛差役每年府縣令該年里甲

量其役之大小依上中下戶點差曰均徭有銀差力差二項  
銀差六百六十四役力差四百八十三役半富民一當力差  
如庫子館夫役最重身家賠累自龐侍御尚鵬奏徵銀催役  
民困始蘇今定均徭額銀六千九十七兩八錢二分六厘  
民壯二百三十六名共銀千六百九十九兩二錢值閏加百  
四十一兩六錢

驛傳額銀三百五十六兩七錢八分八厘

正統元年在京文武官除里甲役外一應雜泛差役俱免時  
無免田之說嘉靖乙巳該科申明始定免田等差諸生僅免  
家丁 國初免廩生宣德三年始免增廣生至是皆免差徭

二丁北方諸生僅免供丁四十年總督胡宗憲奏准優免  
則例凡官官論品級舉監生負每人免糧二石人丁二丁仍  
開每糧一石准田二十五畝至于里甲均平一應雜差供各  
照例蠲免

談遷曰 國朝夏稅秋糧曰兩稅正役雜泛民壯驛傳曰四  
差其法井也自鞭條之法行民安于田里益蒙其休今糧  
長所若值見年僉收櫃銀起解南糧又三年朝覲造船需索  
守候動致破產其收櫃或僉胥吏亦良法也胥吏媚工輒重  
其衡甚者銀至不即入櫃藏之私匣陰務為之玷官箴而廢  
膏血然未嘗痛懲何也



鹽利

宋太平興國四年置買納寺場以總出納八場鹽課歲額十三萬三千九百七十三石七斗六升

元豐初盧秉提點刑獄會朝廷議鹽法秉謂自錢塘縣楊村與越州錢清場水勢稍淡以六分為額楊村下接仁和縣湯村為七分鹽官場為八分並海而東為越州餘姚縣石堰場明州慈谿縣鳴鶴場皆九分至岱山昌國又東南為温州雙穗南天富場北天富場十分著為定數蓋自岱山及二天富皆取海水煉鹽所謂熬波者也自鳴鶴西南及楊村則刮鹽以淋滴以分計之十得八九而以鹽官湯村及錢清場織

竹為盤塗以石灰故色少黃竹勢不及鉄則黃色為嫩青白  
為上黑即多鹵或有泥不宜久停若石櫃以東雖用竹盤而  
色不白以近海水鹽故亦佳後來法雖少變公私所便大抵  
不易虛法 方勺泊宅編

明洪武初窻丁二千八百九十一丁每丁办鹽價銀七錢一分  
一厘七毛五絲四忽

永樂十年許村場歲办額鹽萬二百四十九引七十五斤八  
兩西路場歲办同

嘉靖二十六年許村場丁三千三百九十一每丁办鹽一引  
四百斤 二百六斤十一兩四錢八分三厘二毫共鹽五千一  
為引

百四十四引八十二斤二十二兩每丁徵銀六錢六厘七毛  
一絲七忽七微原額草蕩九千一百三十二丈九尺

西路場丁五千三百七十三每丁辦鹽三百六十九斤九兩  
五錢二分三厘二絲三忽共鹽四千九百六十四引二百三  
十四斤十五兩二錢百引三每丁徵銀五錢五分四厘四毫原  
額沙場八千九百五十五引

嘉靖志曰鹽者安邦足用之本。國家大利存焉故產鹽之  
地設有鹽官以董其人而收其入然惟灶海寧灶戶之苦不  
可勝言而西路尤甚襍祿辦鹽而鮮草蕩之給總催賠贖而兼  
民役之繁灶耗廢而徵科概施公差多而困憊益甚勢至于

此不知將何以善其後也  
舊例海上亭蕩人給地八尺

以闌當作大闌



海昌外志

東林談遷孺木著

職官志

古者重縣道循吏輒超拜封侯蓋惜民之意深矣丞尉得自行其志不卑眎之唐宋以來類科第或任子佐令共治故不得輕也 國初亦用科第行之未久今令專其事丞尉俛仰少所樹立潔清自愛即為稱職矣亦在令有以風之否則同浴不惡裸程安所軌範哉師儒以迪化雜秩以分繁武弁以習旅 朝廷設官惟脩析人之圭僭人之爵不思為百里計其何以臨我父老子弟也作職官志

令佐

吳都尉領縣事

陸遜為海昌屯田都尉并領縣事

吳志

南朝宋

今丞簿尉各一齊梁陳同

顧凱之 宋書

齊江山

南史顧歡傳

蕭元蔚

永明二年齊書沈文季傳

梁劉曇

陳庾持鄆陵人天嘉初監官令光大元年遷秘書監知國史事  
終大中大夫領步兵校尉持善艸書每屬辭好為奇字文士

隋袁天綱成都人仕隋為鹽官令

唐制令從六品秩田五頃歲俸八十五石丞從八品秩田三頃

歲俸六十四石五斗主簿正九品秩田二頃五十畝歲俸十

九石五斗尉從九品秩田如簿 學制長史一人學生三十

五人

路宣遠 開元十一年

柳 遵 開元中

宋知縣秩田六頃俸錢二十千丞秩田四頃俸十五千主簿秩

田三頃俸十二千尉一主簿一秩俸皆同簿增置忠翊郎巡



簡一承信即監酒稅一知縣叙術或朝散大夫試秘書省校  
書行縣令或文林郎行縣令管勾學事勸農公事兼監鹽監  
或迪功郎縣令不帶行字或修職郎縣令兼監鹽監主管勸  
農公事不帶學字

潘景夔因經自雍熙前俱脫簡無攷于郡志得十一人

劉宗吉

魚承憲

謝懿文陽夏人

成常吉

王世昌

鄭 璨

柴 樞

張 昱

馬紹儒

李夢宇

單招祐

邊 秀 祥符六年二月

周 簡

張維舟 八年四月

許咸昇 天禧二年六月

李成家 天禧五年七月

張廷驥 天聖元年二月

劉舜卿 五年四月

張覲

王可回 九年二月

朱允昇 明道二年八月

邵祥 景祐二年二月

朱公綽 景祐四年二月任  
室元二年正權本州書  
記康定元年七月  
歸仕慶曆二年八月代

黃晉 慶曆二年六月

綦愿 五年八月

吳 轅 七年九月

江 栩 皇祐二年九月

鄭 民表 五年十一月

潘 隆禮 嘉祐元年十月

劉 拱 五年四月

王 統 八年十一月

富 臨 治平四年二月

朱伯虎 熙寧三年二月嘉興人嘉祐辛丑進士

陳 齊 六年三月

陳 璪 九年四月

何夢錫 元豐二年六月

戴士先 五年十一月

張彥輔 七年十一月

陸伸 元祐三年二月

陳并 四年正月尋改饒州教授

陳嘉言 四年七月

韓綬 七年六月

鄭又 紹聖二年八月

王襄 元符元年六月

丁觀 建中靖國元年七月府志作春

俞樾 崇寧三年十二月

朱容 大觀元年二月

歐陽珣

四年二月 珣字令美吉州永和人進士乙科授

忠州教授知監官罷起南安錄靖康初議割三鎮分遣珣等  
二十人持詔往珣奏祖宗地尺寸以與人復言宜力戰  
而失地他日取之直不戰而割地他日取之曲時宰怒以珣  
為將作監丞割深州珣義不臣金慟哭謂城上人曰朝廷  
為奸臣所誤汝等勉為忠義報國敵怒執送燕山焚死之詔  
錄其忠止子官其婿曾敏恭

關 睿 改和二年三月

王 昞 華陽人政和七年六月

吳 棫 宣和元年十一月

柳 懋 二年

陳 昱

金 譽 四年三月

範 慎 六年四月宋國經作範慎好府志作謹好

鄭 朴 靖康元年四月

呂庭問 建炎二年十二月

施 堦 四年八月

吳 倣 四年十一月

白彥奎 紹興二年十二月

刁 離 丹陽人 紹興五年二月

胡 牦 無為人 八年三月

田欽亮 無為人 十一年三月

李 份 十二年八月

趙伯堯 十四年八月

呂 擢 紹興十七年十二月

劉 偉 二十一年三月

唐德裕 二十四年四月

劉開士 二十六年四月



胡堅常 二十八年十月

邊維態 三十一年十月

黃楊 隆興二年十月

朱宗卿 乾道二年三月

盧嶼 五年三月

林祖洽 八年三月

李宗大 淳熙元年六月

魏伯恂 三年六月

趙彥駿 五年六月

求承祖 七年六月

鍾必萬

陳申

葉之望

陳恕

魯誼

黃施  
閻 枱

十年七月

十三年閏七月

今稽人十六年八月奉議郎主管勸農公事賜緋魚

袋

紹興三年八月秀州人遷主管管院

葉延年叢塚記魯公宰海昌遭遇水旱告飢者二十

餘萬公力轉上聞得太倉粟二萬斛實行荒政明年十

春疫大作公命醫徧藥且施以粥全活者甚衆其餘

疫死作叢塚瘞之仍鑄其姓名于石使其子孫得食病

而祀之其費皆取于公不以勞民于是飢者得食病

者得醫死者得  
慶元元年十一月

四年十二月

趙彥造 嘉泰元年三月

翁謙 元年十月

秦鎬 二年十一月

沈紡 三年九月

劉誠之 大梁人任監官令國經有一脫簡題名記云誠之以

文章登進士以器能被當塗荐試刃茲邑希縉前哲

潘景夔 脩舉廢缺有一未及歎然于中

白雲 嘉定二年十一月

趙白湮

魯興文

五年十月

蔣惟曉

八年十月

呂祖志

十年六月

趙汝禔

十二年十月

林申

十五年十一月

江泰之

寶慶元年十一月

趙汝皓

紹定二年十二月

楊天麟

五年正月

張琥

端平二年正月崇德人進士

毛諤

端平三年四月

董子炎

嘉熙元年十一月

沈昌大

二年十一月

歐陽克世

范慶家 淳祐元年十二月

余愚

四年十二月

王夢得

七年十一月金華人端平乙未進士調錢塘主簿兼領學事再遷知鹽官縣史嵩之當國或荐除掌故力辭不敢躁進未幾嵩之去國人服其先見

周獻可

九年二月

施瀆

十二年四月

胡寬

宝祐二年二月

惠昌

五年十一月

李嗣祖 開慶元年閏十一月

郡志自李嗣祖後又八人

李彭老

年次無改

章謨伯

鄧得遇

劉絳

吳由

咸淳三年與邑人楊均重輯圖經作先賢錄表章晉唐以來人物

劉紹遠

趙崇催 宗室

尤濤

縣丞

黃珪 見橫浦集

王珏 紹興四年四月開華亭海河二百餘里通漕澆田上

王南夫 紹興六年六月

毛欽望 八年八月

范德尚 十年九月

李邦光 十二年九月

李處約 十四年十月

柳大年 十六年十一月

楊芾 十七年四月

陳致一 十九年四月

趙不吝 十九年四月

韓屏 二十三年十二月

韓愿曹 二十五年十二月

趙公邁 二十八年二月

何儔 三十年三月

梅忠彥 三十二年五月

盧孝孫 隆興二年六月

李稷 乾道二年八月

周 玘 四年十一月

李宗茂 六年四月

葉仲翔 淳熙七年十二月

歐陽克世 淳熙二年三月  
廬陵人修曾孫

趙師涇 六年八月

趙希曾 八年五月

周 準 淳熙九年八月

方 誼 十三年十月

齊 礪 紹興元年十二月

趙伯昂 五年閏十月

陳 沆 五年十月

趙汝諲 開封七年六月

陳長源 八年十二月

葉 翰 四年七月

曾 槩 七年四月

麋師旦 十二年吳  
江人進士

王 宗 十一年八月

沈安民 十五年十一月

趙彥樞 三年十二月

葉知柔 慶元三年十二月



趙善初 五年十二月

王思遠 嘉泰元年十二月

趙善毅 開熙元年正月

徐守卿 嘉定元年二月

曾 彛 四年閏二月

余 璠 七年十月

錢紹誠 九年十一月

葛 扶 十年四月

邵天麟 十二年四月

趙疇夫 十五年四月

竇 石 十二月

石孝諫 寶慶二年八月

王 堯 紹定元年十一月

趙汝暨 五年四月

鞏友說 端平元年四月

折思問 嘉熙元年四月

趙崇弁 四年六月

林壽衍 淳祐二年四月

徐莘老 三年三月

趙汝階 六年四月

盛天錫 九年五月

趙必琦 十一年六月

主簿

胡浚明

陳之淵

陶汝楫

孫起卿

章祝

鄭烈

馮頌

汪賁

周因

葛邠

蕭君序

樂商

將仕郎縣尉  
兼主簿事

竇思永

紹興二十八年八月

葉亨中

三十一年二月

季光弼

隆興二年四月

趙師文

乾道三年四月

24-1-42

魯 衍 四年四月

葉 援 淳熙元年七月

李 棟 七年三月

趙 陸 十三年五月

蔡 浩 紹興三年七月

留友賢 四年十月

周謙之 開禧元年二月

葉 榮 四年四月

錢孝友

王杲卿

邵大成 七年四月

劉 牧 四年八月

鍾必萬 十年四月

濮 雲 十六年閏五月

趙希楸 慶元三年七月

趙汝先 嘉慶元年十二月

李 寘 嘉定元年三月

趙崇暉 七年六月

汪有開

袁惟寅

張光祖 寶慶二年二月

趙崇憲 紹定二年二月

林夢龍 五年二月

趙穰夫

王 埒 嘉熙二年七月

葉淵孫 淳祐元年

談遷曰 宗丞簿尉多繇任子科第起家往致大位躋通顯  
又文法不甚拘閼得行其意與今日大異故特書之

尉

夏 侯景祐四年

江用晦 天聖八年 復廟介福堂

東梁有登仕郎行縣尉兼主簿江用晦 天聖八年重修題

識

趙師誼 乾道元年四月

类 機 字彦發嘉興人乾道二年進仕授鹽官尉七相隣色

陳士良 淳熙三年十一月 張 諤 五年十一月

李直剛 八年十二月 劉 陋 十年十二月

徐宗卿 十三年六月 胡 修 十六年七月

莫先朝 紹熙三年七月 李 黜 慶元三年八月

傅 益 四年九月 顏叔夏 嘉慶元年十月

趙師羽 六年十二月 楊 鑄 開禧二年四月

林 翰 三年七月 趙崇稷 嘉定二年二月

王熊 四年十二月 方 澄

李 琰 九年十二月 葉天錫 十一年三月

元達魯化赤兼諸軍與魯勸農事一秩田二頃月俸鈔十八兩

縣尹一秩同上至簿秩田一頃五十畝月俸鈔十三兩丞一

秩田一頃月俸鈔十二兩典史尉各一月俸米八石鈔十兩

教諭一月俸二石鈔十兩

州達魯化赤兼如前一知州一並正五品同知一從六品判官一從七品提

控案牘一都目一

達魯化赤

伯帖木兒

愛奴刺

懌思侃答兒

哈只

觀保

大都閑

當住 至正十年

禿堅 至正十三年

知州

臧夢解慶元人元史云夢解宋末進士未官而國亡至元十三年從其鄉郡守將內附授奉訓大夫知海寧州時淮東按察副使王慶之按行至其州見夢解則正廉慎而學有淵奧自任職以來門無私謁官署肅然凡有差役皆當其貧富而更無所預于是民以戶計者新增七百六十有四田以頃計者新闢四百四十有三桑柘榆柳交蔭境內而政平訟簡為諸州縣最乃舉夢解才德兼備宜擢清要以展所蘊御史臺南宣慰副使夢解博學洽聞為時名儒然不迂腐而敏于政

市其操守尤為介特稱魯山先生 府志陳善曰夢解本宗  
末進士縣志謂至正十三年非是蓋是時鹽官尚為縣末應  
為州也改本傳十三年乃其從鄉郡守將附元之始耳次授  
婺州路軍民人匠提舉息州知州而改是職當在此時歷廣  
東肅政廉訪使

高源

張珪 大德七年

忽都

賈鏞

李愨 至元四年



何蒙至正六年

張光祖

十年

送海寧張知州滿任去官序

劉基

至正辛卯夏五月劉顯仁自海寧來致其友賈希賢之言曰  
海寧瀕海為斥鹵地民貧而訟吏肆而罷積有日矣自我知  
州張侯來鄉不見吏卒易其業田疇屢豐旅葆不札庭不宿  
訟囚無苗獄租稅時集木索不用譁訐之教化為弦誦大民  
儒小民愉朝出暮歸謳歌滿途三歲之間洋乎里閭  
不知時節之我徂今且代去欲苗之不可得也請為言以餞  
之予聞而嘆曰美哉張侯今之為人牧已代而使人思之者

鮮矣哉居其位則畏其威且滿則相視如途人甚則排而去之惟恐其勿亟也間有欲之者非素所暱愛則為卒若吏於民無與焉夫設官所以為民也官為父母民為子為父母而使其子不我愛亦獨何心哉故善為官者猶農夫之善為田也嘉穀以為親稂莠以為讎是故獲乎吏卒者必不獲乎民獲乎強暴者必不獲乎善人今張侯能使民惜其去而希賢又為善士興義學以淑鄉里其所慕尤不苟仲尼曰不如鄉人之善者好之張侯有焉予雅知劉君其言必信而有徵也是為序

王公輔冀寧人至正丙申任杭州路總管咬住撰安民碑云

公守是州一以愛民為心凡有徵輸必泣而憐之先時納哈  
取宜興揚完者克大麻慶童討莘亭後鎮禦于此供給不輟  
民賴以綏使市井逋迹就于衽席田野荷戈樂于耕桑又能  
與同列相保一州而不失可謂良吏矣咬住父輔上官也不  
嫌折節紀惠則公輔之賢可見

章秉仁

于汝霖

倪日新

陳文仲

李思義

楊遵 見淮郡文獻志

尹希善 東平人劉基有送尹知州序

同知

趙復

判官

任惟勤 元統三年任

魯忽都帖兒 元統七年任

王章 十七年任

褚真 二十三年任

王藻 金華人見黃文獻公集

元許村場西路場名鹽場所每所司令一從七品司丞從八品  
管勾一從九品

明知縣正七品月俸七石五斗丞正八品月俸六石五斗主簿  
正九品月俸五石五斗典史月俸二石司吏十一人典史二  
十一人月廩一石

教諭一訓導二月俸三石 廩生二十名月廩一石

赭山巡檢司石墩巡檢司巡檢各一月俸一石折俸四石

許村場西路場大使副使各一月俸一石

海寧縣硃石長安三稅課局大使永平倉大使各一月俸一  
石折俸二石 陰陽學訓術一醫學訓課科一僧會司僧會

一道會司道會一

建文二年九月癸未置海寧縣長安鎮巡簡司革

永樂三年二月增海寧丞治農

舊有長安驛、至一轉塘湯鎮二稅課局大使海寧縣破石  
二河泊所官長、安壩官並革

知縣

王忠 洪武三年

朱恪 七年

黃守政 九年

謝敬 南陵人歲貢洪武中任見寧國府志

諸 繩 巖州淳安人由稅戶人才洪武二十四年辛未任海  
寧知縣四秩滿留居長安鎮今子孫存

何得舉 晉江人遷寧府紀善

### 喜何尹還邑

杜陵行處非尋常朝回日醉蓬萊鄉也知揚州跨一宦絕勝  
仙家騎五羊雪消江水暮帆健花發驛亭春酒香歸來滿縣

172

種桃李長與師人歌歲康

鄭文志 新淦人荐舉建文三年

上官廉 南豐人永樂中任公平和易與民相安見萬姓統譜

盧楨中 興化人永樂十年進士任海寧知縣以抗直忤御史  
被誣謫戍以荐辟濩官願改教戒除韶州府教授卒興

方直

建安人 大學生 永樂十六年任寬而治信而幹晉監  
察御史 祀名宦  
懷安人 永樂十六年成進士任海寧福州府志

張舉

正統三年修學

伍服

景泰初

蕭儀

成化初

尹安

李芳

公安人 進士 成化四年任嘉靖志曰蒞職廉介綽有  
惠政至今論善治者以芳為首祀名宦  
華亭人 成化辛丑進士為海寧令見雲間人物志

張弘宜

樂陵人 貢士

史蒙

四川人 進士

錢玉

江西人 貢士

孫經



梁華 新會人 成化十八年

姜昺 上饒人 監生成化二十三年

張熊 德興人 進士弘治五年任 遷太僕寺丞

邵有道 都昌人 進士十年任

孫昊 南陵人 貢士十六年 遷主事

崔昊 泰和人 進士十七年任 遷主事

丁儀 晉江人 進士正德三年十月任

易恭 應天人 正德四年任

曹珪 黃岡人 進士八年任 遷御史

郭郊 肥鄉人 進士十一年任 廉介過人 明威得休 遷南京  
戶部主事 卒 官 貧 元 以 檢 記 名 官

况照 高安人進士十四年任

孫溥 貴池人貢士十五年任

何俊 南海人進士嘉靖二年任遷主事

孫昂 當塗人進士八年任遷錦衣衛經歷

胡克時 泰和人進士十年任

嚴寬 丹徒人進士十二年任誤海塘夫百五十名遷主事

馬雲鵬 綏德人貢士十七年任

溫學舜 晉江人十九年任

楊挺高 金鄉人進士二十三年任廉貞絕俗甫期丁艱歸士  
官民追送者如歸市服除補平湖三年入覲有天下清  
揚挺高之目任至方伯

汪克用 永豐人進士二十四年任遷御史

高尚志 石晉人進士二十七年任遷主事

耶伯興 無錫人進士三十一年任

蔡完 麻城人貢士三十三年任厚德長者創修邑志

李維 蒙城人進士三十六年任迂大理寺評事治尚清肅  
苞苴不行一勢家兒餽牛節儀先問吏胥得其衝中  
急需物為一其進候覽之正色謝曰吾輩相與豈

辛自修 襄城人嘉靖丙辰進士生有奇質年十五舉鄉荐並異  
仕陽曲三十九年調海寧擢吏科給事中不避權貴  
願左都御史見忌致仕拜南刑部尚書改工部皆不  
赴卒贈太子太保諭祭英謚肅敏

殷登瀛 宣城人進士四十二年任

許天贈 點縣人進士四十四年任隆慶元年奉檄火田自丁  
印正月至戊辰二月計里三百五十五計圩三十四

百五十七計地山蕩九十三萬二千七百六  
以田  
準稅以稅乘田料酌派徵多寡恰造田賦積獎公  
精于  
勾股髮不能欺也宿詭頓清至今版籍遵奉之意  
百  
世之利秩滿董侍御親記以文引孟氏民賊之言  
百  
之頗失其當迂南京戶部主事

徐

顯

汪踪人歲貢嘉靖中任海寧見寧國府志按嘉靖時  
近蔡志當不與何又有軼聞七豈受官而未仕者耶  
附記于此

陳所敏

金溪人進士隆慶二年八月任五年五月進太平府  
同知  
奉新人進士五年八月任方借元年改教卒

余良楨

陳揚產

蘇

湖

銅仁人進士方曆二年六月任平巳四月降廣東布  
政司都事揚產善詩有錦里草  
雲南太和人進士四年九月任修海塘二千三百七  
十八丈初估價五千二百二十八兩及成財一千九  
百七十六兩後憂去

潘元和

華亭人進士六年

郝潔

樓霞人進士七年九月任慶去郝潔先任蒙城甚有稱調繁海寧名大損

吳宗燾

南靖人進士萬曆九年任

陳楚產

麻城人進士晚年登弟洞悉民隱吏民一見不忘禮諸生必于賓館談說父執一語及私正色謝之其御胥吏嚴督止貸以是噴有怨言

### 送陳海寧入覲序

茅坤

麻城陳候之綰綬而出令海寧也數月間穀藉甚未幾按故事入覲而惟中諸博士弟子負孫允升輩十餘人過予庠伏而請曰先生抑知陳候之所令我海寧者乎侯個儻多大略而平易寬舒務與人為便安所當民之賦役獄訟辟則權

衡者之于物也。小大輕重調劑出入各得其均。故人亦獲以其情與候之嚮明相與為旁皇決洽而無壅隔闕滯之患。又與吾儕弟子數郡而聚之學宮而躬為訓課之。而諸博士弟子抑遂喁：向風候蓋不務赫：名而士民翕然戴之所為式歌且舞者都鄙而山澤也。乞先生文以彰其事。予間嘗南過海上刺諸父老諸父老嘖：口畫大都如諸博士弟子所指。今候以上計行矣。古者太史陳詩以觀民風。予稍採邑之里巷之歌而綴之為詩。以脩使者之采納。烏詩凡三章。章十句一章：十三句。其詞曰：候之下車兮式舞且歌。士翔于宮兮農愉于塗。歲且豐兮兆玉禾。羯鼓伏臚兮海不波。閭

里婦子兮樂孔多一闕候之入覲兮千里為裝臣有孤桐兮  
索有糧言受計兮獻明光天子首嘉兮漢循良賜食大官兮  
給糈與漿一闕候之陞辭兮挹牒言旋時維暮春兮凱風自  
南柔柔于野兮室家且泰百穀其穀兮農徃于田畷且至喜  
兮田鼓闌以勸尔耕以祈尔年天子借寇兮勞來疆與阡誓

興誼 三闕

尤應魯 晉江人進士萬曆十五年任

王嘉賓 來安人萬曆丙戌進士令定海諸暨慶去起補海寧

築海塘以禦海患乙未內召右轄以宿逋准之民德  
公事翰如額得入朝試御史未几卒于京

周廷象 茶陵人進士萬曆二十四年任

林恭章

莆田人進士慈和不伐愷悌性成以負民悞盜資錢  
為菜傭月覈其息卒改行訊內或泣下至飲食之所  
試士前錄往：得雋去非獨善恤民也嘗愛緋衣人  
神謂宜早蒞事俄退堂三楹傾焉當官無赫：名去  
後見思今文

老蓋追慕也

梅一俞

德安人進士丙午四月任

郭一輪

晉江人貢士萬曆三十八年任

陳揚明

崑山人貢士萬曆四十一年任

方士騏

吳江人進士萬曆四十四年任調仁和

吳煥

夏懋學

潮陽人進士泰昌元年任明年六月憂去不能治裝  
至鬻二婢介然經考殿是歲一孝廉抵京謁考功蘇  
公偶談及鬻婢事蘇悵然曰焚埋沒伊一段苦節惜  
晚矣



乾觀光 歙縣人貢士天啟二年六月任五年入覲下獄

謝紹芳 歐寧人貢士慶去

蔣之煥 全門人貢士崇禎四年任

余文明 大治人貢士日貴青兩月解官

彭慶罔 當塗人進士

時敏 常熟人進士

曾居曹 平和人貢士

劉憲模 黎平人貢士

林塗 侯官人進士甲申六月任

談遷曰予錄邑令至林子楚明府而不勝泣然也明府廉靜

有成惠至乙酉六月而時事不可為矣脫身以去漢官威儀

于是杳然嗚呼

縣丞 崇禎二年薙清軍縣丞

方仲容 洪武九年十月海寧縣丞方仲容上書言事見御製

保昌人洪武乙丑入曹監性至孝歷分宜海寧龍陽  
三縣皆有聲舊志稱治民無擾為政有方維新學校  
大慰民望迂寧固知府專務以德化民不尚刑罰後

坐累逮至京左迂刑部主事未几出判紹興柳強扶  
弱興利除害士民德之景泰中廣東布政使韓陽  
陽行部至南雄噴、稱賢拜遺像今祀寧國名官祠  
朱相國  
史概

送禰二令秩滿之京

胡奎

我聞南州古南雄梅花庾嶺當春風乾坤旁礴毓神秀乃有

文章福迪功三載作官東海邑  
碩夫能廉懦夫立胥曹束手  
戒貪婪醜類革心俱避易杏花  
二月春雨晴東風嫋吹華  
旌今年考績之瑤京耄倪夾道  
相送迎使君此行須秦取漢

見疲祗借河內

高振

固始人例貢

見固始縣志

閔

軋

浮梁人舉賢良方正：統元年任清軍處事簡徑有  
方畧晉漳浦知縣父老遠道送行

鄭

瓚

天順年

舒

琥

靖安人監生成化中授海寧丞廉能過人見重當道  
時人咸惜其位不滿德民蒙其位惠者爭頌之既家

吳

方

孫不預外事  
青田人監生弘治

陳

簡保定人歲貢

徐璘	熊彩	崔天祿	宗徒	辛訪	張謩	薛太	邨廉	羅清	王鑒
年	年	任	任	任	任	任	任	任	任
天長人	江安人	陽城人	登封人	三元人	滿城人	鎮虜人	贛榆人	東光人	上海人
監生十五	監生十二	監生八年	監生八年	吏貞三年	監生正德	監生十	監生十四	例貢弘治	監生弘治

岳廷傳	王守義	李璋	劉進	周必復	董憲	鄧珩	辜匡	孫碍	張如律
三河人	清苑人	宿松人	清源人	廬陵人	長清人	興化人	南州同	婺源人	崇陽人
監生十六年	監生十四年	監生十年	監生八年	監生五年	歲貞三年	監生十八年	吏貞十七年	監生十三年	吏貞弘治九年

盧	王	劉	王	周	柳	王	王	李	吳
珂	玠	奎	瑞	言	騰	言	奇	桂	麒
迂	無	臨	嘉	年	年	年	年	六	九
河	為	清	定	鍾	壽	潛	麻	宜	無
上	人	人	人	祥	州	山	城	吳	為
人	監	監	監	人	人	人	人	人	人
歲	生	生	生	監	監	歲	吏	監	監
貢	三	十	十	生	生	貢	貞	生	生
嘉	年	一	一	十	十	十	二十	二十	二十
靖	年	年	年	三	三	九	十	十	十
元	年	年	年	年	年	年	年	年	年
任	九	載	家	不	支	伏	臘	泊	如
之	也	也	也	也	也	也	也	也	也
張	徐	張	張	張	張	張	張	張	張
一	一	一	一	一	一	一	一	一	一
鵠	瑛	萃	瓊	瑣	瑛	德	輝	蘭	禮
雲	上	原	寧	歸	博	太	太	瞿	定
夢	饒	武	國	化	白	平	平	塘	遠
人	人	人	人	人	人	人	人	人	人
監	監	監	監	監	監	監	監	監	監
生	生	生	生	生	生	生	生	生	生
二	七	十	十	十	十	十	十	十	十
年	年	一	一	一	一	一	一	一	一
年	年	年	年	年	年	年	年	年	年

崔	方	朱	崔	獨	李	周	顧	孫	張
鏞	東	廷芳	頴	佐	謙	儒	中行	宴	杲
常熟人	鉛山人	休寧人	吳江人	虹縣人	上元人	咸州人	崇明人	襄陽人	丹徒人
		萬曆元年	五年	隆慶	四十	四十	三十	三十	三十

範	郭	劉	吳	謝	余	周	靳	徐	楊
槐	君會	九疇	清	江	塾	士良	賢	貴	紀
歙縣人	仙游人	中年人	桐城人	吉水人	華亭人	吳縣人	儀真人	建德人	六安人
由監生			五年	三年	四十五年	吏貢	四十二年	三十八年	三十四年

黃仕敬 樂平人由吏負三十一

李成龍 南昌人由吏負四十五

林士驊 莆田人貢生

主簿

費南 上海人貢生洪武年

陳嘉 長樂人宣德七年任別直公平初千戶所繼官馬戕

民田又夜巡擾民嘉請上官以夜巡專有司官馬強  
牧者聽民傷之民大安後致仕去老幼遮道乞苗嘉  
不顧竟去

馬良 天順年 童鍾 成化年

11 R

507-1-42

黃	章	桂	施	葉	滕	楊	程	於	李
鎬	編	耀	士	彪	科	自	康	本	麟
沅州人	吳江人	黃梅人	尤溪人	平和人	江浦人	武進人	績溪人	麻城人	營昌人
六年	監生四十	監生三十	監生二十	監生二十	監生十七	監生九年	監生十五	吏負正德	監生弘治

甘	羅	王	羅	胡	楊	毛	李	劉	胡
綺	鏞	文	鈿	仁	依	嵩	鳳	宗	瑀
綏寧人	英德人	江都人	岑溪人	桂東人	咸寧人	武陟人	平陽人	任丘人	太平人
萬曆三年	隆慶二年	監生四十二年	監生三十三年	監生二十八年	官生十九年	監生八年	嘉靖三年	監生九年	歲貢十二年



黃  
祝 太湖人  
三年

黃惟吉 浮梁人  
五年

鄭躍龍 詔安人  
監生

典史 俱功曹

房政 天順  
年

徐瓊 天順  
年

張澄 成化  
年

張祺 宿州人  
正德元年

嚴實 涇陽人  
九年

黃江 東莞人  
十五年

卞銳 清和人  
嘉靖五年

何化倫 道州人  
十一年

張	張	王	鄭	張
惟		國		良
方	佩	佑	璞	直
年	年	年	年	年
臨	德	安	龍	麻
川	州	福	溪	城
人	人	人	人	人
萬	四	三	二	十
曆	十	十	十	七
元	三	五	四	年

蕭	戴	徐	王	殷
遇	中	浩	節	輅
南	披	建	清	麻
昌	縣	德	江	城
人	人	人	人	人
承	隆	三	二	二
差	慶	十	十	十
十	四	八	九	年
三	年	年	年	
年				

陳弼 龍溪人

師儒

元教授

王景順 至正六年

朱 鷹 十二年

徐 中 番陽人

訓導

陳 登 至大二年作學倉記

明教諭

袁伯善 洪武十年 顧 達 永樂十年修學倉

羅 能 吉安人 正統甲子任教分三品 雞鳴而起至夕勿倦

李淳 天順 年

張寶 福州人 弘治 年

林琚 晉江人 貢士 弘治 年

蔡祐 晉江人 貢士 正德 四年 海寧 教諭 遷 湖州 教授 王

授公以書問公意所欲佛然曰是問何為將以為市

侯泰 嘉定人 貢士 十年 而從 湖州 侯官人 貢士 十一年

車裴 進賢人 歲貢 嘉靖 三年

素章 通州人 歲貢 十六年

林謹 揭陽人 貢士 十三 年

吳以旂 莆田人 歲貢 十九年

謝德聰 安福人 貢士 二十 年

卓士元 茂名人 歲貢 二十六年

葉嘉運 永嘉人 貢士

張志 江寧人 歲貢 三十一年

彭顯烈 成化 年

朱泰 莆田人 貢士 弘治 十九 年

蔡惟孝 羅田人 歲貢三十

周德崇 金溪人 貢士四十

楊胡 上津人 歲貢隆慶

張學亨 華亭人 萬曆

張繼哲 麻城人

沈中虛 嘉興人 貢士

柳時芳 金華人 貢士

陳邦訓 鄞縣人 貢士 遷漳

趙維寰 平湖人 貢士 崇禎

閔自寅 烏程人 貢士

張惟嘉 博羅人 歲貢三十七年

周整 吉水人 貢士四十四年

潘斗 鹽城人 四年

鄭日休 閔縣人 萬曆五年

蕭遍 沔陽人

劉尹鶴 慈谿人 貢士

包汝楫 嘉興人 貢士 遷綏寧知

沈之驊 長興人 貢士 遷知縣

蓬海昌閔人生學博

談遷

舉方世嫉賢能先生方愛才彈丸海隅地文學造之開教蜀有  
文翁司馬傳經來昌黎倡師說是籍知取裁先生化時兩倫  
品咸栽培勁氣立頑懦達識先塵埃振過恥不及長養多成  
材能使宵小革聞名震如雷閔閔家世高折節傾草萊誰云  
公門開憤履交莓苔雖無閭閻責仁心為福胎左右賢有司  
庶政云康哉棲遲數年間聊見絃綸媒將携金門獻登世于  
春臺勲名軼累葉姓字光上台幸隨諸生感祖道惟行盃  
陶象禮會稽人貢士

訓導 俱明經

江中龍 戶陵人 洪武

宋珩

顧孟時

戴琰 浮梁人 成化 年

達穎 丹徒人 成化 五年

蔡元福 能溪人 十八年

朱祖元 豐城人 貞士 正德 元年

王鸞 博野人 五年

歐涇 粟縣人 十二年

歐溥 莆田人 貞士 嘉 靖 五年

舒

申

永樂十五年

魯

昶

邵武人 修志

孫

瞻

天順 年

張

滿

羅陳人 貞士

孫

敬

黃縣人 弘治十五年

陳

珩

莆田人 十八年

汪

軫

歙縣人 五年

王

亨

宣城人 七年

閻

章

江都人 十四年

蔡

麟

南康人 六年

趙鼎	夏賓	章祿	楊衢	蔣文僖	蔡惟孝	張志	王儒	謝梓	鄺仲學
衡州人五年	當塗人隆慶元年	常熟人四十二年	太倉人三十八年	全州人三十六年	遷教諭人三十二年	江寧人二十六年	四年 羅山人監生二十	年 奉新人監生二十	南海人監生十三
孟希臯	路文通	凌梓	吳集	李陽春	李玉潤	周龍	葉壽春	殷遷	李完
永定衛人五年	鄒縣人	通州人四十五年	宜興人四十一年	襄陽人三十七年	建平人三十五年	江都人三十二年	太倉人監生二十六年	伯守衛人監生二十年	德化人監生十三年



潭容 太平人萬曆三年

羅鳳 鄧陽人三年

徐諧 武寧人六年

雜秩

唐

沈燦 海昌都將龍紀二年四月權知蘓州

宋

縣稅務

郭知微 紹興四年右丞務

汪思正

吳思感

柳瑱

衛仲傑

葉林

錢作霖

謝暉

章馳

劉大亮

楊道迪  
功郎

凌相承  
奉郎

汪德範承  
務郎

瞿畊承  
務郎

巫肇修承  
務郎

謝晉卿承  
務郎

趙沈

李洪

李宗元

張壽叔承  
務郎

曾寧承  
務郎

韓杲卿承  
奉郎

陳士貴承  
務郎

汪端中承  
務郎

潘昌簡宣  
義郎

朱芾送  
事郎

高渭 迪功郎

李欽止 承務郎

周珙 從事郎

宋洙 承務郎

陸平坦 承務郎

朱鏞 迪功郎

寄子坦

陸游

目斷西陵細靄中  
津亭想汝擊孤蓬  
頗憂昨莫雲吞日  
猶幸今朝雨壓風  
就食亦知難戀  
挂帆終恨太匆  
寒沙不是無來雁  
頻寄書歸問老翁

硤石場稅務

南稅務

榷茶大使

部權

硤石酒庫

李公戩 保義郎

田明 承務郎

華猷 迪功郎

吳純一 迪功郎

張棟 承節郎

鹽監 太平興國四年置買納場總八場鹽課買納場舊号臨平

魏彦悅 宣義郎 紹興二十一年

周階 迪功郎 二十七年

陳祺 東義郎

董衍 成忠郎

沈肆 迪功郎

蕭蒙 承事郎

陳九成 迪功郎

潘偁 承議郎 二十四年

求多譽 迪功郎 三十一年

岩門塲	尤燾	汪熙	王墀	郭乘	蔣蘭	栢鉄	高得全	錢端誠	胡公邁
上管塲	承務郎	承務郎	修取郎	送政郎	文林郎	承務郎	承務郎	迪功郎	送政事郎
下管塲	開熙三年		五年	二年	十四年	九年	三年	六年	隆慶二年
南路塲		陳璫	吳澤	唐仲義	龐師偃	劉敏修	李知言	劉環	黃直向
表花塲		送事郎	承奉郎	承直郎	文林郎	送政郎	承務郎	迪功郎	修取郎
蜀山塲		嘉泰四年			紹興元年	十一年	六年	九年	乾道三年

黃河場 新興場

南陽鹽場催煎官

吳洪 文林郎嘉定十五年

喬通孫 送事郎紹定二年

葉勝之 送事郎六年三月

張楚 迪功郎嘉熙元年

場 林官儒

官叔 宋若淵

李燧 迪功郎六年六月

程憲 文林郎室慶二年四月

尹煥 文林郎紹定四年四月

趙希訥 文林郎端平二年十月

何應龍 送事郎四年十月任淳祐元年三月移監下沙

梅煥 十一月復職至二年四月

陳桂 迪功郎二年八月任

湯桂孫 送事郎九年六月任

高 槐 承直郎十二年四月

趙崇壽 修職郎四年閏四月

楊維祥 迪功郎景泰定元年四月

余 璨 迪功郎三年七月

趙先生曰余讀宋題名有二善為催煎酒正即本朝之倉巡

驛泊類也要非科目士攻經術者不得任善一舊任甫維新

任即代權攝者十一二耳官無曠而不肖者不得生心善二

本朝廢交代為權攝彙工剥下弊皆由此倉巡驛泊一以猾

猾積蠹充彼枵腹求飽則颺去已矣斗筲之人庸足箕子余

故于宋題名獨詳使志復古者得有故為

陸 柏 送事郎宝祐二年四月

劉端仁 儒林郎景定三年四月

樊汝舟 迪功郎咸淳元年四月

蜀山監場

魯懷

胡儔 迪功郎

黃汝楫 送政郎

章稟 右迪功郎

王以寧 右送事郎

曹緯 右迪功郎

史尚志 迪功郎

沈寅 迪功郎 淳熙八年

談鑰 吳興人 修職郎 十年

袁延儒 迪功郎

沈誼 迪功郎

魏楫 右送政郎 紹興二十二年

孫賈 右迪功郎

范延祚 右迪功郎

陳之深 右迪功郎

司馬逸 右迪功郎

邵夔 迪功郎 十一年

趙積謙 送事郎 紹熙元年



葛 採 文林郎四年

朱元衡 迪功郎慶元二年

趙 綸 迪功郎慶元五年

徐 昂 迪功郎嘉泰二年

丘 采 迪功郎開熙二年

冷 泳 迪功郎嘉定二年

趙子昂集有趙與峇監海昌鹽場

上管巡檢司

黃灣巡檢司 寨軍各百二十人

硤石巡檢司

許村巡檢司 寨軍各百人

赭山巡檢司 寨軍各百二十人

明

褚山 巡檢司 巡檢

鄭緯 蕭縣人 嘉靖三十

張儼 福山人 三十一年

王尚仁 樂安人 三十三年

石墩 巡檢司 巡檢

李昆 樂陵人 嘉靖三十

朱友文 懷寧人 三十一年

燕廷鈺 昌黎人 三十四年

安謚 新樂人 三十六年

稅課局 大使

楊表 內江人 嘉靖三十

許芳 懷遠人 三十三年

滕淮 臨朐人 三十五年

硤石 稅庫局 大使

趙延齡 莆田人 嘉靖三十年

蔣浩 沅州人 三十年

長安稅庫局大使

姜彪 平原人 三十三年

永平倉大使

李繼宗 徐川人 嘉靖三十年

趙楷 沛縣人 三十一年

鍾全 南康人 三十二年

鄒汝文 蒙城人 三十三年

史富 綿州人 三十四年

王崇 三十五年

許村場隸都運司西路場隸嘉興分司

### 武弁

海寧守禦千戶所洪武三年立海寧衛指揮使司二十年改

衛為所正千戶三副千戶六鎮撫一百戶十吏目一司吏一  
每百戶總旗二總旗下小旗五小旗下軍十人

正千戶

湯

王 通城人國初百戶以征進功陞歷指揮僉事

盛 成化十九年襲家霖正德八年襲

執中 嘉靖二十六年襲

楊

應龍

西華人國初百戶以靖難功陞

源 正統五年襲

武 天順七年襲

瑞 弘治十一年襲

鳳 正德七年襲

繼龍 嘉靖十五年襲

勳

師震

呂 忠 正德九年以副千戶贈 繼臣 正德十六年襲 律 嘉靖 二十

一年襲 鍵 優給

副千戶

呂 聚 舒城人 國初百戶 以靖難功陞 能 宣德十年襲 熊 化成

十年襲 忠 弘治五年襲 液 陣 贈 正千戶

蔡 得 懷遠人 國初百戶 陞 勝 建文四年襲 政 永樂十一年

英 天順七年襲 春 成化十六年襲 齡 正德元年襲

寅 嘉 靖

四年襲 天寵 優給 允 恭

孫

貴 六合人洪武二十年任以征進功富建文四年襲容  
宣德八年襲玉景泰元年襲雲弘治四年襲宝正德三  
年襲  
熙載 嘉靖四年襲允武二十八年襲

許

隆 六合人洪武十八年以百戶陞城三十年襲敏正統  
三年襲  
敬 九年襲瑛成化六年襲權弘治十一年襲

金

權 泰州人始智以首奸功授水軍左衛副千戶調海寧  
讓 永樂七年襲彤正統五年襲輝成化十九年襲堂正  
十二年襲印嘉靖三十五年襲鉉

朱

身

江都人正統元年任洪三年襲勇成化四年襲

循治弘

九年襲奎正德十二年襲光嘉靖十五年襲壁三十五年襲

繩武

姜

楫

嘉靖三十五年以百戶贈望三十五年襲

鎮撫

潘

諒

山陽人洪武三十二年以守城軍陞儼永樂十九年

俊正統元年襲瑛景泰七年襲澄弘治七年襲繼崇嘉

十九年襲國良

百戶

周

定 定遠人洪武二十七年以征進功授  
順 建文三年襲

經 永樂二十二年襲  
全 成化二年襲  
經 弘治八年襲  
相

嘉靖十八年襲  
應 熊

鄭

福 鳳陽人洪武三十一年以征進功  
全 建文三年襲  
玠

正統十三年襲  
翊 成化二年襲  
冲 二十二年襲  
弼 正德三年

襲  
應 曠 嘉靖二十九年襲  
一 魁



只里火 歹 狄道人 洪武九年 始納：以征進功授權百戶

忠 建文三年 襲政 正統十一年 襲勇 成化二年 襲能 弘治

三年 襲琪 正德十五年 襲師 鄉 嘉靖十九年 襲應 奎

莊貴成 錢塘人 洪武十五年 授以征進功 敬 建文三年 襲與

正統十二年 襲春 成化五年 襲軋 正德五年 襲繼 任 嘉

二十八年 襲 靖

李 勝 深水人 洪武二十九年 授以征進功 恭 永樂六年 襲

斌 正統十一年襲 震 成化元年襲 經 十五年襲 霖 十九年襲  
深 正德十二年襲 翰 嘉靖二十二年襲

姜 泰 湘潭人 洪武二十二年授 源 正德十年襲 楫 嘉靖二十年襲

三十三年陣亡 贈副千戶

陸 達 泰 吳人 洪武三十年授 以征進功 政 宣德四年襲 昂

景 泰 六年襲 魁 成化五年襲 昭 弘治二年襲 雲 嘉靖元年襲

科 二十八年襲

盛

仁 樂平人 洪武十八年授以征進功斌 二十年襲 文宣 德

三年襲 玉 正統十一年襲 鑑 景泰二年襲 昂 成化十八年襲

山 嘉靖五年襲 經

吳

成 臨泚人 洪武二十三年授以征進功勝 二十九年襲

龍 永樂四年襲 崇 正統八年襲 斌 景泰三年襲 震 成化十年

襲 高 正德八年襲 鑑 嘉靖二十八年襲 朝相

吳

忠 合肥人 洪武二十九年授以征進功懋 永樂十九年

俊 景泰六年襲 傑 天順八年襲 雄 弘治五年襲 經 正德元年

襲誠嘉靖十七年能翰

府志載多餘百戶

徐 禎 句容人 瑞

隆 空

世 顯 鄉

胤 齡

吏目

張學詩 嘉靖三十年任

隆慶初民壯三百人四年巡撫谷中虛以二百三十二名充  
餉五年巡撫郭朝賓議操守得七十二名萬曆三年除百  
名

祖制內衛官旗領漕沿海衛所專備倭景泰二年浙東多寇  
海寧衛指揮莊端謀領杭州衛淺船我所因代衢州轉運矣  
嘉靖志載運船三十四隻今八十隻

海昌外志

杏林談遷孺木著

建置志

治民如治家宵啼露處不庇風雨雖慈父不能有其子長史獨  
能有其民哉漢高帝過曲逆曰壯哉邑必其城郭宮室甲于他  
部也寧雖不腆藉前人之力規畫具備迄于今日更釐序以澤  
之壇壝橋道以賁之先王之教存焉晚近好糴老土木文繡侈  
于化人之居以彼冥頑闇于政教而悞于果報即三五而在詎  
遂庠其序也作建置志

城郭

縣城周九里三十步舊志無攷貞觀四年立鹽官市于縣西北  
開元十一年令路宣遠徙于縣西南或即有城亦頽廢  
元至正十九年張士誠遣築高丈有五尺我

明洪武二十年信國公湯和增築五尺永樂十五年十一月都  
指揮谷祥加堞二尺共高二丈二尺城門五東曰春熙南曰鎮  
海西曰安戍北曰拱辰東北曰宣德水門三今西南墜獨北通  
舟嘉靖三十四年令蔡完益城輒五尺增敵臺二十四直廂四  
十五周城濠廣五丈深一丈今西南濠淺涸宜濬崇禎二年秋  
鎮海門火重葺

城海寧州詩序

貢師泰

海寧故鹽官縣入國朝以戶衆升為州其後又以海決南岸州  
治將尽入于海吏民驚惧捍以數郡之力而決猶不止朝廷遣  
使投璧沉馬而祝祭之幸得寧遂改今名大抵境內地下淖沮  
如高者又皆沙土故城址漫無存者至正十九年春江浙分省  
以郊多警檄左右司都事陳君元禮相其地勢而興築焉君至則  
集長史父老議衆持不可且謂役非昔君曰諸君言固當然城  
為民防非徒勞也在我處之耳明日乃下令聽民自定其力之  
下上以均其徭有不寔輒治之并以坐吏于是奸豪惧伏貧懦  
咸慰小大相勸萬手並作不數月而堅壁高壘屹然為東南保  
障矣城既落州之寓公及其大夫士咸誦詩以美之而屬予序



首簡夫重門擊柝設險守固雖古昔盛世有不能無者然其所  
以為固也在得人心而已矣得人心則即墨用之而有餘失人  
心則函谷守之而不足是故城可以力為而心不可以力致苟  
得其心則城其有不固者乎今海寧城則固矣蓋思所以守之  
哉元礼以予言為何如

築城謠

胡奎

隋有鹽官城漢無鹽官城唐有鹽官城宋無鹽官城荒城蕪沒  
如何代唯有東流水長在蓬萊清淺幾桑田精衛年、塞東海  
前年無城禦邊烽去年無城梳杼空今年荒城高百尺誰其主  
者陳元龍重門缺鎖無金鑰刁斗無聲戍停柝七星掛城明月

低萬戶千門，慘清角何時。四海車書同，蒼生樂育康衢中。明  
開城者歌舞，城南城北春蒼紅。

海昌對月見懷友人

吳寬

懷仙不信有瀛洲，汗漫真為此夜游。浮世縱觀俱是海，高人獨立更宜秋。髮晞清露如新沐，手挽銀河欲倒流。却向君家誇故事，羽衣明月依黃樓。

登海寧城遠眺

王在晉

長駕天風振羽翰，崇牙高擁將登壇。但看生齒圍城聚，不似魚龍世象寬。金鏡海門輝甲冑，烏號電火徹雕鞍。衝開白浪橫磨劍，為道崑山不可到。攀

公廨

縣治宋太平興國四年立政和七年令王昉紹興元年令陳恕  
遷葺鼓樓曰勅書樓旁手詔宣詔二亭其東丞尉署、前隙地  
以閱民兵堂曰清愛燕喜門曰延佇後圃堂曰平政綠統亭曰  
錦香仰高梯雲記好西便室曰讀書林進德齋雜卉夾徑檜柏  
叅天元仍之延祐二年趙學士孟頫書廳額曰帥正至正六年  
守何蒙拓廳西架閣庫改宋簿廳為捕盜司判官兼焉

明洪武三年拓廳後衙齋正統九年重修弘治十六年知縣孫  
旻重建誼樓嘉靖十五年知縣嚴寬創新之誼樓內儀門俱三  
楹廳五楹曰忠愛穿堂三楹

帥正  
移額

後堂曰冰玉架閣庫耳房庫

附廳左右兩廡各十二楹廳東縣丞宅東南主簿宅廳西管糧  
縣丞宅又西典史幕軍器庫廳之獄屋儀門西土神祠三楹附  
儀門延賓館三楹附譙樓、內東西旌善申明二亭

公宇記

蘇夢齡

鹽官縣漢迄宋康定元年垂歷千載始議紀之縣初曰海昌漢  
武始置權鹽之官故更是名其封域東南距海西挾于雪北出  
於嘉禾杭郡夏秋之租以萬戶計者十萬有奇而縣之出乃

一本作明年

是年秋八月朱君蒞于茲土草茶

鹽仁政之弊而沿海濤風墊之患賜于民厚矣縣宇拊于太平興

國中至今四百年來君徇民欲廓而大之復與夏侯計開場橄  
奉詔警寇閱戎寔也自爾鹽官治狀完矣請刊于石以垂不朽  
云康定元年冬十二月初吉應茂才異等科蘇夢齡撰承務郎  
秘書省校書知杭州鹽官縣事同監鹽監朱公綽立石

重建縣廳記

陳昱

漢興小澤之利乃以鹽鉄名官攷諸載籍見于吳蜀齊魯者百  
餘所杭之鹽官為漢會稽郡之屬邑歷代廢置靡常唐貞觀渡  
五縣隸餘杭郡逮今四百餘年矣縣境廣袤二百里而半濱海  
故雖耕桑之地足以衣食魚蟹之利足以資給然民之業鹽者  
十四五國家自熙寧更定鹽法增置亭戶優立吏賞熬波積雪

上以充縣官之賦下于招商賈之販歲課衍至十餘萬民物  
因之豐阜鬱為大邑夫邑之常治者奉詔令聽獄訟均賦役治  
婚田其餘則謹簿書嚴期會耳天下所謂繁劇者不過如此是  
邑也常治已繁益以益政事又倍之號難治為令者至戴星出  
入精敝神勞僅能取办而已故舍宇聽頽漫不暇省今雖有廳  
事狹隘卑隘支傾葺陋漏爰然殆不足以勝風雨之暴持牒  
訴者止列主之地治案牘者止棲止之所徃設蓬序以置吏  
朱墨散亂不可以攷甚則至于獄訊不容賦役失平徃來者見  
其摧敝指為陋邑政和七年秋華陽王子華始來臨之期年之  
間吏畏民安爭訟哀息盜利饒羨政有條理日多閒暇因別為一

治事之所而增大之傍翼修廊以處群吏以設帑藏前為大門  
又前為樓以榜縣額其後則為燕休之室焉重梁疊拱高簷峻  
城鼎、輪奐今既得以安其居吏民趨走出入益知畏憚往者  
由是不得以陋名吾邑也子華名兩大丞相岐公之從孫贍才  
術善決遣其除蔽革故不勞而成現其政可以概其為人也予  
嘗謂縣令臨民最親為政最難今天下之廣以百里為縣者十  
有餘區郡刺史以揖之部使者以聯之紀綱完其法度昭家俗  
尚廉耻民之禮遜四方萬國德澤宣布和氣充溢愁嘆之聲消  
祥瑞之應至宜乎佩銅章紆墨綬者人有可稱績然循良不  
聞詳平鮮譽豈為令之果難如此哉蓋頽脫者或安乍而失中

齷齪者或恠辭而苟簡是二者皆拂民之情奸吏因其拂情隨  
所趨而迎導之舞文市私靡所不及維賢否不同苟失其道害  
民一也循良之不聞詳平之鮮譽豈累于此乎子華之為邑一  
二條理既应于成又能因其甚敝更而新之可謂得其中而宜  
其民者也庶幾乎循良詳平者與僕之為丞同事叙久得其說  
施于耳目者至審因其落成喜而為之書宣和二年三月十五  
日縣丞陳昱撰

重修鼓樓記

談 鑰

重屋曰樓門上為樓曰譙自秦漢間郡有譙門今邑治亦皆有  
之或呼為勅書樓上置鼓以儆夜漏莫詳事始蓋官本漢舊縣



按縣廳記云政和七年令王君昉作樓以榜縣額樓版道云題  
宣和五年令金譽修則今之縣樓蓋作于政和而修于宣和者  
也由宣和至今僅七十載中更變故而叔火勿及岷然冠于通  
門俯瞰官廨民居規制亦宏矣惟是閱歲深長日薄雨蝕四無  
隱蔽梁桷梳欄檻腐柱歌礎墊勢甚岌、雖檣以修木維以巨  
索猶將墜焉過其下者惕然加悚皇上嗣位之年稽山陳君被  
命來宰振弊飭蠹民安其政越明年以整办闕顧而嘆曰鹽官  
自昔號壯縣建炎龍渡駐蹕錢塘則又密拱現關如古下邳祿  
祠之境南距海利源所出有十鹽場故令兼主鹽鹽控扼險要  
有五巡寨故令兼監兵馬而譙樓傾敝若是非所以蓋百里之

現瞻助行都之雄都也乃會僚佐謀葺而新之邑人傳聞慈惠  
贊決富室請助其貲班匠願效其技間民欲致其力召一無所  
受鉤錢之夙隱于吏者得三十萬買材鳩工豐約惟稱興役于  
二月之丁未暨三月壬午落成昔之杌隳而欹者莊立而若持  
漫漶而緇者鮮潔而若怡撓敗而摧者夭矯而若飛役不及民  
恍疑神造識者于此覘政矣故嘗謂當今宦塗莫難于為邑而  
劇邑尤難為今者雖有強敏通練之才亦或迫于文書期會戴  
星出入為日不逮視治所若傳舍有上而旁風弗加省者一則  
曰吾勞瘁無餘皇也二則曰吾簡便無庸興作也與古人一日  
必葺之意異矣陳君宰馮輔邑蒞事有閒乃能更葺此樓不可

以無傳也邑人以論嘗學文請登載厥事鑰辭不獲謹為識其  
顛末君名恕字行可階奉議郎紹興元年四月癸卯送事即監  
岩門蜀山鹽場談鑰撰

縣廳續題名記

無為胡旒與立紹興戊午三月以學行承天子命來宰是邑下  
車之明日出條教數章告吏若民行之期年百廢具舉頌聲載  
塗郡太守部刺史交章論荐邑中士君子至交袂相賀蓋喜斯道  
之復見也縣舊有題名志書前令名銜自雍熙至崇寧輒止不  
書胡君慨然曰盍有銘凡杖有戒所以儆不明而懲不恪也令  
賢不肖指其名以詢于衆雖百年如前日事使人恐懼歌慕其

可廢也哉乃攷諸圖牒稽諸父老得十有四人刊于碑陰且求予為記予辭不獲佞因為之說曰昔公瑛非百里之才淵明有東帶之嘆後人動以藉口是皆吾聖門罪人昔吾夫子為委吏則曰會計當為橐田則曰牛羊茁壯長使推而宰天下即伊尹周公事業也百里之地有民人有社稷足以行吾所學又何蔣陶二子之足法哉後之君子毋惑于邪說毋忘胡君恐懼歆慕之意庶幾見吾夫子而不為聖門罪人紹興九年三月二十五日左奉議郎充秘閣修 誤提舉江州太平觀賜紫金魚袋張九成撰并書

縣獄屋記

莫叔光

君子愛人之心無所不尽仕而愛人細大得盡其心者惟令長  
令長百里之內上而教訓次而禁令下而決遣又下而有繫囚  
無一不關于心夫永決而囚愛人者之所得已也則必有以  
深恤之然後其心始安焉臨安為行都五十餘年物阜民安屬  
邑海昌在府之東視畿縣為壯而獄屋久不葺榱折瓦缺不庇  
風雨知縣事潁川陳彥始至喟然曰獄為禁暴而設然枉直未  
判則有獄吾固不得不為善良者地也雖其為暴而非良亦必  
罪而後正即刑可以當其罪獄不可以暴其人也以吾為邑長  
于斯坐視其將墜而勿之慮則不免于暴其人矣顧帑無見緡  
庾無儲粟屬早暎環邑六鄉方以病告將若之何于是去冗食

節浮費居處不營厨傳不飾以其餘貲徹舊而新之為屋二十  
有七間其三之一以處囚徒中外有門訊鞫有廳宿直有舍下  
至庖湔亦各有所作于癸卯之冬而成于甲辰之春遠于覆壘  
加以寬潔冬溫夏涼獄無病囚既而陳廣以其事示予且謂予  
志之予因為之言曰人患不盡其心不忠事之難也世之人皆  
畏邑宰之難不知夫生于心害于政根著于中者莫之能去簿  
書期會趣了目前而愛人之仁不立夫是以人不心感亦乘是  
而欺且爭日益紛々而莫之止今陳不畏夫人之欺且爭而畏  
吾心之不能盡可謂知本而今而後凡邑之人父子兄弟相與  
教詔遜而勿陵勤而勿貪漸無一人之獄以勿負侯所以愛之

之意斯可矣陳侯名申字景伯登隆興進士甲科今尚為縣云

### 縣丞廳記

陳昱

縣之吏長曰令貳曰丞之秩卑而于縣止不當治寔贊令者也官稱疑丞已見于古自秦漢後已有丞相之號建今宰輔之屬御史之副卿監之佐皆置丞焉雖小大之台貴錢之位邈然不同其為上以贊其長則非矣且百里以為縣付之一令改止巨細事止緩急是非予奪悉聽裁決有簿以謹籍有尉以職警惟亟止而專凡令之治皆得而可否之丞之事豈不重與令賢若才則拱手坐視其成否則必責于贊佐詎可虛丞也顧勢倡位等丞多犯權令不少貸則令與丞或不相容而儒者畏此至

不事：特充其負焉耳。昌黎公記藍田，辟曰：勢反出簿尉下意，正謂此。國家修明百度，董政治官自崇寧來，賅有令者，悉補丞。蓋官為抗丈，邑負山帶海，戶三萬，布穀饒，行商賈，阜通賦，多訟，煩加于諸邑，吏不勝其治。分于丞者，良亦不簡，乃縣之有丞也。甫十年，設官之初，每事草具，僻舍隘陋，而又支吾補苴，殆不堪處。政和六年，予來為丞，偶值賢令，繼治，得以委蛇。退食，顧所居圯壞，意一新之。明年乞厥費于常平使者，得錢十有五萬。又遺利稱是，孟冬始作，增故為新，為楹四十，闕八十，有五日而成。夫詔令簿書，戶舍皆治具也，可廢其一乎？為治者獨奉詔令，徹簿書至戶舍，則不以經意，謂奉養之私，疑于嫌，全不易一瓦木。



以博寧靜名蓋不思之甚也又奚奉詔令嚴簿書之足云因記  
以告來者政和八年正月朔旦建安陳昱記

縣丞廳後記

邑人張少良

戶陵歐陽公克世丞蓋官之明年歲大稔民輸止逋乃以財餘  
于縣庀財募工因故宇之敝而葺新之由寢至堂貫以大屋傍  
設窓檻內自庖匿前及門廡增新舊各當其所于是丞之居遂  
甲于邑察邑人張少良因其請而為之記曰官有舍居者治之  
職也人情為己亦然便安是邊卑庠是恥其習于窮陋頽圯不  
振以苟贏其身者非窘于財則憚于役非鹵莽于奉職則忌不  
以利遺後人賢與能勿為也然官則間要則役有難焉丞邑佐

佐也束手令下不得擅舉必咨可于令文墨奔走之吏不足使  
令于他司則丞乃往、獲用平屈庭可設崔羅一旦興役孰與  
共事者公之為足舉也、甥、予其勞且難哉、舊宇改建于政和  
之八年迄今五十餘載、公之前歷政不利七年之中以家難若  
病且不祿不及終更者凡六人其懷章而不至者又幾年用是  
廢益甚公至則有豎焉之虞徙客浮屠舍及瓜纒數月耳工既  
集終其去不一居焉原其用心秋毫不顧已而塵若是非才足  
以副其志弗能也昔魯有叔孫子所館必葺去之日如始至左  
氏書之君子以為忠公今葺而勿居賢于叔孫子矣述其事以  
稔來者少良所不敢辭也公字似之文忠公之曾孫云時在溥

熙四年正月 日

重修綠統堂記

予至海昌之二年既葺故亭而新之榜曰仰高矣直亭而南不  
十步有<sup>堂</sup>歸然上漏旁穿左右之柱苟勿壞前楹僅有存者三之  
一就其中增崇之為室方丈今亡矣不知廢于何嘗追尋遺址  
猶可想見詢之里人張似之云綠統之名得于橫浦張先生蓋  
取王荆公一水護田之句風在上者使知農田為務特加修正  
以著遺範環向皆窻戶無所恃為固易以傾圮稍于其西立以  
屏俾無頽陽橫雨之窘移植茶蘼于後即廢址為架敷條舒蔓  
其下可坐十人餘則盡循其故春夏之交雲隴叔黃雪綠堆白

稻田桑野葱蘢望主人休其心於觀相彈琴不下坐見穎粟  
堅好之寔邑民相與飽食而嬉里胥不及門賦稅告小吏塞  
責矣若乃春月流天蕙風飄香燦朱袖之圍紅爛華燭之流光  
合盃位坐酣歌醉舞委治課于止何有之鄉則非先生所以命  
亭之意予恐有耽斯堂之勝而以民事為緩者故併書以紀淳  
熙乙巳中秋前一日三山陳申撰

清愛堂

鄔知運

清愛堂前竹色佳  
白烟帶月翠橫斜  
日長吏散亭空後  
風景滿  
對淪茶

晞梅堂

尉解東

于恕

晞梅堂下春風和海棠正紅開未多一枝可意絢晴日下有修  
竹森駢羅連牆一立惟與河我來看花、娉娉花枝刺眼殊短  
、芳艸來道青成窠世間可羨亦官舍不有佳處知奈何此堂  
閱人知幾輩惟有此人超物外張君豪氣儕輩無少年捷際功  
名會平生活計翰墨場富貴將來渠未央版輿迎得新在堂有  
婦代烹供蒸常笑談四境無盜賊吏人却退君宴息文章用力  
到此窟如此作尉、亦得

仰高亭 縣廳西

鍾必萬

誰着危亭 間月華桂影傍闌干一同盡覆花陰應四顧  
境界寬獨有壯懷凌廣漠更無纖翳 高寒此名便豈君清

節只許時人矯首看

鍾必萬

長安去天一尺五天門不知高幾許仰觀黃道轉星辰  
俛覺青衫滿塵土憶昔廣寒平步上二十年間芳夢想孤亭  
盤礴醉魂醒岩桂摩娑詩放癢眼前雖感杜陵句誰識胸中  
高妙處嗟鳧既足泛天來五斗端非折腰具萬物矯首待春膏  
百里仁風歸一陶勿使下民或啼號仰看官長天樣高

挺立軒

丞解滄

寶思永

歎看文章雁鷺行挺然儼立對修篁宦游且共延風月歲晚相  
看到雪霜涉筆豈宜循故事哦詩不廢有佳章龍孫喜得春來

近百尺新梢漸出墻

讀書林

簿書叢裡讀書忙  
驚散庭前雁鷺行  
獨有蒼官與青女  
對人依舊立斜陽

客來屐齒漫留痕  
坐見春風咲語溫  
它日摩娑訪遺跡  
料松生子竹生孫

鹽官州記

方回

浙西道總管府七杭為大杭縣九鹽官為大、而新之為州宜也鹽官見漢書地理志本文及註二十四所猶缺官正官服官圓羞官也元貞元年五月中書省奏准縣戶五萬至十萬以上

升中州設官六戶四萬以上升下州設官五浙西東江東三道  
升三十三州而蓋官為中州戶口多則賦訟繁賦訟繁則權任  
不可以不重權任不可以不重則名位不可以不隆今在轄別  
駕既隆且重凡六同寅徵科聽訟之間固以新其官儀有以鎮  
整厭服之矣期會應酬之間款上办而下治則不容不分其劇  
而均其勞此今日作新之意也蓋官民俗淳古錢氏至今不知  
兵革戶口所以繁衍升州以來衆賢侯克新其民廟學新而儒  
氣盛倉廩新而國用饒鎮守軍營新而居民便政教風俗與之  
俱新而又歲事以登潮患頓息撫摩培養益豐益裕日新不已  
海隅之民幸乎哉州官奉直大夫達魯花赤聶古伯公 校尉



同知州惟古沙忠顯校尉同知州劉公仲 送仕郎州判申繼  
賢徐宗庶等相繼亦已可觀鎮守千 宋瑞州教吳孟陽諸賢  
相與聿新之州新升不可無記始事必書古史法也抑書事者  
石也象賢之可書而不朽者非石也以己之心新民之心民心  
之石將與甘棠無窮焉

宋監稅廳題名記

監稅官 朱 鏐

姑蘇朱鏐司征海昌之一年訪諸故老得中興以來居是官者  
凡三十人嗟歲月之遄邁恐姓名之湮沒謹書而刊于廳事之  
棟間庶後之君子曰有攷焉開禧丁卯良月中翰識

宋買納廳題名記

王 堦

廳有記所以記居官者姓名去來之月日也其人賢固將因姓氏月日而得之其不賢亦將因而得之是則廳之有記非徒姓氏月日之謂功戒之道寔寓焉是烏可已鹽官有監肇自太平興國所以總納諸路之鹽課如上管下管蜀山岩門南路袁花黃新黃興皆隸于此其廳治在縣南一里許考之圖經舊曰臨平監而後改今名總催煎場十而今存八至其所以更廢之故則缺焉不者歲合八場之額以石計者凡十三萬九千有奇在臨安四場中為最大宜其体存事備乃問之廳記則闕如也豈歲月之久其間或有所湮廢耶抑亦事務叢叢不暇顧也予切念之因求諸故實則紹興以前已止得而攷紹興以後石氏僅存而

大略亦可觀矣則其為不暇顧與或有所湮廢也固宜有如此  
年海鹽之郭公棊金華之唐公仲義皆有是更秩人多稱之而  
亦于是不及豈其不屑也或曰不然彼二公者近不及半歲遠  
總越歲余或承前人廢弛之後或當好事紛更之始補苴罅漏  
因事制宜如錢弊于混淆則為之名分判別而使藉有所攷如  
鹽患于耗折則為之拖欠還剩而使有所歸上下始安詞訴乃  
息鹽場至于今不廢繫誰之力也且子三年于此不有彼之勞  
有子之逸不有彼之始安有子之終然則非彼責而寔子責也  
余曰然于是以其得諸故籍者紹興以來凡十有六人悉刊諸  
石使來者有攷云慶元三年閏六月初吉文林郎監臨安府鹽

官縣買納鹽場山陰王埤記并書

催煎廳題名記

談鑰

漢會稽郡海鹽故武原有鹽官唐代宗時權鹽杭有場臨平有  
監今之鹽官縣即武原之舊鹽官買納鹽場即臨平監之舊而  
蜀山諸場即杭場之舊也蜀山名見隋志在縣西南二十七里  
瀕海斥鹵催煎官富治焉又西南十餘里有岩門山亭燹相接  
縵曰岩門蜀山鹽場紹興初海岸傾圯乃移治于邑南百許步  
兼下管催煎淳熙中又兼上管今所統之場四俗稱四場是  
者是也鑰曰第赴調授任于此及某闕御先達言父祖為是官  
時事簡課办自初官至秩滿率用賞極選階私切慰幸謂賞非

所覩得優暇習故書足矣暨至眎事按籍則職務叢委課或課  
負文移呵問時、有之與所聞勿稱豈時與事異耶抑因仍以  
至是也載念古昔廳有壁記所以識名氏為勸戒聳叟營道刺  
史之作最為直筆今邑官諸廳悉有之此獨虛闕嘗有意焉承  
乏之三月竭慮補罅事稍就緒會邑甚旱使者以朝倉差稽察  
賑濟督課之外賦廩功分為日不給既又被鹽使檄監仁和納  
場又易押黃姚袋兼本司主管文字今年二月始力請得還以  
溢額犒格得錢三萬又得石于邑長因詢訪前政得龍渡以來  
十八人命上鐫刻疑者闕之若其人之如何鑰踈鱗止能測識  
稽諸既驗則已有持節衣綉者把麾凝香者乘二重而五子蟬

聯桂籍者階升朝列而後嗣登瀛握蘭今為本道憲使者其間  
蹭蹬不偶者亦不少去此未遠而未躋臚仕者亦有為雖福善  
之應間有未盡而天定之際或不可知使繼此者視之庶幾有  
攷且得以屢書貽後云淳熙十六年十二月朔吳興談鑰記并  
書

南路鹽場題名記

陳桂

官所尽有題名所以紀去來之年月使後人有攷也惟煎卑職  
越在海濱不與邑官等去來若不足計然此場課額以石計者  
歲六萬五千有奇較他場差重彼皆有碑記而此獨闕至創始  
更革之目亦止所願訂豈舊皆武臣充此不以是事為急耶抑

廢弊久因仍不暇及也。廢撥隸帥府場事一新。又更端之大者。是烏可止。記因詢前政嘉定前姓氏湮沒。已茫無可據。自壬午改用文臣。得吳文林而下。數任請刻之石間。以示後。其揖職者去來非一。莫記月日。姑隨所傳。係于正仕之下。廢併有攷云。時淳祐五年仲秋朔日。監臨安府鹽官縣南路鹽場。兼浙西安撫使司僉廳。永嘉陳桂識。

使館嘉靖志布政分司。縣東二十步。正統六年立。按察分司。縣東二十八步。洪武三年立。俱廳三楹。門廡俱備。縣西二十步。府館亦如之。廢今縣東止察院公館。想即前二司遺楹也。規制視昔有加。俗稱東司。按洪武元年十二月欽定制度。公廨正廳三

間耳房各二間通計七間府州縣外墻高一丈五尺用青灰泥  
府治深七十五丈濶五十丈州治次之縣治又次之公廨後起  
蓋房室與守令正官居住左右兩旁佐貳官首領官居之公廨  
東另起蓋分司一所監察御史按察司分官居之公廨西起蓋  
館驛一所使客居之

常平倉唐貞元十年置在縣西七十二步不知廢于何時宋元  
祐中尙建義倉今廢

永平倉縣西南仁賢坊即洪武二十四年盈積倉也專貯官吏  
旗軍體糧弘治十六年知縣孫昊立廳六楹門樓三楹廩屋  
十二楹設大使一攢典一斗級四



預備倉一城北社稷壇側正德間知縣曹珪建額設斗級二枚  
贖罪穀賑貸秋成抵還門樓廳各三楹廡屋四楹一黃岡市  
不存一硤石鎮存一安國寺齋堂一縣西北二十里十七都  
並不存

便民倉國初建于長安東關正統八年火徙運西河岍址六十  
餘畝成化十八年叅政韓斐治廡八十楹便漕弘治十六年  
知縣孫旻重修十八年縣丞柳珏建官廳廨舍萬曆四十  
年石布政竇子稱創廡三百六十楹堅壯可久民大便之

醋庫縣東四十步月息錢百貫 宋圖經

長安庫月息錢五十貫

硤石庫月息銀三十貫

殿司膳軍酒庫宋殿帥楊和王所轄越七年歸于版曹乾道七  
年仍殿司上見宋圖經並廢

軍器庫典史幕後

耳房庫縣廳西貯贖錢架閣庫縣廳東貯版籍

儒學倉址存

儒學祭器庫明倫堂西廡

石墩巡檢司洪武二年巡檢宥希設于硤石鎮十二年徙石墩  
二十年信國公湯和提督沿海巡司俱築城周百四十五丈高二  
丈樓門二濠環城廣二丈

赭山巡檢司元至正間置洪武三年巡檢王質避潮遷六都陳橋  
北二十年築石城赭山北周二百四十丈高丈八尺門二永  
樂六年避潮遷文堂周垣九十丈高一丈門二

長安驛即唐貞觀五年桑亭驛八年改義亭驛西接臨平驛北  
接石門驛宋因之元設水馬二站馬六十匹舟六十隻至元  
間改長安水驛 國朝奉草以吳山驛至皂林驛僅百三十  
里也

宿長安驛

薩天錫

壩北壩南河水平客船爭纜水雲腥柳音吳越不可辨燈火滿  
船如落星

水面風來動楊柳  
密船吹笛月明中  
遠人海江多歸思  
卧看流  
星落水東

賦亭驛縣西南二十步  
唐開元中令柳遵立  
宋時廢

長安壩元至正間設官  
國朝因之廳屋一楹  
官舍二楹碑亭

一座收商船筏纜錢二十文  
今革

海寧縣稅課局縣西北一百五十步  
門廳各三楹

硤石稅課局元至正間建  
國朝因之今廳廡不存

長安稅課局廳廡各三楹  
赭山湯鎮稅課局今不存

陰陽學縣西北二百三十步  
凡民間雨雪蝗蝻皆令申達上司

據奏當刊咨詢年歲豐凶  
閭閻疾苦一紙一雨二雪三水四

早五早稻六晚稻七大麥八小麥九蕎麥十粟十一黍十二  
秫十三黃荳十四黑豆十五菜荳十六糯穀十七芝麻十八  
芋十九百穀廿桑廿一麻廿二棉花廿三葛廿四棗廿五粟  
廿六梨廿七桃廿八李廿九蓮三十藕三十一菱三十二茨  
寔三十三百菓三十四油菜三十五百菜三十六魚三十七  
蜂窠三十八蠟虫三十九火災四十疾疫四十一瘡疹四十  
二牲畜四十三盜賊四十四蝗蝻于歲首給各鄉一帛令實

填季終四報

養濟院 縣北二百五十步 宋紹興三年令陳恕重立安養院於

光華亭北徙甘棠橋南 明洪武初改建今址

海寧守禦千戶所縣東百十七步洪武二十年立千戶孫貴建  
嘉靖二十八年知縣高尚志千戶金堂重葺公廨萬曆季年  
又重葺重門峻堂頗極堅偉

演武場 城東 廣袤三百三十三丈將臺一座廳三楹後守舍

石墩山寨縣東四十里土城周四十二丈樓門二廳一營舍十

間東南逼大海山下有一小港外通大洋初設軍防守後回

邑城北立烽墩

黃灣山寨縣東五十里土城周七十四丈門樓三廳一營舍二

十四間寨東接澉浦南對大海

楮山寨洪武二十年築石城楮山北周二百四十丈高丈八尺

門二永樂六年潮陷今後文堂山周垣九十丈五尺高一丈  
門二東南逼大海南對蕭山與錢江相連倭嘗突犯寔為險  
要

烽燧

下管烽墩

二十一都烽墩

二十六都烽墩

石碑烽墩

大尖山烽墩

廟前烽墩

松三烽墩

牛皮港烽墩

橫路烽墩

何莊小烽墩

赭小烽墩

海寧縣河泊所硤石河泊所

暨學寓惠民藥局縣西一百步洪武十七年立三十一年草建

文四年仍立

許村場縣西二十五里國初立于時和鄉徐家壩南設東西二

倉永樂九年潮惠改建西倉在場西南廩舍四十三楹東倉

改縣城南門外廩舍二十八楹官廨在安化坊門廳旁舍全

西路場國初設于黃灣市置東西二倉東倉在廳側廩舍二十

一楹西倉在縣東北五十五里廩舍十九楹

石坊

協忠

及廟前

司諫

許相仍立

諫議

查秉異立



侍御 孫倚立

柱史 徐鶴齡立

都憲 查約立

文宗 祝萃立

綉衣 姚哲立

天卿 查秉彝立

內臺執法 吳遵立

憲臺肅度 朱瑞登

進士 陸州立

都諫 唐禹立

進士 徐寬立

秋官 封君沈注立

經元 沈友儒立

北臺風憲 朱有孚立

大家宰進士 吳鵬 吳紹立

上俱在城

父子進士 祝萃立 祝繼華立 掄魁掌諫典國宗卿 陳與郊立

藻揆廷對奏績母師 曾孔明 曾微奇立

拱辰門外

光佑 唐世勳立

安成門外

經魁 周國賢立

長安鎮

貞節 一朱鈺妻范氏 一黃岡馬鍾英妻許氏 一陳祖業妻郭氏

冰清玉潔 硤石鎮嚴執中妻范氏

儒學故縣西宋紹興五年縣令刁廡改建縣東南隅淳熙四年

令魏伯恂拓之鑿池築橋嘉定四年令沈紉重葺寶祐二年

令施濱作藏書室五楹元貞二年縣進為州設教授大德

七年知州張珪隘舊制稍改作之至正六年四月知州何蒙

重修教授王景順作高明軒十二年十月教授朱鷺又修之  
判官康存誠撰記至元丙子冬知州真定李慈重修

國朝洪武二年二月改州為縣三年知縣王忠立射圃于學  
南七年九月知縣朱恪修學作觀射亭九年二月知縣黃守  
政重建齋舍永樂十五年訓導顧益時撰記正德三年教諭  
朱泰市地廣泮池甃石嘉靖十年知縣胡堯時立啟聖祠尊

經閣饌堂

先師廟三楹舊名大成殿先師配哲廡皆設像嘉靖初太像  
易木主以祀西廡各八楹戟門三楹櫺星門一座啟聖祠三  
楹在先師廟後

廟左儒學門三楹戟門一楹明倫堂三楹崇德齋廣業齋左  
右對列各三楹敬一亭直堂後末尊經閣三楹號房二十楹  
附堂東西今諸生久不肄業與臺攸居矣土地祠一楹附大  
門西名官祠鄉賢祠各三楹在門左直門石坊曰泮宮其東  
西石坊四聚奎儲材騰蛟起鳳

儒學記畧

胡理

杭為東南都會人物間出而鹽官邑處地並海民逐漁鹽負販  
冠帶之俗微焉儒有張先生九成者郡人避亂居此授徒講學  
未幾類試有司居第一擢進士第廷中又第而其徒輒第二邑  
人驚歎時丹陽刁離令鹽官召父老令之曰彼張先生亦人耳

一旦及其徒俱成名稽古之力也我其鄉校是興俾若子弟得  
肄業其中可乎民謝惟令乃七月甲戌就故學基營焉諸生成  
願紀事以示來者廡乃書抵張先生先生以屬其友晉陵胡理  
則拱手言曰請攷論先生之學以舜為之君而契為司徒書則  
曰敬敷五教在寬而已尔三代之學孟子曰皆所以明人倫而  
已尔五教者何君臣父子夫婦長幼朋友之節也為其不遜也  
舜則有教焉人倫者何君臣父子夫婦長幼朋友之節也為其  
不明也三代之王有學焉然則五品苟遜矣舜將何求人倫苟  
明矣三代之王亦何求而於斯知所以學而自得焉則存乎其  
人而已學而進斯大矣遠矣欲知張先生之學之傳斯其本與

紹興五年十一月壬辰左承奉郎秘書省正字兼史館校勘胡  
理撰右修職郎監官縣令兼監監主管功農公事刁廡書并  
立石

重修儒學記

鍾必萬

國朝崇尚人文詔天下郡縣立學視三代則有先矣蓋官學舊  
在縣治西紹興中始徙于東偏凡五六年或葺或否若傳舍  
然良可嘆也吳興沈君紉為縣之明年特因其舊而一新之屬  
予為記以詔多士予竊自念齒髮如許學不加進朝夕自警且  
不暇其何以語夫人然自官游與夫往來于此餘二十年矣士  
門者日益衆况今求田問舍欲老于海昌之上則杖屨游

沒亦有責善之義焉故不辭嗟夫自命鄉論秀之制壞而不復  
士病于科舉蓋非一日而今之世為尤甚父兄之訓子弟朋友  
之相講論朝夕之所從事于文辭者惟利祿之是計且抑不思  
上之人孝、教養所望于爾多士者果如此哉聖賢立教所望  
於天下後世者果何在哉昔者吾夫子不過栖、一旅人耳講  
道洙泗固無爵祿可以動學者之心而群弟子或自齊往或自  
宋往或自衛往或自他國往不憚其山川之遠道路之勞而所  
慕有甚于爵祿意者日新月化莫非道德惟命之蘊必有出于  
言意之表及現耳提面命則皆孝弟忠信之實舉不離于日用  
之常然後知聖人之所以教人學者之所以用力蓋在此而不

在彼也雖然親事逆况憂已待人莫非事也而所謂道德性命之蘊有外於是乎惟行之而不著習矣而不察終身由之而不知此所以有待于學也學以致其知又貴于行其所知也千里之行蓋自足下足然不出戶庭而謂乘風駕雲可致千里有是理哉况夫求之有道得之有命窮道得喪舉不足以動其心而後可以言修身：身而後可以言事君治民士方未用利祿橫于心及其既用謂天既得患失之心信乎學者蓋亦無歆羨乎其外而當用力于其內事親有不足于孝事長有不足于敬與或為人謀而不忠與朋友交而不信與推是類而日察之力由知至而知終由窮理而尽性至命如是而後為不負上之人所



教養成就之意堂名數易沈君取舊名明倫揭之可謂知教人之本矣學比舊氣象殊勝主其役者主學南豐曾伋

祀監官文宣王廟文

宋高宗皇帝

賢於堯舜雖聖不居阨于陳蔡雖窮不憫春秋作而亂賊懼禮樂定而教化明不見用于當時自垂名于後世國既有學必  
有祀典禮斯行酒肴告脩神雖雉遇享于克誠

名官祠在學門左祀宋令朱公綽王昞刁靡魯顛陳恕元知州  
臧夢解王公輔我

明知縣方直李芳郭郊縣丞榻銘德教諭羅能蔡祐訓導李完  
朱公綽任蘓夢齡曰昔吳越錢鏐兵衆壤隘必厚賦乃供暨

宋均地貢將命者弗克減惟公自校秘書陟蒞茲土勤宣利  
澤究察民瘼建鹽法損羨輸省茶稅清田畛更葺縣署因擇  
其尤善者紀之

刁廡重建縣學

陳恕重修縣學鼓樓浚二十五里塘為政多善

王昞魯甌臧夢解王公輔見前職官志

蔡祐晉江人正德六年任教諭忠誠公謹正直光明端師儒  
之範正祀法之防陞湖州教授

李完德化人嘉靖十四年任訓導究心理學士民推服  
方直李芳鄣郊禰銘德羅能見前

鄉賢祠在名宦祠左祀梁江刺史戚袞齊處士顧歡唐禮部  
尚書褚無量睢陽太守許遠刑部尚書贈太師顏真卿宋荆  
門守郭知運太師崇國公謚文忠張九成處士施德操楊璿  
吏部尚書凌景夏刑部侍郎楊由義司農少卿史徽 明海  
州同知許懋太僕少卿沈升揚州知府李貞兵部郎中孫子  
良寧府教授胡奎按察副使姚哲封刑部主事祝淇禮部主  
事徐寬廣東叅政祝萃河南理問陳珉小東叅政查益刑部  
主事許元奎袁州通判毛鵬大名訓導唐琳封大理少卿查  
繪順天府尹查象彞荆府教授贈御史董載禮科給事中許  
相卿贈吏科給事中陳中漸贈工部主事董思友淮安知府

許令典貴州左叅政陳相封南京兵部員外郎陳與伯

談遷曰名宦鄉賢二祠崇德報功抑風厲之意寓焉昔者漢  
孝獻帝興平八年陸遜以此田都尉領縣事連年亢旱遜開  
倉穀以賑貧民功督農桑百姓蒙賴又宋歐陽珣之末節

國朝許天贈之均賦林恭章之懽悌救荒甘棠尚有其人崇  
禎中嘉興守鄭瑄其祖日休故海寧教諭因躋祀名宦以往  
詰則佚之時貴則追之今日舉動類如此鄉先生祭于社者  
初殆春之今鴈濫不可問崇禎中賞郎吳中彥進其祖贈御  
史辟尋賞郎敗學使者檄毀木主褫首事諸生猶不之悟豈  
非利令智昏耶布衣蘇平之風韻方伯查約之潔粹憲副董

鯤之毅特朱與翹之醇廩俎豆其間誰得而舍旃噫詳近遺  
遠汝南月旦疇起朽骨而肉之

典籍

五經大全部各一五倫書二本功善書本十四大狩龍飛錄 孝

順事順本一鄉射禮書本一鑿方選要本十外科集驗本二

宋贍學錢歲四百十二貫三百文

元贍學田百畝費用中助

明贍學田入冊七百三十五畝有奇義民張滂捐一百二十畝監

生徐思曾助四十畝州判徐思顏助百畝義民張輦輔助十  
二畝四分萬曆中生貧祝守範輸十畝查允先允亮各十畝

楊明經四十畝陳玄鼎四十畝沈明遠明功八十畝義民沈  
燿二十畝陸椿九畝五分餘或價買或追入今入冊田定五  
百十四畝一分微銀二百二兩八錢六分

### 名宦祠記

海寧名宦祠成蓋州祠夫海寧所為名宦者在宋有若王公  
明刁公靡陳公恕魯公鉅朱公綽在元有若王公輔減公夢  
解在我

皇明則有若方公直禰公銘德羅公能李公芳茲蓋學諭侯  
君泰諸諸學使劉公瑞以茲數君子者報可祠以享之于是  
予始侯君日以記請銳受狀讀之作而嘆曰公慎選哉夫後

世所謂名官者蓋不易矣必其廉足以律身勤足以將事政  
足以濟民教足以善俗俾為民者存以致愛殺以致恐于是  
血食茲土永無戢然則任茲選者可勿慎乎夫慎則精  
則確、以致嚴、以致重斯于是乎為慎矣今茲數君子者  
祠於茲土將使為其民者肅以入焉曰吾土為縣若州舊矣  
由漢以還吏于吾土者吾不知其幾矣吾民宮室以庇之與  
馬以載之餼廩以贍之罔敢弗至惟茲數君子者是有遺惠  
于我百姓我其敢忘乎嗣職茲土者肅以入焉曰由漢以還  
吾儕吏于茲土者吾不知其幾矣而民所以戴而奉之者宜  
不異也胡為數君子者獨克血食于茲耶吾其敢勿效乎夫

百姓懷之勿忍忘所以報也嗣職茲土者思效焉所以功也  
有以報之則民志安有以功之則吏治舉公茲必慎選焉如  
不得已者固有意哉固有意哉銳不佞竊敢具述願末用詔  
來者祠益縣尹郭君如撤廢寺以新之者比歿躋祀其間君  
子以為宜

鄉賢祠記

許相鄉

浙江按察司副使西蜀劉公瑞承

詔董學之二年檄諸郡縣學凡前賢自其地產者以告于是  
海寧教諭侯君泰集諸生議白可徵者如干人公甄汰更定  
始梁太常博士戚公訖我



生當作王  
朱當作宋

明廣東泰政祝公二十人俾有司秩祀如故事知縣郭侯郊  
遂因舊祠增聖易壯豆登几櫝故所有者必葺所無也今  
為之役竣禮成况侯照繼宰縣政侯君咨焉爰來請祀辭弗  
可則誦其所聞曰惟先生造士合奠先聖先師于學祠先賢  
於東序祭鄉先生于社夫固崇昭報也而風厲寓焉今之鄉  
賢祠殆猶先生之志之意耶繫我先正在唐中葉有若睢陽  
許公以死殉義屹樹大防烈哉純臣萬夫之望乎在朱叔世  
有若文忠張公持正施公謹獨楊公崇尚心術攘斥異端遠  
事孔氏可與為仁矣自餘萬倫紀守經術樹勳庸志高尚皆  
項彬、世往論定抑亦今之成人與惟是崇構嚴設風教攸

樹典刑苦存過者趨瞻者肅好德之秉節夫犹然况我學問  
之民出入登降揖讓酬酢絃歌講肄于此其將慨然嘆不可  
作恍然若沒之游乎又將低徊而深思其山川靈淑往者逝  
矣來者謂何彼我丈夫有為若足邁往以前精思力企尚友  
于賢得師于聖用振廢大成則惟先正私淑是賴師儒風屬  
是承相御方日自昂而凡同志願亦有驗焉

### 祠廟

城隍廟宋稱其神永固王在縣北二百五十二步紹興三十年  
加封保順通惠侯 明洪武元年以應天府神稱帝開封臨  
濠太平和滁神稱王府神稱監察司民威靈公正二品縣神

稱監察司民顯佑伯正四品三年詔從城隍本號去塑像題  
木主曰海寧縣城隍之神今廟仍塑像 李貞撰重修廟記  
縣官始至先一夕齋戒宿廟雞鳴起祀神誓言不敢殃民殃  
民者神其殃我無悔祀已然後蒞任視事月朔望謁拜廟下  
春秋則合風雲雷雨山川祀之其三時厲祭則城隍主之著  
為令

海寧城隍神本邑轉塘人羅俊前宋時令金壇邑再旱故民將  
倉粟貸民俟秋成抵償是秋又飢明年又大水虧賦捐家貲  
不足致身死金壇民競立祠封顯佑伯誕生四月十一日陰  
問成神

宋高宗祝文

三里之城七里之郭皆所以限制內外以禦寇盜以安人民必有主其事者也先王之制祭祀有功于民則祀之城隍之神亦可謂有功于民矣既載祀典疇敢不以清酌庶饗為荐

雙廟縣西百三十步梁大同二年建專祀唐睢陽太守忠義許

遠後增祀御史中丞忠烈張巡號雙廟宋紹興八年縣令胡

旣與邑人禮部侍郎張九成請于朝增祀忠壯南霽雲忠勇

雷萬春忠濟姚閻皆贈爵號五國公我明洪武四年以許

遠生于海寧特祀之罷諸後祀歲祭十月既望公忌日正德

十六年改春秋致祭

宋國經言雍熙四年建天聖八年令王可回重脩淳熙間令趙彥駿重修廟左

介福堂今廢萬曆  
災天啟元年重建 廟

益疑益撒疑撒

雙廟祝文

咸熙三年令吳由率同官寓公邑庠諸生以十月十六日已  
已祭許公于廟蓋公尽節之日也曰由幼讀書知有睢陽戰  
守之烈茲試令而獲武原忠義之鄉私切為幸因與邑寓楊  
若均訂之舊史質之通鑑參之長曆夫然後知睢陽陷于孟  
冬之九日後七日而公竟以不屈死爰于是日載舉祀事於  
廟庭之下以補舊典之闕以慰邦人之思

唐代宗勅 立廟當在睢陽時附見

頃者國步艱難妖星不若中原及焉四海橫波公等內德

師外臨勁敵折骸易子曾未病諸兵盡矢窮乃其憂也嗚呼  
天未悔禍人何以堪寧甘殺身不附兇黨信光揚于史策可  
龜鑑於人倫其立廟焉以時祭祀

宋高宗祝文

鈞秉忠勇氣吞群賊孤城被圍援兵絕跡將士皇皇枵腹累  
日不惜愛姬以資一食勢窮智迫至死不屈血食南都殿宇  
翼翼真皇東封廟貌增飾惟此海昌父母之國英靈自唐輝  
映丹冊天子初郊典文咸秩忠臣義士尤不可失設此豆籩  
以祈來格

哀辭

惆悵悲故城，荒經戰事中原嘗失守。此邦乃有脩駘虜勢，  
轉侵王師多不利。絃戎失良翰，疇昔領群帥。文武稟全才，德  
刑脩戰器。深謀捍吳越，長策保淮泗。萬乘已蒙塵，諸侯皆釋  
位。誠臣自猜阻，宿將亦携貳。壯志感鬼神，軍聲動天地。胡兵  
圍稍合，漢將終不智。乃勗銳，斥師不為豹。狼餌折骨爭，請命  
飲血期。誓志白日貫忠誠，秋霜明信義。上天未悔禍，矢盡糧  
亦匱。狂寇肆殲夷，無徒無准類。屠城逢潰卒，煙井當陳隴。沈  
痛弔傷魂，蕭條絕民吏。皇明啟休運，內外銷奸壘。董卓誅上  
京，蚩尤斬中冀。緬驚祖謝久，復難今昔異。高里掃妖氛，三邊  
息烽燧。既如沂城誅，特表鎮南謚。行李經故墟，哀傷悼如醉。

祀劍：疑劍之誤

嚴冬雁初度晏歲日窮次哀木嘯萬鴟荒榛聚嘔時旅帆溪  
上游槁葉霜前墜冤氣成莫雲燐光雜寒吹懦夫乃扼膈舊  
友增洒泪莽蒼十月交彷徨百夏萃後怀濟時策撫劍不能  
寐

重建雙廟記

鍾必萬

縣西舊有將軍許遠祀後增祀張巡亦號雙廟則歲月失載  
不可攷宋紹興八年詔增祀南齊雲雷萬春姚閭蓋從邑人礼  
部侍郎張九成之所請也古屋數椽日懼覆墜甚不稱上之  
人所以訓民事神之意宋紹熙元年知縣事會稽陳忠祇謁  
祠下嗟惋良久越明年歲豐民和始謀于邑之隱居曾侯撤



廢尼院舊殿增易之踰年工未就怒受代去假不忍中報於  
是竭力勸諭隨獲隨創積六年而廟成寔慶元二年也前殿  
三楹像設魏、神、來、頤、歆、罔、不肅祇遂取唐史臣之贊榜之  
曰雄挺盡節之殿挾以兩廡圖睢陽死節將佐三十有二人  
翼有修廊十有六楹盡繪戰守之蹟于壁如史所載金碧晃  
輝觀者心悸不啻若親目當日之事明日書來諗曰願有以  
記必萬竊觀先王之典以死勤事則祀之若五公者非所謂  
以死勤事者乎中興初皆賜上公爵俾歲時長吏致祭籩豆  
牲牢名物如上公禮勸民之意遠矣監官許公故里舊史與  
國志可據也獨新史畧之或遂以公為右相敬宗曾孫乃誣

公杭之新城人殊失建祠錫爵之本意吁可嘆哉敬宗蓋善  
心之子而善心則亨之子懋之孫也按北史善心傳南史懋  
傳並著鄉里高陽新城以知此舊史載敬宗為杭之新城者  
誤矣後之人不攷併與公誣之烏得無辨若夫公之名節爛  
然與日月爭光史自有傳不必序其行事特是正其鄉里以  
堅邑人之信慕安知無聞其風而作興者乎

### 許侯廟碑

許侯名遠字令威世居藍官洛溪里由唐天寶進士累官睢  
陽太守安祿山反而兩河及山東西州郡之陷者殆土崩矣  
按韓愈序張中丞傳逸事稱公開門納巡位本在巡上授之

柄而處其下竟與巡俱守死又曰兩公守一城捍天下以千  
百就盡之卒戰百萬日滋之師遮蔽江淮而阻遏之唐室幾  
為天下裂而以止為存者其功也嗟乎予讀傳記至此未嘗  
不為之歔歔流涕而鬚眉怒張裂眦以起別按許生忠所抱  
家世譜代宗朝中興功臣以兩公及南霽雲為第一圖像凌  
烟閣勅拜長子岐為嬰州司馬妻以郡主復拜次子峴為左  
金吾衛將軍大曆二年詔塋冠劍于其鄉而廟祀之已而後  
梁增祀張公巡而宋紹興八年又益之以南霽雲雷萬春姚  
閻三公稱協忠祠非也蓋數公者群而祀之睢陽則可群而  
祀之于其鄉則不可洪武四年禮部建言許公遠張公巡並

廟食睢陽而今海寧則許公故所生之邑里曰鹽官是也汰  
宜專祀 高皇帝令有司祀春秋歲徵祀額金八兩載在大  
明會典頃者有司議均平迭減祀額金貳兩貳錢及括祭田  
故所優之以准輕折去並罷去之而萬曆十二年縣令陳君  
其來許生忠首請之陳令牒郡二千石俞公其畧曰許公遠  
之死杖忠義泣鬼神而与日月爭光者 高皇帝采禮官議  
祀之于其故邑里蓋所謂不忘蛟龍之始蟄于其宮而特令  
官帶祠春秋闢古者賢哲之墓犹往：百世下禁樵採而復  
其家而况許公之死以捍王家翊社稷者乎迹年廟貌漸頽  
甚者前有司議減會典所載祀之費又從而籍其故所遺祀

田與民間賦等第甚非所以稱國家錄忠崇祀之意謹飾廟貌  
并述故事本末以聞郡二千石俞公故持大体為之躍然上  
之撫按及藩臬諸司撫按及藩臬諸司並報曰祀如故會典  
所載祀田若干畝其以近年大量而羨者抵办無与民間例  
賦笑生惧世易之後或牒且旁落沒無攷請鄉大夫唐公守  
移書屬予曰我鹽官乃許侯者始所射桑弧蓬矢之地也  
高皇帝首採礼官言特庙祀之者為令即周武王下車而封  
比干之墓也今郡縣為之葺其庙併題其額而曩之龐某他  
附者之祀与祀田之例為賦笑者並罷去即大循吏所称以  
經術飭吏治者之遺也我鹽官之小增崇而水增潤矣予于

是次第其言而係之以樂歌三章令里人之肄而習之以備  
有司者之他日尸祝而俎豆焉其詞曰祿山叛起冀方侯提  
卒抗睢陽援兵提軍無見糧力竭以止一閱羅雀鼠殺奴妾  
饗虜兵奮且捩枉矢夜光慘捨滅尋就縛河山流血二閱賊  
不渡淮誰之功唐室且振除殘先因凌烟勒廟宮千載之下

問無窮三閱

王安石

兩公天下俊無地與騰驥就死得處所至今猶耿光中原擅  
兵革昔日幾侯王此獨身如在誰令國不止北風吹樹急西  
日照寒涼志士千年泪冷然落莫觴

郭知運

唐祚中不振，孽胡恣奸驕。君德勿克，治亂在一朝。渠魁睨  
神器，四海俱動搖。向來為厲階，其跡已冰消。中興功孰盛，張  
許冠百僚。堂二公烈，千古名不凋。義胆極華岳，忠服齊斗  
杓。平生慕節義，卜居祠非遙。丹青就湮鬱，古屋風蕭。英靈  
如可問，激懦討昏妖。

六州歌頭

劉道

睢陽舊事說着，泪先流。男兒漢，曾百戰，肯俘囚。死來休行闕，  
知何處，胡塵暗。犹拜望，臣力尽，孤城陷。賊誰收，飲恨先驅血，  
染荒原。州地慘天，愁憤當時有，劍不斬。賀蘭頭，路隔神州自

諸侯 問何人為有遺策猶凜：氣橫秋感忠烈人自奮如  
彷彿見貔貅香火城西逾神馭整轟戈矛風卷寒葉響  
聽：千古人民祈賽中興後還有人不喚南豐老子傍柳繫  
吾舟酌酒同游

雙廟迎神歌

楊均

月維良兮日既望雁淒淒：兮靡草黃潔管姐兮進桂觴迎生  
氣兮睢之陽龍媒蹀躞兮玄雲翔佇想五公兮下瑤堂儼如  
在兮曠祀舉肅雍列兮羅簪裳

送神歌

裸獻終祀紀具靈禋：迴霄馭人祇分福祉聚



師起哭元亨義氣震天地百戰奮雄姿尚妾士揮泪睢陽水  
東流双庙垂百世當時令孤潮乃為賊游說

文天祥

徐璠

蕞尔孤城扼賊喉男兒死耳更何求生降說有潼關將泉下  
相逢也合羞

明

朱祚

天寶落日昏四野胡塵起一旦漁陽城遂作單于壘潼關潰  
秋濤藩籬總頽靡倒戈輓趁降恬然不知耻惟公挺忠節恨  
賊入骨髓江淮保障地其責歸于已醜妾食三軍捐軀輕六

矢力窮援亦絕百戰殊未已邊月冷烽烟障雲昏睥睨城崩  
壯圖屈罵賊猶斷齒生兮為忠臣死兮為厲鬼死生誰所無  
君獨尽斯理孤忠露丹心千秋耀青史至今仰高節神像遺  
鄉里香雲護綺窓金碧輝丹宸我来詣祠下歎歎獨垂泪再  
拜垂咨嗟如公今有幾

孫子良

國破君何在艱危寄此身孤城抗全虜一髮引千鈞諸葛終  
憂漢色晉空入秦可憐忠義友亦作說降人

張許雙廟

胡奎

睢陽太守清源令袞冕魏共一祠節重長淮堅守日功高靈

武中興時汗青不泯忠臣傳太白長懸大將旗聖代春秋嚴  
祀典祠臣鵠立見光儀

聶大年

睢陽城裡箭如雨百戰疲兵食茶紙將軍力盡孤城危三十  
六人同日死當時南八真界兒嚙指出血空淋漓賀蘭擁兵  
坐不救肯與社稷同安危諸君赤心死報國慷慨殺身全大  
屬當作厲

悲疑

之誤

時形響通精誠皇天后土鑒忠義萬古千年垂令名悲：蕭  
撼庭樹讀罷窮碑毛髮豎方今六合久清寧不辨魚麗分

子愛

徐行之

張許祠堂何處尋  
西風獵獵柏陰陰  
誰將四海英靈氣  
聚作孤臣鉄石心  
千里江淮馮保障  
萬年天壤共高深  
餘威直破奸雄胆  
王蠋于今有嗣音

雙仁祠安化坊  
吳越王錢鏐立祀  
唐顏真卿及其從兄贈司徒  
杲卿元末燬我  
明正德九年知縣曹珪重立  
嘉靖二十八年重葺崇德  
撰記歲八月望致祭  
天啟初知縣鮑觀

光重葺

祠記

忠莫大于整頓  
經勇莫難于折元惡  
義莫重於昭往績  
事莫

偉于飭嘉程海寧縣治之西有双仁祠肖像仁顏奉安英與  
彰善瘴惡揚厥風声是祠也者義莫重焉者也願址屆市寰  
易為湮蠹廡泉高侯分符海寧至則首謁兩公祠見其摧毀  
剝蝕為巨室所侵軼即喟然興嘆曰是豈所以妥兩公有司  
之過也且劔範者有所標焉而後民知則倣也兩公者其為  
劔範也偉矣今若此何以彰往祭來方圖撤而新之而杏里  
叅伯王公旬宣蒞海上詣兩顏公祠佇瞻所見喟然嗟之謂  
侯曰兩公所為者勵世之嘉程也祠像安公久矣舊材毋撤  
舊址毋更歸其便軼護其摧毀剝蝕者而已侯即日度材庀  
工條湮剔蠹踰月而廟貌輪且奐矣鄉人之過双仁祠者

便當作侵

儼如兩公再生然則是舉也顏綰再整元惡再折而往績再  
昭嘉程再飭杏里公廉泉侯之功顏不偉與故曰一舉而四  
善備焉者重修兩顏公双仁祠之謂也

安化王祠開封王稟字正臣青州人將家子靖康元年以騎帥  
領節建武總軍太原當虜圍城忠義奮發間日輒輕騎出城  
運大刀徑擣營轉戰宣撫使張孝純一日會監司食謀欲降  
虜稟知之率所將刀手五百人詣孝純列刀于前起諭曰汝  
等欲官否衆曰然稟曰惟立功則官可得又曰欲賞否衆曰  
然稟曰惟禦敵則賞可致且曰汝等既欲官賞宜宣力尽心  
以忠衛國借如汝等有言降者當如何群卒舉刀曰願以此

膠之又曰如稟言降當如何卒曰亦以此膠之又曰宣撫與  
監司言降當如何卒曰亦乞此膠之孝純自是絕口不復言  
降而城中兵權盡在稟矣又守城遇有隄防虜出奇見攻稟  
候其來必以意麾解之後圍益急食盡人互相啖甲士煮弓  
弩筋膠城陷與其子閻門祇候荀入告原廟抱太宗御容赴  
水死追封安化郡王謚忠壯荀贈右武大夫恩州刺史擢其  
子為樞密院屬官壻曾懷官丞相家孫沆高宗賜第益官故  
今立祠沆子三忠官都督怒登隆興元年進士判維揚謙登  
慶元五年進士任三江監怒生珍生輝紹興四年進

少  
壬辰明奉大夫明興王<sup>賓</sup>荐歷禮部郎中賓從弟禧宣德間以

稅戶人才荐歷河間知府

弔王忠壯祠

楊由義

太原城下屹行宮  
雲樹蘿蔥掩碧空  
鉄馬無声汾水急  
滿天風雨泣英雄

張文忠公祠鎮海門右紹定二年縣令趙汝船祠于淨居院後  
廢國朝正德九年知縣曹珪建書院歲祀六月三日

記

于有成

有大人物必有大声名士大夫學問有根源則人物声名無  
間斷無垢先生張公九成以紹興二年廷魁天下官至禮部  
侍郎高宗欲大用之適與時宰議論不合謫居南安十有四



年久取嶺下放還守永嘉未幾奉祠歸里終于藍官大都在  
官之日無四年之祿既斥之後人物愈見其大聲名愈有光  
艷其故何哉有成聞諸父言先生孝以孝行為本六經諸子百  
家貫穿于胸中其為文與議論皆本于堯舜禹湯文武周公  
所傳之心法又以濂溪二程之遺言恭聆于已大抵負氣剛  
大不為貧賤富貴患難所屈故其見于辭受交接進退出處  
之際凜然霜雪不可凌犯見于講解著述者如青天白日開  
明人主心胸啟發天下學者使人誦讀快樂如鸞飛魚躍廷  
對萬言慷慨陳策天子為之感泣龜山先生貽書有曰自更  
科以來未之有其見重如此紹定二載縣宰趙君汝船來首

率諸僚建祠于淨居寺之堂上撥田百畝半以奉香火半以  
待縣官祭享書來俾有成記其事輒再拜而書所聞見以授  
之

貢尚書祠 安國寺東 祀元禮部尚書宣城貢師泰

致忠祠祀副千戶呂忠歲正月二十三日

東岳行祠縣東南二里宋熙寧 年建紹興初重葺邑人傳達  
可記并書有五岳樓

### 宋高宗祀文

象山莫大乎泰山五岳莫尊乎東岳既帝且聖與天齊仁郡  
邑之間宮殿相望威靈所在士庶是瞻當皇帝之初郊舉先

王之舊典犧牲菜盛之脩簋簠籩豆之陳爾饌既嘉尔酒既  
旨上之奉神可謂至矣神之報上宜何如哉祈有陰兵助予  
討伐掃蕩渠魁之窟穴还歸二聖之駕與啟萬國之歡心俾  
一人之有慶

悼岳祠效白氏諷諫体

楊璿

危樓掙空勢崢嶸神灵之宇宜高明彫闌綺疏煥丹青上有  
碧瓦聃朱堯當時何緣有此屋邑人輸成欲求福捐金例廩  
不計費工師伐盡南山木宮祠落成今幾年帝君來兮後群  
仙開陽閉陰宣化權雲車風馬何翩翩迺來荒涼廢修葺香  
錢歲被官拘入社會不來香火寒塵埃撲面靈官泣人間萬

聊之誤

事有廢興祇今白晝門長扁小祇海若擁空壁粉黛剥落無  
威灵虛庭無人空寂、細草沿階土花碧荒地廢井綠生衣  
燕雀群飛聲唧唧、古人理財取諸民今人理財取諸神、人  
之寃無所訴上帝居高勿下顧

登五岳樓

胡奎

五岳萃靈氣歸然見高標上凌三素雲仰見九層霄玉女啟  
天閤參差紫宸朝群龍翔殿陛双鸞夾笙簫倚闌待明月清  
露下沈寥游神八表外羽佩何飄飄  
灵飈吹海雨洗出江南小丹梯拂層漢玉女啟天閤秋声撼  
双檜白日波濤还能駕倏来游空中鸣佩環朝發博桑溪夕

稀髮稀  
當作晞

棲若木灣會當凌八表稀髮大霞間

五岳樓避暑

蘓平

五岳樓高瞰海濱故人携酒宴儒紳  
蘭亭文物遺風在金谷壺觴逸興新  
詞客南來空弔古弱流東去幾揚塵  
浮雲軒冕何海問且共林泉醉葛巾

朱淑貞

登臨四望暢幽怀縹緲軒窓傍水開  
烟鎖越山秋色晚兩昏吳苑雁声哀  
微茫遠樹雲中画洶湧波濤海上來  
極目鯨波幾千里不知何路到蓬萊

靈順行祠 延恩寺東

洪武十一年僧彌紹達

杯疑枉  
枝之誤

石刻蘓舜元詩

畫堂三月初三日絮撲紗窓燕拂簷蓮子數杯嘗冷酒杯枝  
一曲試春衫階臨池面勝看鏡屋映花叢當下簾誰倚南樓  
指新月玉鈎素手兩纖  
國朝許德柔有重修祠記

崔府君廟縣東北百四十步唐貞觀間崔子玉為磁州滄陽令  
有異政民立生祠既卒成神宗高宗南渡夜總府君廟有神  
扶其首起知金兵躡之急忽見一白馬遂乘之宵遁行七百  
里至禦免鄉天曙喜曰金人不我及矣乃下馬休息其馬遂  
不行熟視之乃泥馬也遂瘞焉今名白馬岡嘉興志元至元  
二十一年重建國朝大僕寺丞朱裡撰記廟井歲旱不涸

崇禎戊寅早來汲者投錢得入

崔府君名珏字子玉祁州古城縣附郭村人父公讓母劉氏好  
濟貧多所蒙活隋開皇五年六月六日生珏瑞氣盈室及比  
長聰明過人日記千言孝親敬友娶盧氏仁壽元年徵入朝  
遂魁天下三年拜太子府傅監至貞觀元年取復舊職加兵  
部員外郎十五年授長子縣令十六年徵還滏陽令十八年  
遷衛縣令十九年擢蒲州刺史兼河北二十四州採訪使二  
十二年十旬呼磁後郭憲及男敬嗣曰今夕上帝有命吾將  
逝矣遵吾之言葬吾于鼓山之側遂卒年六十四沒後唐太  
宗感夢封護國顯應王宋貞宗感夢封東岳岱山護國西齊

王徽宗加封護國顯應昭忠王高宗加封護國顯靈真君金  
章宗封亞岳之神元成宗封靈惠齊聖廣佑王

五土廟縣東北一里 御定五土五穀之神祭文曰維神參贊

造化發育萬物凡我庶民悉賴生植時維仲春東作方興仲  
秋歲事有成謹具牲禮恭伸祈告報祭伏願雨暘時若五穀  
豐登官賦足供民食充裕神其鑒之尚享祭畢會飲會中先  
令一人讀誓辭曰凡我同里之人各遵守禮法毋恃力凌弱違  
者先共制之然後經官或貧無可贖周給其家三年不立不  
使與會其婚姻喪葬有乏隨力相助若不從衆及犯奸盜詐  
偽一切非為之人並不許入會



周將軍廟嘉靖間都指揮周應禎擊倭黃山下死之天啟初里  
人許令典立廟

周將軍死難記

祝以懸

當世廟甲寅乙卯間倭奴犯閩浙乘汎直躡入內地會承平  
久民不習兵所在無不聞風奔竄而倭奴恃其長技舞刀跳  
躍如懸猿如飛鳥即倉皇新集土兵素不閑紀律遇賊輒抱  
頭反潰至蒲伏乞憐長跪受刃于是奴益猖獗甚所過焚劫  
廬舍標掠子女玉帛倍極荼慘而吾袁花里最近海與澈浦  
石墩諸寨堡相錯為賊所必經道周將軍者奉督撫中丞李  
公檄與叅將盧鏜各任兵住袁花之崇教寺將軍善騎射與

士卒同甘苦帳下健兒止不人、可一當十者時倭奴據石  
墩、憚將軍威名至鳳山止不進而鳳山以北之居民猶恃將  
軍而不輟耕不罷市也居止何而流言洶、謂山以南民且  
無噍類勢必旁及一鳳嶺安能障之將軍嚙指奮臂曰山以  
南獨非赤子耶而擁衆坐視何以報中丞僅次且不敢應謂  
日時不利須後期將軍恚曰我不利出師彼何以利入寇策  
馬旁弓而前帳下諸健兒從之而上民千餘人願隨行助聲  
勢于是卷黥其鼻以相別識行至河橋有二鴉飛鳴馬首將  
軍仰天射一鴉墮地衆心切疑之將軍不顧鼓行而進遇賊  
數百步外與賊引弓射無不應弦而墮者斬數十級賊潰復

追逐之至放鷹山蓀菁蒙翳賊伏窟園敗垣中馬絰行垣側  
賊抱石擊將軍中額身被數創馬吃哮負馱崇教寺越宿而  
絕馬亦不食三日死先是將軍與饒約吾先驅君後至為犄  
角日晡當會菩提之陽負約不至矢盡以報饒復不應雖賊  
之狙擊出不意乎寔以卒寡無援兵將軍倘不死必有所以  
酬賀蘭之矢者而竟死悲夫是役也戰卒不滿數百人以當  
賊新勦能大挫其鋒而鳳山南北時時扶風雨為金鉄戰鬪  
聲賊相戒不敢近將軍固曰吾死當為厲鬼以驅賊止賊素  
懼將軍之威草木皆兵矣而當事者沒其功不錄迄今六十  
餘年父老時時能道之而恤典尚虛祠祀之絕將軍忠魂無

所憑依至熒溢天北村社巫覡禱祝祈請必曰是周將軍之怒  
比者督撫中丞劉公因諸生胡某言下郡邑議祠祀而予里  
許比部同生慨然身肩其事庶幾足慰將軍之靈于九原矣  
將軍名應禎中都留守衛人時為浙江都使司僉書故稱周  
都司云

天妃廟元泰定四年海惠庸曰副使張子仁建于縣東五里許

德柔撰記今徙縣西三十步

明刊部負外記此支儒撰記書于版極詳略疑人蓋去又海寧所下百戶各營並祀天妃稱十廟

天妃林姓世居蒲之前涓洲嶼五代閩王時都巡檢林愿之弟

六女也母王氏神生于宋太平興國四年三月二十三日妃  
始生而地變紫有祥光異香通悟秘法預知休咎事鄉民以疾

昔輒愈長能乘虎渡海乘雲渡島嶼間人呼曰神女又曰龍  
女雍正四年二月十九日昇化一云景德三年十月初十日  
也倪中記謂室居凡三十年前黃陽志謂年三十餘是後常衣朱衣飛翻海上里人  
祠之雨暘禱應宣和癸卯給事中踏允迪使高麗中流震風  
八舟七溺獨踏所乘神降于樞安統以濟使還奏聞特賜順  
應濟廟號紹興己卯江口海寇猖獗神駕風一掃而去其年  
疫神降于白湖去潮尺許掘坎湧泉飲者輒愈淳封昭應崇  
福乾道己丑都巡檢使姜特立上其事然相捕盜功加封善  
利淳熙間加封靈惠慶元戊午朝廷調舟師平大奚寇神障  
以霧此明彼暗寇悉掃除開禧丙寅虜迫淮甸神擁旗幟一

戰解圍莆民艱食朔風彌旬南舟不至神反風不日輻輳海  
寇入境神為膠舟悉就擒景定辛酉巨寇泊祠下禱神不允  
群肆暴慢醉卧廊廡間神縱火焚之賊駭遁風沙晝晦各殄  
淺而敗有司以聞累封助順顯衛英烈協正善慶等號元以  
海漕有功賜額靈濟 國朝永樂間內官甘泉鄭和有暹羅  
西洋之役各上靈績命修祠宇己丑加封弘仁普濟護國庇  
民明著天妃自是遣官致祭歲以為常

白馬廟縣北二里宋建炎間虜犯境見平野甲馬甚壯竟不敢  
入民賴以安因祀之

宋高宗祝文

莫不群得難庇民廟号白馬史冊莫尋海昌良工塑像如  
神髣髴而馭先無若存有捕盜者得夢既翁人知畏饗血食  
幾春天子初郊典祀徧行樽酒俎豆以祀神歆

廟記

劉拱

鹽官瀕海多鹵歲饒公利漢以來官治鹽處縣因名之歷代  
至隋嘗號海昌府錢氏霸時最為近捍神宗貶平天下僭孽  
自消忠懿納土還既舊稱皇澤涵毓百有餘年而犹邑無闈  
堞人聚蕭條嘉祐五年夏予忝茲命樸勤自勉僅免殘僻幸  
歲豐美民用安輯風雨順來疫癘不作非有相与春秋社稷  
釋奠秩祀甚謹固其蒙况降是宜祝者曩豈無傳乃攷縣志

得境內遺廟數十而郭北大廟有白馬神者最顯肇構之跡  
舊扶文刻不可推矣其古之英烈能捍難以庇民者與今人  
尚能彷彿所馭則生氣如存矣去冬有殺人而止者捕未得  
之既夕宿菴東院夢神告曰旦且獲既而果然非道吏却益  
使民知畏向噫神之靈用不為昧矣是可相吾百里之歲事  
也因飭有司以時祈報又附茲記以昭神明之陰賜云

岩峯曹將軍祠縣西南四十五里元潘葛選撰記祀邑人曹春  
鎮海廟南門外海塘上祀龍神崇禎戊辰潮決高丈餘廟內獨  
不入人咸異之

閔將軍廟城五門及四鎮各鄉俱祀漢將軍閔諱羽



龍祠長安鎮 宋咸淳間建

秦王廟縣東十八里

英濟侯廟蕭山布衣張六三月六日溺海中為神俗稱捍沙大王按紹興志神漕運官宋咸淳間賜額祈禱甚應尤有功于海隄或云神諱夏宋顯祐中浙江塘壞神時為工部郎中受命護堤置捍江五指揮各率兵士四百人採石修塘隨捐隨築人賴以安郡人為之立祠朝廷加其功封寧夏侯二說微不同然現廟額字謂工部近是

朱將軍廟二素花塘北黃岡西邑人朱彞力能拔牛尾倒行宋治平初溺海為神著靈應宣佑三年十月勅封佑靈將軍元

元...  
外有...  
朱公...  
刊...  
...

大德二年以捍海立廟黃岡西進封護國弘祐公勅曰爵有  
德祿有功夙著禮經之訓禦大災捍大患載遵祀典之文爰  
示褒崇庸彰顯應蓋官州海神闡靈浙右安宅海隅止漢朝  
宗無遠勿屆兩暘時若有感必通比闢高岸之傾推能免下  
民之墊溺導水波而潛復益固隄防足財計以阜通仍輸斥  
鹵嘗闡省臣之表具知神力之雄肇錫嘉名丕昭令闕聿嚴  
廟貌特俾恩封可賜號靈感弘祐公萬曆末里人孫必達重  
建又袁花河北塘亦有廟

陸司空廟袁花鎮東祀吳陸遜初為海昌屯田都尉民被其澤  
烏龍大王廟金牛山下宋紹興十一年禱雨賜額崇祐後有禱

土中故曰明  
以未作志者  
舉未言及余  
近始得拓在  
石已中刻  
數字間廟  
旁尚有一碑  
仆于土中當  
更扶而視之  
軋陰谷卯虎  
床記

輒應相傳皋蘓二將軍捕黃巢黑馬跑地得泉因祀之王文  
成守仁宿杭城聖果寺烏龍大王見夢抑即其神乎或名爵  
偶同也

福濟廟金牛山下相傳皋蘓二將軍逐黃巢死此

宋高宗祝文

義氣同稟剡毅莫儔胡馬來此緣逐金牛之沒尾掉空回可  
羞拔劍自刎曾無怨尤人止廟存英氣橫秋至今父老能道  
所由天子初郊典禮加優尊酒既設清酌庶羞

驃騎蘓將軍廟縣東南四十五里晉驃騎將軍烏程侯蘓舉子  
羽宗劉裕嘗夢其神贈平南大將軍

審山東嶽廟元至正間建有山間明月樓明刑部郎沈友儒撰  
廟記

紫薇山五顯祠唐光啟中建見沈友儒撰記

閻少卿廟縣西南六十里

徐偃王廟縣西七十里

西楚霸王廟縣西三十二里

廣福廟縣西四十里康存誠記今廢

朝宗王廟縣西七十里

### 宋高宗祝文

諸侯之朝宗孰敢不欽子孫之祖宗罔有不尊江漢之朝宗

于海上以異此心號以是神之德大矣比緣初郊舉此祀典  
樽酒俎肉以祈之格

胡令公廟 長安鎮 唐時婺州義烏胡暹以列校從裴晉公平淮

蔡後奉勅迎齊安禪師，亦寂暹立化于鎮為神宋建炎初  
高宗避虜抵鎮阻水俄上流舟至問棹者誰何一曰桑一曰  
称忽不見詢父老則故將軍從事也上神之立廟見元教授

徐圓記中

郭店新廟邑人徐寬建

照烈王廟縣東南二里廢

三皇廟縣西北二百三十步元黃潛撰記

平陵廟

故廟

湖塘廟

姜墩廟

傘墅廟

球墩廟

柏墅廟

曹墩廟

金石墩廟

陳村廟

周行廟 萬曆初僧伐庭樹鋸之具人物形乃輟鋸樹不知所終

三官墩廟 有池產螺無尾或拾他螺投之數日亦無尾

東陳廟

游東陳村

一灣清綠轉溪蘋載酒誰家探好春此地久無着竹處他山

枕有種桃人泥添燕子巢  
連雨雪點梨花陌上塵  
安得移家  
同卜飲兒孫婚嫁學朱陳

余墟廟

王庄廟

社稷壇縣西北三里舊縣北一里洪武八年改建正德三年知縣于儀復改白馬廟後地深廣各十丈壇高三尺方廣各二丈五尺四陛各三級瘞石主齋舍五楹宰牲所三楹祭用二月八日上戊日

宋社稷壇記

歐陽珣

古者建國設都先立社稷其意以為民非穀不養穀非土不生立其五土五稷之神而祀之示不忘本也攷之成周司徒

宗伯之官或設其壇或學其禮其事可謂至詳而臨祀之時  
今執事者又有封人之職故每歲春秋祈報俎豆一設神必  
頌歌豐年之屢蓋出于此仰惟我國家自掃除妖氛長民之  
官皆得修祀社稷之祀及主上聰明睿知灼見遐迩尚慮海  
邦小邑小大之吏務在于簿書期會罔知嚴祀以稱吾敦本  
事神之意故乃者詔書增崇社稷之制列于圖以頒焉蓋官  
雖窮隘僻左而舊壇具在荒穢不治詔下之日鳩工度材即  
其舊而新之社壇居其左稷壇居其右就社稷之左右別為  
兩壇祀雷雨風師則用之而又設燎壇于其東建齋廳于其  
北直北又一門自門之左右皆立垣墉以為衛居無事時則



局其門而鑰之前祭之日執事者造為啟為其它陞級之數  
廣隘之度率按圖而為之稽諸禮經若合符契自是歲時荐  
獻之吏升降俛仰莫不祇肅於戲躋哉夫先王之典禮莫重  
于祭祀而祭祀之所莫先重于社稷且社稷壇壝苟簡于數  
十百年而繕完于今日豈非典禮之行自有時耶明天子承  
治定之餘慨然以禮文為意故其制作有及于此古人云禮  
莫大于聖王斯言信哉

小川壇城南八十步制度高廣如社稷壇齋房五間廡祭以二  
月八日上巳日合風雲雷兩城隍之神

邑屬壇城北二百六十步周垣十丈歲清明七月望十月朔祀

堞疑縣之誤

曰堞城隍之神主之

里社壇每里百戶置壇一國制壇而不屋東西二丈五尺南北  
同高三丈用營造尺也出陞各三級壇下前十二丈東西各  
五丈

鄉屬壇每里壇一祭日邑屬壇同

御製祭文曰某縣某鄉某

社里長某承本縣官欽奉

皇帝聖旨普天之下后土之上莫不有人無不有鬼神人鬼  
之道幽明雖殊其理則一故天下之庶兆民之衆必立君以  
主之君德其大又設官分職于府州縣又於每一百戶內設  
一里長以細領之上下之取經紀不紊此治人之法天子祭

細領細疑

總之誤

天地神祇及天下山川王國各州縣祭境內山川及祀典神祇庶民祭其祖先及里社土穀之神上下之禮各有等第此事神之道如此尚矣冥冥之中無祀鬼神昔為生民未知何故而沒其間有遭兵刃而橫傷者有死于水火盜賊者有被人劫財而過死者有被人強奪妻妾而死者有遭刑禍而負屈死者有天災流行而疫死者有為猛獸毒虫所害者有為飢餓凍死者有因戰鬪而殞身者有因危急而自縊者有因墻屋傾頽而墜死者有死無子孫者此等鬼神或終于前代或終于後世或兵戈擾攘流移于它鄉或人烟斷絕久缺其祭祀姓名泯沒于一時祀典無聞而不載此等孤魂死無所依精

魂不散結為陰靈或倚草附木或作為妖怪悲號于星月之下呻吟于風雨之皆凡過人間節令心思陽世魂杳無所歸身墮沉淪意懸：而望祭興言及此憐其慘悽故勅天下有司依時享祭在京有大厲之祭在王國有國厲之祭在各府州有郡厲之祭在各縣有邑厲之祭有一里又有各鄉厲之祭期于神依人而血食人敬神而如禮仍命本處城隍以主此祭欽奉如此今某等不敢有違諱設壇于本里以三月清明日七月十五日十月初一日率領某人等百家聯名于此置脩美飯肴物祭于本里無祀鬼神等眾其不昧依期來享凡我一里之中百家之內倘有忤逆不孝不敬六親者有奸

盜詐偽不畏公法者有物曲作直欺黷善良者有躲避差徭  
靠損貧戶者似此頑惡奸邪不良之徒神必報于城隍發露  
其事使遭官府輕則笞杖決斷不得號為良民重則流徙  
絞斬不得生還鄉里若事未發露必遭陰譴使舉家並染瘟  
疫六畜田產不利如有孝順父母和睦親族畏懼官府遵守  
禮法不作非為良善正直之人神必達之城隍陰加護祐使  
其家道安和農事順序父母妻子保守鄉里如此則鬼神有  
鑒察之明我民無諛諛之祭灵其垂聽焉

旗纛壇海寧所公解後洪武二十五年立周垣二十六丈壇方  
廣四丈七尺高丈八尺歲九月霜降所官祭旗纛神

卸梁

急遞舖 國初立卸亭一廳三楹 廁舍六楹 樓其門周以垣 每舖

十里

縣前舖 定海舖北 費村舖西北 駱家舖西北 夏村舖

西北許村舖西北 下管舖東 柳家舖 謝家舖 蔡

家舖 談小舖 廟前舖東南 松林舖西 褚村舖

談村舖 陳橋舖

清平橋 一曰平政橋 縣治前 宋嘉泰三年重建 萬曆己酉知縣

郭一輪 廢之 架平板

勝安橋 縣東六十二步 宋嘉泰四年重建 一曰烏鵲橋

烏鵲橋杏花

談遷

天河迢遠隔雲鬟烏鵲填橋未許閒一度春風容易去略傳  
紅粉到人間

嘉泰橋縣西南六十五步嘉泰元年令趙彥迺重修有唐咸通  
間所立經幢

紀家橋縣西七十三步唐中和二年建

雙廟橋縣西二百十四步元至正四年建宋國經亦有之則重  
修在元時

行春橋縣西二百十九步元大德二年建

醋坊橋縣西百三十步宋隆興間建

監橋縣西南二百四十步元延祐二年建

傅家橋縣西北二百六十六步見宋圖經元至正三年重建

師姑橋縣東北百二十二步宋天聖元年建

惠康橋縣東北二百六步宋嘉泰四年建

永安橋縣西北二百八十五步見宋圖經元延祐四年重建

安國寺橋縣西北三百五十八步元至正三年建

延惠寺橋縣西北三百七十步宋紹興二年建

酒坊橋縣北三百二十四步宋嘉泰三年建

海昌橋城南河隋大業二年建

崇教寺橋袁花市河元延祐二年建



轉塘環橋

長安橋 長安鎮 重修長安橋記 陳廣仁撰

萬興橋 規制壯偉 前祀時有舟旁宿闕空語曰可開船呼之再

三方移泊橋崩

盧家橋 縣西北二十五里

萬家渡橋 縣西北二十三里 崇禎 年 建

莊婆堰橋 縣西北三十里 元至大二年 建

薛婆橋 郭店市河 元至正二十一年 建

斜橋 縣東北二十里 明永樂五年 重建

錢婆橋 縣東北二十五里

慶善橋縣東北三十里

通浦堰橋縣北五里明永樂五年建今塞

光華亭橋縣北一里三十步

宋葉 翰

画棟朱簷勢翼然  
鼎新氣象冠山川  
驚黃楊柳浮春晚  
鴨綠滄波泛客舡  
輪奐不妨農事日  
風光好近麥秋天  
佐君治簡有餘暇  
杯酒漫教盡日傳

環秀橋硤石市河明建文四年建

紫薇橋硤石市河元大德七年建

西環橋硤石

廣濟橋金牛山下

楊璿

控扼金牛勢青山面，扶居人投足易功百難乘輿

高橋黃灣市

同前

突兀橫前浦排風過海如夕陽紅影動躡落海門潮

紅橋長安鎮

渴虹飲澗不曾收化作飛梁臥碧流銀漢水分天上下白蓮  
花出海東濱頭鶴歸華表吹笙夜龍獻明珠解佩秋載酒長安

三十里醉呼鸚鵡更停舟

### 寺觀

安國寺縣西北二百五十步唐開元三年鎮國海昌院會昌五年廢大中四年復建名齊豐宋大中祥符元年賜今額熙寧七年立大悲閣蘇軾題梁并為之記理宗御書妙智之閣淳祐十年三月十五日賜本寺度牒十道絹百匹重建千手眼

### 塔雷作牒

上表謝轉輸經藏記邑人傳達

可擇門左右幢書佛頂尊勝陀羅尼經二卷唐咸通六年歲次乙酉四月辛亥二十九日己卯建周瑛書并剝殿下石幢二書佛頂尊勝陀羅尼經二卷并尊勝序一則吳興沙門令

洪書元至正二年秋有祥光燭天知州張光祖記之 國朝  
洪武間建雲堂懺堂于旁永樂二十四年立為叢林天順  
年火嘉靖十六年僧宗遠重修萬曆四十年建後殿禪堂金  
碧冠于諸刹寺前放生池宗慶元四年令施怡所柘尉傅益  
作記殿西悟空禪師塔古檜二蘓子瞻嘗與徐璠坐双檜堂  
指檜曰二疏辭漢去時兄弟皆補外也璠應聲曰大老入周  
來子瞻大喜

大悲閣記

蘓軾

羊豕以為羞五味以為和秫稻以為酒麴蘖以佐之天下之  
所同者也其材同其水火之齊同其寒煖燥濕之候一也而

二人為之則善惡不齊豈其所以美者不可以數取與然古之為方者未嘗遺數也能者得即數以得其妙不能者循數以得其畧其出一也有能有不能而精粗見為人見其粗也則求精于數外而棄跡以逐妙曰我知酒食之所以美也而略其分劑捨其度数以為不在是也而一以意造則其不為人之所嘔棄者寡矣今吾學者之病亦然天文地理音樂律曆宮廟服器冠婚喪祭之法春秋之所去取禮之所可刑之所禁歷代之所以廢興与其人之賢不肖此學者之所宜尽力也曰是皆不足夸其不可傳于書而載于口者子夏曰日知其所止月無忘其所能可謂好夸也已古之夸者其所

止與其所能皆可一二數而日月見也如今世之秀其所止者果何物而所能者果何事耶孔子曰吾嘗終日不食終夜不寢以思無益不如學也由是觀之廢學而徒思者孔子之所禁而今世之所上也豈惟吾學者至于為學佛者亦然為戒持律講誦其書而崇飾塔廟此佛之所以日夜教人者也而其徒或者以為齋戒持律不如無心講誦其書不如無言崇飾塔廟不如無為其中無心其口無言其身無為則飽食游嬉而已矣是為大以欺佛者也杭州監官安國寺僧居則自九歲出家十年而得惡疾且死自誓于佛願持律終身且造千手眼觀世音像而誦其名千萬聲病已而力不給則縮衣節口

三十餘年銖積寸累以迄于成其高大仞為大屋四重以居之而求文以為記予嘗以斯語告東南之士矣蓋僅有沒者獨喜則之勤苦從事于有為篤志守節老而不衰異夫為大以欺佛者故為記之且以風吾党之士云

妙智閣靈瑞記 畧

張光祖

至元六年冬予來守是州越明年春民以旱告因禱于閣下甘雨隨注今年夏六月又大旱民盡稿予又率同寅三僚屬竭誠叩之則雷電不聞一兩三日枯苗勃興涸流俱溢歲成大熟且閣舊有傾欹勢暨風雨之夕自能扶邪為正寺僧異之七月壬辰更方初歛祥光燭天五采畢見遊迤百餘里爭



相瞻睹至夜分乃熄噫怪力乱神聖所不語若兩時睹則佛  
之功及于民者豈淺一哉

悟空禪師塔銘

唐盧簡求

人心常靈法燈常明定惠一相有無俱名于此有得自歸空  
寂近取諸身胡云不識五千尊經何限奧義迷者見文怡者  
見意見者無住指即是履豎病未除徒勞回顧我行慈悲示  
尔坐：無鑿高原自有清池大師之言一：真詮不疑不怖  
同歸善緣

宣宗皇帝

像季誰教禍所鍾釋門光采喪驪龍香燭懶蹈初生草塵帳

悲者舊日容玉柄永辭三教座  
金名長鎮萬年蹤知師下界  
因緣尽却上諸天第幾重

李洪

扇上犀牛誰投得人間龍種偶相逢  
寂寥千載傳心印鴈塔  
光明閉舊蹤

蘓軾

已將世界等浮塵空裡浮花夢裡身  
豈為龍顏更分別只因  
天眼識天人

釋弘道

慧悟唐朝寺長然照世燈  
樓開數百尺塔涌十三層  
扇破犀

牛在庭空龍樹騰紅塵城市裡  
猶見坐禪僧

大悲閣

尹士良

巍：高閣壯華夷妙智名存八尺碑  
金刹龍飛滄海近碧梧  
鳳宿彩雲垂蕙家文字傳三世  
釋氏玄門了二儀萬法一歸  
何處是本來面目未生時

方潛岳

慈悲高閣鬱岩光朱拱浮烟細  
飄色界三千懸白日金身  
十丈下青宵鯨濤水急航南渡  
鷲嶺峰尊踞共朝若問熙寧  
當日事宋家陵寢已沉消

九日登大悲閣

胡奎

大悲寶閣氣穹窿十二闌干萬里風  
九日登高舒望眼只疑身在太虛中

題大悲閣

寶閣凌空十丈高  
倚闌南望際鯨濤  
天花散處皆金地  
海月生時見玉毫  
夜氣澄清龍在窟  
秋聲蕭爽鶴鳴皋  
丹梯咫尺諸天近  
香霧霏、濕苧袍

安國寺燈

白頭僧說唐朝寺舍利猶存窣堵波  
獅子座空無所住犀牛扇破竟如何  
燈懸海日慈光近鐸振天風梵唄多  
最愛平原好孫子時來坐石看曼陀

除夕過北寺

歲晚行道北寺前  
枇杷花落雨晴天  
長齋繡佛從今始  
僧臘明朝又一年

題僧堂白雞

蘇軾

斷尾雄雞本畏烹  
年來聽法伴修行  
還應却置蓮花滿  
老怯風霜恐不鳴

双檜

當年双檜是双童  
相對無言老更恭  
庭雪到晉埋不死  
如今化作兩蒼龍

藍官安國寺双檜有唐宣宗時悟空大師手植其大者斲

挺盤礴如龍鳳飛舞之狀小者與常檣不甚異宣和乙巳  
春朱覲遣使臣李黼取以供進大者載由海道遇風濤舟  
檣皆沒小者自漕路入既獻上黼轉二官知縣鮑慎好賜  
緋方勻泊宅編

悟空禪 師塔前檣亦唐物朱冲取之檣大不可起橋梁  
乃以大舟泛海出楚州以入汴即行一日張帆風猛檣枝  
與帆低昂不可制舟與人皆沒葉夢得避暑錄話

唐宣宗微時武宗時疾其賢數欲殺之宦者仇公武保佑之  
事迫公武為雜髮作比丘使逆游故天下名小多所登賞至  
杭州監官禪師安公者江西馬祖之高弟一見異之待遇特

厚故宣宗苗監官最久及即位思見之而安公化去久矣先是武宗及殿吾教至是復興之雖法之隆替係于時然庸詎知其力非安公致之耶仇公武之德不愧漢邴吉而新書畧之獨班、見于安禪師傳為可歎也釋德洪林間錄

安國寺塔

蘓軾

老來百事懶身垢猶念浴衰髮不利耳尚煩一月沐山城足薪炭烟霧蒙暘谷塵垢能幾何脩然脫羈梏披衣坐小閣散髮臨修竹心困萬緣空身安一床足豈惟忘清淨兼以洗榮辱默坐毋多談此理規要熟

飲安國寺

王在晉

坐擁如林衆岩城萬堞齊海雲連灌莽明月掛招提代劍侍  
尊俎陳師聽鼓鼙三閔兵馬壯待用一丸泥

放生池寺前 宋慶元四年令施枱改鑿

池上偶成

釋日省

山中無復舊烟霞檜自成龍塔自斜惟有放生池上月也流  
一半照人家

放生池記

宋有天下餘二百年列聖相承專以仁覆宇內郡縣之官  
惟思所以奉行上意雖動植至微之物各得以遂生養之宜  
故于震風之日守若令率官吏致高呼之祝且集羽毛鱗介



之屬為亭以臨縱之以盡臣子報上之養也蓋官放生池舊  
在安國寺之左歲月滋久亭圯不治地復墜隳無所容不足  
以推大好生之德然邑巡天府令多疲精神于簿書獄訟伊  
欲更創而新之未遑也聖上嗣位之四年沛澤洪深浹萬  
類朝奉即知縣事臣施祐攷書三上人安以紆百物順成乃  
經理于縣之郊北面河為亭三楹基址宏暢波沅洋、延袤  
通達即放生之名以揭于旁克廣帝心爰誦皇壽俾曰飛曰  
潛翔舞惟躍極天淵之樂獲與斯民偕躋仁壽之域願不避  
與矧是役也不勞民不侈費經始于七月之初以八月晦日  
落成邑人聚覲嘉賢令之愛君去之日如始至願刊隆珉以

為永久無窮之傳云慶元四年十一月望日迪功即臨安府  
鹽官縣尉巡捉私茶鹽礬兼催綱臣傳益記

放生池記

明葛寅亮

莞似當作營

夫人有不愛其骨肉之親者乎然而樂羊吳起安慶緒輩有  
種、不忍言者被僅為圖富貴而至戕其骨肉若州莞乃欲  
彼忍于貪饕之口而不忍一鱗族生命其能吾言之是聽哉  
桓宣武部位得猿子其母緣岸哀號行百餘里躍上舟即絕  
為剖其腹腸寸、斷人之無良殆有不如禽獸者誠念猿母  
裂腸而人有不暮恋其族屬者乎吾亦愛吾族而忍覆巢<sub>焉</sub>  
令烏驚魚駭而不安其生乎程伯子折竿惠武惠王冬月不

惠武惠  
疑曹之誤

善辟仁者之用心然也夫不忍之極卽首翹微命亦不欲傷  
而忍之極卽至戚骨肉亦搽刃而不顧或為仁人或為禽獸  
之不逮忍不忍之分途久矣人將為仁人乎為禽獸乎人之  
贊嘆而助善緣者詆毀而助殺傷者其事雖微而忍不忍必  
有分人將安居焉至若雀效啣環龜呈紐印國朝以方正季  
之忠而慘及九族乃償其父焚蛇之報則恢々之網蓋可怖  
畏矣

延恩寺舊安國寺藏院宋建炎四年建元祐四年賜額

聽定慧大師賢公琴

大絃聲濕和且平小絃廉折亮以清平生未識宮與角但聞

牛鳴盎中雉登木門前剝啄誰叩門小僧未聞君莫嗔歸來  
但覓千斛水淨洗從來筍笛耳

歐陽文忠公嘗問僕古今琴詩誰最善者僕荅以退之聽穎  
師琴詩公曰詩則善矣然非聽琴乃聽琵琶詩也僕明年作

此詩而公已薨不及見也元祐四年十二月四日書

真相寺橫塘北 宋室祐二年建我 明洪武六年重立

太平廣福寺 黃岡市故唐齊安寺 宋建隆中有游僧積苦四十  
年重建 乾德二年曰太平 熙寧元年改今額

釋弘道

招提古意饒誰復記前朝五季重開拓三災不動搖珠林花

氣合紺殿蘇痕消更上危樓望當門見海潮

談遷

藤蘿圓合似高墉四野溪聲雜晚鐘欲問趙州松柏子年來  
鉄骨化蒼龍

崇教寺袁花鎮後唐長興二年建元至順四年重修

真如寺縣東七十里舊名菩提東晉于寶遺址顯德二年建宋

治平二年賜今額山上有怪石靈泉井般若臺張橫浦讀書

臺

元張諤

旗鼓初從海上回天風吹我上雄臺甲被双木閑西將馬驟

幢王刹涵波瀾清涼疏衍平齊雜圭峰長水烏奚干文諒父  
子成暨檀拱之豫設彰林密默冲志尚青珉刊聖仁壽禩黃

### 金鑿

惠力寺硤石紫薇山前東晉寧康中尚書張延光舍宅為寺初  
賜額曰志愿唐乾元間重修後兵燬宋祥符二年賜今額門  
殿壯麗東廡飯僧之堂勝功德海宗張即之書壁間画龍一  
驟首躍波濤中一既升而反頽鱗甲飛動乃葉茂章元統甲  
戌夏所作其餘兩胡僧亦入妙品見 國初貝瓊記中

### 志愿寺記

錢唐屬邑鹽官為最在浙之朝陽為吳之右臂白鋪江練青

此葉誤釘當  
移在毘盧閣  
記詩後

點海門侯樓起而蟠竦橫星漢低而枯槎活潮生信大雷霆  
藏龍戰之聲潤下功深蜀井喪虎形之味厥田下、厥土塗  
泥物惟錯而饒國資利而大地靈浮漲沙怪徙遷改之坤則  
變田水勝土則為悔苟不以明神作真其可得乎封岱宗而  
禪會稽就茲稅輦祀蓬萊而穰王氣于北舍杭以其孰鑿小  
川翁張鬼物故有立禹泰之祠禦烏由是拓開極浦近尾閭  
之委輸涌出長汀添大章之步數覆盂之勢其安必同其有  
肖形立乎金仙傳法出乎玉牒成有道之道用無心之心以  
德報寃、隨霧散以慈攝物、統指柔解激射之怒濤子胥  
弭節紆奔衝之憤氣文種銷憂樹諸所之伽藍安一隅之斥

群峰巽北才塵世，倏窺飛鳥去軍聲。  
俄逐晚潮來誰人，為我書岩石他日重游掃綠苔。

靈泉和橫浦生韻

黃伯劑

寺古傳應少地偏，心自高馮高通楚望懷遠渺。  
胥炎深鑿乳藏翠斜飛鷺界清休，文今已去佛像寄誰銘。

兩宿真如寺

許相卿

夜雨僧齋滯客輿，清燈高榻信吾庐。  
玄談種種浮生外，茗椀深々坐醉餘。  
雲路造天無款段，野情隨地有華胥。  
廿年回首紅塵夢，寒影空堂自愛予。

崇惠寺

硤石鎮北

元至大之年僧西岩建

明洪武十五年重



立法堂大理少卿崇德朱逢吉撰記

崇惠寺毘廬閣記

胡澹

海寧有勝地曰硤石審山在其東紫薇峙其西南接鳳岡北  
通秀水而其間去闌關不遠有佛刹曰崇惠華嚴講寺昔方  
外人西岩教公創于宋景定五年甲子于時開山闡賢首教  
有若尚公希古傳十世而至愚海智公當

皇明洪武五年云子來主法席越十五年壬戌制詔郡縣咸  
設僧司官時智公已謝事諸山仰其宿德白邑長荐為僧會  
以糾其徒智公念茲寺法席久虛爰推舉定慧院古灵直公  
以補其處古灵承付託教慈以興起自任大治土木作殿堂

門廡及庫廡庖福之屬或因或革以此就緒至二十四年  
未清理釋教併邑寺之無名者用是緇素鱗集遂成大叢林  
焉今住山海慧默中系出邑之望族受經安國寺得法前任  
高麗華嚴道場東法初為上足年子正統二年丁巳嗣領寺  
事克以華嚴之學開導其徒而猶攷：銳志具修于是罄已  
橐裒衆施市材庀工以經營綜理雕塑漆繪越五年庫中得  
檀越朱君文諒及子伯規廣募創毘廬室閣又得邑善士吳  
右拱之捐私錢以飾舍那尊像他如左右梵釋二天環坐十  
佛法身皆塗以金碧凡僧佛之供器物之需制所宜有者靡  
不具備殫慮畢力歷十寒暑而始訖工是雖因舊為新而侈

穰疑  
穰之誤

於昔日多矣默中以非有登載則來者莫知所自乃具石走  
京請予記之嗟夫佛法之隆替由于寺廢興又係乎主僧之  
賢否崇惠之為寺殆二百年廢興屢矣向非維持得人亦烏能  
存教基于不朽振宗風以弗墜乎默中性智融明行願精確  
而躬躬尽瘁示現有為故能致崇惠復興信所謂賢者也庸  
備述而書之後系以詞

毘廬空閣烟雲端薄伽珍相凌霄安規模正大舍弘寬靜  
美麗公輪完蒼梧碧檜蜿蜒蟠綠筠翠篠琳玕銀河玉露  
晴秋寒光夙霽月堪盤桓徧一切處祇民現極干界內天龍  
飲潤仰存誠來衣冠登高望遠思馮闌華嚴歲海汪洋漫浮

璠一作牆

鹵人豈作人宜招樂土之歌佛福成功若有富民之術也志  
愿寺者昔東晉邑人張延光捨庄宅之所構也賜寺題焉至  
唐肅宗乾元三年四月中勅支本縣稅錢重加修飾乘山峻  
址映水開扉殿深之像光浮徧藏怖鴿堵匝之僧界廣不繼  
心猿庭栽秦大夫之松辟有顧將軍之画講堂禪室孔翠飛  
而拂曉烟邃宇修廊故蠅鳴而成洞響窅開遠岫象三峽之  
流名檻水澄波連十洲之好景自尔新間舊昏代明雲門三  
作其伽藍鷺子一悲其蟻垤唐季兵纏下土火圻池魚升平  
為舍衛之民喪亂入波旬之光布新垂象長科抽彗字之芒  
止沸表功高陰築鯨鯢之塚賊巢雖殄淮冠復興侵外壘之

波旬之光  
當作堂

長科  
當作科

高陰  
當作陰

爭鬪少長者  
之門當作乎  
駕出長安之門

封疆幸中原之多事嬰城及閩構李重傷其人也爭駕少長  
者之門其事也成灰類昆明之底誰嗟梵築化作荒墟旱農  
汲而丹井枯老圃鉏而金繩斷暨乎人知怀土物有復期越烏  
終繞乎南枝燕鴻合遵乎北藪編苦覆頂綴鉢謀齋漸成象  
設之觀遂立紀綱之任前寺宰皓祥者齋乎宿愿葺尔遺基  
開捷陀指礎白之蹤記趙逸古石磚之井乃欲續晋初之香  
火行唐世之寺風匪計無成而投有力乾德甲子歲得營田  
將吳仁綬郭贊周仁俊朱仁矩陳德銳等東南著姓氣義多  
才胸襟吞震澤之波巧智得陶朱之富魚鹽歷蛤黍稷稻梁  
利道引鄭蔓而惟長信心犯宗風而不退爭捐寶貨預市糶

紛棟疑  
芬棟之藹

枅分認舊基共成新致殿儼見金人之會廊周如校獵之場  
豁達重門魏哉別室大鐘在簷驚吼嘖之蒲牢室穀懸梁拂  
飛翔之仙鼠挈貳橫棟鴛鴦建瓴旒人埏埴之工梓匠枘栝  
之壯壙期傳堊楸待施朱煥爛璇題交羅紛揜幡高刹迥表  
識事于前茅井淡泉香賞私勞于后土始者東懸信鼓如一  
卒之傳呼右得經臺若双幢之導引惟朱承俊承儼補是缺  
然完全也千金之喪成有後烏九尾之狐見覘小塊津露深  
洞天象龍蹴蹋而雜居燕雀喧呶而相賀今寺主遠才也求  
珠戒海合穗情田其光充和厥性惟巧奕、繼后昆之躅堂  
企前哲之規仔肩恣飭廣募群緣有若皓崇惟勝焉皓隣

許嘗作科

能言保歛一

作能信保歛

上邑一作上邑

律堂等就下一

本有因命昆尼

徒結二同之界

律儀之盛職由

此乎十八字

王藏一作三藏

元和中云一

作白題名章

正字多遺蹟

二句

慕賢焉許十餘人並崑岡群玉合浦斛珠譚中之綺輯新辭  
 上之粒泮與二分兩至同成一歲之功六石五金共補三焦  
 之損上座德輝也田間芝秀苑內鹿鳴為法界之封人宴仁  
 祠之祝史傳律能言保歛也李于吾得講免吾憂食海底之  
 金判傾柘祇樹斷雪山之肥膩乳出醍醐好將上邑之藍用  
 染鮮明之氈雍熙乙酉歲現音羅漢律堂等就左為馬湘之  
 宅傍則朱灣之坐雲憇高僧高遺禪窠崇慧王藏曾教異宗  
 元和中章正字留題号為名踪夫如是東則仙客乞驢西則  
 禦兕遺勇連漪之溪北去噬嗑之市南通其山空所以藏怪  
 物其洞小所以宣古風神農之草木徧嘗不生劍吻伯益之

周壽子女  
當作男

利統

當作利統

羽毛咸識不宿飛隴中可絨滅定之僧上可望下之佛四千  
丈而窮頂雖闕駿高五百歲而當開亦流瓌宝推其福地不  
其偉乎子孫與天相畢愚也孝慚祢海經不為神未說  
在胎令母有驚人之辨何曾識鼎入秦為博物之僧受知于  
大君媿老于明代兩膺詔命續僧傳而編佛書三省才能譬  
蟹筐而同參績故鄉美事請德嘉招俾構好辭思刊樂石揄  
揚孝女誰高度尚之文讚述頭陀始中昭明之選非敢所望  
聊揖銘云天生蒸民必有所養周班子女秦分令長海物資  
繁散鹽利廣禮樂彼知斗墟宗仰海昌都尉晉代伽藍利統  
山濃紫嵐連堯屹一遠宇耽龍王稽首帝室和南法



名利  
疑刻之誤

無常住物久則仙岳動資生虎威狐假枉夫西流游魂東下  
此城斯湏青灰赤瓦陰陽有數消長無疆宝殿爰構山堂復  
登曩基匱匝新制加僧勸導全力由是名僧名僧伊何奇我  
寺宰精擇六和類伴十在無憚多艱有緣相待吳君倡首于  
焉慷慨既成斯刹言念諸公荐居福地往趣天宮無喻此善  
不朽其功名利琬琰百千年中高其閑闕廣其中當獅子窟  
成更無地獸簷蔔林繁寧容餘喫殊勝莊嚴名小靈鷲景曰  
寺距海兮百里而近基據山兮廣輪而深鋪黻綉兮比丘香  
草念佛声兮天子家禽陟岡兮識金縷之宮周睇兮想孝標  
之吟頌北渚兮浹漭三楚瞻東岫兮依希二林酒旗搖兮鳳

天子  
當作夫子

鳳凰動魚艇橫分鳧鷺浪沈爾時無能無所繫景兮見色見  
心現量中兮常如是日可銷兮百鑄金

景祐四年正月東京左衛街僧錄知教門事應史館編修通  
慧大師贊寧撰

惠力寺重建上方記

此書省  
校書郎李肩吾

杭之北秦百里邑海道曰塩官邑東戴舍澤居為市曰硤石  
二小時于澤間相望如關西曰紫薇有惠力寺顏山面澤得  
勝勢焉山之高陽地特平廣意昔人禱小室廡跡若可按天  
禧中有僧善普通指其處謂有古祠之遺氣愛其絕俗可興  
象設恨不果留寺之高足辨親獨脫身慕從之載歲還故接

衆高其行。雖誓之。知慕居之。里人築室三楹。以至爲親節。並苦願爲里人植福。模泗州象始倡。而衆從。匠者度材。有日。逆者治基。廢地得古甃。與鷓尾周視。與今址同。象始異誓之言。然知親必能辦也。由是不勞力而胥勸。烏院成。有正殿兩廡。食堂過三十楹。西偏設阿羅漢等像。相好具嚴儀飾。粹妙蓋親之神足。若仁者輔成。烏夫境之秘蓄。必有冥期待人。而後發。獨非誓過之不能謀。始非親願力不足。有違非仁協志。無以落成。是三美蓋將取高于茲。山以踳來者。親復能以本末授予。故記事焉。

惠力寺舍利衆善記

嘉興聞人符

紹興丁巳進士

惠力東晉舊刹也始為志願寺始于祥符中錫名今額有東  
京左街僧錄應史館編修贊寧所撰碑存焉光光皇帝中興  
之初有釋道法師者精業沙門名聞九重遂得召見皇帝禮  
之錫以釋伽佛牙之體上員而下方其色瑩麗輝潤旁有  
舍利綴其上皆光明洞澄而滋生不已此其瑞也道師携是  
牙游四方名利皆禱祈舍利有求而得之者有求而弗得  
者意必有至于冥之間者不妄其與也紹興丙辰始抵此  
寺僧鳴擊以迓舍利于宝閣之下羣衆而祈者凡三丙夜三  
之夕有光如流星自閣而下播旋于祈壇之間主僧援器而  
迎之遂止集焉寺今宝之以為神物登藏經閣之上因書其

額曰舍利閣歲遇下元塔社之次必請迎寘諸室塔之中俾  
僧徒士俗敬礼之焉昔唐憲宗時鳳翔法門寺塔有佛指骨  
帝遣中使迎至京師留禁中三日因歷送諸寺王公士民瞻  
奉舍施唯恐弗及有竭產充施者有燃香臂項供養者昌黎  
公愈時為刑部侍郎惡其蠹財惑衆上表切諫以為佛不足  
信夫釋氏固非吾中國之教也然其以虛無淡泊為宗亦欲  
使人寡慾戒殺去華侈為事耳三代而上道德尊風俗淳君  
子小人皆知禮義能自遷善而遠罪秦漢以來世安益薄人  
情日詐謂君子能守吾儒禮義之教則可也今人奔趨于財  
利嗜慾之林造非為惡蓋有違罪于刑法之外者而人犹以

其教相謂曰此雖免于今生必不能竟逃於後世彼人之情  
信之既篤而能以此暢然興戒不至蹈非褻惡吁吾亦幸其  
有是哉昌黎公必以為不足信則今之舍利非天所生非地  
所出非工所成不植而滋長不運而旋動者而果何物耶邑人  
迪功卽倪滂善士也故好佛甚篤每旦持金剛般若經修觀  
自在如意輪懺法自幼至老殆無虛日節自奉累織微營修  
期懺在家在寺者幾三十餘會供佛飯僧計十有五萬而于  
是剎尤切徑意嘗與妙濟大師、遠同建祝聖華嚴長生道  
場一所造廡舍那韋天二象圖繪天神莊嚴佛寺赫如也寺  
有觀音靈應為士民所歸依或水旱之灾疾痛之厄誠而禱

舍利之誤

之各得所欲遂裝新聖像嚴飾寶殿率僧行四衆每月繫念者數年舍禾田薪場入常住以月旦念阿彌陀佛號普願往生墳菴僧行因資焉近又以寺自唐肅宗給縣稅錢修後因寇至焚燬乾德間復建歲久損敝募講僧清裕重飾兩廡輪奐丹雘修焉一新其奉舍施皆若此嘗曰舍利神物也曾未有述其所自來者因致書求記於予嘉其誠信有餘為善甚力故併及之

重修惠力寺記

明沈友儒

海寧惠力寺枕硤石紫薇山之麓晉寧康中尚書張延光捨宅所建賜額志願宋改今額

陰隙  
隙之誤

皇明洪武二十四年立成菴林岡阜盤鬱泉石奇麗朝夕鐘  
鼓祝釐諷頌誠海邦一雄刹也自唐以來值廢輒治嘉靖戊  
午夏殿宇傾圯議圖重葺推僧惠銘領之時罹倭後舍施  
織番久未就緒隆慶己巳夏惠銘發精進心徒跣天竺稽首  
如來矢不御葦屨祈陰隙更延道侶許明朗廣募庀材鳩工  
不給則捐已貲折閱應器以充越歲庫午冬訖工輸與具美  
宰相聿新績亦偉矣以余嘗讀書小中介友俞菴請記予惟  
貝葉曇花共敷金地跋行咏息咸仰人天今之蘭若古之火  
第也上官以事至居人以令節躋陟與凡俊髦簪紳善賈名  
流隨緣稅駕未始不就憇焉止嘗有感而思張氏昔盛于此

息一作嘆息



夫平泉一草一木李德裕尚珍惜之戒子孫以勿鬻別宅之  
壯麗哉乃延光一旦棄若敝屣豈以邀福耶又豈以主嗜佛  
割所有以佞之耶夷攷其時清談滋熾灾青頻仍夸狄侵陵  
中原荼毒昌明纂業怠荒沉湎深信沙門謔言醜暴難翊以  
王謝諸賢而欲以一木支大厦得乎崇墉峻宇不惟富貴無  
常等之傳舍而炎丘鬱攸禱乳安從逸也光逆知其然撤而  
屬之空王維其識不及范文正公義田義宅之舉而遺外形  
骸脫洗埃壘止異于溺情役志淪酣苦海者矣迄今十百年  
餘奉為伽藍位寘東廡寄俎豆于闕黎藉声聞于蓮界可忝  
訾耶乃若寺之所以委廢後以飛甍傑構勢薄霄漢与山川

願落成一  
作願樂成

相雄長慈雲法雨彌久不衰回二梵之福之說動人然非其  
徒慧炬戒珠能張大其教多助若惠銘者曷克竣茲巨役也  
哉惠銘姓金氏嘉興嘉會都人佐之者其徒法濟洎僧定欽  
費金以兩計三百有奇噫昌黎欲庠其居而浮屠突厄三百  
尺而喜其成杜牧之記南亭盛讚會昌之毀寺而老僧挈衲  
無歸寺竹戕伐賦而愍之二公非前後異趨也願落成慨廢  
六情耳予于銘六云

題慧悟禪師上方

宋余弼會稽人

孤峰牢落幾何年  
臺榭于今半棟天  
已是精藍誇絕徼  
更移賓客在危巔  
烟霞色任陰晴變  
鐘磬聲隨上下傳  
珍重老僧無

別境一生幽趣在山川

面題西山上

朱伯虎 邑令

山一作開山

軒 一作當作

鑿石開山已幾年  
半天臺殿聳危巖  
曉鐘聲向雲邊落  
夜月光從澗底看  
野色難藏千里秀  
松風長占一輕寒  
老僧此處真佳隱  
應咲塵勞効一官

周肇胤 邑人  
仲淡

侵晨入山寺  
山色靄微茫  
巖峰陰喬木  
深徑生夏涼  
老僧闕客到  
移石開松堂  
沿厨接檻溜  
烹茗煎蕨香  
啣花想鹿女  
獻菓擬雁王  
殿榻倚空翠  
流夢闕笙簧  
竹風何冷々  
吹潤滿衣裳  
泉此清供因不知  
山日長悟深無生理  
身心祇兩忘  
好問

塵中土今古何茫

莫疑冥之誤

明張寧

古木迴廊紫硤中鳥飛不到梵王宮地高自覺三吳小天遠  
應須萬里通戶竇有泉成海藏巢居何日托雲松雪疇日莫  
西風緊扶病猶登第一峯

游硤小寺

胡奎

山氣莫、結紫霞上方臺殿布金沙曾尋竺国俱厭石因識  
唐朝顧况家龍獻珠未天欲兩鶴隨丹去并無沙兩年不到  
題詩處想得枇杷又着花

枇杷着花當仲冬紫薇即在紫薇峯一尊明月南湖擢兩硤

厲賀公  
厲當作屬

清霜六寺鐘茶具入林還傍竹經臺坐石更看松此時何限  
登臨興滿把風流屬賀公

右臂三  
當作肩

兩後看山卷画同揮毫不數米南宮半生丘壑藏來久一段  
烟霞寫得工絕頂鳥飛空界外右臂僧袒夕陽中懸知意匠  
經營苦東望停雲思不窮

山寺留別南洲上人

傅南喬餘姚

宝剑腰橫馬似龍小僧送客過江東寒鴉背兩半天黑落葉  
酣霜滿地紅話舊有期留玉帶知深何用碧紗籠相離莫唱  
陽關曲越水吳山指顧中

宿惠力寺

郭效

紫薇山下駐征鞍，獨對南軒漏未殘。  
鈴振遠聲風送暑，竹搖清影月生寒。  
一時高會馮誰發，千里孤懷且自寬。  
明日虛心更咨訪，還將老影達長安。

項穆

熱中托涼颺禪林，忽二更燈前愁頓結。  
雨後月偏明，樹鳥驚初定。池蛙咽，復鳴所思在遠道。  
夜半起微吟。

宿惠力寺聞鐘

朱象衡

霜落空林鐘，西小杳然歇。頓令清夢醒，上方坐起忽。

惠力寺

王翊  
嘉興

旃檀飄影暗祇林，香象經行歲月深。  
願在兩山爭峽勢，可中

一水介峰心神移壁絡誰為巧鐘偃釵梁未液金殿外空潭  
應不測每聞風雷毒龍吟

過惠力寺東隱房

釋斯學

丈室自東偏寒山鎖斷烟草生綠迳窄月出過墻圓鳴磬隔  
秋竹燃燈焰夜蓮山門寂無相那忍說安禪

遊觀樓寺前

釋弘道

紫硤山前百尺樓馮高萬象入冥搜滄江直到水穹處白鳥  
忽飛天盡頭一氣鴻濛開禹甸兩峯縹緲接瀛洲胡床坐對  
銀河近擬欲乘槎上斗牛

貝瓊

上方臺殿擁波濤萬里無雲見羽毛滄海一杯流地底雪小  
千仞小秋毫天邊作客登臨倦夜半驚人笑語高猶有秦川  
公子筆為君題賦擅風騷

永隆廣福寺縣西十里馬牧塘北宋紹興十八年建

金佛寺縣西十二里松林鋪宋紹興間建有異僧精修鍊行感  
天花之瑞遂成法社乾道二年賜今額

永寧寺縣西二十里宋嘉泰間建

薦福寺縣西三十六里蕭齊永明二年建曰安善宋祥符元年

賜額

淨信寺縣西南六十里石晉天福二年建



東岡廣福寺縣西北二十五里宋乾德元年建紹興三十二年  
賜額 明永樂十四年避潮徙四都觀音菴

覺王寺長安鎮唐長興四年建正覺宋治平二年賜額僧惟素  
有結大界碑記寺後三女堆見丘墓志

淨妙寺縣西北二十里宋嘉熙間建

興福寺縣西北三十里宋開寶二年熙寧元年賜額

吉祥寺許村舊曰齊明宋建隆二年曰迎祥治平二年改今額  
以上諸寺洪武二十四年清理釋道立成叢林餘皆併廢今  
或修復矣為詳于後

慶壽永寧寺縣東二十四里元大德間建

崇福寺審山西麓唐乾元間建曰靈池或曰靈龜寺蓋池龜見  
為兩侯會昌五年廢宋大中元年重建祥符元年賜額明  
萬曆中陳氏謀葺陰焚之今存其槩寺前銀杏樹可三四圍  
又羅漢松二蒼然絕塵葛洪井汲者間得丹砂或投石井中  
輒声如雷寺後磨劍池寺記聞人符撰

顧况

家在双峯蘭若邊  
教声清磬發孤烟  
山連極浦鳥飛尽  
月上清林人未眠

楊璿

艤棹青山下  
言尋蘓子家  
人魚皆靜樂  
水木自清華  
樹老欲

成蓋菊寒珠未花何須覓勺漏此處有丹砂

丹井樓

宋

徽欽天  
監副

半生簪笏近靖頭此日歸來續勝游嗜酒未尋陶令社題詩  
先上遠公樓山吞日影江城夕樹挾風聲海國秋身在故鄉  
心在關五雲飛處望神州

葛洪丹井

胡奎

聞道仙人勺漏令燒丹此地李長生林光每散金銀氣石髓  
猶含日月精仙藥九還為白雪靈泉一勺勝金莖不須更借  
三山鶴便碾飈輪上玉京

仙翁葛稚川鍊藥紫微小丹成上天去古井遺人間石甃苔

花生千年輓轡斷  
飈車不可攀  
白日何短  
空聞子規烏夜啼  
采上頭頭  
李長生術乘風以遨遊

董灃

欲覓長生沈瀧杯  
每怀仙液吸蓬萊  
誰知古甃雲林下  
問有丹泉映石開

許相卿

朱色甘漿小鑑開  
露欄烟縵絕塵埃  
寺閑欲鑄神仙骨  
乞假長浮沈瀧杯

崇福寺雙松

朱象衡

鬱蒼双虬龍  
偃蓋青蓮宇  
昨夜風雨多  
濕雲飛不起

開福寺縣西三十五里唐咸通元年建曰文殊宋大中祥符元年賜額

普安寺縣西四十里梁大同元年建宋治平二年賜額

慶善寺縣西南二百步梁天監七年士人弘靈度井中放光三

日淘獲銅僧伽像舍宅為寺曰觀海立石幢壓勝宗祥符間改今額天聖中僧禹昌講天台教又僧立言繼之時祿宣教

大師鎮江軍節度推官丹徒葛藤記我

明廢

銅僧伽瑞像記

竇思永

釋氏流入中國千有餘歲始于永平廢于會昌僅存于藍官安禪二師初宣宗逃難北奔落髮為比丘偏袒諸方闡器許

于藍官和尚大中之初立浮圖與蘭若且命為宰堵坡于齊  
豐寺以奉師真身舍利佛中饋而振藍官有力焉隆興改元  
之明年夏五月是寺井中有光燁然三日不息為銅僧伽遂為  
浮圖氏之宮距今八百年僧伽之像模製奇古兩暘請祈昭  
晰響答邑人事之惟謹建中靖國初吾徒傳失本真增飾為  
普照張僧伽偽謬特甚我將刮垢磨光以還黃面老子本來  
面目以為何如于是剔扶磨治現紫金容獲五色舍利四衆  
駭瞻瞻尊頌嘆容有謂子曰色相音聲而見如來是邪道也  
子謂今果是而昨非耶子應曰不然客不聞藍官犀牛扇子  
之說乎侍者不對具一隻眼藍官拈出落筭二義犀牛如虛

空未嘗有無扇子如大地山河未嘗成壞木人花鳥初無定  
體黃金瓦礫亦無定色如來應以比丘即現比丘僧伽何心哉

千佛閣

蘓軾

古色居民半海濤師來基築便能高千金用盡身無事坐看  
香烟繞白毫

王 執

佛心開晦暝覺性極融明宝相自然見客塵何處生銅瓶秋  
水淨草坐月華清不必曹溪去穿雲振錫行

常樂寺縣西南二里國初廢

旌忠寺縣西北二十五里洛塘南宋嘉泰二年建國初廢

雲龍寺縣西北十五里宋慶元二年建國初廢

定香寺縣西北二十五里宋開寶間建治平二年賜額國初廢

觀音聖米寺縣西北四十五里國初廢

報國寺縣西北四十八里宋嘉泰元年建國初廢

佛牙寺縣北一里宋淳熙間建國初廢

興慶寺新店市北宋紹興間建國初廢

南觀音院縣東二十一里新江塘宋端平間建國初廢

寶嚴寺縣東六十里宋紹興元年建國初廢

勝果寺硤石西南國初廢

寶林寺縣西二十里海塘北今廢



極樂寺縣東北二里今廢

定惠寺洋江塘北今廢

定善寺縣西南三十里陷于海

尹墅廣福院縣西北二十五里十六都宋祥符元年孟氏捨宅  
為院元末燬明洪武元年重建改額

淨信院縣東北十八里新江塘北宋乾道二年建國初廢

瑞應觀音院縣東北三十六里宋咸平五年宣議費公捨宅為

院闕人符撰記國初廢

接濟院縣東北三十六里洛塘宋淳祐間建

雪峰廣福院縣東北七里唐大中間雪峯祥禪師來叅監官齊

安禪師因結廬于東南五里熙寧元年賜名壽聖元恭定二  
年避潮遷今處

記

壽聖禪院西距縣郭五里俗謂之東菴蓋雪峰禪師昔嘗隱  
此身光發見遠近望之以為回祿馳往救撲至則已有因芳  
為光明庵後稍益屋居僧六謂之光明禪院熙寧元年始賜  
今額庵後大樹徑數十圍柯枝拗蟠皆南引以覆菴雪峰寺  
植樹傍古井甘冽大旱犹供百人亦傳雪峰手鑿于兩年不  
至東庵今偶復游之睹其壯麗宏大崇廣具備恍然如化非  
復前日東庵也復念雪峰聖蹟無傳故為之記大觀己丑將

仕即前監本縣監監張弼秉道撰并書

延聖妙智院審小南宋政和二年建名妙智閣

登妙智閣

陳鑑

暮宮一

作梵宮 高閣峒光倚暮宮 少微星在白雲中 禽魚樂事衣冠會 山水

清游翰墨同 草淨湖光疑落日 夕寒莎葉自輕風 問携九節

仙人杖 丹井西頭訪葛翁

東山廣福院審小宋熙寧元年建院西多梅花時可玩

西山廣福院紫薇山唐元和間邑人宋坦捨宅為之宋天禧中

僧辨親重建熙寧三年賜額壽聖隆興間改今額李肩白撰  
記元大德庫子重建有覽遠樓天開圖畫樓元季士趙孟頫

題額半間雲軒

章孝標

野寺孤峯上危樓聳翠微捲簾滄海近洗鉢白雲飛竹影臨  
經案松花點衲衣日斜登望處湖畔一僧歸  
地勢連滄海山名號紫薇景閑僧坐久踞僻客來遲峽影清  
相照河流石自圍塵喧都不到安得此忘歸

天開圖畫樓

貝瓊

清明無雨試登山丹井西頭一叩關石戴樓臺飛鳥外天開  
圖畫白雲間婆羅子落陰初合躑躅花殘色尚殷且喜遠公  
還入社許予沽酒解愁顏

婆羅一  
作婆娑

屠勳

硤石佳山聳紫薇  
紫薇絕頂有禪扉  
天花作雨從空墜  
慈海無航任錫飛  
虎穴龍泓金色相  
竹叢藤蔓翠烟圍  
上人好事湯休是  
隨喜何年愜素机

錢薇

長松時拂翠靄修竹遠蔭清波  
山徑雀飛雲際野田雀啄新  
木

舍利長懸白日古木清掛烟蘿  
門枕審山出徑地連葛井丹  
窩

四果華嚴院縣東北七十里唐咸通元年建宋大中祥符元年

改額

闡濟院縣東北六十里元大德間丘氏女建俗稱女兒廟刑部  
即沈友儒有記

超正院縣西五里淡塘北宋乾道間建今廢

淨居院縣西五里淡塘北宋隆興二年建今廢

惠明院縣西八里運塘南宋隆興元年建今廢

淨明院縣西南八十步仁賢坊梁紹泰二年今廢

戒壇院縣西南三里中塘宋淳熙九年建

水陸院縣西南四十里宋治平間建今廢

弥陀院縣西北十五里宋乾道二年建今廢

正法壽寧院縣西北十五里宋乾道二年建國初廢

惠泉院縣西北二十里宋乾道二年建國初廢

圓明院縣西北三十五里宋元和七年建國初廢

資福院縣西北四十里宋建炎四年建國初廢

南禪福巖院縣西北四十里南齊高帝建元四年尼僧猛捨宅

為之號齊明猛姓岑氏南陽人徙監官五世曾祖率晉餘杭

令事載高尼傳後漢乾祐中改護國報恩禪院宋大中祥符

元年賜額乾道二年丙戌重修右宣議郎監行在左巖西庫

李洪記并書

壽昌院縣西北五十里莫家堰南宋嘉定間建國初廢

瑞像院城北一里宋嘉定間建

北永寧院縣北四里通浦堰東宋紹定二年建即春佛庵  
上方延壽院縣北十里宋淳祐二年建

圓明菴縣東六十里佛游墩宋嘉定間建

東林庵縣東六十里宋嘉定間建

觀音菴縣北二百五十步元至正二十年建今廢

黃坡庵縣東北三十里黃坡墩宋端平間建

永平菴縣東北五十二里宋永平間建

惠照菴縣東北六十里元至正十五年建

興壽菴縣東北六十里宋紹興間建



正覺庵縣東北六十里元至正十年建

接待朱何庵縣西一里元延祐間中峯和尚建

納雲軒

朱逢吉

怕着纖塵點翠坳獨留雲住結神交飛騰不逐蒼龍化伴宿  
清于老鶴巢曉和篆烟生象藏夜籠窓月挂梅梢年久藏得  
春如海還望為霖澤四郊

積寶庵縣西北十五里元延祐間建

惠明庵縣西北十五里洋江塘南宋隆興元年建

真如庵縣北十五里石井北宋紹定間建

吉慶菴縣西北十五里宋紹定間建

西觀音菴縣西北二十五里元延祐間建

常樂菴縣西北十五里元延祐間建

海雲菴縣西北四十六里元至正間建

雲峯双桂菴縣北十八里唐大中間建

白蓮花院縣東十五里今廢

勝梁院縣東北六十里今廢

普信院縣北二里今廢

圓覺院縣東北六十里今廢

西菴城西門內廢

大通菴縣西三里淡塘北陷于海

出塵庵縣西二十五里陷于海

白水菴紫薇山西麓崇禎

建談遷撰記

葆真觀縣東南二里馬自然得道處舊縣西南三里宋紹興二十三年徙于此

游葆真觀

胡奎

百尺飛樓接帝青  
非烟非霧入冥冥  
雲間雞唱朝迎日  
海底蛟眠夜見星  
函谷有閑瞻紫氣  
蓬萊無地問丹經  
道人肉重不騎雀  
一曲空歌醉復醒

黃鶴一去不復返  
紫陽有孫能孝仙  
蓬萊如隔三千里  
萍水相望四十年  
鍊就大丹金作鼎  
種來靈草玉為田  
無端四月

枇杷雨不共青燈一醉眠

蓬萊東畔是仙家  
旭日蒼涼絢紫霞  
門外黃塵皆海水  
窓間青鳥識蒼苔  
閒尋墨沼來題竹  
擬借丹爐李煉砂  
十載安期吾有約  
他年同吃枣如瓜

游仙詞

五小出東海巨鰲十五頭  
帝遣戴山足勿使西南流  
至今雲霞間上有白玉樓  
琪樹麗陽岡瑤花被玄洲  
麻姑有書信方平或未游  
尋真諒不遠悵望凌高秋

琳宮倚虛碧瑤海含晴暉  
翩跹花鳥使日暮雲中歸  
弱中隔玄圃三山橫翠微  
明月為我珮丹霞為我衣  
天顏近咫尺兔

郎朝金扉

游葆真觀

蕪平

蓬萊方丈海東邊  
樓閣雲深紫霞連  
松臥石臺龍偃蹇  
竹依丹竈鳳翩跹  
中車不共陶彭澤  
拄杖相過葛稚川  
花下徘徊歌伐木  
數聲啼鳥隔蒼烟

登葆真現玉虛閣

浩氣凌空隘八州  
尋真何處縱遨遊  
咲騎王子候山雀  
來訪仙家海上樓  
白鹿啣花迎洞口  
玉鶯啼月候瀛洲  
弱流咫尺三山路  
曾見麻姑寄字不

採紅豆

張元弼

兩過仙家紅豆飛十年香味眼中稀  
露叢不管衣裳濕採拾  
千條翡翠歸

玉虛道院縣東十里轉塘元至正四年建有銀杏樹大數圍

蔡完

轉塘太守南州士宦歷長沙湘水間  
動念鄉閭桑梓意停舟  
道院一偷閒

弱中疑水之誤

蔡惟孝

我來觀化乘餘日散步從行山水間  
枯木蒼松渾古意風清

月白野雲閒

延生道院縣東四十里宋咸淳元年建

玄真道院縣西南六十步 明洪武二年建

董湮

簫聲隱、珮珊、喜有琳宮隔市寰  
洗藥源深明月冷落花  
風定白雲間泥封六一猿窺窻  
天近三清雀守閑徐福樓船  
空泛海蓬萊元只在人間

奉真道院縣西北二百五十步元至正二十九年建有九天閣

胡奎

九氣合天梵鴻濛啟神霄上披三素雲  
靈宮鬱宮堯群真翊  
羽蓋絳節凌迴飈紫、霏玉葩琅、歌洞謠  
凝神息萬慮遊  
齡比松喬借首無為此永言贊昌朝

玉虛運元化，曜靈升大羅。三景開天根，碧落浮空歌。仰瞻絳  
蘿館，紫雲覆我。縹緲金芙蓉，御以麒麟車。九光分果米，萬  
彙含沖和。皈命希夷門，超然凌太霞。

皇朝闡真教，惠風覃八埏。琅函啟靈篆，玉文簡玄。授以丹  
霞衣，回翔玉清天。三精飛爽灵，五色凝非烟。黃老惟我專，氣  
神長綿。道遙無極君，歸真合自然。

九天閣步虛詞登製二章

龍漢環蕩，瓊宮鬱我。九氣結灵篆，千月映明河。穆  
妙客飄，登大羅。仙人綠雲中，縹緲回空歌。逍遙永無極，曷  
谷駐羲和。



玉虛啟真境  
室閣凌丹霄  
曜灵洞八窓  
空響振四風  
絳節飄  
飄下玄房  
曲密通中有古仙人  
黃公與赤采  
飛霞為我佩  
下  
上隨雲龍

九日登製三章

曜靈啟暘谷  
丹霞麗玄穹  
晨朝回絳節  
群真集珠宮  
登高覽  
八極逸興  
凌空濛中有古仙人  
云是商小翁  
浩歌紫芝曲  
此  
意無終窮

九天良宴會  
登高暢子懷  
憑虛發清嘯  
浩蕩天風來  
金莖逼  
華蓋六符明  
泰階排雲叫  
閭闔灵扉洞  
然表安得金衣鷁  
乘  
之上蓬萊

朝披碧瑤笈夕登紫極房綺雲紛郁：龍漢鬱蒼：游神九  
霄外恍惚覲虛皇相從赤松子乃有韓張良安知千載後跨  
鶴重來翔

玉宸道院長安鎮宋咸淳間建

長春廳縣東四十里元至正十六年建

全真道院黃岡市元至正十五年賈希賢建

真聖堂硤石鎮元至正十一年建



海昌外志

棗林談遷孺木著

選舉志

選舉之汰昉於成周後世因之不易也十步之內必有豐草十  
室之邑必有忠信矧重以學校師儒之素予人文化成宮角相  
應有由然矣作選舉志

甲科

唐

褚無量 明經科

許遠 開元 科

顏真卿 開元二十五年文詞秀逸科又登制科

顧况 至德二年

顧非熊 長慶一賜第

宋

吳 綰 熙寧九年徐鐸榜第五甲元豐五年又入第四甲

朱 登 崇寧三年辛學賜第知史徽 崇寧五年蔡寔榜司農

孫 綽 政和五年何臬榜 張九成 紹興二年狀元禮部侍

凌景夏 榜眼吏部尚書 沈功永 紹興五年汪應辰榜浙西泰議

太史洵武 紹興十五年劉章榜 趙公遷 二十一年趙達榜臨安通判

郭知運 甲科知荆門軍 先青臣 二十七年王十朋榜

木待問 隆興元年狀元禮部尚書 王 沈

王 恕 太府寺簿揚州通判 陶家績 軋道二年蕭國良榜湖廣總領所幹辦公事

張少良 淳熙二年詹駉榜漢陽 趙崇規 隆興府通判

張 弁 淳熙五年姚穎榜朝奉 趙善訢 朝散大夫知岳州

趙善諤 鎮江府通判 趙善稼 紹熙元年余復榜文忠

楊 度 淳熙十一年衛涇榜 張 案 紹熙元年余復榜文忠

趙公選 嘉興 徐正卿 朝請大夫淮東提舉

王 輝 紹熙四年陳亮榜朝奉 丁端禮

趙希慨 慶元二年鄒庶龍榜 王 謙 慶元五年曾浞龍榜

朱堯佐 趙彥摺

倪嗣宗

張寅

錢昌言

開熙元年毛自知榜

于有成

嘉定元年鄭由成榜將  
作少監

趙彥祝

許應龍

嘉定十年吳志榜

鄔樞

嘉定丁六年蔣重珍榜

趙彥種

寶慶二年王會龍榜

趙沆夫

翁森

張一夔

紹定二年黃朴榜

趙皞夫

紹定五年徐元杰榜

趙用龍

端平二年吳叔吉榜府志

趙彥礪

嘉熙二年周坦榜府志

南渡宗室散處郡縣入籍應試在京師者別為玉牒所紹興  
十一年以程克俊言以所致合格宗室附正奏名殿試其後  
雜進諸科與寒素等吾寧甲科趙氏特盛至今趙家橋其故  
居也

許斗祥

淳祐四年劉夢炎榜

于

恕

淳熙二年張文忠榜特  
奏名

徐禹績 淳熙八年特奏名

朱待聘 特奏名

郎 晔 淳熙十四年特奏名

沈 璿 特奏名

王鵬遠

蘇友直

聞人藻

元

馬 當作綱

馬 徊 黃灣

送馬公肅之穎川

游之奇 淳熙十一年特奏名

鍾 振 特奏名

朱 黻

章之尤 特奏名 兵部侍郎

章 嘉

管 煥

王居安 住洛塘 平江路治中

馬 秩 給事中 因朝穎上訓

吳 奎



讀禮三千後張帆十月初千金司馬賦八法右軍書達道元  
來使空山有故庐持竿東海上只釣北來魚

明

洪武乙丑科

陸子孟 刑部侍郎

永樂甲申科 是榜皆聯捷有五鳳齊飛入翰林之謠

沈

升

太僕寺少卿正統十一年二月庚戌卒史謂進北京  
太僕寺少卿秩滿餽王振百金玉帶振殊不為意頗  
失望卒賜祭

談遷曰沈志行富於文學 文皇帝首開瀛州之選其人

俱譽髦也多坎壈以終志行雖不敢望王英陳敬宗輩亦

卓有士望史記其略闕振倘亦有牛鼎之意乎鄉人如志  
行者未多見奈何深訾之也

孫子良 山東秦政

俞禮 庶吉士

曹景暉 蘇州通判

曹彥昌 高安典史永樂中庶吉士皆授刑部主事彥昌後除  
漢府教授去宣德初漢府畔彥昌服闋遂不起吏

部移文促之始至侍郎郭璉奏彥昌在事久雖先事去  
亦宜治以同謀上曰一皆同預起事今尚有釋之者  
矧其先事去乎但治其服闋不起降一等遂謫高安典  
史者在宣德四年二月見憲章錄彥昌竟卒官舍同年  
孫子良詩有甲科不得跨高品荒微翻成殞此身之句

山陰陳起元登科攷載制科是年獨沈升獲槐歲抄庶吉  
士分二等沈升曹景暉孫子良支從七品俸以二甲進士

曹彥昌 俞禮 支正八品俸以三甲進士館閣漫錄是年四月選庶吉士益得其詳

永樂壬辰科

杜海 御史家東莊村後徙桐徙今稱官村杜氏

永樂乙未科

陳資茂

正統乙丑科

姚哲 按察副使

成化乙未科

徐海 按察僉事

509-2-61

成化戊戌科

錢鑑

成化辛丑科

徐寬 禮部主事

成化甲辰科

祝萃 會魁廣東叅政

弘治庚戌科

孫武卿 會魁益都知縣

弘治壬戌科

查約 巡撫山東右僉都御史  
許元奎 刑部主事

賈時 河南歸德衛籍

查煥 山東叅政

弘治乙丑科

郭楫

正德丁丑科

許相卿 礼科給事中

嘉靖癸未科

吳鵬 太子少保史部尚書 祝繼臯 兵部主事

王道 直隸涿鹿衛軍籍載府志

嘉靖丙戌科

許樞卿 大理寺丞

嘉靖戊戌科

沈友儒 揚州府同知

孫喬 御史

朱執中 刑部主事

嘉靖辛丑科

朱瑞登 山西按察副使

嘉靖甲辰科

唐禹 福建按察使

朱有孚 徽州知府

嘉靖丁未科

吳遵 南京光祿寺卿

查秉彛 順天府尹

徐鶴齡 山東叅議

馮親 廣東按察使

陸州 江西按察副使

蔡用乂 辰州知府 錦衣衛籍

嘉靖庚戌科

周國卿 江西按察副使

張選

嘉靖癸丑科

祝世廉 會魁汝南知府

沈淳 史科都給事中

董鯤 湖廣按察副使

嘉靖丙辰科

查志立 河南參政

嘉靖己未科

孫塘 兵部郎中杭州右衛籍

徐炳 山西參政

沈志言 寧國知府

董學 巡按宣大監察御史

查志隆 福建按察使

吳紹 廣東參議

嘉靖乙丑科

居守 常德知府

楊松 山西參議

隆慶戊辰科

祝世喬 涇州知府

周啟祥 廣州知府

隆慶辛未科

郭子直 福建按察副使

萬曆甲戌科

孫星 南京刑部主事

陳與郊 太常寺少卿提督四夷館

萬曆丁丑科



陳與相 貴州叅政

萬曆癸未科

查允元 丙戌廷試江西叅政 葛孔明

萬曆丙戌科

祝以幽 應天府尹加銜工部 右侍郎

萬曆己丑科

黃如金 南安府同知 祝以庭 南京刑部郎中

萬曆壬辰科

朱與翹 廣西按察副使

萬曆乙未科

徐紹曾 山西按察副使

褚繼良 工部主事

萬曆甲辰科

祝以岱

萬曆丁未科

曹震陽 工部郎中

許令典 淮安知府

萬曆癸丑科

陳玄暉 翰林庶吉士進編修

許士奇 湖廣參政

陳祖苞

湖廣參政 史巡撫順天右副都御

周 將 太常寺少卿

萬曆丙辰科

陸一騏 吏部主事

董思稷 汾州知州

萬曆己未科

史啟英 戶州知府

徐伯徵 揚州知府

萬曆壬戌科

潘陳忠 禮部員外郎

天啟乙丑科

曹履泰 吏科給事中

崇禎戊辰科

葛徵奇 大理寺卿

崇禎辛未科

吳太冲 右春坊右中允

陳鼎新 揭陽知縣

崇禎甲戌科

吳本泰 尚寶司丞

徐孟遠 貴池知縣

崇禎丁丑科

陳之遴 榜眼左中允

崇禎庚辰科

沈兆昌 漳浦知縣

朱朝璞 旌德知縣

崇禎癸未科

陳殿桂 兵部主事

俞元良 沁州知州  
乙酉遇害  
未赴改新寧

許令瑜 仙游知縣

湯芬 山陽知縣

曹元芳 常熟知縣

張標 會榜未廷對

鄉舉 附張寧題名碑

黨序  
當作序

周制卿大夫三歲大比而賓興賢能是時黨序術序備嘗教簡  
論視始也閭胥族師黨正得歲書其德行道藝至其成也鄉老  
大夫又帥群吏同獻賢能之書于王。拜受之登諸天府士之  
造就皆根于鄉雖或異時名分寥遠然而移文可徵鄉論如素  
隋唐而下始專以科目取士鄉舉變為官試賢能流為公牒獻  
受委諸曹司士于鄉黨若不相涉非即通顯雖先後輩亦或不  
知其學行人品之詳而遂以忽忘者于表率之道豈不重可惜

哉我

朝舊制每進士登科命工部于國子監立石題名待士之典茂以加矣寧幸遭際恒念禮可以義起或得專行思欲于府縣學行鄉舉題名歷歲廣上恩而追古昔及承乏汀州適以病免方竊自歎會海寧縣尹李芳訓導戴琰達穎適有是舉相與具書幣詣予請記其事因樂為之語曰凡士之務于科目其致有三曰文曰名曰位然皆造端于鄉舉是蓋君子進身之資而非進其身已也朝廷用士之具而非用其士已也夫文者德之華名者才之表德與才周之所謂賢能而合備于人謂之有道非位不行君子恒因之自然著見者以應上之求將致位而行

吾道爲才德藏諸身司仕者所未知亦恒因其自然著見者以  
察下之能命之位而用其道爲故在下成進身之業在上獲用  
士之效非但取資具而遺事寔也苟無其本而徒以文自飾以  
名自眩以位自矜進則病民退則失已悻然由之而無所顧恤  
其負學校而羞科目也甚矣猶詭諸鄉曰吾昔之賓興賢能人  
也能不厚顏哉夫言無体要者不傳事無關係者不永昔司馬  
文正公作諫院題名記列忠詐之目使人知所避就今所題名  
皆一鄉之士出自學官子弟切于見聞賢否邪正猶之論其家  
人呼名立辨不待目列而後知况刻之于石千載不朽非若向  
之可遂忽忘矣寧也隣後進惜無可傳之言以記永之事願與

誓勉戒諸論秀而繼當升者誓勉戒之用毋忘賢師儒表率之意  
誓一作持

唐宋無改

元

馬振

馬秩

賈祥鳳

明

洪武甲子科

陸子孟

洪武丁卯科



杜遠 錢塘籍亞魁 濟南教授

洪武丙子科

平秩 杭州國子監博士

永樂癸未科

沈升 經魁

俞禮

孫子良

永樂戊子科

錢克諧

永樂辛卯科

倪端 深澤訓導

杜海

永樂甲午科

顧愷 宝應教諭

陳資茂

永樂丁酉科

沈寧 國子監助教

沈振 綿竹教諭

楊璪 沂州學正

永樂癸卯科

郭勝 國子監學錄

正統甲子科

姚哲

景泰庚午科

陳紀 藍課司提舉

景泰癸酉科

褚靜 太平府通判致政之日家無餘資有和唐吟藏于家

天順己卯科

郭誠

天順壬午科

徐海 儒士前榜俱廩生

成化乙酉科

錢鑑

成化甲午科

聞璇 永安知縣

孫武卿 杭州增廣生

成化丁酉科

祝萃

成化庚子科

徐寬

查煥

成化癸卯科

周廂 撫州府通判

賈時 河南歸德衛籍

成化丙午科

王天民

弘治己酉科

王珏 即天民第貢生王經之子住東門外王家橋

弘治乙卯科

查約 儒士

姚章 永安知縣

弘治辛酉科 以後邑榜綿聯不斷

許元奎

陸大有

弘治甲子科

許楫卿

閻師孟

祝釐 崇仁知縣

董銓

郭楫 杭州

正德丁卯科

許相卿

正德庚午科

沈永年 增廣生 象州知州

唐世卿 撫州府通判

正德癸酉科

祝繼龍 太僕寺丞

陳中孚

正德丙子科

祝繼皋 經魁

董穀 漢陽知縣

孫景時 杭州攸縣知縣

蔡福 杭州

17-2-41

陸宗俊 杭州

正德己卯科

周雲 舒城知縣

嘉靖壬午科

祝繼倫 弋陽知縣

聞嘉言 亳州知州

王道 順天

嘉靖乙酉科

查東葵 附學生餘不書

嘉靖戊子科

祝繼英 繁昌知縣

吳鵬 秀水

陳中節 霍兵知縣

許樞卿

徐澤

嘉靖辛卯科

張涑 杭州

朱執中

嘉靖甲午科

查秉鉞 亞魁 合肥知縣

馮覲

蔡用乂 順天海鹽人

嘉靖丁酉科

沈友儒 經魁

吳遵

顧鏞 杭州泉州府推官

唐禹

朱有孚

張選

徐圭

錢塘籍南陵知縣



陸州

徐鶴齡

濮樟

嘉靖庚子科

朱瑞登

周儒

嘉靖癸卯科

祝世廉

朱瑞明

沈淳

孫喬

王懷愚

徐禾

刑部員外郎  
應天

徐輅

應天永安知縣

周國卿

順天經魁

褚相

饒州府同知

徐炳

查秉直

應天刑部郎中

孫塘 載府志

嘉靖丙午科

朱衣 湘潭知縣

嘉靖己酉科

沈志言

嘉靖壬子科

董鯤

嘉靖乙卯科

董學

祝以庠 被察削籍

孫星

查立志

楊松 河南

嘉靖戊午科

居守

查志宏

順天都察院經歷

查志隆

嘉靖辛酉科

祝世紳

嘉靖甲子科

祝世喬

隆慶丁卯科

陳興郊

杭州

沈志文

順天吳喬知縣

周啟祥

查志文

應天庠州府同知

隆慶庚午科

蔡興芳

目子 監助教

郭子直

應天

周國賢

順天 靜寧知州

萬曆癸酉科

張潘

經魁

陳興相

杭州

董成龍

柳州知府

馮有翼

順天 錢塘籍 上猶知縣

萬曆丙子科

查允元

錢塘籍

祝以庭

許開造

海鹽 籍 應天 貴州道

徐壽鵬

應天

萬曆己卯科

葉霽

查允成 順天上蔡知縣

胡庶伯

應天萊縣知縣

萬曆壬午科

祝以忠

經魁臨江府推官

徐維揚

杭州

祝以幽

亞魁

葛孔明

杭州

董成允

嘉興教諭

查志洽

潘愈

順天辛丑註誤割藉

萬曆乙酉科

查朱履儼

平樂府同知

沈啟綱

吏科沈淳子

朱炳文

餘干知縣

董志舜

杭州零陵知縣

楊明綬 杭州

祝以罔 憲天河東運司同知

萬曆戊子科

盧伯元 經財相陰知縣

黃如金

徐文治 西安府同知

萬曆辛卯科

徐紹曾

董明吉

朱與翹

曹嘉謨 杭州光山知縣

吳臺

馮贄 順天梧州府推官

沈啟經 吏科沈淳子

姚應鳳 海鹽來安知縣

萬曆甲午科

裴紹中 瀧川知縣

陳懋才

許有覺 順天

萬曆丁酉科

曹震陽

萬曆庚子科

許士奇 海鹽

朱一駟 餘姚人後改姓陸

萬曆癸卯科

陳祖訓 南京兵部員外郎

褚繼良 嘉興工部主事

吳大英 杭州

史啟英

祝以岱 經魁

許全典

萬曆丙午科

朱國初 南京府同知

孫天祥 永春知縣

萬曆己酉科

蔣遵道

董志稷

徐若在 順天合浦知縣

萬曆壬子科

茅寵昭 漢川知縣

曾履泰

陳祖苞 海鹽

陳玄暉 海鹽順天經魁



郭士亨

陸鼎鏞 嘉興

查大觀 順天

萬曆乙卯科

裴應暘

朱履和 杭州道行子

朱道行 順天高安知縣

萬曆戊午科

陳鼎新

陸鉦

陳元良 長清知縣

周洪典 崇德

徐伯徵

徐繪觀 應天沔池知縣

潘陳忠

羊世道 兩淮運使判官

祝以真 應天南豐知縣

天啟辛酉科

陳之伸 山上泰議

張鴻羽

天啟甲子科

陳之遴 海鹽

黃金鼎

天啟丁卯科

朱大典 亞魁

沈端

許令瑜

張次仲

鍾鴻頴 海鹽人 秦安知縣

郭凝之 順天山東僉事

曹徵奇

許令吉 杭州

吳太冲 錢塘籍 應天

余懋儼 山西威遠衛九江府同知

崇禎庚午科

查大韶 亞魁

朱朝瑛

徐孟邃

郭璿 杭州

崇禎癸酉科

查繼佐 杭州亞魁

祝淵 錢塘籍

吳本泰 順天

賈遂 河南解元

崇禎丙子科

蔣薰

沈兆昌

朱廷璋

周宗彞 順天

201-4-4-1

陳之暹 應天

崇禎己外科

葛定辰 經冠

葛定遠

徐孟祺

崇禎壬午科

朱昇

曹元方

陳殿桂 杭州

陳殿楨

徐元榮

張標

湯芬

朱一是

朱嘉徵

張孫弘

查嗣馨

查繼甲

余元良余

徐晉階

順天亞魁

余元良

當作俞

明經

貢途有三升年曰歲貢覃恩曰選貢籌邊曰例貢

國初以太學生少簡郡縣高才生俱上之歲或數人與後皆不

同今附 本朝條例

洪武九年貢二十五歲以上諸生 十二年貢二十歲以上諸

生十四年貢容貌端方諸生 十七年始每歲選貢年深成

效諸生禮部試中式入太學脩用縣歲貢一人 二十一年

縣三年一貢 二十五年縣一年一貢 永樂十二年貢楷

楷諸書生

當作

諸書生

宣德八年貢四十五歲以上諸生

正統十二年

楷書諸生

貢四十歲諸生

天順七年貢四十五歲諸生

令通學考貢一人

洪武

談士中

寧德知縣

楊麒

九年

魏文德

朱懋

十二年

金志辰

陸子孟

十七年

魯以德

六年

沈克義

居可簡

九年都水司主事

沈煥

姚恕

十二年

朱克勅

十八年

鄭醇十九年

送歲貢生鄭叔宏

胡奎

快雲  
當作雪

聖代開文運春官選俊英昔當王正月歲貢魯諸生辛苦三  
冬學扶搖萬里程懷才期大用努力在茲行閭闔彤雲晚蓬  
萊快雲晴掖梧多集鳳宮柳早聞鶯好寄龍河信須題雁塔  
名子今游太學師必見陽城良璞無三獻洪鐘待一鳴相知  
如見問煩道別來情

鄭德名 二十六年

孫 騏 洪武中任連城知縣謙

逋逃自奉蔬食而

阮思聰 二十一年以方正舉知

已云官民哀之

於弱尊賢勸善賦

長泰縣恪直廉明抑強

沈孟文 二十六年

祝友民 二十七年

褚文英 二十八年

俞倫 二十九年兵部員外郎

送歲貢俞生之京

胡奎

俞生英妙年讀書南城下暇日從兒嬉騎竹當馳馬弱冠入  
虞庠良金貴陶冶教牙稽訓詁葩正習風雅辟彼宗廟器京  
朝安可舍今春貢京師如生才亦寡雍：成均地濟：文學  
者縱橫三千字寸晷增揮洒龍門錦先奪雁塔名須寫有便  
即寄書傳云念鄉社摘詞繼班馬射策希董賈

送俞貞外歸省如京

積雪擁門三尺餘好春來自玉階除郎官近拜回鸞誥父老



身迎駟馬車生菜翠盤朝具饌高花紅燭夜看書出門便是

雲泥隔日：江潮候鯉魚

吳性 三十年

鄭寬 三十一年

孫子良 建文二年

永樂

吳栗 元年龍岩知縣

唐定 四年重慶府推官

鄴永昌 五年兵部郎中

吳霖 六年高州府同知

杜譽 七年

王經 八年刑部郎中 葬東岳廟西南

凌瑤 九年

郭闡 十年無錫縣丞

章勤 十一年

沈常 十二年銅瀝縣丞

正統

胡

璉

十三年濱州判官

李

訥

十四年魚臺縣丞

史

直

十七年小真巡檢司

呂

昌

十九年萊蕪知縣

譚

庸

安縣丞  
元年

潘

毅

岳州府經歷  
三年

談

懋

七年

沈

揮

泉州知府  
十一年

例貢

正統

萬

貫

十四年江西新城知縣

周

良

十六年

丁

彥

十八年雷州衛吏目

萬

鐘

二十年

范

聰

瑞州訓導

金

鎰

五年

沈

銘

九年

黃

昱

十三年

鄒璿十年

金聲

景泰

孫昱 九江府經歷

謝謙 永平縣丞

施文

周寧 邵武教授

簡檢一 作巡檢 天順

鄒圩一 葛皓 戶州簡檢

作鄒圩

郎清 既勇 顧諒 黃俊

張庸

唐能 二年

金鐘 古田大使

沈昱 宣春訓導

曹劉 晉州學正

許訥 俞祚 何應 陳既 年 以上十一人俱例貢

成化

聞

璞

二年

周

鉉

東流教諭  
六年

鄭

璿

樂安訓導  
十一年

姚

升

永安訓導  
云有儒行十六年貢

朱

玘

二十年

周

濟

光澤教諭  
四年

楊

安

清溪教諭  
八年

章

能

虹縣教諭  
十二年

李孝先

松溪訓導  
十八年

金應麟

二十一年

弘治

吳用衡

宜春主簿  
元年

孫正卿

興化府教授

萬禮

七年

孫中

三年

陳

蔡

儀封訓導  
五年

許

恭

九年

張敬  
一作敬

許鎰  
當作淪

正德

董	張	曹	俞	姚	呂	朱	徐	周
載	龍	正	玘	師	錡	珪	鏞	芳
十五年	五年	十三年	九年	元	十七年	十三年	十一年	補九年
楚府教授	席貢衛經歷	藍誠訓導	東流訓導	鹿邑知縣	岷府教授			貢

董 金 許 章 郭

載	肅	岐	楷	雲
十六年	七年	十四年	十一年	七年
	寧縣教諭	贛州府訓導	濟陽訓導	寧縣教諭
				河間府訓導

許 唐 毛

鎰	佐	鵬
十五年	十二年	十年
永州府通判	蒙城訓導	永州府通判

嘉靖

周孝元年

朱鵬 宿州訓導

祝繼元 瑞安教諭

陳中復 霍山知縣

陳中益 吳江教諭

之行一  
作行之  
蔣澄 崇明教諭

陳緒 固始訓導

祝繼先 旌德訓導

孫賓一  
作孫賓  
孫賓 上犹訓導

李王 遼東都司儒學教授三

周珊 霍山訓導

許村 汶上訓導

濮樟

張震

徐之行 山陽教諭

許檄 仰

管銓 瑞州府訓導

董隆 肇慶府訓導

蔡 縉 建寧府訓導

徐 煦 儀真訓導

周 熙 載

唐 世 賢

朱 舜 臣 金壇教諭

徐 國 恩

徐 一 鄉 滁州衛經歷

陳 公 陞

潘 一 鶚

隆慶

郭 子 直 思貢

吳 默 成 思貢廷試第一

陸 世 文

陸 應 龍

陸 言

汪 朝 儒 六安訓導

萬曆

張鏡

朱履份

萬曆己卯副榜

董思友

入鄉賢贈廣州府推官志舜父

施大有

俞良言

慶州府訓導

孫允升

許仲

顧滂

許俸

王學可

董九思

石埭訓導

朱與交

思貞泉州通判

胡廉伯

朱文炫

許儒

陳愈嘉

霍州學正

吳達道

郭林

吉水訓導

蔡與英

許有覺



祝以應 選貢翰林院孔目

祝萬年 句容訓導

居憲

查秉謨

朱道行

陳日新 星子教諭

盧仲元

董日躋

陳懋官

新寧知縣

俞叔晟 吉安府教授

天啟

許敦倬

元年嚴州府教授海鹽

周大誥

祝守禧

廣州府通判

董虬祥

董伯禔

通道知縣

葛士奇

祝守玄

永春教諭

費文炳

崇禎

俞元良 選貢

查大經

許成龍 拔貢 激江府通判

查大字

朱之椅 海鹽訓導

徐晉階 已卯一榜准貢

陳之烈 崇德籍

弘光

黃鰲 恩貢

徐鶴朋

俞正君 潮陽教諭

徐洪策

羊世昌 桐鄉訓導

祝君祚 湖州訓導

朱朝宗

朱之楨 登州通判

查旦

查詩繼  
杭州

董奕壕

范驥  
杭州

例生  
附

張慶

陳天祚

朱朝

祝繼明

徐雲

梁繼志

朱福長

金琮  
例貢

陳之問

楊

輝

成化

唐

相

正德

祝繼昭

沈龍

梁繼本

祝繼稷

周穆

祝繼夔

周璞

祝繼祖

密錦密  
當作密

密錦

許世楨

賈中錫

兩淮通判

張乾

梁繼先

董軾

徐國賓

查堅

朱湔

祝繼華

周誨

董鳳

密錫

丁既濟

金鰲

祝繼修

葉應祥  
嘉靖

徐思顏

徐 寫

封 書

王 臣

祝世寧

朱時中

梁繼緒

馬守清

馬守和

徐 鼎

梁繼武

查東銓

唐 儼

祝世祿

祝世憲

錢 布

周雲龍

徐大有

徐 來

王 儒  
查志學  
徐文儒  
周 甸  
周 鈞  
陳公志  
密觀駱  
李應春  
唐 稷  
呂子堂

王 衮  
徐文仕  
濮 基  
張守約  
周 錦  
張世鄉  
吳 邁  
陳王道  
查志宏  
查志寧

查秉衡

朱之藩

沈志德

徐元臣

陸懷悌

唐棟

朱瑞選

徐良

徐善徵

祝守驥

監貢度遠府訓導

梁大受

朱斯行

褚譽

張守道

唐拓

孫紹愚

朱瑞隆

徐良

俞士昂

此頁誤釘當  
次人物志許  
遠一條後

復官遠他子峴大中時圖像凌烟閣唯陽立祠宗真宗東幸  
過廟低回嘆巡遠雄挺盡節因以名其殿初唐大曆中巡子  
去疾上書曰孽胡南侵父巡與睢陽太守許遠各守一面城  
陷賊入自遠分地巡及將校三十餘皆剖心剖肌慘毒倍至  
而遠與麾下亡傷巡臨命嘆曰嗟乎人有可恨者賊曰恨我  
乎曰恨遠心不可得誤國家若死有知當不赦于地下故遠  
心向背梁宋人皆知之使國成喪衄功業墮敗則遠于臣不  
共戴天請追奪官爵以例寃恥詔下尚書省議皆以去疾証  
狀最明者城陷而遠獨生也且遠本守睢陽凡雋城以生致  
主將為功則遠後巡死不足惑若曰後死者與賊則先巡死



者謂巡叛可乎當時去疾尚幼事未詳知且艱難以來忠烈  
未有先二人者不可妄議輕重乃罷

被執示程千里

許遠

鼎烹且不避桎梏任相欺一死人臣事孤心天地知楚囚休  
對泣漢將欲何施萬古綱常地男兒正此時漢道未全盛  
神州何陸沉妖氛欺白日燐火照丹心蘇武節還在包胥恨  
自深送客就歸路先拜獻陵陰死別吟睢陽睢陽兵力  
疲噫朔雲慘妖氛吹噫吾欲死節真男兒噫緩我死兮將  
安為噫屍我東兮骨我西噫泉臺廟筭能無施左為風兮右  
為雨噫滌盪腥羶萬餘里噫死別死別斷腸兮噫臨風泣血

談遷曰諸生籌邊自景泰元年始舊志例生起永樂十七年  
史直以特頒新例其皆非輸貲也正德而後上舍日盛抑可以觀  
世風焉其人多倣進授秩鉛刀豈無一割之用故不得外之  
矣

### 封廕

明

吏部尚書吳昭孫鵬任尚書贈吳方子鵬

大理少卿查繪子秉彝追贈

大理寺副許清子樞卿

東科給事中陳中漸子與鄰

端登一  
作瑞登

禮科給事中查繪  
子秉彝

沈世榮  
子淳

兵科給事中許滋  
子相卿

御史朱裡  
子瑞登

董戴  
子觀

吳壁  
子遵

董翼  
子學

曹孔明  
子微奇

刑部員外郎沈善  
子志言

徐幹  
子禾

陳祖皋  
子之伸  
本生父

兵部主事馮謙  
子觀

刑部主事祝洪  
子萃  
祝繼倫  
子世廉

沈涇  
子友儒

唐世卿  
子尚  
祝繼弘  
子世喬

周甸  
子啟祥

孫通  
子星  
孫顯昭  
子塘

陳獻  
子之伸

工部主事許天澤 子允奎

中書舍人朱稷 子有孚

副兵馬指揮陳祖皋 子佑

光祿寺監事祝以應 子宇簪

布政司叅議孫華 子子良

按察司僉事查益 子約

行太僕寺少卿沈明遠 子升

知府陸萱 子州

府同知居賢 子守

推官郭鵬 子鼎

陸萱 子州

知州褚錦子相

知縣陸廷玉子宗俊

朱鷹子執中

周宗子雲

許敦倬子令瑜

孫祖子天祥

顏郡櫟陽尉貞元六年授五品員官

顏碩秘書省正字並真卿子元和十四年七月廢顏真卿子孫

各一

顏弘式真卿曾孫開成元年授同州叅軍

許孜婺州司馬

孟遠子  
孟遠子  
孟當作並  
許峴  
孟遠子

宋

史龜年

並徽子官員外郎

史岑年

奉直子  
補承信郎

楊由義

由義子  
楊九鼎

明

吳繼父鵬  
廕仕至貴州府知府

吳緝  
中書舍人

薦辟

晉

干寶 有傳

干慶 字元 長寧令

岑率 餘杭令

梁

干朴 散騎常侍

干元 顯中書舍人

顧越

唐

鄔元 侍御史

宋

即曄晦之張九成門人輯橫浦心傳諸書淳熙十四年特奏得  
官未任卒或謂曄世系與侍郎簡同譜曰我家白屋豈可妄  
板華胄

元

朱圭慶元路學錄

明

許懋

洪武二年舉人才有傳

朱鉉寧遠知縣

祝德國初舉人才任昌平知縣住長安



陳景宏 洪武二十三年舉儒士 授辰州府通判

陳公壽 洪武三十年 舉稅戶人才 授西安知府

徐慶 山西按察僉事 住轉塘

沈伯祥 舉稅戶人才 授安慶府同知

宋鎮 荐授欽天監博士 遷挈壺正

俞辰 永樂元年 舉稅戶人才 授廣州府同知

胡奎 有傳

顧辰 嘉興府訓導 致仕 號石颿 歸叟

### 石墩別業

買浙西隣水一灣 開門正對馬鞍山  
半茅半瓦屋不漏 一咏

一觴心自閑  
牧笛雨中春  
鳥散釣絲風  
裡暮潮還更無  
豚犬

平生累肯信  
桃源隔世間

夏子謙  
邑掾

永樂六年

授大理寺左評事

宋徽字仲和  
挈壺正鎮之子  
正統間蔭授欽天監保章正纂掇

法數書占  
奏奇中屢見優賚

王賓舉楷書生員  
授中書舍人

永樂十年

進禮部郎中

許性舉楷書生員  
授贛州府同知  
遷刑部郎中

朱祚

有傳

朱裡舉懷才抱德科

蘇平

有傳

一本南下  
有京字

孫璋舉賢良方正 有傳

俞橋業醫授太醫院吏目歷南

太醫院、判著醫學大原若

干卷

海昌外志

秦林談遷孺木著

人物志

地以人重得其人僻壤亦邹魯也吾寧山水率露幸朝夕日滿  
泮而上風氣不散自江左來白駒之節光動雲蘿迨於唐宋才  
賢踔厲黻黻皇猷南渡時神理欲盡而生氣不衰

皇朝張天經以羅之俊民應運而興經濟文行卓乎可紀豐玉  
荒穀各有攸當即彼方枝列女玄釋之流要有獨至毋或遺之  
矣作人物志

儒林

梁

歲哀字公文祖顯齊給事中父霸梁臨賀王府中兵參軍哀少  
聰慧游學都下受三禮于國子監助教劉文紹一二年中大  
義略備年十九梁武帝策問秀茂以周禮、記義登高第除  
揚州祭酒從事令就國子博士宋懷芳質儀禮懷芳北人自  
魏携儀禮、記疏秘惜不傳及將止謂家人曰吾死後戚生  
若赴便以儀禮、記本付之若其不來即隨屍而殯為儒者  
推許如此尋簡太學博士簡文帝在東宮召哀講論常宴集  
玄儒之士先命道學互相質難次令中庶子徐攜馳騁大義  
問以劇談搗詞辨縱橫難以荅抗諸儒懾氣獨哀與攜往復

精采自若領答如流簡文沃加嘆賞尋除員外散騎侍郎又

遷員外散騎常侍出為江州刺史仍隨沈泰鎮南豫州泰之

奔齊也逼袞俱行自鄴下遁還又隨程文季北伐呂梁軍敗

如興王府  
如一作加

袞沒于周久之得歸仍兼國子助教除中衛如興王府參軍

太建太  
太建十三年卒年六十三袞于梁代撰三禮儀記值亂亡失

當作大  
顧越字允南陳書作思南所居新坡黃岡世有鄉校由是顧氏多儒

學焉祖道望齊散騎侍郎父仲成梁護軍司馬豫章王府諮

議參軍家傳儒業並專門教授越少孤以勤苦自立聰慧有

口辨厲精舉業不舍晝夜弱冠游學都下通儒碩學必造門

質疑討論不倦至於微言玄旨九章七曜音律罔緯咸及其

推一作權

趙徧該經  
句有脫字

重慶字衍

精微皆太子詹事周捨以儒學見重名知人一見越便相嘆  
異命與兄子弘正弘直游教譽日重會稽賀文發學無經史  
與越名相埒都下謂之發越初為梁高平王偉右常侍與文  
發俱入府並見礼重尋轉行泰軍大通中誥聽勇將軍陳慶  
之送魏北海王顥還北魏慶之請越叅其軍事慶之所向克  
捷直至洛陽顥遂驕縱又上下離越料其必敗引疾歸越至  
彭城慶之果見推奴昔稱其見机及至除安西湘東王府叅  
軍及武帝撰礼制旨新義選諸儒在所流通遣越還吳敷揚  
詠說越徧該經深明毛詩傍通異義特善老莊尤長論難兼  
工綴文閑尺牘長七尺三寸美頰眉武帝嘗于重慶雲殿自講

恭軍恭  
當作參

老子僕射徐勉舉越論議越抗首而講音響若鐘容止可觀  
帝深贊美之擢為中軍宣城王記室恭軍領五軍博士仍令  
侍宣城王諱大同八年轉安西武陵王府內中錄事恭軍尋  
遷府諮議及侯景之亂越與同志沈文阿逃難東歸賊党數  
授以爵位誓不受命承聖二年詔授宣惠晉安王府諮議恭  
軍領國子博士越以世路未平無心仕進因歸鄉栖隱于希  
立山與吳興沈炯同郡張種會稽孔奐等每為文會紹泰元  
年復徵為國子博士天嘉中詔侍東宮讀除東中郎鄱陽王  
府諮議恭軍甚見優禮尋領羽林監遷給事中黃門侍郎國  
子博士侍讀如故朝廷草創疑議多所取決咸見施用每侍



諫東宮皇太子崇虛懷禮接越以宮僚未盡時彥且太子仁  
弱宣帝有奪宗之兆內懷憤激乃上書言其故帝深感之而  
不能革及廢帝即位拜散騎常侍兼中書舍人黃門侍郎如  
故領天保博士掌儀禮猶為帝朝夕誦授甚見尊寵昔宣帝  
輔政華皎舉兵不逆越因請假東還或諧之宣帝言越將煽  
動藩鎮遂免官大建元年卒于家年七十所著喪服毛詩老  
子孝經論語疏四十餘卷詩頌碑志牋表凡二百餘篇

唐

褚無量字弘度刻意墳典家臨平湖例有龍出人皆走觀無量  
尚幼讀書若不聞明經登第除國子博士兼司業修文館學

士中宗南郊詔定儀典昔祝欽明議皇后亞獻無量曰郊祀  
國之大事其折衷莫如周禮周禮冬至祭天圓丘不以地配  
惟以始祖為主不以妣配故后無預祭之文惟漢有天地合  
祭皇后參享事末代躋神事不經見不可為法時左僕射韋  
巨源佐欽明無量議格玄宗為太子釋奠國學令誦經建端  
樹義博敏而辨進銀青光祿大夫及即位遷右散騎常侍兼  
國子祭酒封舒國公與左散騎常侍馬懷素更日入內侍讀  
每至閣門親送迎之待以師傅之禮特為無量造腰輿在內  
殿令內侍舁之五年正月將幸東都太廟壞姚崇謂太廟屋  
材皆符堅時物不足異無量奏隋文帝富有天下遷都之日

乃還  
當作選

豈取符氏舊材立太庙乎此特諛臣之言耳願陛下克謹天  
戒納忠諫遠諂諛不聽又言陛下所至名山大川古帝王賢  
臣在祀典者並詔致祭願列東都叔序唐初達令功臣世絕  
者雖在支庶咸得承襲帝是之詔無量祠堯平陽內府舊書  
自高宗時藏宮中甲乙蒙例無量繕錄補第以廣秘集詔於  
東都乾元殿東廂部彙整比無量為之使又詔秘書省司經  
局昭文崇文二館更相檢讐采天下遺書以益闕文不數年  
四庫潔治帝詔群臣觀書賜帛有差已徙書麗正殿復詔無  
量纂修前功皇太子諸王未就學無量進孝經論語上曰朕  
知之矣乃還都常亨等為太子諸王侍讀七年太子齒胄于

學詔無量升坐講學百官觀禮八年春正月卒年七十五病  
困語麗正書未畢為恨帝痛悼詔宰相曰無量朕師今其永  
逝宜用優典贈禮部尚書謚曰文無量篤孝母喪廬于墓左  
鹿犯所植松柏無量號訴曰山林不之忍犯吾茔樹耶由是  
群鹿馴擾不復振觸無量為終身不御其肉

宋

張九成字子韶其先開封人徙居錢塘至于藍官幼穎甚八歲  
默誦六經父積書坐傍命客就試公答如響且置卷歛衽曰  
精細本末無二致勿謂昏上語不足多下學上達某敢以聖  
言為法諸老驚嘆目為奇童年十四鄉貢第一游京師送楊

時學權貴託人致幣曰肯從吾游當荐之館閣九成嘆曰王  
良尚羞與嬖奚乘吾可為貴游客耶紹興二年上將策進士  
詔考官直言者置高等九成對策略曰禍亂之作天所以開  
聖人也今閭巷之人皆有父兄妻子之樂而陛下貴為天子  
乃冬不得溫夏不得清昏無所定晨無所省感時遇物悽惋  
于心可不思所以還二帝之轍乎願陛下以剛大為心毋驚  
憂自阻呂頤浩以凌景夏詞勝九成帝曰士人初進須別其  
忠佞九成對無所畏避宜首選九成以類試廷策俱第一特  
進一官喻樗子才謂今歲進士張九成當第一凌景夏第二  
會風折大槐樗作二簡遺之授鎮東軍簽院大書屋壁曰此

身苟一日之間百姓罹無涯之苦民冒醜禁提刑張宗臣欲  
逮捕數十人九成爭之宗臣曰此事左相封來曰主上屢詔  
欽恤公不体聖意而觀望宰相耶宗臣怒九成即投劾去簞  
笈雲集九成遜辭不獲乃言曰幼而學壯而行大學平天下之  
道自格物入夫子不踰堦之道自志學入一心之所營即經  
綸天下之業一身之所履即綏定國家之事耳目乃禮樂之  
原夢寐乃居處之驗諸君亦深求而自得之以無愧所學可  
矣出其門者多為聞人趙鼎荐于朝遂以太常博士召既至  
改著作佐郎遷著作即言我宗家法曰仁而已仁之發見尤  
在于刑陛下以省刑為急而理官不以恤刑為念欲詔理官

活幾人者與減摩勒從時弊樊光遠汪應辰連魁殿省帝問  
為門人曰臣不敢以利祿之說誘門人惟知講明經術庶几  
忠孝尋除浙東提刑力辭乃與祠以歸未幾召除宗正少卿  
兼權刑部侍郎法寺以大辟成案上九成閱始末得其情因  
請覆寔因果評服者朝論欲以平反九成曰職在詳刑可邀賞  
乎辭之尋兼侍講進讀春秋因言日食之變本于惡氣惡氣之  
萌本于惡念惡念所觸則日月薄蝕五星失次災及五穀怪  
妖迭見為兵為火札瘥並至願陛下正心術以格天帝聳然  
曰當為卿戒之嘗有所奏帝曰朕只是誠曰陛下對群臣如  
此退居禁中嘗如何帝亦只是誠又問對宮嬪嘗如何帝方

經營答語曰只此便是不誠帝嘗問易牛微事孟子謂是心  
足以王何也曰陛下不須疑：則心與道二不忍一牛仁心  
著見此則王道之端推此以往華夷蠻貊稂莠鱗介皆在陛  
下仁政中豈非王道乎又問顧俊尊上帝對曰陛下之心即  
上帝也召徠賢俊格非心于未萌是乃所以尊之也金人議和  
九成語趙鼎曰金寔厭兵而張虛毅以撼中國因言十事彼  
誠能從我則與和使權在朝廷鼎既罷秦檜誘之曰且成檜  
此事儿成曰某胡為異議特不可輕易以苟安耳檜曰立朝  
須優游委曲九成曰未有枉已而能直人者帝問和議曰敵  
情多詐不可不察因在經筵言西漢災異事檜甚惡之九成



見上面奏曰外議以臣為趙鼎之黨雖臣亦疑之上問其故  
曰臣每造鼎見其議論無滯不覺坐久則人言臣為鼎黨也  
足怪也再章求去請守邠州既至倉庫虛乏僚屬請督酒租  
宿負苗絹未輸者九成曰縱未能惠民其敢困民耶是歲租  
入更先它嘗中丞何鑄論其矯偽欺俗傾附趙鼎落職丁父  
憂既免喪秦檜取旨上曰自古朋黨畏人主知之此人獨無  
所畏可與宮觀先是往山僧宗杲善談禪理從游者衆九成時  
往來其間檜恐其議已會司諫詹大方言頃者鼓唱浮言九  
成寔為之首往山僧宗杲和之乞授遠方以為傾邪之戒編  
置南安軍在南安十四年每執書就明倚立庭磚歲久雙趺

隱然廣帥致，籛金九成曰：吾何敢苟且取老婦之自號。橫浦居士檜死，以秘撰起知温州戶部遺吏督軍糧，民苦之。九成移書痛陳其弊，戶部持之。九成即丐祠歸。數月，紹興己卯卒。上嗟悼，復敷文閣侍制官。其弟子四人，學者稱無垢先生。所著尚書、大學、中庸、孝經、論語、孟子說無垢錄、橫浦心傳、行于世。自贊曰：不務尋常怪異經術，不師毛鄭孔王文章，不法韓柳班揚論詩，不識江西句法。作字不襲二王，參禪則不記公案。為政又不學龔黃，謫在大庾嶺下，十有四年。歸來，惟白鬚滿面，而意氣尚是飄揚。咄其沒轉智，庶漢陰丈人而無用。處，庶楚狂接輿也。與理宗寶慶元年八月壬子詔，張九成正。

色立朝有中興明道之功加贈太子太師崇國公謚文忠家  
早有  
當作與  
史稱九成研思經學多有訓詁然早有學佛者游故其議論

多偏

朱文公雜學辨曰張公始學于龜山之門而逃儒以歸于釋  
既自以為有得矣而其釋之師語之曰左右既得楯柄入手  
開蕞之際當改頭換面隨宜說法使殊塗同歸則住世出世  
間兩無遺憾矣然此語亦不可使俗輩知將謂寔有恁麼事  
也見大慧禪師與張侍郎書今不見于語錄中蓋其徒諱之  
也用此之放凡張氏所論著皆陽儒而陰釋其離合出入之  
際務在愚一世之耳目而使之恬不覺悟以入手釋氏之門

用此之放  
一作故

退徹退  
當作透

相聯下當接  
作傳二字

雖欲復出而不可得本末竟皆峇如其所受于師者其二本殊歸蓋不特莊周出於子夏李斯原于荀卿而已也竊不自揆常欲為之論辨以曉當世之惑而大本既殊無所不異因覽其中庸說始掇其尤甚者十一二著于篇其他如論語孝經大學孟子之說不暇徧為之辨大抵匆遽急迫其所以為說皆此書之類也

國朝焦竑曰張子韶于性命極退徹其忠孝大節尤踔絕然其幼年是何等志操方處學舍衾衾不脩夜讀書每至達旦富人或以衣物見惠力辭不受或不得已而受之即以予同舍之貧者嘗曰士處貧困正是用功時若不痛自節抑則貪

慙必生廉恥。盡喪功夫。安在子韶。吾輩稱為宗匠。然亦嘗如此。屬志否。

談遷曰。無垢先生于學有深悟。而晦翁立辨之。謂其禪也。夫無垢之有大慧。周濂溪獨不有。壽涯乎。經術官蹟。生平愧。而因一二交契。遽為訾議。亦苛矣。學期有得。雖禪何碍。并叙其近禪者。以俟博攷。云子韶未第。嘗因客談。揚文公呂徵仲諸儒。皆由禪學而至。心慕之。聞寶印。楚明禪師。道傳大通。居淨慈。請問入道之要。楚明曰。此心惟念。不舍。久。純熟時。節到。來自自然。証入。復舉趙州柏樹之話。令時。提撕。久之。無省。辭謁善權清禪師。問此事。人。有分个。負成。是否。清曰。

歐之改  
當作改

曰然曰為甚某無入處清于袖中出數珠曰此是誰的公俯  
仰無對清復袖之曰是汝應則拈取去才涉思維即不是汝  
應公悚然未幾留蘇氏館一夕如廁以拍子話究之聞蛙鳴  
粹然契入有偈曰青天月夜一殺蛙撞破乾坤只一家正恁  
麼時誰會得嶺頭脚痛有玄沙扁明誦法印一禪師机語頗  
契造私忘就明靜庵供雲水至僧惟尚總見乃展手公便喝  
惟尚批公類公趨前惟尚曰張學錄何得誇大般若公曰某  
見處祇如此和尚又作麼生惟尚舉馬祖升堂百丈卷席話  
詰之馬祖升堂衆十集百丈出卷席祖便下生叙語未終公推倒桌子惟尚大呼  
張學錄殺人公躍起問旁僧曰汝又作麼生僧匡措公歐之

祖彌  
之誤

顧惟尚曰祖彌不了殃及見孫惟尚大笑公獻偈曰席卷日  
緣也大奇諸方聞舉盡攢眉臺盤翅到人星散直漢從來不  
受欺造來高價不饒奇百戰場中奮兩眉奪角衝開君會也  
叢林誰敢更相欺紹興癸丑魁多士後謁惟高于東庵惟尚  
曰浮山員鑑云饒你入得浮陽室始到浮山門亦未見老僧  
在公作麼生公叱侍僧曰何不祇對僧坐措公打僧一掌曰  
蝦蟆窟裡果勝蛟龍丁巳秋大慧董徑山學者仰如星斗公  
閱其語要曰是知宗門有人持以語惟尚恨未一見及為礼部  
部侍郎偶奉政劉公請大慧說法于天竺公三往不值暨大  
慧報謁公見但寒暄而已大慧亦默識之尋奉祠還里至徑

尚  
當作尚

首君疑守  
在之誤

山與馮給事諸公議格物大慧曰公祇知有格物而不知有  
物格公茫然大慧大咲公曰師能開喻乎大慧曰不見小說  
載唐人有與安祿山謀叛者其人先為閩守有画像在焉明  
皇幸蜀見之怒令侍臣以劍擊其像首時閩首君陝西首忽  
墮地公聞頓領深旨題不動軒壁曰子韶格物妙喜物格欲  
識一貫兩個五百大慧始許可後守韶陽丁父艱過徑山飯  
僧秉鈎者詆大慧議及朝政遂竄大慧于衡陽會公居家守  
服除安置南安丙子春蒙恩北還道次新淦而大慧適至  
與聯舟劇談宗要未嘗語往事蓋先生之游禪門本末如此  
朱氏辨為雜學夫先生果雜乎哉仲尼不以老聃累先生乃



以大慧累也不得不詳其說

施德操字彥執學有本末主孟子排釋氏曰絕人倫漫等級棄  
禮樂仁義不用謂能躐造空無此其勝處概之以道尚自倒  
易况又飾荒幻報應誑愚取資則尤為世蠹因著論以曉末俗  
作孟子發題曰孟子有大功四明浩然之氣道性善闡揚墨  
黜五霸而尊三王皆前聖之所未言六經之所不載有功于  
名教終身不娶學者稱為持正先生張九成曰吾友施彥執  
工于詩一日見其賦柳有春風兩岸客來往紅日一川鶯去  
苗不見柳而柳自在其中語亦工矣彥執讀杜詩至風吹客  
衣日杲：樹攬離思花冥：而有得即晬曰彥執與橫浦游

淡頗厚文章學問亦其輩流也病瘵而沒識者悲之生平論  
纂甚富未暇哀錄

談遷曰持正先生學主孟氏而終身不娶孟氏不曰無後為  
大耶先生要見獨見非敢輕議即晦之謂論纂甚富今隻字  
不傳悲夫

楊璿字子平安負樂道不妄取與尤慎獨居暗室猶在康衢學  
者稱謹獨先生淳熙四年令魏伯恂祠張子韶施彥執楊子

平三先生尚書程大昌有記

明

董灑子濤徙居激浦少慷慨慕義嘗割私產讓兄還友人所質田

且經紀其喪好吟詠至忘寢食家徒壁立不問晚送王陽明  
先生講學寒棄其舊習人或非之淡笑曰吾自從吾所好因  
號送吾道人沙門法聚亦遊陽明門漢與結社海門寺泰証  
內典許相卿曰始予見送吾子專于詩遺其家甚難之後志  
于道遺其詩甚愧之終入于佛嗒然自遺也愈益怪之莫能  
窺已蓋送吾子學三变卒歸于空將所吾者旦見為妄云云  
臨沒時偈曰我非汙世中者禱偶來七十七春秋自知此去  
無此染一道天泉月自流云詩集傳

送吾道人記

王守仁

海寧董蘿石者年六十有八矣以能詩聞江湖間與其鄉之

業詩者十數輩為詩社旦夕操紙吟鳴相與求句字之工至  
廢寢食遺生業時俗共非咲之不顧以為是天下之至樂矣  
嘉靖甲申春蘿石來游會稽聞陽明子方與其徒講學山中  
以杖肩其瓢笠詩卷來訪入門長揖上坐陽明子異其氣貌  
且年老矣禮敬之又詢知其為董蘿石也與之語連日夜蘿  
石辭弥謙礼弥下不覺其席之弥側也曰吾見其世之儒者  
支離瑣屑修飾邊幅為偶人之狀嘗不屑其所為以為世豈  
有所謂聖賢之學直假道于是以求濟其私耳故遂篤志于  
詩而放浪于山水今吾聞夫子忽若大寐之得醒吾非至于  
夫子之門則虛此生矣吾將北面而終身夫子焉陽明子曰

有是哉吾未或見此翁也今之後生晚進苟知執筆為文辭  
稍記習訓詁則已侈然自大不復知有從師學問之事見有  
或從師學問者則闕然共非咲指斥若怪物翁以能詩訓後  
進從之游者偏于江湖蓋居然先輩矣一旦闕子言而棄去  
其數十年之成業如散徒求北面而屈礼焉豈獨今之時未  
見若人將古之紀載所傳亦未多數也夫君子之學求以變  
其氣質氣質之難變者以客氣為患不能屈下于人遂至自  
是自非飾非長傲卒歸于兇頑鄙俗故凡世之為子而不能  
孝為弟而不能敬為臣而不能忠者其始皆起于不能屈下  
而氣客之為患耳苟惟理是逆而不難于屈下則客氣清而

氣客二字倒

天理行非天下之大勇不足與于此則如蘿石固吾之師也而吾豈足以師蘿石乎與之探禹穴登壚峰陟秦望尋蘭亭之遺跡徜徉于雲門若耶鑑湖刺曲蘿石日有所聞益充然有得欣然樂而歸也其鄉黨之子弟親友與其平日之為社者或咲而非之或為詩而招之返且曰翁老矣何乃自苦若是耶蘿石咲曰吾方幸逃于苦海揚鬢振羽雲霄之上安能復投網罟而入樊籠乎去矣吾將從吾之所好遂自號曰從吾道人陽明子聞之咲曰卓哉蘿石血氣既衰孰能挺持奮發若少年英銳者之為才斯可謂之能從吾所好矣世之人從其名之好也而競以相高從其利之好也而貪以相取從

其心意耳目之好也而詐以相欺亦皆自以為從吾所好矣  
豈知吾之所謂真吾者乎夫父慈子孝忠信篤敬真吾之好  
也天下之所同好也將富貴貧賤患難夷狄無入而不自得  
斯之謂能從吾之所好也已夫子嘗曰吾十有五而志于學  
是從吾之始也七十而從心所欲不踰矩則從吾而化矣蘿  
石踰耳順而始知從吾之學毋自以為既晚也充蘿石之勇  
其進于化也何有

夜宿家弟栖碧堂

董灃

仙人袖出白芙蓉咲倚青霞倩我書風露一天衾枕淨蘋江

六月卅堂虛

嘉靖丙戌之除送吾道人自海寧渡江來訪因共守歲是  
夜風雪道人作予因次韻為謝

王守仁

多情風雪厲三餘滿目湖山是舊庐况有故人千里至不知  
今夜一年除天心終古原無改歲事明朝又一初白首如君  
真洒脫耻隨兒女恋分裾

書扇

君家只在海西隈日暮寒潮去復迴莫遣扁舟成大別炉峰  
明月望君來

董穀碩甫湮之子正德丙子舉于鄉五試南宮不第嘉靖辛丑  
令安義調漢陽廉靜不苛坐他忤歸好學工詩文安貧自怡



儒識疑  
儒釋之誤

從游陽明先生門悟儒釋合一之旨所著養龍子四存碧里  
前集後集漱水志

金陵焦：太史竑曰國朝以道術著者不少至能世其學者  
心齋之子東崖蘿石之子西湖二家而已

性論略

六合之內有萬不齊其前無始也其後無終也不得已求其  
情狀惟一虛而已萬象冲塞于天地之間即是太虛舍萬象  
則無太虛究其寔一性而已是性也至虛至灵即体即用生  
天生地為人為物無終無始歷萬古不滅非不滅也子產所  
謂用物弘而取精多則粘新帶舊情親境熟不能滅也人為

物中之灵然亦非有一定之灵或自灵而蠢或自蠢而灵：謂之善蠢謂之惡：者以漸而蠢至于夷狄禽獸自夷狄禽獸漸灵而為人者亦有之善者以漸而灵至于大賢君子自大賢君子漸蠢而為物者亦有之萬種不齊無非此心之所成立自非同天之聖脫盡習氣止有能免焉者今人所以不信者不悟死生之變與晝夜無異雖有久近即是一道乃為目前景物所亂遂生虛寔有無之疑殊不知虛者固虛而寔者亦非寔也無者固無而有者亦非有也萬有皆虛無虛無生萬有惟心所運者無端倪盖不獨所性為然而貌之吉凶身之窮遠命之延促亦皆此心之胚胎先儒不悟乃歸咎于

窮遠  
當作遠

氣質不知氣質之不美心寔為之無心則無氣質氣質亦是  
心之別名變化氣質者變化其心耳豈氣質自能變化哉聖  
人言性相近習相遠相近者不同也相遠者亦不同也相遠  
之不同既由于將來之習則相近之不同安知不由于既往  
之習乎世有先後而功夫則一今世之功夫亦為來世之根  
柢故習于善則善而來世之進于善也益易習于惡則惡而  
來世之向善也愈難以是存心蓋不惟可以明性將見志益  
堅而修益力未見詭于聖矣曰是則然矣極本窮源畢竟何  
以有善惡之異曰是亦可知也愚于釋典見其有顯識之論  
後讀文中子亦曰氣為上形為下識多其中于是信儒識無

二道也夫識也者神識也即心性之別名也自其本体而言謂之氣自其成質而言謂之形自其虛靈不昧根柢品彙而言謂之性只一物也隨在而異稱蓋無殼無臭之体不能不聚而成形舍形亦無有所謂体矣形之所在知覺生焉故謂之曰心、之體段知而無知無知而知鑑空衡平原是無聲無臭則固無碍于性也惟其閱世既久應酬既熟則又轉而成識遂有無形之形于方寸間能分別爾我記憶往事乃至夢中追思尋繹飛揚變化曾無寧息人但知日用應酬計較利害博聞強記千貌萬態曰此即心豈知非今然之体矣或起凡入聖或認賊為子皆此識為之識出于性而性不能命

識由其自昧本体各成一家耳然則相近之性其即有覺之心而漸離之識也與加之習寧不相遠然則治識之道若何曰性体本虛以虛治之而已識出于無情則為善而上達識生于私意則為惡而下流大學誠意貴于無欺正心戒于有所欺有所識斯為性病矣愈久愈病則去人愈遠善惡之分如是而已或灵或蠢無非心所自為而氣質奚罪焉性累氣質非氣質累性也曰然則人物之生于天地間只有此教往々来々而不絕乎孰主張是不亦太勞攘乎曰無教也人物道塞弥滿于天地間雖有往來即是天地之化育天地之力亦不能外此而别有所生畢竟雖天地亦是此虚灵建立

卷燕疑  
卷燕之誤

而無寔体舍物則亦無天地矣天地亦一物也要皆虛灵自  
生非真有一定之天地以生之然亦無典守之者佛氏所云  
剝燒春磨亦起于人心妄念妄成而非寔有妄念膠固自生  
鬼見即成寔境而寔受之蓋各生于心則各求其類恩怨勝  
負與平日無異皆由秉之發見豈有他哉蓋不惟幽寔為然  
今人生于世自縲紲囹圄鞭笞殺慘以至安富尊榮飲食宴  
樂亦皆妄心所作妄心自受而妄形無與也不然今已死之  
人其形尚在加之剝割不復痛楚則生而知疼者誰與蓋陰  
陽晝夜幽明死生原無二理此心之外孰為真寔者耶推而  
至于前代亂離之際禾黍故宫蕭條千里卷燕巢于林木此

不但盛極而衰寔由惡極而變亦是人心所致故凶明感應  
之道無有不本于心者易曰精氣為物游魂為變記曰骨肉  
斃于下陰為野土其氣發揚于上為昭明若蒿悽愴此百物  
之精也神之著也則其不散可見矣季札吳之賢公子葬子  
贏博而曰骨肉沒歸于土命也魂氣則無不之也莊子林類  
曰死之于生一往一反故死于是者安知不生于彼賈誼能  
鵬賦 知鬼神之本者其鵬賦亦曰化為異類兮夫又何患此皆葱  
鵬之誤

嶺未通時中國之說已然矣又何疑哉

忠直

唐

顏真卿字清臣先琅琊臨沂人五世祖之推北齊黃門侍郎始

為京兆長安人祖昭甫華州刺史父惟貞薛王友

兩浙名賢

傳祖昌仕監官州判未及一年卒遺子必寧幼孤遂家焉政

改州在元之元貞初隋唐間未嘗為州也昌何因為之判豈

武德中監官屬東武州候

真卿博學事親孝開元二十二年

東武州為監官州耶

進士授監察御史使河隴決五原冤獄天久旱而兩都人呼

御史而遷殿中侍御史以楊國忠忌出為平原太守度安祿

山必反因霖雨增陴濬隍科丁壯儲詹廩日與賓佐泛舟飲

酒以紓其疑及河朔尽陷真卿以平原博平兵七千人防河

津使叅軍李平馳奏玄宗大喜曰河北二十四郡俱陷吾不

識顏真卿作何狀乃能如是時平原有靜塞兵三千益募得



萬人李擇交統之誓師泣下衆益感厲饒陽濟南清河鄆郡  
景城長吏各來附會都陷賊党段子光傳李愷盧奕蔣清首  
狗河北真卿恐衆惧詔曰吾素識愷等其首皆非是乃斬子  
光藏三首他日結藁續俸為位哭之從兄常山太守杲知斬  
賊將李欽湊等清土門十七郡同日自歸推真卿為盟主兵  
二十萬絕燕趙詔拜戶部侍郎尋加河北招討採訪使用清  
河李萇計興兵六千出程千里之師遂捷棠邑及賀蘭進明  
戰敗會平盧游奕使武陟劉客奴以漁陽歸真卿欲堅其意  
遣判官賈載越海遺軍資十餘萬真卿時一子財十歲使詣  
客奴為質軍中固請苗之不從肅宗即位拜工部尚書賊益

財十歲財  
疑才之誤

發兵乘虛急攻河北漫陷真卿單身詣行在除刑部尚書兼  
御史大夫時持正議改馮翊太守轉浙西節度使召為刑部  
侍郎李輔國遷皇上西內真卿首率百僚上表問起居輔國  
奏貶蓬州長史代宗立累遷尚書右丞俄以檢校刑部尚書  
為朔方行營宣慰使說諭僕固懷恩真卿言以郭子儀代懷  
恩可不戰而服也未行苗知省事封魯郡公元載議群臣白  
事宜先白長官長官白宰相詳可否以聞真卿力詆其壅蔽  
永泰二年貶峽州貞外郎旬餘改吉州司馬遷撫州湘州刺  
史載誅楊綰常袞荐之即日還刑部尚書再遷吏部楊炎當  
國以抗直改太子少師猶領使進太子太師并使罷之時李

御史將兵守土蕃安戎城安祿山反荐為睢陽太守至德二  
載張巡舉兵至睢陽巡兵三千人與遠合兵六千八百人自  
以才不及巡請稟軍事一切推決而專供兵糧戰具遠初積  
餉六萬石號王巨以其牛給濮陽濟陰遠固爭之不能得被  
圍數月食尽士多飢死者皆夷傷氣之遠殺僮僕饗士至  
羅雀掘鼠煮鐵弩以食眾議東奔巡計曰睢陽江淮保障也  
若棄之賊乘勝鼓而南江淮必止且卒飢眾行必不遠未幾  
城陷與巡俱被執告安慶緒在洛陽尹子奇械送至偃師不  
屈死詔贈荊州大都督子攷拜婺州司馬遠與巡同年生而  
長巡呼為兄德宗品至德以來將相著者巡遠為上貞元中

天還知噫此恨綿、無絕期噫

論

韓愈

李翰所為張巡傳頗詳密然恨尚有缺者不為許遠立傳遠雖才若不及巡者開門延巡位本巡上授之柄而處其下無所疑忌竟與巡俱守死成功名城陷而虜與巡死先後異耳兩家子弟才智下不能通知二賢志以為巡死而遠就虜疑畏而辭服于賊遠誠畏死何苦守尺寸之地食其所愛之肉以與賊抗而不降乎當其圍守皆外無蚍蜉蟻子之援所欲忠者國與主耳而賊語以國亡主滅懼之遠見救援不至而賊來益衆必以其言為信外無待而猶守死人相食且盡雖

希烈陷汝州遣別將取尉氏圍鄭州東都震駭初盧杞不悅  
真卿欲出之真卿曰先中丞傳首至平原真卿以舌舐面血  
相公忍不相容乎杞矍然起拜而恨之益深因上問淮西事  
曰誠得儒雅重臣為陳禍福可不帶軍旅而復顏真卿三朝  
舊臣忠直剛決名重海內可遣也詔下宣慰希烈舉朝失色  
真卿之東都鄭叔則曰往必不免宜少需湏後命真卿曰事  
不避難臣之職也君命其可違乎至許欲宣詔希烈使卒千  
人繞罵露刃脅之真卿正色抗詞賊黨奪氣乃出之掘方丈  
坎于前示將死之真卿曰死耳何必多端亟以一劍相與豈  
不快公心事耶拘送真卿于蔡州龍興寺真卿遂作遺表墓

志祭文指寢室西壁下曰此殯所也希烈僭號遣問儀式曰  
老夫耄矣曾掌邦禮所覩諸侯朝親儀耳興元後王師復振  
賊將辛景臻積薪室前曰不能屈節當焚死真卿起赴火賊  
止之會希烈弟希倩坐朱泚誅希烈怒曰使閹奴害之稱詔  
賜卿死真卿再拜曰老臣無狀罪當死然使者何日長安來  
奴曰自大梁來真卿大罵曰然則賊耳何詔為時五年八月  
壬寅縊死寺中曹王臯聞之泣下三軍皆慟帝廢朝五日贈  
司徒謚文忠真卿正色立朝剛而有禮天下不以名氏稱獨  
曰魯公善法書州隸絕世著述多不傳有集十五卷行世  
許遠字令威舉進士辟署劍南府中丞貶高要尉遇赦以監察

愚人亦能數日而知死處矣。遠之不畏死明矣。烏有城壞而其徒俱死，獨蒙愧耻求活，雖至愚者不忍為。嗚呼！而謂遠之賢而為之乎？說者又謂遠與巡分城而守，而城之陷自遠所分始。以此語遠，此又與兒童之見無異。人之將死，其臟腑必有先受其病者，引繩而絕之，其絕必有處。觀者見其然，從而尤之，其亦不達于理矣。小人之好議論，不樂成人之美如此哉。如巡遠之所成就如此卓，猶不得免其他，則又何說當二公之初守也。寧能知人之卒不掠棄城而逆遁，苟此不能守，雖避之他處，何益及其無救而且窮也。將其創殘飢羸之餘，雖欲去，必不遠。二公之賢，其諱之精矣。守一城捍天下以

千百就盡之卒戰百萬日滋之師蔽遮江淮阻遏其勢天下  
之不止其誰之功也當是時棄城而固存者不可一二數擅  
強兵坐而觀者相環也不追議此而責二公以死守亦見其  
自比于逆亂設淫詞而助之攻也

宋

史徽字洵美勤苦力學崇寧五年登第歷戶部郎中出為京西  
兩運判徽宗下罪已詔罷京西逋賦徽悉焚其租籍進右司  
郎中疾免高宗初起司農少卿建炎三年扈駕京口同黃鶚  
遇害贈左大中大夫右文殿修撰子龜年均年岑年其龜年  
岑年俱官真外郎



楊由義字宜之開封將家子建炎初父奉直以裨將扈駕臨安充  
安撫司官兀术犯郡奉直捍敵經旬城破由義侍母謹令人  
避地鹽官金兵至謹令人携女沉運河中由義被執時十七  
金人解衣之日侍兀术由義思圖之書數十帙某官楊奉  
直子歲之柱隙求匕首不可得貸所善小番次日至壁門則  
不容入後自秀州遁復執累日而返漕荐不第吏部郎朱松  
延誨子燾奉直以修武郎致仕由義補承信郎詞翰典麗游  
逆皆名勝後調臨安贍軍酒庫課羨轉修武郎隆興初金求  
唐鄜海泗之地盧仲賢奉使辱命由義請行以閣門祇候為  
金國通問所需議官至金營折使拜元帥不屈曰本朝見宰

相無拜禮此膝詎易屈耶至械繫月餘及歸遷通直郎制曰  
黑肱之為子木先冀獲成言之信鄭衆不對單于拜蓋其自  
誓之堅官至太府卿刑部侍郎卒里第朱熹曰嘗曰忠義大  
節夷夏稱嘆欲銘墓未果

楊九鼎字叔鎮由義之子因父任入官帥襄陽夔有善政後易  
利漕帥大漢金刼大散關九鼎疾驅駐河池縣漢大散關又  
漢阜郊殺金元帥完顏阿璘金大憤益發兵至會蜀帥招潰  
卒至鷄公嶺復叛遇害贈朝散大夫

元

龔瑾性慷慨慕義任

知殉節莖安國寺後詩稿散佚不傳

其題蒼雪軒月浸蒼龍骨雲分翡翠釵九疑愁正斷清夢到  
書齋

明

子忠字誠正世守禦所副千戶正德八年姚源盜王浩流劫浙  
東撤忠往入緝其母語妻鄭曰汝善事之吾不暇內顧矣也  
開化之華埠盜突至部卒以敵堅請避之忠怒刀砮其背曰  
朝廷養兵百餘年遂負之哉直前搏賊射殺數十人孤力遇  
害贈正千戶世襲

林文貴峇黃岩騎兵事呂忠送征忠死戰象奔潰文貴疾聲呼  
曰毋負主將獨挺長矛刺賊被擒不屈怒罵曰我國家命

軍詎從賊遂縛樹上剜心腹死

董 湮

血曉  
疑繞之誤

風酸日薄牙旗倒華棹溪腥流血曉林生被縛心如鉄膝不  
可屈頭可截罵賊高聲箭滿身續得杲卿千古舌古來鹽官  
重豪傑睢陽之風猶慄烈主公呂侯同死節一介草莽復誰  
說嗚呼施全亦側微吳山香火今猶熱

姜楫守禦所百戶嘉靖三十二年送官軍擊倭海鹽城東死之

事聞贈副千戶世襲

祝淵開美崇禎癸酉貢士壬午寓長安聞左都御史劾宗周下  
獄慷慨上疏乞宥不聽放歸尋被逮甲申三月出獄而長安

陷護大常少卿吳麟徵之喪以歸明年江南不守時抱病急  
遷母塋閏六月五日扼吭而絕 命詞曰中心安焉謂之仁  
事得其宜謂之義淵家累葉洪武以來沐朝廷教養二百八十  
年成化以家受朝廷榮寵一百七十年一旦天崩地坼宗社  
為墟雍、文物淪為異類淵不能吞炭漆身報明恩于萬一  
顧洪、忍惟怯而異類乞活心所安乎不安乎事之宜乎不宜  
乎嗚呼學道有年粗識義理吾何求焉吾得正而斃焉斯已  
矣孺弟曰昔年上書言事極誠貧生怖死諸臣今日顧身為  
之辱莫大焉吾弟曰食其祿者死其事非兄之責也嗟乎諸  
生非上書之人名之所在攘臂而先之草莽有無進之詛害

之所在縮首而避之此狗彘之所羞為予不再計矣 或勅  
予恥為之民祝髮遠遁游方之外可也嗚呼吾聞用夏變夷  
未聞變于夷者也釋氏髡首胡跪此戎狄之教也 癸酉之  
捷非予志也浚後不得稱孝廉埋石不得某科中式書旌明  
尊葬小臣祝淵柩勿違吾言以貽地下之恨

乙酉三月焚中衫敬賦

咫尺天威凜風霜至教親如何國士遇還共大仇隣纓綬多  
承寵儒冠豈悞身無聊空一擲此意與誰論  
人間三月恨千古伏誰伸鬢帶新恩重榛苓舊思頻偷生慚  
士義不殺頌皇仁脫憤追元亮長歌隴畝民

進禮退義至訓具陳一朝夢覺吾還吾真青袍色絢投異烈  
焰違義而榮守義而賤：乃至寶榮非所羨維義不干吾心  
則安葛巾白練隴首盤桓庶幾乎俯仰之無愧而造次之必  
端也與

乙酉六月晦日詩

夜既央兮燈火微魂搖：兮魄將離：去兄弟兮父母依樂  
逍遙兮長不歸

死忠死孝尋常事吃飯穿衣人共由莫向編年間知否心安  
理得更何求

俞元良

崇禎癸未進士授沁州守會國變未赴已改悅新

諸生元良  
當作明

寧州乙酉夏江南不守曾諸郡起義越人熊汝霖引眾至邑  
促元良治餉方料理儲峙七月丁巳北兵陷城遂同其兄諸  
生元良遇害

蔡國瑛朱太綱許 並守禦所千戶乙酉閏六月起義守城

力死力下

許任游徼慷慨奮躍然民兵烏合猝值敵駭潰蔡挺刀力  
死閭門遇害朱投安國井中許被執罵不絕口死于翁家

埠

周宗彛崇禎丙子舉北雍慕義敢任中申聞變即募貲治硃石  
鎮閩隘以杜奸孽明年同眾號召子弟有枕戈之志八月望  
北兵奄至而潰舉家溺園池中弟諸生啟祥手擊數人中流



矢死周氏之家覆為事雖不成奮身犯難或可原其心矣

文苑

晉

于寶字令升先世新蔡人大父充吳奮武將軍都亭侯父瑩丹  
陽丞徙家藍官寶少勤學博覽書記初拜著作郎平杜叡功  
賜爵關內侯江左草創中書監王導荐領國史以貧求補小  
陰令遷姑安太守王導署司徒右長史歷散騎常侍著晉紀  
自宣帝至愍帝五十三年凡二十卷書事婉直咸稱良史性  
好陰陽術教撰搜神記二十卷劉悛曰卿可謂鬼之董狐其  
註周易周官左氏義外傳雜文集俱行世

唐

顧况字道翁至德二年進士志尚疎逸善柳渾李泌德宗時渾  
拜相辟秘書郎泌拜相遷著作郎坐詩累貶饒州司戶况工  
文兼長小筆嘗求知新亭監曰欲貌寫海中山耳仍辟画者  
王默為副任半年解綬去後居茅山號華陽真逸年九十卒  
皇甫湜序其集二十卷嘗曰自吾為顧况集序未嘗許人也  
其為名流歎重如此子非熊有父風

元

朱圭字肅齋元慶元路學錄學行著聞一時名公碩輔多所推  
重尚書宣城貢帥秦避地海寧闢東野草堂延致教子鍾齊

為巨儒

明

朱鏞字質夫 國初授錢塘訓導 荐升崖州寧遠知縣 有惠政

海寧志特書為文人第一

題朱學錄送行詩卷

貢師泰

海東二字誤創

中朝諸老凋零盡 一讀遺詩感慨多 萬里還家猶俎豆 十年為客尚干戈 秋風海東雲帆舉 春水西湖画舫過 此去太平應有象 杏花深處聽弦歌

地介

送朱質夫寧遠知縣

貝瓊

疑分之誤

萬里番禺自漢通 乘槎有客氣如虹 地介銅柱風烟外 山涌

瓊臺雪浪中  
帝子旌旗何處問  
黎人衣服與時同  
興來好和蘇公語  
又度西南月半弓

重過東野艸堂有感

上虞

謝肅

桃源久不到  
草屋半蕭疎  
鷗佔沉舟浴  
重分破壁居  
僕溫携到酒  
隣送賣殘蔬  
未說干戈事  
黏窓且讀書

題小桃源巷

金華

宗景濂

聞說桃源路  
久迷世人長  
覓武陵溪  
不知自有神仙境  
只在海昌湖水西

送朱質夫之寧遠

括蒼

劉基

仙槎八月泛天河  
兩鬢飄蕭爽氣多  
海角晴光收瘴霧  
詞門

夜色起夷歌，枳叢百里淹。  
仇覽銅柱千年羨，伏波雲路同升。  
殊 都門分袂奈愁何

題景初花鳥圖

公稽

楊維禎

東風掃紅雨，春滿桃源洞。  
山禽啼一聲，喚醒劉郎夢。

估蒼

題朱肅齋山水圖

劉基

鄂渚輕舟未發，瀟湘倦客多愁。  
可恨一江春水無情，日夜東流。

胡奎字虛白，早著才名。楊廉夫貢泰甫器重之，嘗過望湖亭，和蘓子瞻詩有「老人觀壁間所題，嘆曰：六百年來無此詩矣。」君非斗南先生耶？言訖忽不見。故人稱斗南先生寧獻王聞其

才聘為府教授七年病篤作蔡頌命子進于獻王：序其集

行世金陵童尚書軒言奎泊舟采石江上值李太白與倡和

或即前聞附會之也 望湖亭 鷗外清波雁外山望湖亭下繫

歸船夜深坐起占風信人在珠宮月在天 楊妃教鸚鵡誦心

經 春寒外酒睡初醒咲倚東窗小玉屏早悟眼前空是色不

教鸚鵡誦心經 綠珠墜樓 花飛金谷彩雲空玉笛吹殘步障

風枉費明珠三百斛荆釵那及嫁梁鴻 江邊柳 朝送木蘭船

莫避征馬鞭亦知離別苦生長在江邊 北上行 食蜜不知苦

衣葛不知寒今晨出門去方知 行 路難驚颼吹斷蓬沙磧何

漫、羸馬縮如蝟霜花大如錢夜步黃河凍舟行不得前君

天仙子作山

腸繞轆轉我腸車輪盤王事有嚴程太、勿憚煩勞孤落旄  
頭飛箭定天仙會賦銑歌曲論功萬里還

賦石井送吳稅使還鄉

頭白烏啼井上桐、花落盡夜來風愁見還鄉吳季子恨無  
縮地馮仙翁轆轤般裡腸應斷天柱峰頭思不窮試把丹泉  
分一掬慈顏猶得駐春紅

答謝友人

小東門外野人家昨夜青燈定結花一片碧雲空在望牛規  
明月可能賒杖扶紫玉過眉瘦中裹烏紗墊角斜明日更須  
來看竹山瓶汲水自煎茶

盤餐粗糲咲貧家，賴有東園粟花野。  
水白鷗情可憫，海天黃鶻志何賒。  
直須放浪超形外，一任留連到日斜。  
向自期看洛神賦，十三竹畔坐分茶。

寄賈彥德

鳳凰岡頭多碧梧，潁川之人安好無。  
十年不寄一書札，兩地相思惟爾吾。  
淮雲暮、莫天遠，楚水茫、秋雁孤。  
想得臨池有佳處，軟黃箋紙寫官奴。

次頽友常見寄前韻

丹井前頭頽况家，子規啼處落松花。  
憐予抱病烟霞外，與子論交歲月賒。  
海燕雨深茅屋小，江魚潮上石帆斜。  
有懷只許



詩傳信相見惟應酒當茶

出郭訪賈惟敬不遇

出郭行吟野老家桑條生萋棘生花別來似有三秋隔到此  
曾無二里賒白鳥隨人頻往返黃茅蓋屋半歌斜遙知去汲  
烏龍井細歎菩提寺裡茶

送侄送戎雲南兼東居椽吏

我祖自南渡世為鹽官人家傳安定譜子孫多縉紳嗟汝英  
妙年送戎萬里道斷蓬離本根骨肉豈相保憶汝別家日病  
婦在膏盲小妹應門戶兩女統倚床一年一得書見書如見  
汝嗟跼十五年閱盡寒與暑昨者奉軍帖倉卒暫還家兩女

上堂拜不識去時爺朝紡木棉花夜織機中布裁為身上衣  
夢繞天南路天南有名將云是漢嫖姚威聲振夷夏勲業著  
皇朝汝今向前去勿戀故鄉住生入玉門關會造有奇遇烏  
啼東海樹落月在城頭送汝北郭門霜花滿征裘千金買寶  
刀豈若聊城箭魯連個傥生何曾嘆貧賤洞庭水落三峽  
在猿哀船過瞿塘口還經灩澦堆嚴城不可緩別去關山遠  
縮地恨無方我腸轆轤轉棘門有知己遠惠白象梳瓊瑤無  
以報為我謝區

題馬公肅墓池瑞蓮

種花莫種無憂草馬家池頭花更好去年一柄生兩房兒在

恰似看花句  
當移在願花  
並蒂年開下

知味文下  
有脫誤

穎川歸故鄉兒歸見花不見母一寸心如蓮藹苦也知天與

好兒孫哉青頭聯牖戶公荷恰似小兒孝迎門索孝當母

前勸光食蓮須食蓼辛苦讀書知味少願花並蒂年開一

鶯夢裡殺笙歌前殿夜教妾若為情

墨竹

舊游荆楚吊湘娥翠

袖娟映碧波夜靜忽聞瑤瑟怨滿蓬秋影月明多

仙源圖

仙家寂洞房間鶴伴孤雲去復還只有桃花笛不住遠隨

流水到人間早春曲青樓昨夜東風轉錦帳凝寒覺春淺垂

楊搖綠鶯亂啼裊鶯花不堪剪博山吹雲龍腦香銅壺滴

愁更漏長玉頰啼紅夢初醒羞見青鸞鏡中影儂家少年愛

游逸萬里輪蹄紅無迹朱顏未衰消息希腸斷天涯州空碧

塞上曲

戰馬聞笳鼓橫行出塞門陣雲疑隴黑殺氣入邊氛  
決策平胡虜損身報國恩猶慚漢公主萬里嫁烏孫  
送賂秦

入蜀省先

回首鵠原感別離遠携書劍上巴西雲深蜀魄呼

名語月冷猿聲向客啼諸葛祠堂春艸沒杜陵茅屋夕陽低

相思亦有南來雁莫道音書懶醉題  
湘南懷古  
江山搖落猶

登臨草色湖南入望深萬古空留湘女恨九歌誰識屈原心

霜侵楚畹蘭香歇雲暗巴陵雁影沉正是客懷浦不得竹枝

聲裡斷猿吟  
和沈愚閩門竹枝詞  
此地吳山舊市朝空遺哀

閩疑閩之誤

柳日蕭蕭行人不用頻回首煬帝宮前更寂寥  
裊：烟絲

拂画橋紛：春日上長條館娃宮女能相妬莫向東學舞腰

拂水搖烟積翠深  
閭閻城外晝陰陰  
花飛便作浮萍草  
恰似看花兒又來

寄東岡賈徵君

三月三日雨晴初  
東望東岡無鯉魚  
杜陵愛酒自多債  
太傅治安還有書  
洛中牡丹少閑地  
江上燕子識吾廬  
木蘭舟楫桃花水  
頗悟近來踪跡稀

朱祚字永年夙惠天授九歲能詩即補諸生有監司行部命解

孟氏義詳論詳敏時稱為神長善楷書永樂八年徵拜詹事

七士字疑衍府尋為鎮遠侯家塾教官乙未進士上元觀燈賦

上喜而賚之由是知名洪熙初用尚寶少卿袁忠徹荐擢行

在中書舍人 宣宗見其詞賦處之近密特陞翰林修撰秩  
滿進尚寶司少卿命教中貴人書祚能詩文授筆立就負氣  
好直言不恤毀譽晚稍自憇因跽默齋且善談命言人禍福  
多中云正統十年正月卒官有雪崖集行世

朱禋與誠祚之子嘗隨父謁 宣宗于南城齋宮因命于文章

殿內同諸中貴誦學舉懷才抱德授中書舍人歷太僕寺丞

蘇平字秉衡幼穎特嘗咏繡鞋南陌躡青春有跡西廂步月夜

無散人稱為蘇縞鞋長好游逸荐賢良方正不就嘗論詩貴

心平氣和如高太史啟詩雖工多心不平氣不和惟夜聞吳

女誦經一律心平氣和今雪溪集行世 姑蘇臺 吳王霸業雄

後遂疑隨之誤

且強吳王宮中白日長  
尤物初來越溪女  
蘇臺高起天中央  
感：春山裁白苧粉黛三千樂歌舞  
夢入巫山雲滿衣  
睡起花枝日當午  
豈也何人竊高位  
諫諍無人益驕恣  
扶目那知國士忠  
捧心詭識妖狐媚  
半夜聽歌酒半醒  
越兵尋已下吳城  
西施復遂范蠡去  
泰伯宗社俄摧傾  
香徑蕭條入平野  
昔日綺羅成土苴  
烏啼夜月廢城頭  
鹿走春風舊臺下  
臺下蒼烟迷  
故丘臺前江水至今流  
多情惟有閭門柳  
落日空含萬古愁

白苧詞  
館娃宮中露花冷  
月落啼烏散金井  
吳王扶頭酒未醒  
秉燭張筵樂清景  
美人不眠憐夜永  
起舞亭：亂花影  
新裁白苧勝紅綃  
玉珮珠纓金步搖  
回鸞轉鳳意自嬌  
銀

思如水流不  
斷但願年同此

等錦瑟聲相調君恩如水流不斷但願青同此宵東風吹

宵東風吹花落

庭樹春色催人  
大家為惜  
頃刻銅龍報

庭樹春色催人

天曙  
秋日書懷  
十年京國散貂裘萬事無成已倦游客裡青

等閒去大家

報天曙

衫司馬泪天涯明月杜陵愁秦淮州照砧聲夕楚澤雲深雁

班婕妤詩有鵲脫

影烁南望故園歸未得懶將詞藻賦登樓  
班婕妤好  
一自辭同

儂家蕩子心

葦深宮草又生甘隨紈扇棄猶記玉階行明月愁中影流儂

五字疑是前

家蕩子心  
旅次清明  
萬家烟樹散啼鴉上國清明好物華滄

閨門竹枝詞

海幾回驚節序東風隨處見鶯花山迴鳳閣雲邊出柳帶龍

旗雨外科欲醉芳樽消客况鶻聲落日在天涯

秋晚述懷寄蘇秉衡

崑山

沈愚



西風臨望極南天  
楚客思歸倍黯然  
雲樹遠連秋浦路  
塞鴻初度秣凌烟  
牛江明月聞寒笛  
荒渚孤燈泊夜船  
遙憶長卿詞賦好  
異鄉應得故人憐

郊居秋晚有懷蘇雪溪

半生踪跡嘆蹉跎  
對景其如感慨多  
浮世交游黃葉散  
故鄉烟水白雲多  
樹啣斜影低臨日  
風送歸鴻早渡河  
念尔貂裘猶在客  
後時應付式微歌

蘇正字秉直淹貫經史  
同時湯胤勳劉溥鄒亮晏鐸王淮沈愚  
沈魯甘瑾蘇氏兄弟稱吳下十才子  
張中楷有浙詩門徑未  
荒蕪獨賴芟除有二蘇所著雲壑集  
行世門人張太守寧表其

所錄者錄  
疑能之誤

墓曰嗚呼先生學可傳而才不見川德可久而壽不甚遠蓋  
其所欲者人也所不能者命也能其所能而已為者世也文

章寔閔世運人豈能違之

別詩

青：南浦草游子傷遠離握

手岐路側對酒難為辭與君結同心十年猶一時况當千里

別去：各天涯馳此苑結心日月長相思天地終無窮人事

多乖違努力樹聲名千載當自期

擬陳伯玉春  
夜別友人

綺席管絃清

春宵絳燭明山川縈去騎尊俎對離情月迥歲銀漢天回轉

玉舟雞鳴催曉發迢遞洛陽城

南州有贈

天路無期到春湘

帶恨流亂山愁對酒落日獨登舟書劍憐同客江湖耐薄游

離心寄明月相逐遠悠

秋日登臨

海外寒雲暝不開望秋

開上開  
疑聞之訛

開上夕陽臺江流東去疑天尽山氣中浮覺雨來綠水平蕪  
孤鳥下白雲空去斷猿哀臨高漫有滄州想愁向西風見雁

回

寄蘇先生正

祝 淇

西風倚棹問歸程詩酒應多耐別情黃葉疎鍾溪上寺白雲  
孤角海邊城鷗飛烟渚連秋色雁下寒塘起暮靄回首天涯  
嗟落莫夕陽歸路萬山晴

張涑文東童時日記數千言屬文煥麗時謂王子安復生也辛  
卯舉于鄉時尚未冠毅動縉紳世父負官錢數百千涑議賣  
產償之或曰若交當路可免也涑曰產易得耳節概不可失

涿即飢死不顧也故家益貧所善女童憲副漢臣方太守九  
叙饋餼不受卒年三十三詩文俊爽有奇氣所著窮居集童

憲副梓行之

<sup>如</sup>陳雖  
當作雞

陳雖字惟肅海寧人見南皮李騰鵬選皇明詩統

言嶺懷古  
山

上樓臺湖上船平章醉後懶朝天羽書莫報樊城急新得蛾

眉正少年

賈詮字本清海昌人

洛陽道

甲第多豪俠游行洛水濱聞雜都

市晚走馬禁城春踈柳迎征旆繁花媚舞人歌鍾喧落日開

宴五侯賓

沈友儒字

嘉靖戊戌進士授刑部主事遷員外郎預治西

宮之獄外補東昌通判轉揚州同知罷歸博極群書日不  
釋卷第嗜飲誕放宦坐不達專事游覽名蹟僻詞縱步殆徧  
碑記題咏今郡邑所至而有可以覘其人矣文品瑩暢惜後  
人不振至集散佚可嘆

郭子直舜舉隆慶辛未進士筮仕儀部以續婚悞舉礮聲震大  
內謫懷仁尉再起兵部督學嶺南進山西叅議福建副使歸  
而結社稱詩有風人之致徧交當世作者聞望蔚起所著二  
經草三游草中咏林草行世

林林字衍

朱象衡朗初太守有孝子僑居構李以諸生稱詩刻意風雅漢  
魏三唐嘏醴入真駁、作者之室所著春雨編

董亂董

官蹟

疑遭之謫 吳全琮字子璜父柔舉孝廉補尚書郎右丞董亂棄官歸錢塘

吳全琮

吳字當

另作一行

徙桂陽太守嘗使琮齎米數千斛到吳市易琮中途給人空船而返頓首曰所市非急而士大夫有倒垂之患故便賑贖

不足及啟報柔更奇之時中州士人避亂而南依琮者以百

州志云字南泉

述一作官不求達

官事

無遂顯名遠近孫權以為奮威校尉

募精兵萬餘人出屯牛渚稍遷偏將

軍二十四年關羽圍樊城襄陽琮上疏陳羽可討孫權時已

與呂蒙陰議襲之恐事泄故寢其表及擒羽權置酒公安顧

謂琮曰君前陳此孤雖不相答今日之捷抑亦君之功也于

是封華亭侯黃武初魏水軍大出洞口權使呂範督諸將禦  
之敵以輕舟數鈔擊琮嘗帶甲伏兵伺敵數千人出江中琮  
擊破之梟其將尹盧遷琮綏南將軍進封錢塘侯假節領九  
江太守吳會山民寇掠屬縣權分三郡險地為東安郡琮領  
太守時治富春明賞罰招款附數年中得萬餘人遷徐州牧  
尚公主嘉禾初督騎五萬征六開其民散走諸將欲捕之琮  
曰分兵捕民得失相半縱有所獲猶不足以弱敵如或邂逅  
虜損非小琮不敢邀功以負國也赤烏中遷右大將軍九年  
擢大司馬卒琮身既親重子弟寵貴然謙虛接士貌無驕色  
子懌嗣封臨湘侯

按全柔錢塘人琮嘗居赤兔嶺合公主墓長安鎮則自錢塘徙藍官無疑

宋

郭知運字次張嗜學砥行弱冠登紹興二十一年進士甲科秦

丞相檜強姻不就仕至荆門守乞休自號息庵老人所著猥稿四十卷陸游避暑後抄秦會之有十客郭知運以離婚為逐客

明

許懋字國器才識豪邁生當元季發粟賑飢嘗充萬戶長漕海入大都授杭州路治中不就流寇逼境倡義兵拒却之事聞于朝復授前任終不就



明興應辟丙午拜承事郎海州同知在官六載以績著洪武  
四年辛亥入覲卒于旅舍祀海州名宦

李貞字大亨邑諸生建文元年赴京上用兵方略

上壯之命宴光祿司授湖廣道監察御史壬午革命歸隱臨

平山中成祖即位調佃玉田宣宗立雅知其名召拜揚

州守特勅旌其忠直在任三載攷民隱章累百上惠澤甚

著攷績入覲乞休謝還勅諭上曰知府俱無勅其苗之以示子

孫貞歸老家徒壁立守正以終祀鄉賢

談遷曰薛文清瑄年十二能詩賦從父貞為元氏教諭永嘉

徐懷玉高密魏希文濟南王泰亨海寧李大亨范汝舟皆元

舊儒謫戍玉田貞礼為瑄師于是豁然大悟悉去其詩賦而  
從講伊洛之學文清一代大儒亦吾寧有以啟之第不知范  
汝舟者果何人也賢者聲名不傳誠可深惜特附記大亨傳  
末并見大亨之正學非獨宦蹟已也

孫子良字

少游袁伯善胡虛白之門永樂甲申進士選庶

常預修永樂大典八年遷兵部武選郎中成祖北幸尚書

方賓送子良嘗攝部事領制群吏絕請託因致媒孽謫交趾

吏目夷氓不學子良濡以德教洪熙初拜交趾叅議

會黎利叛止于蒼梧北還改河南晉山東右叅政治河乞休  
少喜治詩出入唐宋間所著螺城某行世交趾古螺城有螺

池古安陽王洗珠履 胡人挽弓圖 交河戰罷靜胡塵更有何

人放馬群獨挽雕弓莫回首雁門還有李將軍 擬唐宮人入

道 乞得君恩許出家宮衣易盡入烟霞受恩飛燕無勞妬賣

賦文園更莫誇便擬瑤池迎絳節更送勾漏問丹砂春風幾

處星壇上看徧碧桃千樹花 鞦韆詞 洛陽人家重寒食庭院

鞦韆高百尺絲繩嫋、分兩邊画板粧成五采色閨中女兒

覩少年三、兩、咲且喧燔巾結帶重整束決意爭勝垂楊

前羅裙飄、方欲動身輕那用旁人送乍疑舟輕飛瓊仙復

訝青天來彩鳳須臾暫定忽下來 掩 雙鬟亂烏雲開回身淺自

繫羅襪流汗但覺香滿懷起來殷勤語同伴蹴踘應須論數

徧翻：若與飛鳥齊賭却鳴璫不容換

沈升字志行永樂甲申進士選庶吉士預修制書如五經四書性理大全佐筆削定常叅贊薊鎮軍務劾奏太監劉通不法事賜金幣尋陞太僕少卿好獎拔士類凡文武才可用者亟以聞然皆不負所舉故服其鑒卒官遣禮部主事林璧諭祭墓白鶴亭後

孫璋字景章叅政子良子：良謫交趾生璋北江傳舍十歲隨登泰山王方伯命詩立就門前駐紫駟我欲起春游岱岳峰頭去披雲眺九州景泰壬申荐賢良方正授泰和丞奉職循理不徇豪右民苦徭役璋頃刺裁定請托不及行人稱為霹

雷白當  
作博白

塵手目其榜曰鉄榜言至當不易也遷電白令邑人牛禱輒  
獻首卹之從韓雍征滕峽有功超守潯州興學賑飢威惠大  
行屬縣多嘉禾不以聞進山東石叅政致歸年九喪子武卿  
弱冠登進士

姚哲字文明正統乙丑進士授雲南道監察御史風采凝峻按

楚劾治藩臣不法人避其駒終按察副使

徐寬字栗夫號容齋晚號醉陶居士先黃岩人少從鄞縣楊太  
宰守陞游學大進博覽群籍成化庚子舉鄉明年辛丑進士  
授營繕主事理臨清磚廠三載改祠祭主事弘治戊申歸省  
尋憂居築園游息觴咏或勸之出不應年五十四馳疏致仕

事二弟事  
當作與

日塾師塾  
當作塾

負進  
當作進

性孝友封公沒盡推其蓄事二弟歲周親故之貧者塾師費  
歿助嫁其女又某氏負進欲償女為妾竟免其進禮遣之弘  
治甲子五月卒年六十一亡子塋城兩所著醉陶詩集行世  
子海登進士

祝萃字惟貞成化甲辰進士釋褐川曹徙工部送徐侍郎貫治  
渠江南遷虞衡負外郎嘗上章請親理儒臣再不報即歸省  
正德初起陝西督學副使歷廣東右叅政醇謹端素里居教  
授晨興課督至夕色莊而和時人軌游其門捐館日學者私  
謚文惠先生所著禮經私錄宋元史詳節子繼臯進士官兵  
部主事

寄祝員外惟貞

孫元一

陳善曰君子不死于盜賊原博之死不幾于草、乎夫事固有不可測者原博身夷三郡之交威德在閩深矣單身諭賊蓋其所嘗試者也當是時危机方急諸大夫易服鼠竄原博毅然中立此必有自信者臨難不避罵賊而死嗚呼可謂壯節矣

許元奎文華弘治壬戌進士初甚貧攻苦力學大母望之峻曰不登第不娶果如其言年三十始娶授工部主事權楚稅織毫不私調刑部卒官今祀鄉賢

陳珉 以歲荐歷河南布政司理問守文無害潔身飭後不

歸來光範門書策不須論白日自出事清泉在小園鳩鳴開  
竹閣月曉過梅村隣父時：會壺觴笑語溫

查約字原博弘治壬戌進士筮仕南刑曹歷福建僉事屬旱疫  
悉力撫循閩卒多驕延年即武暨福州軍相繼違背單車諭  
之無敢譁遷山西按察副使艱去補江右公廉如故榛雪一  
疑獄進福建叅政至左布政使令諸司錄各納穀備賑俄侯  
官囚逸賊相戒毋犯查使君倉卒遇害時嘉元年 月而巡  
撫山東右僉都御史之命下閩人痛哭立祠九年諭堦所著

明齋集

同流俗祀鄉賢



毛鵬 孤宮 學制行端慎貢太學歷袁州通判不失其守

祀鄉賢

許相卿字台仲正德丁丑進士授兵科給事中嘉靖初上書言  
事大閹張銳張忠既論而贖張欽舍人李賢襲錦衣衛揮指  
林司寇俊被縶相卿爭之力尋自免邑具駒泮如常辭曰吾  
乘軒擁蓋揚出里中使父老走匿房舍謂桑梓何吾業里  
居毋徒患苦父老為也隱紫雲山中不跡城市王陽明湛甘  
泉諸先生雅慕重往還劇切夏文愆遺之詩九祀山人不出  
山不將一字落人間己亥召補禮科不拜所著萃朝志雲村  
集貽謀四則行世子聞道遺貴州道御史

自有傳

聞道一  
作聞道

訪許台仲九祀山中

孫一元

幽谷經年到樽罍十日留柴門河月動木榻海雲流共愛名  
山隱難忘帝國憂何時解朱紱取醉話滄州

讀許村先生小傳有述

于慎行

紫雲峰下石為閭尚想幽人舊隱居避俗青春違禁闥移家  
白首寄樵漁名標吳國先賢傳手校西京太史書此日緜囊  
餘諫草臺即封事滿公車

祝繼英字思先文惠先生從子正德己卯舉北雍授繁昌令僅  
携二蒼頭往家致薪脯飲江水視事公需毫不煩民秩滿徙  
石城以老素善酒日舉無筭終不見醜醒時

貌侵：  
當作寢

陸州字汝行嘉靖甲辰進士為人貌侵弱不能勝衣至遇事則  
斷敢為即賁育不可奪嘗以南昌校官典湖廣鄉試故事試  
官校官處簾內乃品題之權御史多屬之簾外州既默、不  
自得比定解額諸校官與御史俱坐致公堂州偶抽中式人  
二卷閱之頗紕繆州起袖二卷懷之以詰御史御史不能對  
即為轉易二卷同校者慄、咸服其持正遷刑部郎出守常  
德會鼎建三殿湖北木運孔棘部木使某者頗乘勢為奸利  
民間騷然州至為調停差撥以陰折其非一時屬路賴以安  
堵先是 榮藩嘗請郭西濱江地租而并稅艫筏之泊埠者久  
之中官愈益橫索或闌入絰行艫筏商人苦之州廉知非例

下令禁治之中官惴惴、憚州自是相戒歛跡郡受沅靖五溪  
諸水故築土隄捍之春夏水暴土蝕則兩涯之間不辨牛馬  
州請易土以石募民貲蠲帑金為長隄百五十步高四仞廣  
半之滂至始不為灾縣嘗以賦則淆混微歛無藝良民或倍  
輸之稅乃強黠者終身負責漫不裁省州戒民毋入城納稅  
第置循環二部簿鈐發里甲歲令沿戶按額取之而納戶得  
以所納期限稅目自註于籍月終更互攷成之完負悉有稽  
覈公賦大办常俗不習為商歲止論豐歉穀一入亟圖貿商  
金以償官逋不且賤售富家因而爭時趨利故左右數送吏  
縣官願留官防飢使毋令販而出境也州嘆曰此豈為居積

豪地乎民無金無賦無商無金奈何坐自窘末乎遂下今日  
敢有以過糴為言者置諸法自是商民得通易有無矐然稱  
便州治郡三年不為恒懾可異之政惟務約已愛民他如均  
傳費獎士類厯賑恤每事必為之區畫期于奉法循理而已  
後以攷績行尋擢九江兵備副使民生祀州于城北又三年  
丁內艱卒于家訃聞郡中父老率子弟朝夕慟哭祠下如喪

考妣云 徐學謨楚志

查秉彛字性甫嘉靖戊戌進士授黃州推官擢禮科給事中議  
莊敬太子冠讀禮及楚世子獄崇嘆宗祿日匱上六事曰處  
宗祿重恩典肅宗教止交結飭藩度擇府僚轉戶科給事中

尋調充會大計奏斥酷吏禁贖緩征科尋忤旨謫雲南定  
邊縣典史轉定寧推官又遷刑部主事改吏部累遷文選郎  
中佐尚書李默見重進太常少卿提督四夷館轉大理右少  
卿太僕寺卿拜順天府尹甫五日卒年五十八時辛丑閏六  
月既望諭祭一壇命有司治墓子志文庠州府通判志宏都  
察院都事志立河南叅政志立子允元江西叅政所著近川  
稿掖垣奏議藏于家

徐炳仲字嘉靖癸丑進士授南刑部主事歷遷河南備兵僉事  
艱去補山東進湖廣叅議遷河南備兵副使治大名減供餉  
汰冗費會清戎使者峻甚炳為言不便狀上益尺籍祇厲民

耳遂不擾遷山西叅政卒官炳薦孝少繼伯母仍加意所生  
康成奏南宮以仕籍不書本生罷廷對友愛諸弟潔廉好修  
在大名值粟貴食黍豆空人頗嘖嘆曰民多菜色何獨能為  
魏人至泣下

馮覲字晉叔徙家錢塘嘉靖甲辰進士授職方主事會虜入分  
守西直門例賜金幣歷武選郎中憂去補故秩遷湖廣副使  
廣東叅政嘗行部樂昌徭賊要入巢求犒正色諭之止三日  
輿還于韶既知賊情以千人襲之俘大酋馮應科等百人進  
按察使卒官覲嗜書嘗期湖上隙地吟嘯吾願足矣所著存

稿八卷

遠其父  
遠一作達

許淪字達夫韶秀而文楊按察繼宗遠其父淪掖之入楊題試  
之立就贊嘆不置貞倅永州多善政已掛官自達

查志文字鳴周隆慶丁卯舉于鄉倅庐州屬築河而寒便宜遣  
諸役約解冰集之果如期小遷庐州同知駐無為州管蘆稅  
兼署州印時巡芦江上遇颶風暴作舟覆漂流數里兀坐舟  
內一吏捧二印與俱見雲長公護之忘其在鮫鮪帳中也偶  
賈者過聞覆舟內有骸鑿而出之獲全識者以為循吏之報  
云恤災緩歛不幸中詭罷

吳遵字公路嘉靖丁未進士令長樂廉勤通敏興利除害育才  
宣化赴召之日耄稚泣送于途後拜御史遷大僕少卿詳見



長樂志

孫景時成叔杭之右衛人性耿介于世寡諧師陽明甘泉二先生丙子舉于鄉教諭長州遷攸縣令却餽饋遠豪右人多稱之已解官好蒐輯故聞作武林文獻錄杭州府志未究而卒

董學希顏嘉靖丙辰進士授行人擢監察御史巡按宣大真定鋤強扶善草里申定均徭寔心為民立志期于君子惜厄于疾不竟其所施

董鯤字化卿嘉靖癸丑進士令宜興抑噐訟卻私竇樞部索犒兵供具不應雖坐忤不惜丙辰徵拜山西道御史歷按畿內應天陝西並持咨凜：在應天捕孝廉彭應龍斃之人心稱

快予告歸丙寅起河南道御史署攷忤銓曹外補湖廣按察副使丁卯春免官蓋銓曹意也居鄉簡亢好周人之急邑里以為儀表

許文造長儒萬歷丙子舉南雍常席帽見邑令戲曰帽直幾何曰止價令踈然任河間推官有能教服喪起補東昌奏最拜監察御史數上書指摘政府尤切巡按甘肅勸止採礦并劾張侍郎養蒙謫判岢嵐州晉撫魏允貞嘗見劾及入謁頗被誚厲毅曰吾擊邪不勝固所甘也尋歸里所著盈岳集

陳與相卜野萬曆丁丑進士令新昌有治行調吉水益能其職遷刑部主事歷郎中出守南昌未任憂去服闋補成都擢四

川副使時採大木不辭艱苦庠子征者首督餉坐罷久之補  
廣西龙江道止何遷貴州尤叅政致仕性坦朴不設城府子  
玄揮翰林編修歷湖廣叅政祖芑巡撫薊州右副都御史祖  
芑子之遴尤中允

查允元仁卿萬曆丙戌進士授禮部主事歷貞外郎爭閔白封  
貞及三王並封上書言非是進江西提學僉事擢叅議進廣  
西副使憂去不起樂湖山之勝寄居武林卒年五十二  
祝以函耳劉萬曆丙戌進士

工部下脫主字

明當作銘

策進當作駿

明知

朱與翹字楚伯世居園花里辛卯舉于鄉壬辰進士授江陰令以清惠治之蔬米廉值不擾市一錢調長葛令治如江陰又導民以桑麻之利庠子遷南州部主事累遷郎中進建昌守廉平不苟臺使命傳建昌守事以進有曰寬于容衆而不寬于御衆嚴于持法而不嚴于行法蓋寔錄也戊申擢廣西副使未赴還里卒年六十四

徐紹曾表耿萬曆乙未進士授黃岡令流教愷悌遷南京工部

事歷兵部郎中進山西清軍叅議剿獮夷終于任雖歷數政  
家清約如寒士

許令典釋則萬曆丁未進士令上饒無錫以踈放改教授淮安  
屢起屢躓終淮安守性率易坦亮官二千石不改儒素所著  
金牛隨筆

### 高行

談遷曰世所傳高行類丘園素履者流若豪俠則外之別為  
一道夫豪俠慕義拔于時輩庸得卑視之觀于今日止論丘  
園素履之未易值即所為豪俠者幾何人哉故並列之其有  
所感也夫

元

賈銘字文鼎，貴雄海上，長萬戶，好賓客，能振人之急，名士如胡  
隆、成、鮑、恂輩為重客。劉文成基微時，嘗有意于銘，已度其無  
成，但為棒尖山墓地，經始日，忽風吹金箔于梁上，文成曰：若  
家且世，橫金也。銘二子俱以我。明汗馬功世，歸德衛臨山  
衛指揮銘年百有六歲，嘗畫夢，緋衣策進而西，遇女子服送  
甚都，下輿拜曰：自月宮來，送彭祖殯，指前塚就觀之，既寤，遣  
文成寄壽山福海園，繫以詩：吾聞軒轅之國，乃在大海之中，  
央其不壽者八十歲，壽者乃與天地同久，長棲臺縹緲，造天  
漢，赤日繞戶，扶桑涼玉泉之水，清以香，瑤艸之味如瓊漿，洪

崖有時來環珮敲琅、鳳鳥自歌、鳶自語、青雲連縷、白雲舞  
淋漓、豹髓浮縹觴、瓊錯金盤、苒麟脯、耳聞楚水、泣皇英、眼見  
高郊、莖彭祖、琪花生樹、霄有光、東風入律、春茫、春茫、樂  
無極、青雛夜、月中來、廣寒嫦娥、寄消息、明知其兆、越三日  
下世

費用中家黃岡置義塾捐學田好行其德見劉文成賈氏義塾

### 詩序

明

董憲字如魯饒于紫景泰甲戌賑粟四百石成化癸巳賑六百  
石丁酉賑千石有司以例覈承事而不受仍輸千石為備他  
荒字未字

為備為下脫

易枚舉易上祝

善事易枚舉章楓山先生表其墓

氏飢一作歲殺  
與子與當作以

徐義字彥宜成化癸巳海決氏飢日治康哺數百人八閱月而

洲  
哺當作舖

罷飢人頽之子寬登進士

唐琳 歲貢任大名訓導有志稱其孝友端肅嘗還遺金有

古人風祀鄉賢子世卿撫州通判世臣娶源訓導

祝琪州志  
作淇字汝

祝琪字汝洲嘗任歸化驛丞喜吟咏不苟取與子萃貴封刑部

主事所著履道集

擬號山應制

天仗出彤闈奎和上翠微飛

流喧鳳吹空谷轉龍旂樹色連宮掖花香傍袞衣皇仁敷兆

億賓泛樂餘暉

長安道

笙歌喧御第綺羅麗春朝複道通秦

苑離宮接渭橋看花三殿出執玉萬方朝自古虞王地前呵



擁珥貂 雜題 東風楊柳拂春隄 烟霧陰、野鳥啼金谷日斜

歌舞散海棠無主草凄、

查益

博學多聞不苟言笑 設教鄉里多所成就 子約貴貶

封

查繪

制行克謹事繼母撫仲弟 鄉党無間言

董載

楚府教授平心率物不跡 城市子鯤貴贈監察御史

陳中漸

郡諸生倜儻有大節 歲旱禱之立澍 豪飲好義子

與郊太常少卿與相貴州叅政

惠林談遷孺木著

孝友

宋

周阿二力田志養母俞氏病甚同弟小三各割肝以療弟阿九  
通体鈎燈禱焉果愈

明

董謙有孝行親喪廬墓成化時旌門

葉文榮海寧所軍餘性勇戇而孝友無間弟文龍醉毆人死官  
司訊服其母鍾愛飲泣不食文榮痛弟誑誤貽憂于母遂訣  
母曰兒幸有後當代弟死即詣官暴殺人狀坐論弟得釋此  
與蘇子瞻所書狄武襄事無異嗚呼世之君子兄弟不能容  
往以細故成訟文榮本土位不忍累母逆容就死可以愧  
曠林之戈矣

孫經田家子父早歿同弟緯奉母最孝嘗疾甚醫不能療時思  
食即得無恙緩則疾作由是竭力營辦諸品咸具以俟一日  
思大墩作羹時方急田即輟工周行河港凡數里并及坊市  
不能得二子憂之驚皇止措方少頃于門見水際忽動競解

衣入水求之却得數尾喜躍即羨之母賴二子之孝存活數  
年嗚呼古之冰鯉慕雀戴之典籍以為後世奇事不意二子  
務農細民不知經史孝行足與之埒暗合前人且感動鬼神  
如此

褚女奎母徐氏危篤刲左股作羹進母今補增廣生

談遷

崦嵫無計馭春暉血伉淋漓待大歸讀到蔡我腸斷處至今  
泪濕舊時衣

胡化事母楊氏曲至割兩股療疾邑令旌之補諸生

隱逸

齊

顧歆字景怡家世業農歆獨好學年六七歲知推六甲家貧父  
使田中驅雀作黃雀賦而歸雀食稻過半父怒欲撻之見賦  
乃止鄉中有學舍歆貧無以受業于舍壁後倚聽止遺忘者  
夕則燃松節讀書或燃糠自照及長萬志不倦聞吳興東遷  
邵玄之能傳五經文句假為書師送之受業同郡領覲之臨  
縣見而異之遣諸子與游及孫憲之並受經焉年二十餘更  
從豫章雷坎公誥玄儒諸義母止水漿不入口六七日序于  
墓次遂隱居不仕于剡中天台山開館聚徒受業者常近百  
人歆早孤讀詩至哀父母輒執書慟泣由是受學者廢蓀

坎公一  
作次宗

10-1185

義篇下沒辭焉晚節服食不與人通每旦出戶山鳥集其掌  
 上取食好黃老通解陰陽書為數術多效驗初以元嘉中出  
 都寄住東府忽題柱云三十年二月二十一日因東歸後元凶  
 弑逆是其年月日也弟子鮑灵綬門前有樹大十餘圍上有  
 精魅數見影歛印樹即枯小陰白石村多邪病村人求哀  
 于歛乃往村中為辭父老子規地作獄有頃見狐狸鼯鼯  
 自入獄中者甚多即命殺之病者皆愈又有病邪者問歛  
 曰家有何書答曰孝經歛曰可請仲尼居置病人枕邊恭敬  
 之自差也後果愈人問其故曰善穰惡正勝邪此病者所以  
 差也高帝輔政微為揚州主籍及踐阼乃至稱山谷臣願歛

玉籍

當作簿

戲說

當作亂

博學  
一字倒

且表進改綱一卷時頁外即劉思効表陳說言優詔並稱其  
美歎東歸上賜塵尾素琴永明元年詔徵為太博學士同郡  
顧黯為散騎侍郎俱不就會稽孔珪嘗登嶺尋歎共談四本  
歎曰夫中理惟一豈容四之四本無正失中故也于是著三  
名論以正之歎又以佛道二家教異學者互相非毀乃著夷  
夏論以辨其異同宋司徒袁粲託為道人通公駁之歎與往  
復論雜其詞甚暢文多不載歎口不辨長于著論又著玉弼  
易二繫學者傳之知將終賦詩言志曰五塗無恒宅三清有  
恒舍精氣因天行游魂隨物化鯤鵬通大海烟鳩之桑柘達  
生任去而善死均日恒委命安所乘向方不可駕翹心企前

魁疑  
刻之誤

覺融然從此謝自魁死日自標墓時卒于剡山時年六十四  
身體香軟道家謂之屍解仙化焉還葬舊墓木連理生于墓  
側縣令江山因表狀武帝詔歡諸子撰歡文議三十卷

庚夏論

夫辨是與非宜據聖典尋二教之源故兩標經句道經云老  
子入關之天竺雄衛國：王夫人名曰淨妙老子因其晝寢  
乘日精入淨妙口中後年四月八日禩半時剖左掖而生墜  
左掖：  
當作腋：

地即行七步于是佛道興焉此出玄妙內篇佛經云釋迦成  
佛有塵劫之數出法華無量壽或為國師道士儒林之宗出  
瑞應起欵論之曰五帝三聖不聞有佛師國道士無過老莊



儒林之宗孰出孔周若孔老非佛誰則當之然二經所說如  
合符節道則佛也佛則道也其聖則符其跡相反或和光以  
明近或曜灵以示遠道濟天下故無方而不入智周萬物故無  
物而不為其入不同其為必異各成其性不易其事是以端  
委縉紳諸華之客剪髮曠衣群夷之服擊毬擊折俟甸之恭  
狐深狗踞荒流之肅棺殯柳墓中夏之制火焚水沉西戎之  
俗全形守禮繼善之教毀貌易性絕惡之學豈伊同人爰及  
異類鳥王獸長往：是佛無窮世界聖人代興或昭五典或  
布三乘在鳥而鳥鳴或獸而獸吼教華而華言化夷而夷語  
耳雖舟車均于致遠而有川陸之殊佛道齊乎達化而有夷

下有：  
當作素

夏之別若謂其制既拘其法可換者而車可涉川舟可行陸  
乎今以中夏之性效西戎之法既不全同又不全異下育妻  
孥上廢宗祀嗜欲之物皆以禮伸孝敬之典獨以法屈悖禮  
犯順魯莫之覺弱喪忘歸孰詰其舊且理之可貴者道也事  
之可賤者俗也舍華效夷將安取若以道邪道固符合矣  
若以俗邪俗則大乖矣屢見剡船沙門守株道士交爭小大  
互相彈射或喧道以為兩或混俗以為一是率異以為同破  
同以為異則垂爭之由淆亂之本也尋聖道雖同而法有尤  
右始乎無端終乎無末泥垣仙化各是一術佛號正真道稱  
正一、歸無死真會無生在名則反在寔則合但無生之教

引者：  
當作則

賒無死之化切：法可以進謙弱賒法可以退夸強佛敎文  
而博道敎質而精：非粗人所信博非精人所能佛言華而  
引道言寔而抑：則明者獨進引者昧者競前佛經繁而顯  
道經簡而幽：則妙門難見顯則正路易遵此二法之辨也  
聖匠無心方員有體器既殊用敎亦異施佛是破惡之方道  
是興善之術興善則自然為高破惡則勇猛為貴佛跡光大  
宜以化物道跡微密利用為己優劣之分大畧在茲夫薄幸  
之儀婆羅之辨各出彼俗自相矜解猶虫喧聒何足述劾歎  
雖同二法而意党道敎宗司徒袁粲託為道人通公駁論謝  
鎮之亦以書詆歎朱昭之廣之並書雜焉

南齊

杜京產益官人顧歡招之同隱天台之歡慕今招隱峰是其遺

蹟

顧黯字長孺有賢操永明元年徵拜散騎侍郎辭不赴

戚顯

梁

戚霸顯之子

唐

朱世卿武林西小有唐隱士益官朱世卿之別墅

宋

施德操

楊璿 並見前

楊均堂編次海昌圖經作雙廟樂歌迎送神祠

元

董鎮字仲貞博通經術值元亂自海鹽徙錢山每夜靜月朗輒

登山長嘯風生海涌或悲歌泣下歸即閉門竟日卧客叩戶

謂之終日危坐不一語人莫測其際

海鹽教諭山陰

胡隆臣

董處侯傳

公諱鎮字仲貞裔出河南自強董大夫之後十二世祖符于

宣和間任進義郎于歸州曾祖文林以儒術起家為臨安司

法建炎初扈從南徙官于臨安政刑明允士論褒之遂爲家  
至延祐丙辰冬故宗駙馬諱仲溫者生公于澈里少有大志  
嘗受讀于宗室趙公範剖擊問難多所發明至順庚午既冠  
承考妣命贅于海寧錢山孫氏越癸酉聞金華許益之得攷  
亭夫子正學之傳于仁山金文安公之門乃裹糗從之慶日  
與朱彥修兄弟討論誦道發而爲文森嚴奧美精深簡古不  
事雕鐫下視騷殺他人數千言不能道者公直數語雍容有  
餘所謂朱絃一唱而三歎者也益之深器之後四年益之壽  
終公獨築居于娶喪居三年然後歸時論翕然有董處侯之  
號無間識不識皆以儒術推之東山趙子常以文名一代平

居。相親猶賴指示之益。黃晉卿于當世儒者罕有許可。獨于公尤加敬焉。謂公寔得婺源之傳。毅名赫然也。至順康辰。浙東憲府辟公為掾。辭勿往。至正甲申。江浙行臺平章爨。直舉茂才吳海昌守禦官亦推公為守備。倡鄉兵義勇以禦紅巾之亂。趙弘偉皆在南臺。廉公羊神凝遠。制行峻潔。命除征行百戶。尋授儒職。皆辭不受。公自卜歸寧里。屏跡入靈泉山中。雖避兵奔逸。往。閉戶誦讀。不輒平生未嘗註釋。惟于經史精通。默會見之躬行。間為章句。口授學者。叩之而蔽。應索之而圓轉。人或一見。則鄙慢之色。机械之巧。消鎔殆盡。以故咸樂從之。遠而都會。近而家邦。一時名房皆百舍重。奕而久。

依其家更作嘉會堂于灵泉之巔援引橫渠故事旁攝二室  
右室画攷亭小影題曰翊聖所左室書孔子儒行篇題曰儒  
隱堂予嘗一造謁焉綢繆旬日見公拳拳以斯文為己任或  
以仕進勸公行者輒駭然曰是輕宗室辱父母也我妣宗室  
淑女我雖不及食宗粟猶當為宗臣子安得忘親事虜隨世  
就功名耶一止一速曾不足掩其挺然之守此其則大所見  
浩然天地間豈區區綽約于文章之圃者與凜卓高風不隨  
于俗近沿濂洛上泝洙泗自過江來根柢宇宙百年事業幸  
哉一二見之先是都陽朱公遷授金華路學正乃相語曰師  
友道喪發學失真凡以教化不立故也鎮願湏臾無死侯君



復修教化而崇起焉又嘗以詩風有云迎俗強夫長夜語逢  
人漫戲舊時編公遷由是奮然勤于訓迪學有所得者數百  
人公寔感發之也迨今天啟 聖明誕膺熙運丁未年冬承

旨宗濂學士劉基交章荐公命下之日而公已捐館山中四  
十日矣士大夫莫不傷嘆次年戊申基便道長安往哭之題  
其墓曰朔聖董處侯鄉之士人想其懿矩既捐行以誌之死  
史矣會公道友貢師泰避隱桃源其子治託請公傳于予因  
字不誤

捷為捷  
字不誤  
捷字氏家稱  
作勝  
女當作文

謀刺歲月予念楊皇歸捷以為黃老教人門人為之立廟嚴  
君平在蜀以忠孝訓俗而郡守亦為之作傳矧公學行文章  
為海內宗師可無傳乎及讀公家卷獨以歸訪故里拜掃

丘隴為念按其生平儒行卓：真可謂不愧忠孝之大節不  
負笈學之正傳者也為之書其概云

張天雨字伯雨無咎先生之後早棄妻子隱于黃冠師事開元

宮真人王壽行風裁凝時詞源倒峽仙：乎鶴背上人也雅

善書嘗居三茅觀修玄史歷紀道家高士序曰老子玄足者也

是集不與焉尊之也作黃籙樓儲古圖史作水軒于浴鵲灣

所著出世集三卷碧岩玄會錄二卷茅山志十五卷墓在錢

塘灵石塢 明正德間或鋤地數尺犯其墓見盤坐爪髮俱

長偶傷腦破而復合其人驚惧急掩之墓中有二書携其一示

鄭栗菴

環

鄭願易以一金其人欲兼取至墓風雨大作失書所

狼烟字行  
狼烟烽

在

悼伯雨

楊維禎

黃篋樓頭仙一去，明年黃篋掃狼烟。  
烽不知天上修玄史，只訝山中伴赤松。  
石室秘書愁拊電，星池劍遺已成龍。  
思君不見夜開戶，月在金鐘帶幾峰。

題茅山外史奔月卮歌

胡奎

瑤池羿飛奪入月，竊得丹砂煉金骨。  
無何躍入龍王宮，千丈紅光射銀闕。  
茅山外史口懸河，長鯨吸海翻白螺。  
夜半銅仙泣秋露，化為萬屋黃金波。  
空歌咲落瓊臺表，傲睨乾坤一杯小。  
月中若許築糟臺，我亦騎鸞天上來。

讀張外史詩

海內詩人以寂寥靜中披卷即神交  
函閑紫氣長懷李白曲  
青山本好茅快雨送青來竹下淡雲流月過林梢令威若返  
遼東鶴定擬雲松共結巢

朱景仁素以孝友聞元季游士避地海寧景仁悉解衣推食與  
同甘苦屢徵不赴自稱白道人

明

蘇平蘇正 見前

淞字子壬  
上脫董字

淞字子壬談貫經史徒步游章楓山之門猥視家產不屑制  
義弘治中荐應敷陳王道策獻若干萬言命下禮部試沮歸或

勸之幸途口占謝曰我有腹中書不必頭上帽浮雲自去來  
雉鹿鴻都詔喜振貸家瘠晚失明号聽光大師所輯聖學全書  
真儒蓋語紫陽正脉若干卷藏于家

寓賢

宋

汪應辰字聖錫玉山人來學于張無垢先生紹興五年進士第  
一年十八任趙鼎帥幕除秘書省正字以論和議忤秦檜奉  
祠無垢謫南安交游皆絕應辰時通問不遠千里吊其父喪  
無垢嘗曰予老居烟瘴親故相絕忽思在監官時携杖與陳  
彥柔毛子父汪聖錫到郭外入僧舍論文煮茗聖錫書壁以

記字昼道劭可喜今相去遠甚為之悵然檜死歷官吏部尚

書兼翰林學士卒謚文定

陳徐儀一條  
當列汪前

陳書徐陵傳陵子儀少聰警以周易生舉高第為秘書郎出為

烏傷令禎明初遷尚書殿中郎尋兼東宮學士陳亡入隋開

皇九年隱于錢塘之赭山煬帝召為學士尋除著作郎大業

四年卒

同弟景居第

上疑同舉之凌景夏字李文餘杭人徒步從張九成游紹興二年同弟景

誦

居第二歷吏部尚書今邑城亞魁坊故其儼舍也

未待問字應之永嘉人隆興元年進士第一歷太子詹事知太

平宣福婺州煥章閣待制禮部尚書贈少師光祿大夫孝宗崇

語待問曰木姓始于何時因知所對上曰端木木子貞之姓  
其後有木虛元豈去複字之苗裔乎它日謂洪邁曰木待問  
乃卿婿乎以明經擢高第而不知姓原宜勸之讀書邁拜謝  
而出嘆曰聖主萬幾廣覽如此為士可不研博古今耶待問

嘗卜居邑中即今仁賢坊

王沆安化郡王稟之裔高宗召沆詣行在家于鹽官今有安化

坊

趙汝諫曾祖士龍江南東路鈴轄李成寇淮南圍九江士龍罵  
賊仰藥死贈武功大夫乾道七年汝諫來丞鹽官因家焉

曾叔南豐人鹽官教授見鍾必萬復廟記中邑之隱居南豐曾

級

鍾必萬

人鹽官令其撰儒學記云求田問舍欲老于海昌

之上

元

邨世聞字聞達黃縣人世百戶戍海寧民多私鹽而令甚峻犯者例與有司並治之有司欲竟法世聞曰民貧故耳不竟其法民呼邨父會張氏陷浙西嘗見從逆者切齒罵之後屏居硤石元止不食而死妻李氏以知禮稱

貢師泰字泰甫宣城人父奎以文學名家延祐至治間為集賢直學士卒謚父靖師泰早肄業曹監泰定四年釋褐出身授



從仕郎太和州判官外銀改徽州路歙縣丞江浙行省辟為  
掾尋以土著自劾去太臣荐擢應奉翰林文字內銀服除  
紹興路總管府推官郡有疑獄詳讞而剖決之小陰白洋港  
有空船飄近岫史甲二十人適取鹵海濱拾其篙櫓而船中  
死人二徐乙因指為史等所劫史傭于富民高氏并逮高師  
恭密訪之則里中沈氏販杭而西盜魚見殺史高之寃皆白  
游徼徐裕以巡鹽肆暴奪諸暨商人錢撲殺之走告縣曰私  
鹽犯人畏罪赴水死官疑其傷以疑獄釋師恭追索之竟坐  
裕治行為諸郡第一秩滿復入翰林為應奉預修后妃功臣  
列傳事畢遷宣文閣授經郎歷翰林侍制國子司業擢禮部

即中再遷吏部拜監察御史自世祖以後省臺之職南人斥  
不用又是始復舊制至正十四年除吏部侍郎昔江淮兵起  
京師食不足師恭奉命和糴于浙右得糧百萬斛遷兵部侍  
郎以京師至上都驛戶凋敝命師恭巡視整飭之歷究弊源  
驗產均徭民賴以蘇豪貴深嫉之朝廷欲仍和糴浙西因除  
都水庸田使十五年庸田使罷擢江西廉訪副使未行遷福  
建廉訪使居無何除禮部尚書時平江失守命師恭為總官  
明年張氏陷平江懷印綬棄城遁匿吳淞江易姓作凶懷賦  
士誠既納降江淮行省丞相達識帖睦迺以便宜授師恭兩  
都浙轉運使別其積蠹丞相復承制除江浙行省恭知政事

二十年朝廷除戶部尚書俾分部閩中以閩益芳糧由海道  
轉運給京師潛居海寧與諸生謝肅胡奎輩誦學寓東野草  
堂其詩曰幽人海昌住草屋向村墟擊竹頻音雀分泉漫種魚  
梨花春巷冷榆葉夜窻虛細雨篝燈火匡床正讀書劉伯溫  
先生題小桃源贈之卒葬其里寧國府志云友人守學士濂  
嘗過其家邀之置酒飲至夜分仰藥而死師恭性倜儻狀貌  
偉然既以文字知名而于政事尤長所至績效輒著尤喜接  
引後進士之賢不問識不識即加推轂故士譽翕然咸歸之  
有玩齋集行世

貢肅甫文集序

余 闕

余天性素迂常力矯治之然終不能入繩墨矯治或甚則遂  
病不能勝因思以為迂者亦聖賢以為美德遂任之一切送  
其所樂常行四方必迂者然後心愛之而與之合凡捷机变  
者雖強與之然心終不樂也故暫合而輒去京師天下蔽利  
之區也迂非所宜有常陰以求之士大夫之間得一人焉曰  
貢泰甫泰甫故學士伸章君之子能詩文少游太學有皆名  
因自貴重不妄為進取有所不可交者亦不妄與交故我二  
人者矐然相得若魚之沫于江獸之走于林也嘗泰甫為應  
奉翰林文字因多暇日即與聚榼有蔬一品魚一盤飲酒三  
行或五行即相與賦詩論文凡經史詞章上下治亂賢否固

書彘器止不言者意少適即連轡適市據鞍譚詭信其所如  
而止及暮止所止則相與問曰將何之皆曰止所之也乃各  
策馬還自古暨今王公貴人能求賢常少然自至元初奸回  
執政乃大惡儒者因說當國者罷科舉擯儒士其後公卿相  
帥皆以為常然而小人賤隸亦皆以儒強詆當是時士大夫  
有欲進取立功名者皆強顏色昏旦往候其門媚說以妾婢  
始得尺寸此正迂者之所不能為也因翱翔自放止所求于  
人已而皆無所遇予既歸淮南泰甫亦以親嫌辭官除紹興  
推官不相見者為最以去年太原賀君為丞相蒐羅天下人  
才之有政譽者而泰父之治為浙東西第一乃復得召為應奉

余遠入朝為侍制相見益歡計其別十年矣吾年少于泰甫  
鬢髮皆白而泰父銳然面紅白如常出其別後所為詩文甚  
富且大進益知泰父真豪士也夫以士之賢止所遇而淹于  
下僚宜悲憤無聊而不能盡也顧乃自樹卓卓以其餘力而  
致勤于文學且其貌充然非其中有所負蓋不能耳然則吾  
泰甫之迂又過我遠矣夫古之賢士多不兼于文藝文藝雖  
卑而世方貴而傳之者愛其人故也不賢者之于文藝雖極  
其精人猶將賤之亦何以為也泰父忠孝人也其功名事業  
當不待文與詩而傳而况于兼有之耶余昔與之別今見其  
文如此今又當別去計相見時又必有過此矣于其行也序而

識之

送有亭侄還錢塘

貢師泰

客路下  
脫風字

嗣家諸姪仲容賢客路飄雪滿顏曾為頌椒留子美却思戲  
蠟爰僧度十年江海三盃酒萬里溪山一釣船何日兵戈得  
休息敬亭風雨共歸田

送貢尚書入闕

楊維禎

繡衣經畧南來後漕運尚書又入闕萬里銅盃開越嶠千艘  
升斗買者人香薰茉莉春醒重葉捲栢柳晚饌頻海道東歸  
閑未得法冠重戴髮如銀

送尚書貢先生入闕

胡奎

續敘續  
疑續之譌  
沐當作沐

敬亭山下秋雲飛錢塘江頭風露微三更南斗海崖出入月  
白鴻天際歸椰子栢柳南出遠荔枝龍眼北來稀明年漕運  
歸來日好為君王補衮衣

劉基字伯溫青田人元季游海寧客黃灣賈氏見其富而好礼  
依之度其無成但擇莖而去

明

徐一夔字大章天台人值亂客黃灣馬氏授經三年一夔以名  
儒終杭州教授

何得舉 晉江人洪武初進士以海寧令德惠及民秩滿

占籍海寧後改寧府紀善致政還居雙仁巷莖城西子熙南



京光祿寺署丞詩集傳世

方扶書函附

唐

顏真卿 見前 宣和書譜顏真卿書點如墜石畫如夏雲鈎如屈

金戈如發弩此其大概也至其千變萬化各具一体若中興

頌之闕偉家廟碑之莊重仙壇記之秀穎魯元小銘之深厚

又種、有不同者蓋自有早年書十佛寺碑已與歐虞沈莫

年之筆相上下及中興以後筆力迥與前異亦其所得者愈

老也

黃山谷曰觀魯公此帖奇偉秀拔奄有魏晉以來風流氣骨回

視歐虞褚薛徐沈輩皆為法度所窘豈如魯公肅然純墨之外而卒與之合哉蓋自二王後能臻書法之極者為張長史與魯公二人其後王少師頗得彷彿但少規矩復不善楷書然亦自冠絕矣

顏太史以僧懷素為同學鄔兵曹弟子問曰夫草聖與師授之外湏自得之張長史觀孤蓬驚沙之外見公孫大娘劔器舞始得低昂迴翔之狀未知鄔兵曹有之乎懷素曰似古叙脚為草書監率之極真卿微笑經歲月不言懷素又辭去真卿曰師監學古叙脚何如屋漏痕懷素抱顏公脚唱賊、久之

頽况見前 工書焦小瘡鶴鳴銘號為絕筆無長小幅學求知新  
亭監曰欲貌寫海中小耳

宋

張九成見前 公真草橫斜曲直有張艸聖之筆刊之琬琰燦然

可觀縣令趙汝船鐫其尺牘行世見張察家傳

周必大題無垢手書曰永嘉陳仁同僚期月端方篤寔相助

為多臨行出無垢張公與其先君子手書二十幅乃知父師  
淵源有自來矣其云大學一篇學者入聖域遠路又云聞見  
所得不如踐履之深又云接事過物于不可意處試吾所得  
最此親切者又云開目前視六十以前已行是非自進自退

占一快也凡是四端所以修身所以誨人周禮尽在魯矣尺

牘云乎哉

張少良進士舊時坊治皆其遺署

元

張天雨

見前

伯雨初見趙子昂喜其作字勁健贈以雲麾將軍

碑墨令師法之書遂超越飲酣伸紙作大草尤妙小楷變率

更家數世稱二絕獨于畫未工或引敗筆點綴木石人物亦

有賞適蓋論意不論象也

明

貝國器郭店鎮人徙邑城烏鵲橋有異術弟子欲學之不得也

楷善  
疑書之誤

乃俟其遠出將開筭竊其書發之則國器在筭中吳元年與  
缺冠道人張中游白下同宿值高皇帝微行假榻焉枕于  
斗國器夜出視天曰帝星臨斗帝遽昂首聽之張中曰尚  
離尺餘也帝大驚明日召二人至問國器以國器對曰當  
是大明問張中以年號對曰當是洪武皆帝心所默定者  
益異焉後恐惑衆將殺之竟隱形不復見

胡奎見前作字不俗

王賓許性朱祚並善楷善應荐見前

唐俞字聖言能書繪教授里中輒課詩督學使者桐城阮鶚表  
其門逸史所著樵吟錄行世小景十尺飛流萬丈岩不知雲

外幾青山是誰端高倚林端閣身在芙蓉紫翠間  
客在殘燈  
半壁向人明孤坐無聊夜幾更白日清霜隣杵急北風南雁  
客心驚蹉跎歲月潘郎鬢牢落貂裘子情回首家園雲樹  
杳獨憐踪跡似浮萍

沈一鳴字平叔幼失學倚壁竊聽為村塾師喜寫花鳥以介特不

適于時所著秋吟草春閨春閨夢難斷春歸人未歸去年隻

燕子依舊拂簾飛田家女自分田家女來歸游冶郎欲隨郎

意好新學画眉長山中小寒号揉落一日雨中聲雜取階前

葉聽來自不同紅芍藥牡丹開尽見紅粧畫倚迴欄日更正

長疑似漢宮春宴罷美人三五醉瑠床

日更  
字疑衍

周琰字無瑕邑諸生工寫蒲萄氣韵生動詩亦清俊所著疑夢  
篇唐詩選脉行世晚輯廣孝錄乙酉八月值危疾夢人揖至  
冥府以廣孝錄未終卷重得甦年八十三

陳琳字魯直太學生選授光祿寺監事少游董太史其昌之門  
太史所  
著疑  
書之藹  
工行楷好購名蹟太史所著添華經七卷石刻藏于家藝林  
珍之

陳玄暉字倣真官湖廣叅政書添道勁可喜

烈女

唐

殷氏顏惟貞妻惟貞早亡子真卿尚幼殷氏躬加訓導

宋

諶氏安撫司將官楊奉直妻奉直逆駕南渡留臨安未幾金犯  
臨安奉直在軍子由義年十七氏挈由義及幼女避地鹽官  
金騎踵至氏仰天泣謂由義曰汝父必死國難我豈偷生以  
虧義乎遂携女沉于運河

元

孫氏農家女適杜保二生男方晬保晬保二沒氏矢不移跡撫  
其孤克長至正十九年旌表士大夫顏其堂貞節吉水解縉

有記

孝氏百戶鄒世聞妻以知禮聞

見府志



明

鄧氏婦沈鉉二十八歲孀居舅閔其少守義不屈洪武十七年  
旌

董氏錢小董鎮女適朱士廉方二十四歲矢節撫孤洪武間旌  
臨川聶大年有傳

王氏朱士賢妻

王氏節孝堂詩序

楊士奇

海寧王氏女嫁朱士賢早死王氏年二十六一子始生舅  
姑閔其年少強使他適王氏以死自誓未幾舅姑沒鬻其奩  
中物以葬其父母止子紡績織紝以養止所缺之母病顛

天割股和藥潛以進母病遂愈人皆以為孝感王氏雖經紀二  
氏而不動其夫所為一物以待其子之成立也人皆以節孝  
稱之其子既長字曰明善尤尽孝道人皆以為天報之也明  
善既新其室為華堂奉母而鄉人遂以節孝名其堂翰林曹  
吉士景暉來請記曰俾有勸也予職在太史烏能已于言哉  
王氏以一女子不為欲動情勝毅然自處難矣而又能使兩  
家咸不落莫是能以義報夫以正事其舅姑孝事其父母而  
以身教其子有若明善之賢也豈不尤難乎哉庶幾可謂令  
德其節孝有不待言而其才亦可羨哉世之男子有不如王  
氏者能無其愧與然世有喜為膠固不通之論者恒曰有才

非婦人也有善非婦人也不論常安而拘以一律夫豈可哉  
蓋婦人處人倫之常閨門內上有賢夫下有才子而強務家  
政者難不得謂賢可也若處人倫之變夫死子幼舅姑死父  
母獨如王氏者而其才不足以經紀兩家則亦可道哉若有  
其才而不用則又將何以全其節孝哉故若王氏者宜傳之  
世以勸則人家之絕而復續危而後安者將必多有之非徒  
以傳誦王氏之才其有功于世道而不 少矣此于二南以  
何媿也

孫氏孫敏女適郭彥昭籍太監沒都門氏扶柩歸葬年二十七  
斷髮絕姑意正統四年十二月丁丑旌

金氏適楊宗文年二十九守節不渝家貧姑老子幼養生送死

志不違祀守節五十八年宣德八年九月乙未旌

賈氏諸生祝湍婦婚三載啣哀立志成化二十三年旌

平氏孫復生妻復生逆叔璋之廣西道卒氏：艾砥節六十餘

年

范福貞適朱銓，卒剪髮示志弘治十七年旌惠安張岳有傳

嘉興通判姑蘇王渙伴剪髮賦畧曰思是身不可以再得猶吾

髮不可以再續乃入錦緯握絲一束乃引金刀矢天三囑謂

生斯者父母而結斯者夫子垂地覆面痛徹骨髓以心比髮

以髮比死長縷斷兮雲散綠泪血濺兮刀痕紫掩鏡擲髮抱

節沒齒非李妹之委地而自嘆家止非玉環之剪髮而窈希  
罷旨壯矣此髮昔青今白對孤影而謝以膏以沐歷八旬而  
非一朝一夕冰炭在心霜雪在頭誰謂髮柔堅兮礪石誰謂  
髮短節兮千尺是髮之烈古有所似為竇氏女真為王凝妻  
臂又似忠臣有死無二為常山舌為吳門皆為王子心為友  
小體於乎噫嘻有節者無髮而有光無節者有髮而無義懷  
彼二心而不如婦人者當如王旦之削髮何高弁戎冠而擁  
位

題范節婦剪髮卷

禮部郎中建平

潘潤

一自君卿賦玉樓百年情事付東流黃昏燈炷無塵夢午夜

雞穀誦栢舟短髮已看霜雪暮丹心無黍汗青收區、莫尽  
褒揚意兩世共姜重海取

朱節婦范氏剪髮歌

南京刑部主事

沈弘道

香雲擾、滿鏡青一截不惜何心情當初櫛沐約紅繩亦曾  
暗照黃金屏無端一夜炸風零鳳兮鳳兮去不鳴悵恨此身  
死未得孤娥夜冷蟾空明一尺虛高舊時髻寸心已灰無一  
星晨雞暮鴉愁苦心百年春夢迷旌銘如何織言動鉄石剛  
腸怒轉霜花白柔指哀彈寶鉄寒片時已失頭臚黑荒涼古  
月照斜痕日夜酸風射蘭壁嗟哉一女真壯烈鼎重綱常鎮  
不滅回盼頽風激清涼松檜真姿表孤節紛、賣國占何多

面顏剝落餘赤熱

朱節婦詞

陸 坤

覽物類于霄壤或比翼而交柯曰百年以為期胡背捐于頃  
俄誓相從于地下彼厥宗之謂何要在保之遺孤恙有待于  
撫摩斷蟾環以矢天兮甘醢糲而斥綺羅意孰能以干犯兮  
凜在匣之太阿春與秋其代序兮此心常有升水之不波堂  
階裏其未涉兮循中正而無頗昔紅顏之婉、兮今素髮之  
、完玉節而無玷兮姓氏上達于高坡 皇降勅以褒旌  
兮偉綽楔之巍峩後與先其相輝兮繫一門胡節之多慨絕  
絃之少婦兮或鼓罷而泣歌塞朝烏之相誓兮而夕烏已有

永磨永  
疑不之誤

佗羞靦面以厚顏兮矧反目與操戈雖苟得失榮華兮曾不  
免夫唾訶視節婦之雖死兮其名則耿而永磨激頽風而  
使回兮屹巨障于長河聊陳風以告戒兮與柏舟而同科

董氏適朱俊三載撫其孤鑑初勺飲不入口以宗戚力勉始強  
食哭不絕赦後當道表為慈節

戴大賓 編修  
629

兒哭兒  
下脫勿字

望夫歸夫歸定何昔兒哭夫不聞妻哭夫不知此身不惜化  
為石汝兒無母當怨誰芳州年、青吁嗟夫兮歸不歸  
兒 哭兒哭傷母心汝翁棄汝去汝母愛汝不敢嗔何日兒  
當言何日兒當步母養兒兮苦復苦吁嗟兒兮莫作潘郎負



阿母

王氏遠查模弘治十七年旌

施氏遠郁成正德元年旌

青銘：  
當作鉛

吳烈女慶真靈泉鄉吳初女甫笄許字何謙會謙大遂屏膏銘

矢志二親閔其年少慶真哀慟竟日事寢二親沒益哀毀兄

嫂令宗姻為諭意覲嫁慶真破鏡矢絕无嫂以析爨苦之遂

依幼弟景輝織作八年如一日弘治丁巳冬塋謙慶真偕兄

弟往奠夕欲自尽者三姑防之晨遣歸閉寢室自縊年二十

八祔謙墓事聞知縣崔昊立傳

贊

知縣

易

養

春風桃夭六禮初交夫婦既定山岳不搖破鏡埋光孤鳶況  
影一身網常重于九鼎倬彼高岡馬鬣其中生不同處死則  
同封嗟哉烈女節義完備所讀何書不識何字

知縣

曹珪

未親夫面與夫止不比尋常見女行白髮尚然移晚節青年  
誰肯棄春光身歸泉下乾坤老名在人間草木香我亦等閒  
非出類為渠千載泣網常

徐寬

分析  
書作析

初妾納君幣永言諧宿願許身兼許心識名未識面今君先  
妾逝連理忽分析一女無二夫比翼不單活骨合同君瘞魂

合漢君游奈此白日光陽彼黃泉迷妾命州一荃毒心金百

鍊捐生赴冥期庶與君相見

朱淑<sup>妙端</sup>真尚寶司卿祚之女永樂癸卯生年十三喪父歸光澤教

諭周濟才情婉麗工于詩賦年八歲所著自怡集

游仙詞

洞天春暖碧桃芳瑤草金芝滿路香吹徹玉簫天似

水笑騎黃鶴過扶桑

秋日見蝶

江空木落雁聲悲霜染丹楓

百草萎蝴蝶不知身是夢又隨秋色上寒枝

長信

長信

### 沈香作沈

深沉天路送玉塔涼露濕宮袍不辭團扇輕拋擲雙燕俄驚

別舊巢

明妃

玉容憔悴向胡天為惜黃金悞少年堪笑君王

重殺色丹青不画夢中賢

虞姬

力尽重腫霸氣消楚歌聲斷

此難招貞魂化作原頭草不逐東風入漢郊  
金陵懷古 石城

風起浪聲齊六代興亡動客思吳苑落花啼杜宇宋臺荒艸

走狐狸殘香猶染胭脂井遺恨空傳碧月詞誰道鍾山佳氣

歇真龍又見起鍾離  
秋夜 月轉梧桐夜未央繡屏斜裊篆爐

香金風初起桂花落玉露無聲秋夜長碧海望窮仙路遠紫

簫聲徹晚天涼乘槎欲共天孫會惆悵銀河路渺茫  
春風 濕

雲漠、雨如絲花滿西園蝶未知金屋曉寒鶯語澁画樓春

曉燕歸遲宮桃有恨啼紅淚烟柳多情斂翠眉檀板金尊久

寥落孤城愁聽角聲悲  
靈山懷古 萬里中原戰血腥宋家南

渡若為情忠臣有志清沙漠庸主無心復汴京北塞春風啼

蜀魄西湖夜月照  
珠第百年興廢空  
陳迹回首吳山落  
照明

惜春

桂樹游絲  
將飛絮輕狂  
杜宇喚將春去  
小桃落

盡紅香  
竹枝詞  
西子湖頭賣酒家  
春風搖蕩酒旗斜  
行人沾

酒唱歌去  
踏碎滿階山杏花  
橫塘秋老藕花殘  
雨吳姬

蕩漿逐鷺起  
鷺鷥不成浴  
翩飛過白鷗灘  
病中作  
剔尽寒

好夢不成  
擁衾危坐到三更  
不知何處吹羌笛  
落尽梅花月

滿城客中即事  
華屋沉乳燕飛  
綠楊深處  
轉黃鸝  
疎簾不

捲薰風  
靜坐看庭花日影移  
染甲金盤和露搗  
晴霞紅  
運織

玉笋芽翠袖籠香  
理瑤琴綠陰新  
綻海棠花  
湖曲  
湖光山

色映柴扉  
茅屋疎籬  
客到稀  
閑摘松花釀春酒  
旋栽荷葉製

秋衣紅分夜火明書屋綠漲晴波沒釣磯惟有溪頭復白鳥  
朝：相近亦忘机 白苧詞 西風肅、天雨霜館娃宮深更漏  
長銀臺絳蠟何煌、笙歌勸酒催華觴美人起舞雪滿堂清  
歌宛轉飛雕梁君王沈醉樂未央墓前月落天蒼、

居貞娥造呂詢、病瘳不省人事尋浚姑園奪志不可分出之  
北鄉田舍携柩往寒飢三十年死許給事相卿合葬詢橫塘  
作傳稱貞娥以雖有家猶終處室焉娥之貞云爾嗚呼微給  
事娥其晦矣

虞娘錢山董湄妻少慧知書年十六歸湄浹月湄暴卒娘慟甚  
屏服飾絕笑語刻木像事之十五年精誠之極若有盼響男

火之燭壽五十二晚作璇璣圖未及續以沒  
題畫菊移種陶  
家未及煉淵明去後色添愁抱香甘向枝頭死不墜飄風逐  
水流  
咏竹  
一片貞心古井泉清寒徹骨自堪憐相看歲莫青  
色歷尽冰霜戴一天  
新曆  
靜守深閨不記年又領新曆到  
粧前任他春色年一換一點貞心古井泉  
題扇圖鴛鴦樹頭  
鴛鴦安分獨栖遲縱使飢寒迫何心棄舊枝  
祝親姑壽  
愁緯裡拈香祝壽堂肉顏消夕色老貌淡秋霜白首新添  
綠紅塵不染卿吾姑形鶴鳥巢近舊池塘

### 傳論

婦以節事夫義也然時遇迍遭全于堅忍机来眇忽貴于决

草命早  
當作早

耕死耕  
當作耕

從決逆俄頃而堅忍將終身焉故一節也惟昔與幾而難易  
慰矣是故江漲待符貞姜溺旅舍斷臂王婦決惡疾偕來宋  
女貞早寡終養孝婦義自刑全節梁行高浴室卑舍陰妻壯  
殘形顯操魏婦激投涯耕死二竇勇血書清風王婦烈祀殿  
血像譚婦灵是其節何可軒輊而難易是非一律也故仲由  
結纓王蠋伏劍概之胡廷十九年不屈之臣同一篇耳而子  
卿險報倍十百矣篇婦不云悲夫

吳氏諸生周東妻生子踰歲東卒子亦殤氏年十八事堂上人  
不失

章氏朱璋妻沒時子僅八月氏欲殉之姑力慰諭竟撫其子衣



舊鄉舉終湘潭令

陳氏貢生徐燃妻嘉靖丙辰避倭惧不自免携季女投河絕燃  
裾使母援也皆女婦多殉節惜失其傳

徐氏談輔妻輔夭隻影存孤知縣許天贈其閭

李氏毛穎妻年二十三守志屏華飾足不越戶矢節四十一年

子鳳章 府志

范氏硤石嚴執中妻萬曆 年旌表

徐氏造諸生查懋功早世氏年十九破鏡見志慈谿觀察劉憲  
龍作破鏡行君不見一殼旅雁叫孤雛帶月飛來影自踈又  
不見蕪原城頭返哺鳥歸飛提：鳴鳥：人生節孝當如此

烈婦聞之泣不止憶昔當年嫁與君頻望妝臺祝鏡神願作  
松蘿千歲古與君叢栖共一身詎知變起不須臾白日黃泉  
路忽殊閉玉埋香寧復旦庭臺寂寞誰相愉幾番欲壅青丘  
艸回首高堂不敢道無夫有婦應同死有母無兒伏誰老可  
憐此恨無人說哭把菱花對君折送今罷却黃金妝寸心暗  
誓南樓月為君養分濕與清為君守分名和節昔將黃鵠故  
雄心甘讓栢舟之死烈吁嗟此媼今古稀高標勅氣天地齊  
我今擊節歌破鏡西風一曲鵬鴟啼

半鏡贊

茅坤

嗟彼鏡兮圓如月半而剖之光如缺一以寘于夫之懷一以

苗為婦之珠生同衾分死同穴千秋之下化作雙龍劍今雌雄  
相隨共起忽嗚呼茲所謂嫠宿之精分子書之名不滅

茅氏居翼隆妻年二十二而寡以死節著

朱氏諸生俞履禎妻年十八守志四十年編素不改止子族里

不以聞

馬氏黃岡孫率祖妻年十七遭痛苦節五十餘年宗伯董其昌

贊 珩璜為飾幽蘭為佩玉之潔不可湮蘭之香不可絕斯

與古今之貞婦壽母並嬪則而稱女宗者同根而共節雖君

王築臺猶非其所胥又何有于官司之棹楔

許氏黃岡馬鍾英妻氏素知書撫派康禮嘗作詞寄意天啟

年氏第比部許令典上疏得旌

沈氏魏印妻氏少艾隣人陸萬年每嘲言相屬印偶出萬年乘  
夜撬門入其室氏堅拒奪其帽大聲呼救萬年奔脫夫回告  
以故訴縣隣人邀之歸置酒相勸氏曰吾不得為魏而婦矣  
晨起飲酒死以見志

王在晉西湖小草

莫氏陳 妻吾里中佃婦夫沒族人覬嫁之誓不絕穀今依其  
子差足自食雖微賤自不可掩

談 遷

刀上月刀  
當一作初

荷鋤朝夕伴耕桑業笠空遺轉自傷  
泪眼不啼刀上月寒砧  
惟接嫁時裳髮逆雲亂羞臨鏡舌為天  
高恨下堂十畝青苗

陳祖孝妻  
錢氏生元  
甚烈名  
多為傳  
此圖不  
也

應已足知無丹穴動秦皇

郭氏太學生陳祖業妻崇禎年嗣子之暹上既得旌

高氏硤石王化成繼妻化成補郡諸生試報冠軍有雋望孝友

無間惜賣志以沒化成在日事親曲尽氏力助之廩餼館穀

毋少松焉初氏割股愈母疾蓋至性然矣化成中棄勵志撫

孤不替其業當道嘉重焉

趙氏東莊村趙退菴女遠頤少娶奉姑張氏克如礼姑危

疾割股之而愈談遷作孝婦傳

高氏硤石孝廉沈端婦嫻于内則能詩朗潔可誦遺稿若干首

嗣刻

14-2-105

朱氏祝以旃婦年十八結褵以旃嘗夢謫仙見攜墜河死婦居  
貧洗紵手織紵自度粟可五合許歷四十年如一日一侍兒  
自隨分甘縮苦及筭遣之不忍割固遣之則泣教行下曰奈  
此伶仃者何迨遭十載始去：未幾所天殞歸節婦者終其  
身至誠感人亦一異也

卜氏硤石周宗彞妻弘光乙酉宗彞團鄉兵舉義八月望北兵  
猝至氏知禍携其子投池中遂死者甚衆

沈茂華女年十七歲值北兵自縊至第三日其家始知置米櫃  
中焚之

潘氏硤石沈華樞妻弘光乙酉八月北兵至沈被執氏計脫其

夫佯送賊至王店鎮投河死觀者義之

沈氏諸生徐元嘉妻家邑城乙酉七月見掠北兵不屈死

諸生周佩蘭婦褚氏北兵至抱血孩投唐氏池中

宋氏灵泉鄉願 妻丙戌秋北兵來其里捕盜欲汚氏奪身

投河仍被殺

葛氏妻蔣氏被掠投河死嗚呼節婦俱多惜失其傳

仙釋

褚伯玉監官人東晉時居南霍游行諸山上虞吳曇授許椽書

西嶽公禁土符

許椽為上計椽主簿書也

及楊中書黃制席豹符書也

寧乙丑年真降受真誥

凡二短卷常帶自隨至梁大同二年正月元日

駕鶴登天至今有霍林宮在寧德縣霍童山

晉

葛洪字稚川句容人家貧好學伐薪買紙筆且錄且讀杜門卻掃不妄交游南海太守鮑玄妻以女授洪內養之術都督秘辟為尉以平賊功賜爵關內侯不拜聞交趾出丹砂乃乞勾漏令許之嗣後歷覽名勝遺跡最廣偶至硤石經年去之今紫薇山丹井又縣東北十六里丹窰存其跡

唐

馬湘字自然世邑人湘獨好學貌寢善飲棄家遠游過道者携入石井令致書于蜀旋出稱石井仙常醉墮雪溪經日夜不



濡出口邊項羽招飲時隻拳入鼻又指溪水令逆流指柳逐  
水指橋斷而復續常州刺史馬植飲之即席種瓜于甌頃刻  
秀寔剖之甘又周身取錢無筭投井中呼之一：飛出叔者  
失烏符逐鼠、成群出城吞每賒酒于白塔巷出囊藥化賣  
酒鉄器為紫金 游越州經洞岩禪院方齋湘與婺州道士  
王知微弟子王延叟入不見礼去之宿諸暨南店中去院七  
十里夜有跡者至二僧懇曰諸僧失候至今不得下床幸免  
之湘戒以此後毋然嘗求菘不獲昼鷺飛啄其菜主人再三  
逐之又画犬走敗其圃主人懇免收鷺犬入懷菘如故南游  
霍童山逆旅夜辭之湘走入壁永康天宝觀有大枯松曰三

鞠然鞠

疑砌之為

推塚推  
疑掘之謫

千年餘矣即化石果然游宮餘觀岩洞多題詩或以疾告杖  
擊其處腹疾則杖指其口吹之如雷聲即愈或折薪呼而與  
食止不差跛騎者杖叩之立舒所受餽以遺貧者一日返而  
兄出語嫂曰吾欲析兄東園語畢遽卒兄葬之東園是夕鞠  
然有聲皆大中十一年明年東川奏劍南紫梓潼縣有道  
士馬自然白日上昇湘在東川語人曰吾羽化浙西今又奉  
玉皇詔耳勅杭州推塚僅竹杖存

馬自然

昔日曾隨魏伯陽無端醉卧紫金床東君謂我多情懶罰  
人間作酒狂

登秦望山

太乙初分何處尋空宙曆數變人心九天日月移朝莫萬里  
山川自古今風動水光吞遠徼雨添嵐氣沒高林秦王漫作  
驅山計滄海茫：轉更深

唐

悟空禪師齊安俗姓李生昔神光照室有異僧指目之後嗣祖  
道有僧問大梅如何是西來意大梅曰西來無意師聞之曰  
一个棺材两个死漢師一日喚侍者將犀牛扇子來侍者曰  
破也師曰扇子既破還我犀牛兒來師識宣宗微時暨即位  
號安國師佛法由是復振卒葬安國寺西勅謚悟空禪師會

昌壬戌十二月廿一日朝散大夫行尚書吏部員外郎上護  
軍賜緋魚袋盧簡求撰鎮國海昌院禪門大師塔銘云禪師  
名齊安則知鎮國海昌乃安國舊名而師亦嘗有禪門之號  
尋值毀壞宣宗即位重修佛事簡求再題陰時大中壬申十  
月一日銀青光祿大夫使持節都督壽州諸軍事壽州刺史  
兼御史中丞充本州團練使上柱國范陽縣開國男食邑三  
百戶盧簡求紀于碑陰

長慶慧稜禪師姓孫氏年十三于蘇州通玄寺出家遂叅靈雲  
問佛法大意曰驢事未去馬事到來師往來雪峰玄沙二十  
樓簾樓  
當作捲  
年間坐破七个蒲團不明此事一日樓簾大悟頌曰也大差

也大差捲起簾來見天下有人問我解何宗拈起佛子臂口  
打峰舉謂玄沙曰此子徹去也玄沙曰此是意識著述更須  
勘過始得晚上堂問訊峰謂師曰偈頭陀未肯汝在寔有証  
對衆舉來師頌曰萬象之中獨露身惟人自肯乃相親昔嘗  
謬向途中見今日看來火裡冰峰乃願玄沙曰不可更是意  
識著述後唐長慶三年坐寂

宋

文惠禪師守璋姓王幼以試經度為僧潔修善詩所著柿園集

國經作文惠

講師松園集紹興二年春孝宗幸圓覺寺見集手書其晚春

詩及邑人王恕和詩以賜寺僧惟仰德信

晚春

艸深烟景重

林茂夕陽微，不雨花猶落。無風絮自飛。王恕天與清才壓孟郊，品題光景到纖毫。春工十絕搜尋苦，從此詩名日更高。

高宗賜守璋詩

古寺春山秋更妍，長松修竹翠含烟。汲泉擬與增茶興，暫就

徑山下僧房借榻眠

德明姓顧，守璋弟子。紹興十八年，禮徑山。歇了禪師，夢獲

月入寺心竊異之，問答相契，為留四年。嘗觀涵以杵通竹節

一作先有教，豁然有悟。其徒號為竹筒和尚。二十三年，勅往崇光顯

孝寺。二十五年，再召入慈寧殿，升座說般若。賜法衣，且給牒

澹臺：度其徒一人，有澹臺竹筒和尚語錄行世。  
一作堂

惟尚姓曹七歲出家師事慶善寺元辨徧叅名宿晚歸壽聖禪院年六十七葬院西張無垢先生碑銘曰道在方寸文字莫宣可以神會難用語傳偉哉禪師識超幾先挽而莫齒歟然逝川橫翔意外高視大千節如霜筠杙如電鞭嗚呼往矣其

誰繼焉

智標姓朱感夢為僧叅賢首宗教住常州華嚴院禳旱而兩孫尚書稱之後以寒食日集衆說偈而逝嘗建塔審山

元

慧日姓金號東谷叅天池元翁禪師遂契宗旨後于硤石圓覺蘭若以闡玄風有東谷語錄 十猫頌行世

明

普智姓葉幼聰敏于本邑華嚴院出家奉禮希古尚法師傳首

宗教真誠澹淡壽七十三茶毘後齒髮根不壞塔安國寺東

克諧字古音天台奚氏子幼讀書一日成誦年十五辭家往上

虞法果寺僧曇郁得度又走娶之雙林見南翁凱公詢咨道

要嘗侍成祖于燕邸受賜南還辛巳十一月三日坐寂茶

毘後得五色舍利

宗解姓王海鹽人幼聰慧十一歲逆硤石廣福院僧弘道出家

後逆無際任禪師引叅海門天真和尚舉狗子無佛性語言

下有悟辭歸深得圭峰禪師之真旨





海昌外志

東林談遷孺木著



叢談志

金石不同質玄黃不同采殼色所不遺也邑沿革不一其事散見于諸家曰祥異曰古蹟曰立墓曰佚事博徵而詳覈之如獲珙璧作叢談志

祥異

吳

赤烏十二年冬十二月寶鼎見臨平湖中因稱鼎湖初吳人掘地得銀尺上有刻文吳主因改元天冊又得小石青色長四

寸廣二寸作皇帝字改元天璽是年湖開晉咸寧三年吳人或  
言于吳主曰臨平湖自漢末穢塞長老言湖塞天下亂湖開  
天下平近者無故忽開此天下當太平青蓋入洛之祥也吳  
主以問都尉陳訓對曰臣止能望氣不能達湖之開塞退而  
告其友曰青蓋入洛者街壁之事也

晉

武帝時臨平岸崩得石鼓扣之無聲以問張華對曰須蜀中桐  
木刻魚形扣之果聲聞數十里

安帝元興二年冬十月臨平湖水赤桓玄諷吳使開除以為已  
瑞俄而玄敗

宋

文帝元嘉十八年秋七月吳郡鹽官獲白雀太守劉禎以獻  
元嘉二十四年白雀產于民家

齊

武帝永明三年富陽民唐遇之作亂會稽太守沈文季發吳嘉  
興海鹽官民丁救之賊分兵出諸縣鹽官令蕭元蔚逃走  
永明七年夏六月鹽官獲白雀

永明九年鹽官縣石浦有海魚乘潮來潮退不得去長三十餘  
丈黑色無鱗未死有殼如牛土人呼為海燕取食之此京房  
所謂魚孽也

梁

天監七年邑人弘靈度井中放光三日不止獲銅僧伽像因舍宅為寺即今慶善寺

陳

高祖永定二年十二月壬申割吳郡鹽官海鹽前京三縣置海

寧郡屬揚州

陳

禎明元年冬十二月臨平湖久塞忽自開後主患之自賣寺為奴以獸之尹遂昌曰吳臨平湖開而吳亡陳臨平湖開而陳滅陳主不知修省自賣為奴則何益哉

唐

玄宗開元九年重築捍海塘廣二丈高一丈長一百二十四里

貞元六年夏大旱

文宗太和元年春大疫

太和四年夏大水

僖宗乾符六年會師雄寇二浙杭州募諸縣團鄉兵千人臨平

董昌錢塘劉孟安阮結富陽聞人宇益官徐及新城杜稜餘

杭凌人舉臨安曾信各為都將號杭州八部

宋

神宗熙寧元年十月詔杭之長安秀之杉青常之望亭三堰監

護使臣並以管幹河塘繫術

熙寧八年縣自八月地產物如珠可造飯水產菜如茵可為菹  
民賴以充食

政和二年七月兵部尚書張閣言錢塘水江比年水勢稍改自  
海門過赭山即回薄岩門白石一帶北岫壞民田及葢亭鹽  
地東西三十餘里南北二十餘里詔修築之

政和六年閏正月知杭州李偃言湯村岩門白石並錢塘江通  
大海日受兩潮漸致侵啗乞依六和岸用石砌壘乃命劉旣  
濟修治

宋史

政和丙申 杭州湯村海溢壞居民田廬凡數十里朝廷降鉄

符十道以鎮之壬寅歲鹽官縣亦泛溢縣南至海四十里而  
水之所嚙去邑聚才數里邑人甚恐十一月鉄符又至其數  
如湯村每一符重百斤正面鑄神符又御書呪貯以青木匣  
府遣曹官同都道正管押下縣：建道場設醮投之海中初  
鹽官自授符後稍：沙漲前此經制司差一武經郎路升措  
置水利乃欲築長堤以捍潮勢其論尤迂誕杭帥翁彥國笑  
曰平生且不見人修海

泊宅編

淳熙二年兩浙漕臣趙璠老言臨安府長安腴至許村巡簡司  
一帶漕河淺澁請錢米發兩岸人戶出力開濬

建炎三年三月高宗南渡庚辰發秀州次長安閏辛巳次杭州



陳璣日曆

紹熙元年春大疫

鹽官令陳恕築二十五里塘民利之作甘棠隄

紹熙二年飢米斗千錢

孝宗乾道四年十月四日上閱武茅灘三百騎前一日于楮山

打圍射獵兔俟教陣畢以射到獐兔至御臺下進獻

慶元三年秋七月螟

嘉定三年五月鹽官大水溺死者衆十二年潮決平野二十里

蜀山淪入于海聚落田疇失其半壞鄉田初有巨魚橫海所

民商食之海患六年始平

端平四年大飢

德祐二年正月壬午元伯顏至長安鎮其將唆都阿荅海皆以

兵來會宗丞相陳宜中違約不往甲申伯顏乃進次皋亭

丞相文天祥屯餘杭閩人林琦結集諸山忠義捍禦海道

文  
山集

元兵之伐宋也分三道入臨安董文炳領左軍沿江入海循  
海而南由華亭澈浦次于鹽官鹽官待援招之不下將佐請  
屠之文炳曰縣去臨安僅百里殺勢相及臨安約降已有成  
言吾輕殺一人即害大計况屠一城乎于是遣人入城諭以  
大意守者遂降世祖時高睿為浙西肅政廉訪使時鹽官民

有結党持郡邑短長者其目曰十老長吏莫敢問厪廉得其寔悉委以法闔境快之拜江浙行臺侍御史

元

成宗大德三年潮決海塘見前

六年飢

仁宗延祐元年海溢陷地三十餘里皆議州後北門添築土塘

然後築石塘東西長四十三里後以潮汐沙漲而止

泰定元年十一月癸亥海溢侵城郭遣使祀海神疊石為塘

二年潮海衝隄請名僧宏濟誦之足跡所列土皆凝然紹興志

載

四年春風潮大作壞州郭四里四月潮浸地十九里水少監張仲仁及行省官發工匠二萬餘人修治又令僧人誦經天師致祭制曰可八月潮勢洶以竹絡木柵寔石四千六百九十塞之用鈔七十九萬四千餘錠糧四萬六千三百餘石接續興修

致和元年三月甲申遣戶部尚書李家奴往鹽官祝海神仍集議修海岬命造浮屠七十有六以厭海溢四月壬寅李家奴以作石圍捍海議聞

至正八年四月海寧州盜起

元史

十年達魯花赤當住知州趙光祖修長安三閘

十七年江浙行省平章慶童出鎮海寧居二年盜息民阜召拜

翰林學士承旨

十九年張士誠城海寧

兵部尚書伯顏帖木兒戶部尚書齊履航海至杭州徵張士  
誠粟方谷真具舟泊澉浦張氏粟達石墩又一舍抵澉浦乃  
載于舟粟十萬

元史墩字不作澉

明

太祖嘗夢三人頭上有血以土傳之覺而悟劉基將欲刑人基  
曰三人頭上有血此衆字也以土傳之得土得衆之象也後  
三日當有驗越三日果海寧降

基縱之 劉誠意集

洪武 年二月改海寧州為縣

設硤石巡簡司

永樂三年海溢

六年海決楮山巡司陷沒

九年復決流六千七百餘戶淪田幾二千頃

十五年十二月增置海寧所烽墩瞭高臺

十八年夏四月左通政岳福奏修仁和海寧塘岍皆風潮陷四

千五百餘丈

洪熙元年縣流民復業初逃徙九千一百餘戶欠夏稅絲綿四

萬餘斤糧三萬餘石乞恩優免送之

宣德二年以海患詔免田租

正統六年五月辛丑行在工部奏海寧縣請濬大東門外官河  
小東門外表花塘河北門硤石塘河城中水門及築瓦石堰  
二所其請皆便民宜今農閑畚委官督工修理送之

十二年八月海水溢

景泰辛未夏大飢斗米百餘錢

五年正月大雪連旬鳥雀俱死

天順元年旱

成化八年七月海溢朱泚貞詩颶風拔木浪如山振蕩乾坤頃

剡間臨海人家千萬戶漂流不見一人還

十三年二月海決逼城

二十三年秋大旱八月海塘成

弘治十八年九月壬辰夜地震

正德十二年四月甲子夜地震

嘉靖元年春夏大旱水田成巨河董灑積雨詩積雨高江正急

流深春風物冷于秋睢陽廟下花爭發鹽官城西巷自愁紫

陌陰寒誰拾翠白頭心事尚橫舟青蚨三百酒一斗明日臨

印貧亦遊

乙丑七月蝗



辛酉大水

庚寅海濱及于隄

己亥大飢癸卯甲辰游飢

丙午千戶湯執中池側產連理竹時謂孝感所致

戊申倭犯黃灣秦駐塢海鹽徙兒童欽等死之

壬子冬有四虎啣稻薪穴石墩民塲民驚避之數日一席失足

礪石中不能出而死餘席不復見蓋兵兆也

癸丑夏四月癸未倭四十二人自海鹽經袁花北赭山數日把

搃杭州前衛指揮陳善道以民兵三百人禦之陳乃叅將萬  
表婿也方出師家人具饌大言曰吾滅此而後朝食遇賊即

陷伏中萬將軍素好施有少林僧自幼行脚善鉄棍條貫古  
大錢長八尺嘗德萬公欲為其婿報且曰吾輩不願受中丞  
約集党八十餘迎擊賊戰且搥白羽扇僧識為蝴蝶陣令  
軍人簪榴花僧自張一蓋作採花狀賊渠帥二大王望僧即  
若縛手僧雖殺之并斃數賊我兵爭級至相傷僧怒揮蓋倭  
進迫之民兵皆烏合而潰善道獨戰于泥淖中靴滑而仆遇  
害壯士潘賓王貴力鬪死數日倭縱掠江船而去指揮吳懋  
宣率僧兵樑樓巢遇遺賊數輩被創歸沒癸卯別部倭七十  
餘人流掠村落六月松陽知縣羅拱辰再海鹽事以兵至先  
鋒項東岡覘虛寔引數十人抵石墩斬賊一級餘奔尖山祠

項獨追其祠破其<sub>門</sub>無援被殺傷我十數人次日羅至已掠海  
舟去

甲寅夏四月辛巳倭千人入海鹽由談山來屯黃灣掠袁花市  
焚劫甚慘南攻邑城不克掠轉塘徐氏西自袁花歷黃岡麥  
墩西北抵硤石還歷談山所過數十里無人烟執廟灣周氏  
二諸生令負擔不任釘手足于樹殺之宿朱<sub>家</sub>柵守港口以布  
漬油燃火于長竿徹夜如晝趙撫王忬檄僉事羅拱辰叅將  
盧鏜都指揮周應禎來援庚寅忬行部諭師辛卯戰石墩傷  
狼兵百人壬辰掠黃灣癸巳掠談山乙未周應禎自崇教寺  
進及黃小陣如半月形賊望而呼為牛角陣呪之應禎馬蹶

遇害失止二千人應補前事被劫奪職耻之尽捐貲募北兵  
千人赴浙時學憲阮鶚書勉之答曰兵法十圍五攻今賊勢  
甚衆急攻未得良策若有可乘之機當尽死力圍之必不敢  
後書至浹日而死賊乘勝立柵益深掠我軍觀望莫敢前五  
月壬子朔掠黃岡乙卯別賊舟二計九十二人赴石墩賊壘  
不納流掠崇德乙巳抵邑城盧鐘戰廿里亭不利而退丁未  
石墩賊掠袁花而朝海鹽義民曹秋曾禎以鄉兵迎敵賊不  
敢渡復屯黃灣丙辰出談山丁巳泛海次白塔山海鹽兵追  
敗之斬三百四十級俘三十一人

九月丁未倭一舟計四十三人泊石墩就炊民舍次日東掠

海鹽渡東洋橋為官兵敗逸

十月戊辰朔乙亥賊百餘泊石墩大舟一詭言官兵行沒暮而大掠戊寅解維遇官舟登陸辛巳丁總兵擊之俘十二人賊逸

是歲

乙卯正月己亥倭三千餘人自海鹽西掠表花載輜重由黃道湖抵硤石盜魁葉麻舊掠表花祝氏婦時以携行賊過海鹽南關婦按轡語賊頗受其約束前鋒六騎按劍守硤石口時歲初人皆酣飲忽殺掠焚擄止笑

四月壬申倭自海鹽來西鹽倉白都司兵敗失亡其半賊分屯表花硤石焚掠相望硤賊據惠力寺小巔樹大白旗出則

樹歸即偃之掠婦女縲綵，極裸辱之慘。壬午掠皂林北去。  
五月戊午倭千餘人自海鹽經袁花明日暮掠長安初佯市  
飯，畢遂分入客舍殺掠。辛酉寇杭州。

六月庚午盜魁葉麻遣百餘賊駕六舟至袁花取祝氏婦。  
杭人有姿葉叔嬖之居沙久一日思歸流涕葉遣還會徐海  
飲酣語葉及祝氏欲娶之葉大怒故有是遣明日登舟至賊

葉觴賀累日

丙辰二月硤石錢燦作亂胡總督宗憲嘗戰嘉興北麗橋而溺  
燦掉出之燦初犯汰繫獄有舉其力遂送軍既怙功暴掠桐  
鄉諸生胡鶴齡約同逆謀泄燦斬捕卒及已妻子匿邑人許

項獨追其祠破其<sup>門</sup>無援被殺傷我十數人次日羅至已掠海  
舟去

甲寅夏四月辛巳倭千人入海鹽由談山來屯黃灣掠袁花市  
焚劫甚慘南攻邑城不克掠轉塘徐氏西自袁花歷黃岡麥  
墩西北抵硤石還歷談山所過數十里無人烟執廟灣周氏  
二諸生令負擔不任釘手足于樹殺之宿朱<sup>家</sup>柵守港道以布  
漬油燃火于長竿徹夜如晝有撫王忬檄僉事羅拱辰叅將  
盧鏜都指揮周應禎來援庚寅忬行部諭師辛卯戰石墩傷  
狼兵百人壬辰掠黃灣癸巳掠談山乙未周應禎自崇教寺  
進及黃山陣如半月形賊望而呼為牛角陣呪之應禎馬蹶

遇害失止二千人應禎前事被劾奪職耻之尽捐貲募北兵  
千人赴浙時學憲阮鶚書勉之答曰兵法十圍五攻今賊勢  
甚衆急攻未得良策若有可乘之機當尽死力圍之必不敢  
後書至浹日而死賊乘勝立柵益深掠我軍觀望莫敢前五  
月壬子朔掠黃岡乙卯別賊舟二計九十二人赴石墩賊壘  
不納流掠崇德乙巳抵邑城盧鏜戰廿里亭不利而退丁未  
石墩賊掠袁花而朝海鹽義民曾秩曾禎以鄉兵迎敵賊不  
敢渡復屯黃灣丙辰出談山丁巳泛海次白塔山海鹽兵追  
敗之斬三百四十級俘三十一人

九月丁未倭一舟計四十三人泊石墩就炊民舍次日東掠



海鹽渡東洋橋為官兵敗逸

十月戊辰朔乙亥賊百餘泊石墩大舟一詭言官兵行沒暮而大掠戊寅解維遇官舟登陸辛巳丁總兵擊之俘十二人賊逸

乙卯正月己亥倭三千餘人自海鹽西掠袁花載輜重由黃道湖抵硤石盜魁葉麻舊掠袁花祝氏婦時以携行賊過海鹽南關婦按轡語賊頗受其約束前鋒六騎按劍守硤石口時歲初人皆酣飲忽殺掠焚擄止笑

四月壬申倭自海鹽來西鹽倉白都司兵敗失止其半賊分屯袁花硤石焚掠相望硤賊據惠力寺山巔樹大白旗出則

樹婦即偃之掠婦女縲絏之極裸辱之慘壬午掠皂林北去  
五月戊午倭千餘人自海鹽經袁花明日暮掠長安初佯市  
飯畢遂分入客舍殺掠卒酉寇杭州

六月庚午盜魁葉麻遣百餘賊駕六舟至袁花取祝氏婦  
杭人有姿葉劫璧之居沙久一日思歸流涕葉遣還會徐海  
飲酣語葉及祝氏欲娶之葉大怒故有是遣明日登舟至賊

### 葉觴賀累日

丙辰二月硤石錢燦作亂胡總督宗憲崇禎嘉興北麗橋而溺  
燦掉出之燦初犯涖繫獄有舉其力遂送軍既怙功暴掠桐  
鄉諸生胡鶴齡約同逆謀泄燦斬捕卒及已妻子匿邑人許

生家索之急次日與党慕義脅數百人于硤村揭竿置旗官  
兵追捕遁太湖或云入倭党不知所終胡許獄死

丁丑 倭復犯硤石

隆慶元年正月訛言採宮人童男女嫁娶殆盡

知縣許天贈丈田里立圖長一人分都國苗標界次號又定  
箕手一人給六尺步方同業戶丈量造冊凡為里三 百

五十五圩三千四百五十七田地山蕩九十二萬二千七百  
六畝有奇

萬曆乙亥五月晦潮溢壞塘二千餘丈溺百餘人傷稼八萬餘

畝

丁丑九月海塘成築石塘七百五十丈修千七百九十二丈計  
費十萬金

丙戌五月大水是年稔

丁亥七月潮溢

戊子己丑大飢疫浮胔蔽水己丑八月

甲午夏五月縣見瑞麥

戊申五月大水是年不害稼有旨改漕仍發粟賑飢民初未蒙

卹邑人葉時等奏上許之

庚申七月末米價一兩二錢坊市閉糴致惡少攘奪通判胡承  
烈署縣惡少群入其署脅往陳叅政門求糴承烈幾引劔自

劄陳氏許糴三日乃定是歲復米價並不甚減

天啟辛酉二月訛言選宮人嫁娶如降慶時

鄉間莖樹一花結寔為莖李居人異之携示城中三月十一日

癸亥十二月二十二日地震

東鄉民家生犴二尾八足民家怪而斃之携粥市中

甲子正月十一日雷震戚石灰橋擊死王氏男而竟夕水色俱

黑海濱及于隄議修築上下俱文具

崇禎元年七月廿三日潮決深入平野二十里漂溺人畜廬舍

無萬數

乙亥十一月二十六日地震

戊寅六月辛亥暮大風潮決城西至于赭山溺人畜傷稼

庚辰秋米涌貴值二兩

辛巳夏六月大蝗旱民飢疫鬻子女售田舍塗有橫浮而稅賦

如故加苛焉始苦田累

壬午春袁花鎮立民兄弟業屠狗陰斃人子女黃稱犬肉時斤

百二十錢立民獨八十歲或以其價廉伺得之遠訴縣令曾

居曹僅以杖釋又長安鎮西柵某殺人作肉丸以市里嫗挈

少女行而稍後失女所在跡至其家方在刀砧間狀聞縣亦

杖釋春夏間米值銀三兩人不聊生

十二月城東三里橋有海象來潮而至潮退不能去偃于沙  
上長二十餘丈高二三丈人爭割之不尽流腐及秧田廟

甲申二月西鄉人苦陳氏葛氏之威群噪上臺會國變事漸解  
弘光乙酉夏五月陳太史之遊門石獅夜吼因携其一安國寺

六月庚申怨民反焚葛氏及陳氏村墟效之互劫僂不可問  
時甲子北兵檄至杭城乙丑知縣林塗解印綬步出東門輕舟  
避袁花許氏縣丞莆田林士驊主簿詔安鄭躍龍在任丁卯  
北兵入杭城躍龍往送籍止何檄餉士驊進銀若干

閏六月乙酉貢士錢塘貢生張堯揚來為令尋有難髮之命  
邑人大詳教諭陶秉禮棄官遁士民皇、謀舉義而外郡各

有勳矣邑人偏義推中允陳之遠主其事之遠不可避去于  
景千戶蔡國瑛朱大綱許分任之計家出丁餉徼巡嚴  
家稍不戒輒以奸謀誅各鄉鎮響應寔不任甲硤石周宗彛  
蓋募市人為兵傳檄

七月丙辰北兵四百人暮抵城經南門轉入宣德門殺掠無  
算蔡國瑛等死之時浙東擁立魯王太少卿熊汝霖引  
義兵千十人渡楮山入城約衿申同盟以是月終至尋北翁  
家掉

八月甲午北兵三百人自嘉興陷硤石殺周啟祥等宗彛遁  
九月北兵至袁花鎮焚掠過半初東鄉歐陽傑以把總



橫于其里怨家殺之歐氏原附北兵遂乞師報怨版授知縣  
陸友繩抵任全雜髮陸仁和人歲貢

初海寧東岳廟南錢氏某煮鹽為業二人守鹽舍忽見白鼠  
二自外入斃其一六月鄭彩逃自海上遺貨甚夥錢某拾得  
百金又大珠如雞子光赤私謂珠色白今赤光者何也珠不  
珍惜時歲之鹽舍中久之夜大風雨失去蓋龍所掠也其得  
百金者以疾費尽乃起一人竟死

丙戌春正月始轉糧杭城

時防江南沿海撥塘俱北兵

三月十七日有南舟三艘浮海將及南門漁者潘某以報北

兵出擊頗為砲所中南舟亦退遂殺潘某

四月銓授知縣扈萬邦至萬邦安陽人崇禎貢士始徵島民  
問

東鄉盜起初孝廉查繼佐等渡江任兵部主事令弟諸生繼  
等牒鬻武爵于是積盜林 稱副總兵蘇 稱參將人：繫

銜自三月初行劫云助餉江南至是止賴群應家剽戶掠溫  
室盡罄而下戶亦不免矣教言南兵人莫敢格晝夜喧驚苦  
不聊生諸盜多著姓名衿借端淫劫寔無錙銖南餉也五月  
中北兵至袁花東捕斬二百餘人稍潰匿止何復振勢加甚  
日事焚焚官吏不敢問八月諸生蔣荐 請任招撫而朱朝

縉者應命餘覺以次就見然私脅如故計素速索少不稱意  
立付身溺火抵及東鄉之民無完宇矣其端自鬻牒始分營  
恣盜有射鵬營等目

十一月劉進官攝縣事遼陽人歲貢附北兵來浙省扈萬邦  
憤不任事解任遂版授進官

丁亥正月始令漕卒北餉如舊

四月訛言採婦女犒西達一時嫁娶殆盡

大無麥米涌貴值三兩有奇

七月劉士燧攝縣事

八月廿七日午刻日尤四五尺有星晝見隨日而西

十二月廿四李純質銓授至 順治丁亥進士河南鄭州人  
乙丑秋吾鄉湖塘廟東張匠家剖黃瓜得鱉其家竟無他異

古蹟

海昌府縣南二十里周五里隋大業元年廢按陸廣徵吳地記

云海昌都尉之治

清遠樓今廢

題清遠樓

文天祥

高閣晴空上登臨憶舊游竹床虛卧月松戶半扁秋山截鳥  
飛處江流天盡頭相 加少憩玄 得冥搜

海山一覽樓 失其處

風翻巨浪千尋碧  
雨沐群峰萬仞秋  
凍氣逼人來枕簟  
晴雲

飛影傍簾鉤

聽潮軒  
失其處

朱祚

張寧

海門蕩：天風來雪濤千里如山摧空雷隱地  
雨將作萬鼓齊伐車喧喧初疑群蠅爭振翼  
忽若洪爐供湯渣風回籟歇如漸遠兵馬蕭  
：走勅敵年去年來似有期春秋長落幾人  
思天涯共道初來  
惧夢裡空驚  
夜語時海濱老禪得深趣  
禪居正近潮來處  
山空木落境無人  
地迥天高歲云莫  
塵緣斷

盡獲耳清天機自動非人教上方鐘梵隨風散下界樓臺孤  
月明風微月朗衆將定將定猶聞心轉靜來非有為太無情  
留連世韵何須聽見說空軒百事無音聲色相盡成虛禪家  
自有西來話莫向中州說六如

環綠軒長安游氏立宋濂賦云水竹佳致詩書雅懷樂只君子  
悠哉悠哉

小桃源縣東北六十里舊名湖塘里一名清平里叅政周伯琦  
題至正二十三年十月建寧路儒學教授天台徐一夔有記  
元末貢玩齋先生隱處

文物湖塘第一村尚書曾與共高門  
已甘海味充盤飴不厭  
桃花共伴酒樽百畝桑麻生計足  
一經風雨舊堂存陶潛所  
記龍洞處不識州城老子孫

小桃源縣東北六十里

蕭處敬

地號小桃源年多聚族繁荒茅先代屋喬木故家園不許溪  
漁入常隨野鹿奔雲深綿似幕山匝葦成屯藥氣烟中白酪  
香石上樽吟邊鷗引棹行處獨勝轅軻、惟存古幾、不受  
喧吾戶能此卜白首更何言

朱右

源上桃花千樹春，懸知高隱離風塵。  
林園晝靜聞雞犬，州島雲深接鳳麟。  
十載兵戈黃霧隔，一村桑柘綠烟深。  
昇平處，安耕鑿，不惜漁舟往問津。

望硤軒今廢

題望硤軒

胡奎

獲硤何亭，如弟復如兄。紫薇劉郎去已遠，山今猶有紫薇名。  
太學書生未三十，玉樹英，向人立堂上，有親今白頭。  
晨昏定省嗟何及，書往書來春復秋。壁水竟作三年苗鳳凰。  
臺上一回首，千里雲生東海頭。東海東頭白雲起，望硤之心何日已。  
安得爾雲化為五色衣，朝暮當庭闈。朝暮



當庭開不勞望雲思遠歸

巍：乎紫薇之小兮雙峰並峙乎西東上干織女之銀浦下  
瞰蛟人之貝宮天雞三唱海日紅雲窻霧閣風玲瓏俞家兄  
弟揖華屋空翠飛落軒櫳中堂上有親顏色好長年服食金  
光艸咲傾阿母九霞觴啖以安期玉文惠三年仲子在成均  
回望天南多白雲知憑海窟附書至遙見兩峰如見親俞生  
俞生真忠孝者行看赤車馳駟馬前度劉郎未足誇重來還

對紫薇花

淳朴園沈祐隱居今廢

淳朴園記

董穀

淳朴園者吾友沈子園也沈子幽潛之士子不獨慕其人亦  
慕其居：於紫硤之陽晉葛洪所治唐顧況之隱居也其在  
于古木石秀鬱稀絕人跡高流奇士棲賢飲水以全其天至  
于後世萬愛萃焉沿麓溯流四達其衢破厥風氣散厥真純  
沈子懸弧于斯勝髮于斯也仰眺雙峯下弄清溪則心悠然  
乃游于市則情拂然順逆交于中而得今古之所以異中歲  
則自謀曰吾何以處茲以自減吾其為漠陰之叟矣吾固非  
崇素封之術者詩曰十畝之間兮桑者閑：兮行與子旋兮  
十畝之外兮桑者泄：兮行與子逝兮吾欲返于初誠不可  
以他求乃作園又曰吾園名以淳朴杖其間者耳不聞軍國

四方之事巧織喧嘩不接于目蓋靜者所宜也雜蒔州花果  
蔬氣至別吾得而玩之食焉食焉吾無所取必焉尔已矣于是  
董生曰薦哉沈子之志予未能一游其間然觀其言知其道  
焉矣是其人蓋好古而憂時者也予昔舟行見其山環而水  
阻欲求古高流竒士與游而不可得客有為我指點書堆丹  
井慨然猶望見之夫人溺于污濁則羨清冷以于卑陋則思  
高騫馱于紛華則賞退靜若于澆漓則慕于朴有感于今則  
欲起昔人于地下苟天理未全滅則其秉彛同也矧夫沈子  
知道之士志存尚友宜其先得矣韓退之讀崔山君宦言  
事謂其有憤世之意予于沈子亦云夫今之時家有百金之

產則公府有千金之需是令以偷也沈子于是乎力葵焉以  
自給薄取于世夫薄取于世而世亦薄求之是兩厚也兩厚  
者淳朴之道也道必有所由始詩曰孝子不匱永錫爾類其  
沈子之謂乎

上管寨縣西南一里

黃灣寨

硤石寨

許村寨

長安寨 並廢

長安巡簡司

硤石巡簡司

黃灣巡簡司 並元置

童兒塔 縣西南五里

重修塔記

鹽官古牒縣南隅有一佛祠曰灵塔世說相傳以唐季撓攘為黃賊焚掠近歲西南郊林墅間夜有光亘天邑人沈暉訪而視之得一壞浮圖且莫知其所由始也稽諸里老僉謂昔此地有佛宮里之兒童系瓦礫為小塔其間且有嘉瑞後人增飾之成浮屠而焚棄于五季之兵火故所餘者如此而已其下有黑蛇長數尋蟠護不去而宵夜昏黑則開放火光紅

輝屬天明徹幽隱然不知其所為始也然則此非所謂靈塔之遺跡與前數年邑人有召日者治墓域且用塔以為應接而語人曰此去歲餘塔復興矣後逾歲果有淨信願加修治瑋聞其作興乃與同志共率有緣協力以相其事始事于元祐戊辰二月成于四月然則是塔之來信久矣噫數百年荒圯之地一旦營繕乃與日者之識若合符節果術數之精如此耶此有過客善風水嘗過予而言曰直隸之西有水曰淡塘其派自錢原來而于卦得辛兌之龍于經得秀文之氣地勢雖遠而源流不深故未能有嘉驗也苟浚之使深則斯邑也文富貴達當世不絕余得其言因窈自思邑之人貴登

龍樓勳勒砥石者往古有之矣過此已數百年而繼其顯者  
寂寥無聞豈非直西之水當皆源深而流長者其應如彼後  
來湮沒而蕪廢者其應亦如此耶是或可信也後之君子銳  
于作為以速久遠之效者皆浚其源而疏其流則予未老尚  
及見其瑞應也元祐三年五月望日武都章璋撰

### 重建塔記

張九成

壽聖禪師惟尚道眼明徹戒體潔清傳於普昭英公得証  
于黃龍新公既謝事乃歸老兒童塔之西環堵蕭然而毅振  
四海其叩門求法者蓋肩相摩而袂相屬也予寓居鹽官遇  
風日清美芒屨竹杖徑尋師于茂林修竹之間一日余指塔

問其故師出邑人章瑋石刻且曰舊塔廢為道士居者凡二  
十年矣紹興丁巳主塔僧仲淵之孫德諶痛數百年勝槩一  
旦為有力所奪影盛跡絕了不可尋問乃州衣木食錫儲黍  
積卜地其東紮甍架屋于莽蒼榛棘中今蘭若窳堵崢嶸突  
兀鼎：一新既而予被召貳王牒繼擢亞春官侍誨金華未  
暇如師所請後余以病乞歸聖天子閔其勤以奉祠寵之居  
閒日讀方書理藥物亦未暇如師請也余病今少閒師來請  
益勤余乃呼諶而告之曰堯舜禹湯文武周孔之道具在人  
心覺則為聖賢惑則為愚不肖聖人惧其惑也乃著之六經  
使以義理求乃銘之九鼎使以法象求籩籩俎豆火龍黼黻



以發之鐘鼓筦磬琴瑟竿笙以警之清廟明堂靈臺辟雍以  
形之使人目受耳聽心悚意明恍然霧披豁然冰泮乃知千  
聖維往此心元不去萬變維經此心自有餘不然吾聖人豈  
虛為此紛：哉子之辛苦經營倘有在于斯乎否則吾不知  
也謝而退乃書以遺之使刻諸石

胡奎

昔聞有童兒聚沙為窳堵巨蛇盤其根夜見靈光吐自從桑  
海變奄忽沈波濤神龍久呵護下壓黃金鰲若人平原孫登  
亭紀靈蹟金鐸渺天風迢：莫天碧

智標塔縣東北六十里審山上嘉靖中相輪僧院焚廢萬曆壬

子秋蜀僧

募脩塔輪僧院登眺晁暢

塔院古井記

談于庭

審小浮屠剏于宋僧智標已廢數十年萬曆壬子炀蜀僧

來遊露坐三晝夜市人異而趨之覆苫結茅于浮屠之吳

隅卜基之日拓土得甃城依然物故不與尺寸檀施並集像

設僧寮漸飾其概諷唵之聲與天風遞響第積礫絮磧無可

謀汲日作漢陰丈人抱甕于里外又閉汲焉緇素苦之俄新

安僧周視土脉指其東南曰此任鑿于是披沙畚石見故井

甃甃盡其澄汰涌泉甘冽昔之塵渴今而醍醐昔之翳阻今

而沆瀣相與嘆為勝緣蓋事若微未而頽址荒蹟之餘故老

莫問往牒失攷偶憑一昔之臆頓還舊觀豈非大雄之慈渡  
默牖而冥潤之哉予老矣感滄桑之故曠若發蒙俟小僧滄  
茗嘗身搯百尺綆以味于腴雲沁雪之間矣

黃岡書院即元賈氏義塾至正間改書院

黃岡書院山長唐肅至正壬寅見蘇伯衡集肅字處敬山陰  
人鄉舉授山長遷嘉興學正文章號大家行尤修飾  
拜翰林編修

賈氏義塾詩序

劉基

人有積貨財而不能散者君子謂之愚知散之而不要諸道  
其為愚一也故有損貨產以廣異端而徼非望之福者非徒

無益且受誑而甘心焉。凡若此者，蓋不可一二數。若海昌賈希賢者，非卓然有異于人乎？賈氏為海寧大家，而希賢益厚念邑之子弟，多不知學。或貧不能自致師，以學乃拊字買田，招名儒以為師，俾鄉里之俊秀與閭巷之童兒，莫不來學。其食飲器用，或取給于嚴氏，嗚呼！可謂積而散，而得其道者矣。今天下學，交責在守令，往不暇顧，而視為文具，至攻湍不能備六事，而阻其仕進者不少。則今之官海寧者，一何幸耶！得賈氏以為其民州之子弟，得賈氏而皆振起于學，彼為守令者，從而收其功，則不惟有其功于州之民，而為之司牧者，亦有賴焉。其為利，豈不溥哉！使人效之，而不見三代之

化吾不信也

葛仙翁六竈縣東北十六里今不存其地名六竈村

箭石縣西四十里徐王土穀神祠有石出土二尺方廣二丈世

傳錢王箭

白洋池縣西北二十五里周五十五丈

干寶故居菩提小側

褚無量故居臨平湖側

顧况讀書臺審山下顧况詩野人自愛山中宿况是葛洪丹井

西亭前有个長松树夜半子規來上啼

長歌曉過讀書臺  
煙樹屏山積翠開  
會識逋翁避世意  
莓苔鳥篆日徘徊

許相卿

路轉松篁石壁開  
千峯雲影護書臺  
清風端合衡門老  
却欲從君問艸萊

張無垢讀書臺菩提小側

般若臺即黃灣真如寺最上層  
無垢先生與邑宰刁廡文叔來  
游因名之臺上有郭熙畫山水  
寺有井曰靈泉而集中謂南  
路烏龍井非也

許杞山先生讀書臺靈泉鄉黃山之巔

鴈然石井縣西北十二里世傳馬自然嘗入井中

記

徐寬

余閱仙史見吾鄉馬公自然傳記變幻百出奇跡不一計其  
威名當不下于唐李之呂公洞賓國朝之張公三丰也今  
其故宅莽為荒墟惟遺井尚在邑梁君喆捐貲甃井擗亭刻  
木肖像復立石以鐫公之傳俾登亭者知為真境而肅然起  
敬焉昔屈子著遠游篇初欲神游八極而終眷戀于楚吾聞  
神仙無日不在人間安知馬公之過不悲其故宅之廢而後  
日之來不喜其故宅之新也耶昔弘治四年

元

月立

張昱

故老相傳語不空至今石井有仙踪行人莫向井邊睡一勾  
水藏卧龍

義井世傳阮店村章仁蘊所鑿如仁賢坊雙廟安國寺巷皆是  
仁賢坊井石欄刻當邑章仁蘊開此義井第十四口元豐壬

戊歲記

故廟銀杏樹洛塘北大四人圍相傳唐許遠讀書時物樹銀蝸

可治牙痛

丘墓

吳頤歲長於人子姓壽 書院假及三女墓 其多有衣文反古  
載曰曰大錢子可慨也 見拜經樓 集續編



三女堆長安鎮覺王寺後相傳孫權第三女按陳壽吳志權妻



按吳志步夫人二女長魯班前配周備後配少曰魯言字小康前配朱據後配劉表裴松之注引吳歷云吳先主中平早卒故以小康為繼是權三女實再言劉表安得為全孫妻耶又按魯言為孫權害

步夫人生二女長曰魯班字大席前配周瑜子循後配全琮

丞相孫峻姦亂宮人與公主魯班私通後謀殺孫琳遷豫章

前嘉靖志載全琮赤兔嶺事則三女堆即琮妻無疑第魯

班居長所云第三或琮之第三娶也墓高三丈周二畝嘗有

怪今佛殿雄據其半萬曆己丑歲飢盜發之不堪得

三女堆

吳本恭

梵宮鴟尾捧塵霄荒塚壘草色驕幾朵白雲松下起老僧

跌坐話前朝

春游歌馬吊香魂綠酒頻洗青草根酩酊放歌人去後宦歸

松頂又黃昏

先亦言子  
後時改  
唐

事詳搜神  
記以其  
差之墓與

許遠墓縣東北五十里楊園村二子玫瑰塋天竺庄雜籠墩

諸生許南金以太守後裔有雋望余嘗問其先墓若何曰太

守墓高廣廢久氏盜葬其上故失祭噫式間表墓良有司

當過而問之

馬自然墓縣西九里

縣二十八都扇面橋云顏真卿墓楊慶湖二公合塋訛魯公非

是

宋

侍郎張九成墓縣西五里有石刻手書數紙

乾道三年敷文閣直學士右大中大夫新知荆南軍府提舉  
學士兼管內勸農使馬步軍都總管兼本路營田使桐廬縣  
開國子食邑五百戶方滋祭文嗚呼海內知己如公幾人梁  
頽山壞晚塗安仰日月遠矣毅容隱然永懷平生方寸屢折  
造宮荆渚寄徑近郊事有成汎掃無路姑馳一介致敬九原  
尚其有靈歆此薄祭

侍郎章之光墓縣東北五十里

元

尚書貢師泰墓縣東北四十里湖塘村門人朱鏗捐田四十畝

贈祭

宦海由來風浪惡，月明何處駐仙槎。  
人間洞府桃源小，夢裡關河梓里賒。  
碑碣空題元禮部，墓田猶寄魯朱家。  
殘春下馬尋遺跡，千古文章野艸花。

王璠

潘良

大元禮部中華士古墓，殘陽州樹陰出處。  
一嘗誠自畧網常，千古竟誰任衣冠。  
天地分夷夏風景，江山自古今王氣。  
東南排日月桃源始，卜避秦心。

談遷

殘碣嶙峋墨未涇，雲寒衰草欲連天。  
輕舟尚識漁郎路，古柏

依然丞相前杜甫浣溪愁易結田橫海島恨難捐知君華表  
歸何處江北江南總可憐

祭酒榮肇墓縣東北五十里俗稱榮歪頭墓宋濂贊曰先朝之  
老臣當世之巨儒橋門清貴左圖右書元君寵顧後擁前驅  
連城之壁照乘之珠修髯大顙此誠魁梧峩冠博帶可肅薄  
夫噫孟軻氏有云得天下英才而教育之舍公其誰乎

明

紀善何得舉墓縣西十二里

少卿沈升賜墓橫塘

吳烈女墓

靈泉鄉

都御史查約墓表花塘北嘉靖九年諭葬都御史趙宏撰神道

碑

侍郎祝以函墓 表花塘北崇禎 諭葬

知府許令典墓

叅政祝萃墓 妙果山古杉茂柏函紆篠爽每產竹斜紋曰龍

竹其年必登榜双產則並雋驗之無爽

詩人蘇正墓縣東北六十里木場橋左門人張寧撰碑

太子太保南京吏部尚書秀水徐石麟墓在妙東山東北麓

王 翊

尽瘁初忘嘔血勞孤裘如霧集城壕心灰止國生新黍泪

落孤臣濕露祀劍佩晨起先御道星辰夜履立天曹應知此  
後魂游地彷彿身依玉陛高

叢探碑字紹興甲寅橋李魯公題寧海昌之二年作三叢塚其  
詩天壽秩西長安慶元三年十月送事郎新差監建寧府大提  
揚權監官縣十管權煎鹽場業延年撰

蔡如休事

味譜拾公集卷

汗讀終榮先南罷婢母甚妬忌及父亡母乃生推婢于墓中寶  
珠弟年少不之審也後十餘年母喪開墓而婢代棺如生載  
情深經日乃蘇言其父少取飲食與之家中吉

中亦不覺為惡嫁之生子寶以此撰搜神記二十卷

干寶之兄慶無疾而終有術士吳猛語慶之子曰侯笑未及我  
為試請命未可殯殮尸卧靜舍惟心下稍煖居七日猛凌晨  
至以水激之日中許慶蘇焉旋遂張目開口尚未發聲闔門  
皆悲喜猛又令以水盥洒乃起吐血數升兼能言語三日平  
復初見十數人來執縛桎梏到獄同輩十餘人以次旋對次  
未至俄見吳君北面陳糶王遂勅脫械令歸所過官府皆見  
迎接吳君與之抗礼即不知悉何神也

出平廣記

米芾書顏魯公碑陰 公之使賊也謂使者曰吾昔江南過道  
士陶八：得刀圭碧霞餌之自此不衰云七十後有大厄



當會我于羅浮山此行幾是後公死于賊歸葬偃師北山有  
賈人至羅浮山覩道士奕託書至偃師北山顏家及往訪之  
則堂也守塚蒼頭識公書大驚卜日開壙棺已空矣元祐二  
年九月予游吳興造觀邦人新公之祠因得謁拜公像嘗閱  
洛中記異載公前事刻于碑陰以貽續仙者云

南陽晁補之曰顏公以耆老忠義縊于賊手世言公尸解下死  
開棺肌肉如生瓜逗手背邢和璞聞而嘆曰此所謂形仙後  
五百年雖歲金石之中猶當劈裂飛去

顏真卿刻姓名于石或置之高山之上或沉之大洲之底而云

安知不有陵谷之變耶

傳記

顏魯公頃為湖州牧州產碑材公載石還次江州蛟奔蟠引直

至江心則茂林峭石勢環氣騰有神祠曰祖將軍廟公異之  
遂捐金建亭名曰祖亭制文勒碑以記其事

唐歐陽詹集

天寶中有范氏尼知人休咎顏魯妻党之親也魯公尉于醴泉

詣范氏問命曰某官階盡得五品否范咲曰鄰于一品顏郎

所望何其卑耶指坐上紫絲布食單曰顏郎衫名如此其功

業名節稱是壽過七十已後不要苦問魯公再三竄詰范曰

顏郎聰明過人問事不必列筮及魯公為太師使于蔡州乃

嘆曰如范師姨之言吾命懸于賊必矣

戎幕閒譚

顏真卿為盧杞所陷令單車問罪李希烈德宗遣從禁東道內

外知公不還矣親族相餞于長樂坡公辭擲前楹謂諸姻族  
曰吾曾典郡于江南曾遇道士陶八授與一刀圭碧霞丹  
令服之自後体健至今不衰又曰七十上有厄如有即告他  
日待我于羅浮山得非今日之厄乎公至汜水思遠陶笑謂  
公曰吉、遂指嵩少而去魯公至汴州希烈僭號使人縊殺  
之瘞于城南及希烈敗詔得歸葬家人啟柩見狀貌如生徧  
身金色瓜甲出手背鬚髮長數尺歸葬偃師北山後有商人  
至羅浮山忽見兩道士樹下圍棋一道士謂商人曰子何人  
對曰洛陽人道士笑曰幸寄一書達吾家也遣童子取紙筆  
立札一封題寄偃師北山顏家商人至偃師詢所居即塋庄

也守塚老蒼頭得書大驚曰先太師親翰也因以藏于室子孫選吉日發塚開棺即已空矣子孫竟往羅浮山求之竟無蹤跡又曰太師書法蒼頭馬尾之勢是真得仙也

紀異錄

顏真卿將往蔡州謂其子曰吾與元載俱服上尊彼為酒色所敗故不及吾此去必為逆賊所害尔後可迎吾柩于華陰開棺眎之必異于眾及開棺果覩其異其後十餘年顏氏之家曰雍道家僕往鄭州徵庄租回及洛京此僕偶到同德寺見公衣白衫張蓋往歸城隅菜園有破屋數間僕隨之入拜公懷中出金十兩以寄其家仍戒僕勿與人說公之子亟至前處但見滿目榛蕪而已時人皆謂魯公尸解得道

王仁裕玉堂閑話

顏真卿之逐葬也狀貌如生爪甲出手背鬚髮長數尺說者以  
為真卿嘗過異人授以碧霞丹餌之故有此異非也昔先軫  
龐德之死狀皆如生又晉卞和墓之發見也須髮蒼白面如  
生兩手老拳爪甲穿達手背此亦豈嘗餌碧霞丹乎大都忠  
義士精神氣魄方將與天地不朽區、須髮爪甲之不隨死  
散不足寄也

顏真卿墓曲阜與杲卿同域

太平清話

顏太師以書自娛平生意好惟此不替晚年嘗載石以行齋而

歲之過事以書隨所在留其所鐫石

唐川書跋

真卿書鋒絕剛雄鷹龍虎勢

呂總讀書評

宋紹興辛巳冬金人南侵朝廷遣大軍東北以遏其衝主將每  
遣小校四出探望有何蕪資者領衆至六合西望忽見一軍  
自西北來其行甚速號令下寨蕪資與所部隱芦荻中須臾  
傳令曰荻林中有人否一人曰彼中乃生人與吾無閤蕪資  
知其鬼兵也乃詣寨門請見曰某宋<sup>劉</sup>太尉下階白軍也須臾  
召入中一人廟坐冠服如天神又四神分坐左右蕪資拜問  
神兵何事西向者曰吾奉天符來助汝太尉也蕪資拜請位  
號西向者曰此天蓬神司主事也我四人張巡許遠雷萬春  
南霽雲也蕪資曰唐書言大王守城凡食三萬餘人果否巡  
曰有之而寔不然所食皆已死者非生人也蕪資曰史言張

大王殺愛愛許大王殺愛奴以享士然否巡曰非殺也妾見  
孤城危逼効死自刎許奴亦以憂悖暴死因烹以享士蓋堅  
士卒心耳兼資問雷萬春面上一癩問曰史言將軍面着六  
箭而止一癩何也雷曰當時寔着六箭而五着兜鍪胡傳吾  
面着六箭吾亦當之庶揚名以威胡耳須臾命酒惟天神者  
不食良久巡謂兼資曰歸語汝主將吾奉天符助兵此胡悖  
逆當取其首以報上帝語訖命引兼資出及至舊所無復人  
矣不半月有阜林之捷未幾逆亮有龜山之禍皆如其言青撫

雜記

許遠有祭文昔為所重所謂太乙先鋒蚩尤後殿蒼龍待弓白

虎捧箭又祭城隍文皆文武雄健志氣不衰真忠烈之士也  
趙德麟侯鯖錄

焦中山千一承事世居鹽官州西隅雍正四年三月夜夢一將  
軍威勇絕倫自稱許遠旦起即塑其像于家奉祀歷四十五  
年至天聖九年遂舍地立祠思張巡同時報國並塑其像時  
王可回曰中山一邑之義士為立功于本巷號忠義坊其里  
即名仁義里孫焦貴字天爵中浙試甲子解元

碩况有子數歲而卒况悲傷不已為詩哭之老人哭愛子曰暮  
千行血心逐斷猿驚迹隨飛鳥滅老人年七十不作多時別  
後生子非熊即前子也年七歲其兄戲批之忽曰我是尔兄



何故批我一家驚異方叙前生事歷、不誤

酉陽雜俎

願非熊一覽成誦好辨說氣皎凌輒為衆所抑久不第然名在朝野長慶中諫大夫陳商放榜復下第穆宗性無非熊名詔有司進所試卷覽之稱旨追榜勅賜及第時劉得仁詩賀曰愚為童稚時已解念君詩及得高科晚須逢聖主知非熊累佐使府大中間歷盱眙尉慕父夙棄官亦隱茅山

宋熙寧八年蘇軾知徐州有杭州蓋官縣安國寺相識僧居則請軾作大悲閣記意謂舊日科場以賦取人賦題所出多關涉天文地理禮樂律曆故學者不敢不留意于此等事今來科場以經義取人故學者只務空言高論而無寔學以訛諷

朝廷改更科場汰度不便也載在臺九月三日准開日供具  
因依不繫降到冊子內

烏臺詩集

政和癸巳海岬崩毀百有餘里朝廷遣道士禳之毀益不支至  
紹興癸丑有錢塘楊村法輪寺僧慈元誓捐生以救大衆行  
視海毀甚處至于蜀山昔六月五日也海勢大作僧褰衣而  
前衆爭挽之且請倡言僧高教曰我舍世間如夢衆人須我  
作頌：即語言邊事了取自家真夢又曰世間人心易了只  
為人多不曉了即皎在目前未了千般學道頌畢投于海衆  
謂羣魚腹矣移時風止僧端坐海面順流抵岬則衣未嘗濡  
也數蓋太魚昂首戴之耳自此海患頓息沙漲如故蜀山之

民即其地立菴居之紹興乙卯四月忽集眾偈曰會得祖師  
真妙訣無得無佛又無說唱散烏雲千萬重一點靈心明皎  
潔安坐而逝 春渚記聞

劉一止較兩浙試欲得通時務者同列患無人止出卷示曰是  
宜為首啟號乃張九成眾皆厭服

張子韶手執一扇過教夏破即補之一皮履汗敝缺裂亦不易  
頭上烏巾以踈布為之漬以墨汁夏月汗出或致墨汗洗面  
亦不問筆用秃筆紙用故紙以至衣服飲食皆不揀擇或問  
子韶此是性耶抑愛惜不肯妄用耶子韶曰汝且道我用心  
每日在甚處若一、自頭至足理會此形骸却費許多功夫

我不被他使且要我使他世人往、以我為鄙吝以我為迂  
僻我見世人後、然為此身所擾自早至夜應付他不暇特  
可見發嘆或問處事當如何曰速不如思便不如當用意不  
如平心又問當官臨事如何曰切戒躁急則先自處不暇何  
暇治事加以猾吏奸民窺伺机便以乘其利非特害于人于  
已甚害

張子韶對策有桂子飄香之語趙明誠妻李氏嘲之曰露花倒

影柳三變桂子飄香張九成

老學菴筆記

張無垢有雜鄭如幾魏春秋書今某不存如幾復書見兩山墨

談

張無垢在越上作幕官不請供給錢館中進書不肯轉官人皆以為好古之故過無垢曰既請月俸又受供給偶然進書又便受賞于我心寔有不安此亦本分事何名之好

元人香囊傳奇乃吾寧張九成故事也先生未嘗使金誕妄可笑獨云其第九思則果有弟子集見集中

張子韶侍郎謫居大庾得目疾後為永嘉守中風辭祿還藍官

紹興二十九年三月望夜夢人引至一寺室中見懸已像駭曰何以得此人曰公異日當主此地然待公見玉帶了即來遂寤召門人即擘書其事皆為玉帶言証疾愈且大拜至六月六日疾頓除即日拜謁先墓既往所親家燕集居五日與

諸生讀江少虞所集事寔類至章聖東封丁晉公取玉帶事  
怒曰丁謂真奸邪雖人主物亦以術取因不憚廢卷而入疾  
復作不能言朔日卒人始悟丑帶之夢云

張無垢與黃元功善一日元功過之唔不吐一詞若有不相說  
者無垢避席前曰先生無恙而若有憂色何也元功曰我何  
憂哉吾聞子一事為汝憂耳無垢驚起曰何事元功曰某文  
字公豈當作耶無垢曰寔否元功曰如是則吾心無憂矣  
大笑而別

張無垢甥于恕哀集語錄十二卷既已刊行其間論語絕句讀  
者疑焉蓋公自有語解止可假此發明與義崇叩公門人即

睇云此非公之文也語錄亦有附會者周輝清波雜志

郭知運以少俊秦檜選為孫婿秦每夕必留三杯郭多出久至

中夜或宿苗門以俟秦嘗以佩刀分遺子婿一日宴集皆

佩之而郭已遺人矣秦大怒遣會其夜出令門者無納遂罷

親雲麓漫抄

秦檜之以孫女嫁郭知運自答聘書曰某人東第筆宗南宮妙

選乃肯不卑于作贅何詞可拒于盟言其夫人欲去作贅字

曰太愚模樣秦公曰必如此乃束縛得定聞者笑之陸游老學庵筆記

記

汪聖錫應辰玉山縣弓手子喻樗子才為尉堂授諸子學有兵

在側言汪兒頗知讀書可使侍筆硯乎視之狀貌偉然不類  
常兒問能偶對否曰能曰馬蹄踏破青：草應殺曰龍爪拳  
開白：雲喻大驚異曰他日必為偉器留授之學且許妻以  
女後從張橫浦游學益進年十八魁天下

鹽官上管場亭戶鄔守興紹興十八年夏旱田苗皆稿鄰人相  
率訴于縣官以免稅守興曰吾聞旱乾而後訴即是訴天且  
吾家二稅並是折鹽何用訴為乃獨不預名明年夏復大旱  
一鄉及成枯槁惟守興田時：得雨是歲獨稔收倍常 車 際

志

鹽官馬大夫中行妻悍妬一婢免乳即沉其子雜糠穀為粥乘



熟食婢竟以血瘕而殂乃取死子同坎瘞之後數年妻為屬  
所憑自言坐血池中受無量苦上訴于天今當偕詣陰府其  
家禱之且許以誦經飯僧皆不從且云主母今亦歿盡故我  
得相近又云馬在世僅有三年之壽妻竟使死傳此事時馬

尚存

際車志

永嘉木尚書待問少從學于鄭毅文毅文大儒也名伯熊字景  
望其弟名伯英字景元負氣高義之士也登甲科為第四名  
以母老不肯仕官景元亦不屑求用晚自號歸愚翁毅文死  
後木尚書造宅侵鄭氏地界景元不平往與木詈詬而手擊  
之景元亦大為木之子弟所箠明日木訴之郡逮景元時景

元待次教官扶其母以書木慚悚退縮而止木素無望止以大魁為逆官耳因此事永嘉人薄之 林下偶談

鹽官縣學教諭黃謙之永嘉人甲午歲題桃符云宜入新年怎生呵百事大吉那般者為人告之官遂罷去 癸辛雜識

紹興二十九年閏六月雷震前數日上管學戶領謙德妻張氏夢有宿生事責之曰明當死雷奔下覺而大恐流泪悲噎姑問之不以寔對姑怒曰以我嘗貸汝物未償故耶何至是張始言之日暴風起天陡暗張知必死因念震死既不可免姑老矣奈驚怖何乃易服出屋外桑下立以俟俄雷電晦冥空中有人呼張氏曰汝寔當死以違一念起孝赦汝又曰汝歸

益為善以此語世人也

元明宗天曆元年十二月加謚唐司徒顏真卿正烈文忠公令  
有司四時致祭

海昌人家有古琴一張音韻清越相傳是單丙文遺姜堯章背

有銘曰深山長谷雲入我屋單伯解衣作葛天氏之曲懷我

白日東望黃鵠

研北雜志

張天雨嘗從其師王壽行入京時燕地未有梅花惟吳閭、宗  
師自江南移植護以窈廬扁曰漱芳伯雨造其所恍遇西湖  
故人徘徊既久不覺熟寢其中壽行竟日不見憂其迷路伯  
雨覺而已晡問：笑曰伯雨素有詩名宜有作遂賦長詩有

風沙不憚五千里翻身跳入仙人壺之句開、大喜送至翰  
林集賢表伯長虞伯生揭曼碩諸公和之由是名大起一時  
浦城楊仲弘清江范德机金華黃晉卿吳興趙仲穆交甚善  
他日謁伯生問能作符篆否答曰未能伯生連書七十二家  
示之即下拜曰真吾師也自後與伯生手札必執弟子禮其  
服善類如此

輟耕錄

張伯玉記其先人似之所藏書画云湯普微絹本摹蘭亭唐臨  
王右軍三帖張長史春艸帖王齊翰仙山圖徽宗画上清楊  
真人像常槃佛因地圖

此卷今在祝元鎮處

范寬三幅雪山

二幅僧巨然夏山雨過許道寧溪山待渡等圖李漸三馬圖

李伯嘗于闐師子三馬圖黃荃梔子孔雀芙蓉鷺鷥二圖趙  
昌寫生月季黃居寀竹雀唐希雅棘雀趙大年聚沙宿雁圖  
其他妙品尚多也伯而又嘗拊得孟子舟御史所藏僧智永  
月儀獻歲帖神岳上其詞云獻歲將終青陽應節和風動  
物麗景光輝翠柳舒鱗紅蕖結綬想弟優游勝地縱賞佳賓  
酌桂醕以申心玩琴書而寫志無令披聚叙會何期董遣一  
介希還數字行間細書釋文特妙前後有明昌七印泥金題  
籤今在梁溪倪元鎮家黃長睿以為何璧所書者即此帖也  
張伯雨有金銅舍利匣上刻曰維梁貞明二年歲次丙子八月  
癸未朔二十日壬寅隨使都教練使右廂馬步都虞候親軍

左衛營都知兵馬司檢校尚書右僕射守崖州刺史御史大夫上柱國謝崇勳捨灵壽禪院盖有四竅出烟有環若舍鎖者或疑燒香器李商隱詩云金蟾啖鎖燒香入又云鎖香金屈戌是則燒香為驗其為燒香器之有鎖者

張伯雨少學琴畜一琴名風林嘗送趙子昂論琴以為琴之五音各有改絃法其法不傳世之所謂琴者皆不審五音之主徒歎：耳殆不若秦箏之按宮徵也趙有琴曰松雪但時出橫床未嘗撫弄故伯雨終身亦不復鼓琴

研九節七

至正十六年五月殺言張兵南下楊泰政完者以數萬軍七嘉興軍容甚盛張兵遂直搗武林達丞相戰敗楊即分兵使將

英從大麻塘棲董旺從硤石長安身率副震朱鉞從海鹽黃  
灣而進遂連敗之于臯亭謝村張軍遁還

徐一夔曰至正中予避亂海寧州之東有許姓者嘗闢巨室得  
古墓一內有誌輓蓋錢氏將許俊墓也俊年十八從軍以驍  
勇有戰功累官至節度使都押牙兼御史中丞寶正三年卒  
塋于此

應之紹錢塘人以鄉貢下第任嘉興學正丁父憂仍寓居授徒  
至正壬辰秣避難于其諸生李氏子家去城數十里曰奉賢  
鄉李之從祖號太無為道士住持紫虛觀之紹一見若平生  
惟八月廿九日太無得中風疾之紹餽藥療之獲蘇日一再

詣問九月四日又自紫虛還寓忽得疾一中而殂其妻楊氏  
太史同僉瑀之女就所館治喪且以訃其母若弟于海寧及  
嘉興紫虛之徒以其疾與太無同不以告是夜將半太無忽  
呼弟子卓處潛輩謂日邊得夢甚怪俾取紙筆書之云于今  
觀所奉岳祠之前見有某姓名吏及卒二人押男女各一併  
持公文而來因讀其詞曰嘉興路城隍司准海寧州城隍司  
牒為陸小蓮告至正八年溺水事冤屈未伸今祭陳喜時庭  
偉前去勒要應才同解岳祠周府君取問太無詢其詳  
荅曰陸小蓮者嘉興百福坊人而應才之婢也為其妻姪逐  
之遂赴水死陳喜時者才之母也時居海寧偉字之奇才之



弟也居嘉興城東謂彼時不為故護連<sup>故</sup>逮耳太無見

陳氏帶鎖衣白衣黃裙問之年六十有四應偉荷校衣青衣  
錄其罪上皆歷、可記來使云今若貴司移牒温都統為之  
解釋則尚可也遂覺始知之紹已逝王昌言與之紹有交承  
之好同寓興所明旦來紫虛太無因問應母之年及之奇之  
貌皆如所夢乃以告之昌言馳告楊氏楊即詣紫虛拜懇太  
無于床下謂夢中事皆寔有之復自訴其詳且言其夫胸間  
尚温手足犹軟故求移文解釋仍躬岳祠蓋冀之紹之復生  
也是日午後之奇自城東來衣青衣亡昨日亦得疾與同所  
見如太無夢今難少避化備莫知所以然楊氏以憂惧作

旋即無它而之紹氣已絕矣時達德即清溪倘宿紫壺目擊  
其事翌日遂行不知往訃陳氏者歸報何如及之奇之生死  
耳 報耕錄

崇德談經貝瓊同席業文洪武八年秋開戰北借返故世間  
經作詩挾策龍門教藪游于今始悔覓封侯年華流盡惟湖  
水自古英雄幾到頭袖刺無投世路艱功名塵裡老人顏  
墳賦與孤山傲杖劍何如放鶴閑良疑其句悲愴備言其後  
後貝游硤石紫薇山麓雨後開呵殿殿以為官長也遊之道  
尤及視專車皆為談生即下輿叱去而從携貝手步至葛  
洪井邊坐而道故且曰自深後上帝嘉吾心行為督巡都統

使君秩上城隍一級一州善惡皆屬廉訪語訖而遂沒至已  
忽不見

永樂甲申沈升孫子良俞禮曹景暉彥昌皆入制科上不時幸  
院一日卒至諸人各倉皇上驟問墓前石人誰何景暉悞  
對仲翁後倅蘇州時詩以誚之翁仲如何喚仲翁祇因憲下  
欠夫工此人難住翰林院只好蘇州作判通

山東叅政海寧孫子良與同年進士西昌楊相交極厚相為主  
事坐谷府累卒子良惧不敢往吊由是為東里楊公所薄子  
良累膺荐舉輒不果雖未必因楊公而士論固云然

水東日

記

祝虛齋先生<sup>萃</sup>平居皆有師錄善者書名不善者惟舉事以示  
戒一日計偕北上有同行病胡臭者衆皆厭憎先生獨與之  
同臥起官工部時有以金壘私先生者先生固却之後受賄  
者坐累先生竟免先生之隣莫氏嘗以屋售先生固止之且  
周其乏嘗云我能顧恤鄰人即我之家人也何必取其地然  
後為我有

錢琦測語

祝主事家有牧羊兒年十餘素善飯一日牽羊歸就午食鹿人  
故不與以戲之牧兒去泣于田間一道士過見之問曰汝何  
哭告以無飯道士坐懷中黑丸大如龍眼授之曰食之自當  
得飽勿嚼碎兒吞之覺腹中平然道士戒曰無語人也遂去

兒暮歸不食明日亦不飢絕穀者五六日庖婦疑其盜米自  
食也白于主人主人召兒將鞭之兒畏而吐寔主人異之明  
日使他兒與俱曰若復遇道士一人力挽其衣一人歸報二  
兒到向地則道士又至矣語兒曰為何漏言謝曰畏主責耳  
道士以一手支其頷一手擊其頂問前黑丸自喉躍出復藏  
于懷兒極力挽齒問此何物汝知有所謂交梨火枣者乎此  
火枣也久之主人聞報而至將去數百步道士双足遽陷入  
土中稍近益下僅露其首既而前亦不見土上都無竅穴驚  
頽道士已在隔岸拱手而滅自是收兒復食吾鄉戴區人蘇

籃時為塾師親見此事

陸梨原已編

海寧百姓王屠與其子出行遇漁父持巨龜徑可尺餘買歸繫  
柱下將羨之鄰居有江右商人見之告其卹翁請以千錢贖  
之翁怪其厚商曰此九尾龜神物也欲買放去君 史成此  
功德一半是君領取因偕往驗之商踏龜背其尾之兩傍露  
小尾各四便持錢乞王 不肯遂烹作羹父子共啖是夕大  
水自海中來平地高三尺許床榻尽浮十餘刻始退明及午  
翁怪王屠父子不起壞戶入視之但見衾在床父子多不  
知去向人咸云害神龜為水府拆去也吳人仇寧客中親  
見其事

庫已編

正德甲戌硤石沈祐于紫葢山土中得異石無數如斧鉞者圭

璧者方者員者短而長者厚僅二三分周圍口尤廉簿各有  
負竅：皆倒糯黃白黑綠各不同光潔工巧人為有所不如  
見者皆以為霹靂砧而得之嘉靖丁巳黃灣馬氏開山作壙  
亦于土中得如前者十六枚其形極相似白者光可鑑豈即  
器車之類乎按禮運山出器車

碧里雜存

硤石人積梅雨水以<sup>二</sup>蚕蛋繅絲織紬有自然碧色名曰松陰色  
享上價此法本寧宗宮禁有為之者一時號為天水碧天水  
本趙家郡望碧者畢也未幾果有航海之應

紫苑軒雜綴

宣德五年三月吏部奏主簿周顯差浙江至海寧獲強盜二十  
餘人例當陞賞然前無民官獲盜之例上曰給榜定賞格正

欲捕盜榜以諭衆令以示信豈問軍民官耶其陞賞如例

朱靜庵其父友某使君者有青衣曰寒梅妻亡欲圖再娶萌開

閣之意青衣過靜庵泣訴靜庵曰吾能止之因題一絕于扇

令持視使君云一夜西風滿地霜粗麻布勝無裳春來若

覩桃花面莫負寒梅舊日香使君感其意終身不言再娶

枝說聽

陸延

宋南渡後邑趙氏甲科特盛蓋宗室也今趙家橋其故居云新  
橋賈氏卜室發其墓地顛骨甚巨豈所謂龍種獨與常人殊  
者耶

孫璋守潯州嘗斷籐硃有草名大藥治金瘡撲損神效徭人今



之民間希得公歸移一本姜于霜雪公甚惜之弘治十年三月  
忽生忽沒圃公曰思之二十餘年不固復見遂名通靈草

嘉靖戊午武進薛方山應旂督學兩浙修浙江通志意廢仙釋

不錄七月二十四日有神降箕曰丹陽道人馬自然煩大夫  
幸無舍我薛曰欲入志乎曰然遂不敢廢

許杞山先生繫籍西路鹽場苦總催破產及給舍請告云竄籍  
鮑即場竄遂移家海鹽茶磨山先生下世邑仍徵其額課子  
據疏辨邑令曰向疏子告非為竄籍也云歲除邑令致先  
生燭百枝吏私其十先生東謝領賜州堂三月不夜矣邑令  
詰吏輸服

鶴田券関中源太初山人寓武林南屏山学畜一鶴自隨與許  
給諫杞泉子善許為置田三畝歲輸粟于萬峰深處以充  
糧而作券文曰太白山人崔田在九杞山書院之陽倚山面湖  
左林右涂廣送百步歲計入粟三石有奇以其奇為道里費  
而歸其成數于杭之西湖南屏山歛歲則去其半以主人潤  
筆取金盈焉佃之者主人之鄰李仁輸之者主人之僕歸義  
董之者主人之弟樞卿舟仲主人謂誰小人之友杞泉子許  
台仲甫也名崔田券

黃湾孫侍御喬徵時里人某沒三日而甦曰岳神募我助建孫  
御史坊後侍御果立坊其家近岳廟

嘉靖癸卯沈南泉友儒赴闈題其扉曰料得浙江無敵手魁名

不占不還鄉果秋榜第三同年慈谿表文榮 第二沈戲語  
之曰吾偶諫兄耳明年表冠南宮登上第沈僅列名表厥之  
曰今竟何如

陳少卿與郊隆慶庚午初計偕泊臨清見岸側閔侯祠以素敬  
入拜乞佑夜夢至一處驚問其地有紫衣宮監出曰此天子  
殿前天子且至矣頃之聞呵殿之聲甚肅屏立以窺忽見殿  
上旌旂日月衣裳錦繡羽衛數百人引出一垂髻髻小兒衣  
赭黃龍袞正南面而坐俄有人持衣冠加于陳之身陳回顧  
已身與省中諸郎並立居近御前遂蒙召對甚詳旨上命前

紫衣宮監押出硃紅箱子十隻各覆黃絨袱內有供奉才官  
傳旨命陳與郊分賜大小臣工等叩頭出兩界十箱安置公  
解中窺視之每箱大統曆十本計十箱則萬本也驚而覺不  
知何等明年辛未下第至萬曆改元癸酉冬北上 上方十  
一歲果叶垂髫之夢而奉萬曆日年號預定于三年前矣已  
維舟臨清再入祠乞夢位又夢入一府署視堂上官人猶未  
出衙惟兩傍官屬曲吏環立左右窺視案上文書乃中以題  
名錄進士姓名歷 可數而已名不與焉惶遽以叩典吏荅  
曰君必進士然未也在後丁丑科乃叩頭祈請曰某有訟獄  
為怨家所誣若今科不第即青衫不復得矣藉公之力入白

主司與集改注今科終身載德典吏許諾入有間而出曰  
今科名籍已定難可改移且待下丑與翰林官陳曰某布衣  
耳擢一榜末進士足矣敢望詞林乎更煩轉瀆鈞聽典吏不  
得已入白出曰念君如此已改今科但合授翰林假秩未必  
真也甲戌春榜果第四人以執政之子不獲雋竟格館試不  
行後以給舍拜翰林提督四夷館太常寺少卿方悟前夢  
言猶罔

荆府教授董載儀舟江岸僉事鄭少白舟隙竒其相召問詳悉  
見其二子曰次當顯貴即憲副鯤也後教授封御史

張瀚子文歷刑部山西司員外郎同舍郎吳江沈子由金陵

陳與伯海昌朱汝一執中歸安孫文樞孝豐吳峻伯並喜

藏詩公與給白雲社朝夕倡和不報

褚饒州州家查蘭秋再花昔以為瑞亡何子天萬曆丙午某國

初書舍牡丹秋再花登鄉榜物理難憑如此

鹽官陳春常宗威米襄陽真蹟感慨激昂自以世無知己獨不

憶子瞻所洋清標絕俗之詩超妙入神之字乎蓋紹聖間時

移事变禁蘇黃之跡米公亦諱言知己文態如此何論蔡天

啟二揚小物色也

董其昌

董方宰所書泐華經七卷在叅議之仲處鐫石

許侍御開造捐館之年入書舍見座上朝冠蛇身倏忽不見坎

地覓之無跡止何侍御不起

萬曆己卯庚辰間獲橋窰氏有帑入後園事聞縣官遣捕不獲  
踰年窰氏訟敗

陳太常家奴毆滿指揮未死前一麻衣僧各書一夫字于硤石  
市門上惟一老媪沽酒者不書指揮死地方人惧禍放火欲  
燔尸滅跡因延燒凡夫字皆尽老媪家獨免

朱孝廉履儀司諭無極元日令君來學宮朱坐處風起吹綬絲  
楊舞大如斗令君曰此何祥也令君易坐其處則否因卜之  
曰主財物坎坐處得古錢若干缶

長安上野村杜某專貨木器俱盜塚樹為之堂恒盜皆方鋸有

白衣人前至驚逸尋死

斜橋有沈女官墓不知何代人相傳武弁也崇德呂希周覓地  
坎其傍得金鎚一凌而止萬曆十年丈田于其址掘七大缶  
石覆之諸役方散一人私啟若有人扼其項因悖死吳令宗  
喜來視但泥半缶耳

萬曆丁未主簿序表筆之龍以子思明登第肆志貧窶視令君郭一

翰茂如也乙酉夏臺使檄免思明任南京礼曹游俠初免和  
免

邑隸杜九宿東門外同役鄴某已物故杜醉而道值之奔避至  
家命妻子治饌杜宿與妻訣昏黑間若隨鄴而去冥不辨路



如行積水中一岸微茫經大城入府第同鄴對簿鄴詞屈乃  
釋杜還生及門流眊鉄枷已及于鄴頌矣門遇鄉故張孝廉  
鴻羽夫婦敬衣就訊問其故不言陳太常隅陽巾幘而前杜  
揖之問何以在此曰家朱蔡人今日下膏鼎少為營雜費別  
後路明坦非復如前良久而甦崇禎五年八月事

崇禎初詔免第三年田租十分之二至期有司全督如故乙亥  
四月詔蠲崇禎五年以前逋租縣令趙慶國謂第五年當徵  
征入倍苛焉故曰黃紙放白紙催

崇禎戊辰七月潮決滄溺亡筭有女子挽匣波流守網少年推  
奪其匣女又漂里餘值守網少年救免為婦前少年發匣得

故所聘釵悔之然至後少年家爭婚女曰如若推而墮也曷  
有今日官不能奪

荐福徐錫微洛塘陸氏婿也錫微初妊時里中老者某虔于事  
佛疾篤媪哭之老者開目曰毋過慟我今往生徐氏某房尋  
媪往問徐氏果聞兒啼聲媪哀減

崇禎初王家現有婦生子有尾五六歲而殤陳家橋陳氏雞雛  
翼足各四

陳太史傲真

玄暉

諸生皆召筮一日閔將軍下筮稱陳長君云

遇雞而發

己酉

遇牛而身

癸丑

遇鼠而崩

辛未十一月十三

日其叔弟直書其名果不貴

天啟二年二月中暮見天樂導送燈幡繽紛若干百自西北漸行西南可二十刻而沒郭店長安人並見不知其由

崇禎壬午十一日夜雷雨游菴田間有坎而血蛇脫數十並尺餘北五里曰五龍泣擊死少婦初夫婦異寢夫忽被揭至外庭不由覺也仍衣履之第聞人語曰莫差莫差旦起視婦隕床下

東莊朱某專偽銀致饒給晚腹痛孔流血不止藥之旋痲旋液三年而沒蓋偽銀之報也

縣治中相傳有鬼物閨中靜宇林公為令昔衙齋見一女子年可十七八公不為動自後不時見之卒不為害後值臺使

按合羊卷

有一

治

來出

令

或

板

為

曰

能

集

門

委

按部縣中各官俱從省命學博典守獄庫學博挈其少子同

宿竟為鬼物所崇隨其少子以出人有遇見其形者自此縣

治寂然學博亦密遣少子歸家迄亦止他銷夏綴詮

長安鎮居民火災其家投簪飾衣服于井次早令人探取其入

入井久之不起眾呼之不應但見井底騰騰如濃露霧蓋火

氣先煽入其內一皆未即散也眾設計力起之其人肌肉皆

糜膏矣此等事倉忙不察人所易犯故為記之

南門外鎮海祠神座前花樽相傳潮每汛將來樽中輒有殼類

稱靈異予視之質厚而細蓋舊龍泉窰也近以收歲不慎古

跡俱殘缺遂不復聞響稍夏綴詮前同

崇教寺門西民居有井云嘗有怪化女子幻惑人今石板覆其上

林令恭章類試諸生祝以岱第一儒生陸一騏第一其年並捷  
平湖趙司諭維寰丁卯卜科首葛徵奇庚午卜科首查大韶  
並驗兩君神識殆無與匹

丙戌九月二十一日橫涇諸生願鑛館陳氏夕寢聞叩門聲若  
見老人挈坐遠涉抵一公署儀仗甚肅聽訊群候或冠帶  
或幘或跣垢以次待判老人引送傍徑入廡下求冥後開櫃  
示以冊其冊質紙印縫青裹浮簽曰浙杭海寧南里冊皆里  
人受生公案也第三帙載鑛始末原名義一名昇錫今名鑛

初為謝小娥遭毆居貞事見唐李紳傳中小娥沒若干年至  
弘治間淨方司冥熊某以小娥仗義轉生當男而貴列方司  
冥祁某以小娥殺人宜仍婦而賤相持未決再訊于嘉靖六  
年至萬曆中寅二月晦司冥陸氏論定謂計詭宜生姑蘇黃  
主簿家小娥前以負朱繼明四十二金而繼明今為海寧南  
里顧氏乞嗣之遂四月二十三日生終身事詳載又紀行簿  
載鑛二十歲後善否福壽因之增減登記明倫每三年達奏  
上帝覽訖旁有叱者老人急引別戒勿泄後事遂驚覺日高  
春矣里人虞某于九月望冥揖遺于城隍神將還令侍橫江  
顧秀才則同行後虞集訪鑛相質不真

橋李蔣石林君箕有思玄居士降乩蓋成化時通判太倉桑悅  
也題硤山行曰東南名勝如指列硤山對峙標天關六寺高  
低金碧懸一澗中分弄晴雪浮園八竇出冥杳呼吸可使通  
百灵俯者邃壑積空翠白雲遮斷中峰青髯松拂天物色古  
枯根度石烟霞鎖讀<sup>書</sup>臺畔明月窺疑是讀書人夜坐更聞仙  
翁葛稚川曾于此處經餘年琉璃井塌埋灵藥金瓶素綆何  
能牽日莫僧歸徑山僻丁、伐木長林隔芳州深埋石關雜  
松花落染眠牛額石澗灘頭楊素波白龍冷浸玉一壺路深  
小有避秦處依、村落南岩孤劍痕不滅英雄憤古湫練澄  
光隱、石關畫掩上清家玉堂寶笈仙人道長楸下列誰

者墳叢生荆棘碑無文  
炎：碧燐羞焔骨里人為指  
辟陽君與茲同慨張公宅  
晉代衣冠塵土積矣止門  
前雀可栖響絕光沉若為  
惜縱多白傳絕人才登臨  
之事猶疑猜豈如馬湘化  
筇去洞口寒雲間作來小崇  
海濼皆險阻何年五丁修  
巨斧嵐霧蒼茫夾水長白  
者相者亦如雨書恣豪縱  
筆墨中具見狂奴故態  
自評云自古未得鉅章茲  
遇桑生一番品題拳石足  
不朽矣硤沉漁隱田徹奇  
其事梓以行世

補遺

石墩孫妃菴云劉先主孫夫人關帝城之變悲思傷悼南游  
錢塘西山登其巔曰此處望見成都下歸道鹽官卒葬石墩



士人相傳如此當不其然或孫權第三女遺跡也

元貞元中張興村嗣正一天師時潮噬鹽官海鹽為患特甚與村以術治之一夕大雷電以震明日見有物魚首龜形者磔于水

鹽官潮溢民田廬多沒杭州路總管路判官絳陽張仲儀憂之以特性禱于海神曰民非田不食非廬無以居神忍化為魚鹽官耶即為魚鹽官神亦將何依恐神不自寧也神如識我語海波當帖禱畢親沉石水中命送卒繼之未幾漫海為地

嘉靖間金鄉楊挺高維齋在任駐劄罰羨餘絕不染指飲食服用

亦不以涉民衙中多隙地日課家童墾而蔬之膳具惟瓜茄  
蔬菜一切取之圃中勿外市也與鄉先生交際惟菜一二束  
瓜茄數枚鄉先生重其品咸拜受比于重寶清名冠天下聞  
于朝入覲世宗嘉之特賜銀牌一鐫云天下清官楊挺高  
公時手撫其牌聞置鼻端曰此銀獨香他家皆臭耳歷方伯  
家居蕭然四壁邑人有候其家者見公褐襖羶帽課耕于野  
如老農然雪廬焚稿載其令平湖事以公堂今吾寧特錄之  
嘉清志下又公嫌其近也公論在人烏得流泛乎

硤石趙家匯宋初功臣真定郡王趙彥暉忠憲後人所居也遺  
像藏其家明朱太僕裡贊曰於戲忠憲世出博陵安喜蔡

輟輝聯繼承建隆之世翊戴藝祖削平僭亂藉此威武始由  
宿衛為帝親軍飛捷右廂策此奇勳金紫三公日侍帟幄  
節度信武遙領控鶴爰分茅土于彼常山異姓之王金符載  
頌嘗聞仁者其後必大公商綿之文獻斯在式瞻遺像英爽  
猶存諒天眷其忠誠故遐庇爾後昆也耶

海昌外志

棗林談遷孺木著

藝文志

三代而下聲華日著家驥人璧不以地限寧雖編小亦絃誦鉛  
槧之區也晉隋以降益斌、稱盛際哉第所遭各殊或傳或不  
傳安得比而同之楊用脩云顧况詩遠寺吐珠閣春潮浮綠煙  
二語情景妙絕雖入文選可也然况集不載因知古人詩文雖  
全集亦有遺者今吾寧藝文概如此噫蒐隱攷逸要在後人或  
可得其十一矣作藝文志

干寶周禮注十二卷  
荅孫略周禮駁難五卷  
七廟議一卷  
禮記雜議五卷  
後養議一卷  
周易注十卷  
周易問難二卷  
易周文義一卷  
周易宗塗四卷  
春秋序論二卷  
春秋義函傳十六卷  
司徒儀注五卷  
晉紀二十三卷  
搜神記三十卷  
干子立言十卷  
干子正言十卷  
干子十八卷  
詩文集五卷

顧歡尚書百問一卷  
毛詩集解叙義一卷  
老子義綱一卷  
夷夏論一卷  
集三十卷  
文義三十卷  
又有論語義

戚衮禮記義疏四十卷  
三禮義記四十卷

顧越毛詩義疏二十卷  
喪禮義疏  
孝經義疏  
論語義疏

集二卷

唐褚無量帝王紀錄三卷翼善記 史記至言

顏真卿禮樂集十卷歷古創置儀五卷韻海十六卷韻李鏡源

三百六十卷筆法一卷文集十五卷庠陵集十卷臨川集十

卷吳興集十卷顏氏行狀一卷殷亮顏魯公年譜一卷呂北

祥纂

顧况逋翁集二十卷画評一卷朝士過顧况宅賦詩一卷

顧非熊集一卷妙女傳一卷

顧彪尚書閏義一卷尚書述義二十卷古文尚書義疏二十卷

書文外義一卷古文尚書音義五卷今文尚書音義一卷大

傳音義一卷

宋郭知運猥稿四十卷

張九成少儀解大季說二卷中庸說六卷孝經說一卷論語解

二十卷卿党說一卷孟子義解十四卷孟子拾遺一卷四書

解六十五卷無垢心傳錄十二卷門人編橫浦語錄十四卷

甥于怒編橫浦日新錄南安教授徐橫浦集

潘景夔圖經 卷

吳由重修益官圖經

楊杓海昌先賢錄

元貢師泰詩經補註二十卷友迂集十卷玩齋集二卷蟪竅集

二卷閩南集二卷

張天雨出世集三卷碧岩玄會錄二卷茅山志十五卷句曲外

史三卷句曲外史補遺

明胡金斗南集 斗南詩卷

曾昶海寧縣志六卷

孫子良螺城詩集

朱祚靈岷集

何熙詩集

徐寬 醉 陶訶集

祝淇獲道集

祝萃礼徑私錄

元史詳節 古文集成



朱迪海昌志補四卷

查約閩齋集

孫景時武林文獻錄

張洙窮居集

吳鵬歷任奏疏十二卷飛鴻亭稿二十卷

查秉彝覺庵存稿

許相卿杞山集 草朝志十卷 貽謀四則

董淞真傳要說

董溟詩集

董毅碧里前集 後集 四存前稿 漱浦志 菊花晚香集

馮覲存稿

董鯤西巡奏議

貽閑堂集

褚相山居小集

山居杞錄

山居漫錄

沈友儒稿

唐俞樵吟錄

沈祐淳朴園稿

蘓平雪溪集

漁唱集

蘓正雲壑詩集

查志隆天津存稿

皖城存稿

周敬濬齋集

唐詩選脈

郭子直三京州

二游州

中林州

陳與郊太常全集

藝錄

祝以幽貽美堂集

許令典金牛隨筆

陳玄暉大風堂集

葛徵奇遠鴻閣州

吳本恭白佛記話

裴應暘遲旭窩吟

周珽疑夢編

談于庭容膝軒稿二卷

朱象衡春兩編

沈一鸣秋吟州

王翰扣岳州

陳鼎新文似堂詩稿

知縣嚴寬海寧水利圖誌

知縣蔡完海寧縣誌九卷

知縣許天贈丈量則例

教諭趙維寧志脩攷

朱淑貞靜庵集

虞嫻節婦集

釋守樟栢園集

釋慧日東谷語錄

儒學典籍見嘉靖志

五經大全各一部五倫書六十二本  
勸善書十四本  
大狩龍

飛錄二本 孝順事順一本 鄉射禮書一本 鑿方選要十本 外科集驗方二本

遺文

搜神記序

雖攷先志于載籍收遺逸于當時蓋非一耳一目之所親覩  
聞也亦安敢無失寔者哉衛朔失國二傳互其所聞呂望事  
周子長存其兩說若此比類往々有焉後此現之見聞之難  
一由来尚矣夫書赴告之定詞據國史之方策猶尚若茲况  
仰述千載之前記殊俗之表綴片言于殘缺訪行事于故老  
將使事不二跡言無異塗然後為信者固亦前史之所病然

而國家不廢注記之官季士不絕誦覽之業豈不以其所失者小所存者大乎今之所集設有承于前載者則非予之罪也若使來訪近世之事苟有虛錯願與先賢前儒分其訛謬及其著述亦足以明神道之不誣也群言百家不可勝覽耳目所受不可勝載今粗取足以演八畧之旨成其微說而已幸將來好事之士錄其根柢有以激心寓目而無尤焉

搜神記引

明胡震亨

今升遼門闡之異爰據史傳雜說叅所知見冀擴人于耳目之外顧世局故常適以說怪視之不知劉昭補漢志沈約宋志與晉志五行皆取錄于此蓋以其嘗為史官即怪亦可徵

信耳第所載秦閔王女一段則羸秦止謚閔者惟晉武帝子  
秦獻王止嗣愍王嘗以吳王晏子出嗣秦王豈即愍帝耶然  
愍帝時秦為虜境秦妃安得在秦而有二十三年之久至謂  
今之因婚亦駙馬都尉此政晉事耳又有謝鎮西之称按謝  
尚于穆帝永和間始加鎮西將軍寶書成嘗示劉惔、卒于  
明帝大寧間則鎮西之号去書成時尚後二十餘年安得預  
称殊不可曉

光祿大夫太子太師上柱國魯郡開國公顏真卿墓誌銘

太子右庶子令狐垣

惟深也故能通天下之志惟幾也故能成天下之務君子極



深而研幾不出戶而制動行諸已而馭化其惟盛德乎有唐  
贈司徒魯郡文忠公顏公奉大順為元功建天節為至忠以  
安橫流以紐頽綱秉是一心祇事四朝今上興元元年八月  
三日蹈危致命薨于蔡州之雒貞元二年春蔡州平冬十一  
月二旬有三日嗣子樛陽尉顏秘書省正字碩銜恤奉喪歸  
于萬年縣之舊原皇帝徹懸震悼乃冊贈上公詔有司具鼓  
吹羽儀送于墓所遣中謁者弔祭賻錢五十萬粟三百石命  
太常攷行誅德謚曰文忠凡厥士庶臬方侯伯識與不識希  
聲想形莫不惕焉刑焉感慕思齊為人子者益孝為人臣者  
益忠為人弟者益順為人吏者益敬有以見盛德之儀型也

公諱真卿字清臣瑯琊臨沂人蓋孔宣父之門人回曰好李  
知幾道亞聖人公其後也五代祖之推北齊黃門侍郎為海  
內大儒著家訓稽聖賦寃魂誌及文集藏在書府歷代傳之  
高祖思魯亦有儒行仕我太宗掌記秦府列于國史曾祖勒礼  
著作郎弘文館李士祖昭甫晉曹二王侍讀贈華州刺史考  
惟貞薛王友贈太子少保儲和葆冲是感問氣用集于我公  
受天純休克廣前烈識度玄遠節行不群早孤太夫人殷  
氏躬自訓育公承奉慈顏幼有老成之量家貧屢空布衣糲  
食不改其樂餘力務孝甘味道藝五經微言及百氏精理無  
所不究既聞之必行之尤工文詞善隸書格勅逸抗行鍾

張弱冠進士出身尋判入高第授秘書省校書郎天寶初制  
策中第作尉醴泉又以八使遷于長安未幾拜監察御史荐  
承詔旨巡撫河隴曾至五原有寃訟久而不決公理之得情  
郡人說佚時方災亢而甘澤澍烏巷言為之御史而又士族  
有教于名教者朝廷有侮于憲度者公悉彈奏正以理法憲  
綱震肅朝旨嘉焉遷武部員外郎屬宰臣楊國忠以外戚登  
庸惡不附己者出為平原太守公性本弘裕及到官推是道  
也以臨其人躬疾苦以勸義寬征徭以勸李令不肅而信行  
教不敷而化洽十四年賊臣安祿山豕突熾動逆常干紀  
微師矯命自薊長驅公以憤中激乃宣言曰烏有人臣忍容

巨逆必當竭節恭行天討會郡中方集靜塞軍屯丁三千餘人公因之又召境內舉武藝者仍發財募義勇之士未踰旬成萬人軍于是戒嚴固守仍表其狀是時海內承平祿山竊發兩河之間未有奉表章者時祿山陷洛陽害留守李愷中丞盧奕御史蔣清以三之首傳脅河北列郡至平原公斬其使收三之首哭而葬之遂有表上聞初玄宗每朝以薄俗罪已及得公表大悅稱歎者久之顧謂左右曰顏真卿何如人而所為乃尔因就拜戶部侍郎兼領平原又加河北採訪招討使仍賜以詔書曰卿之一門氣冠千古由是公之德聲震于天下時公從父兄常山太守杲卿同公建議憤激于

袁生縛賊將何千年高逸獻于闕下遂通太原之路忠烈之  
風出于一門詩云孝子不匱永錫爾類夫忠臣亦如之是時  
漁陽太守盧全誠濟南太守李隨清河長史王懷忠景城司  
馬李暉各擁兵數千或至萬人以附于公鄴郡太守王燾被  
祿山移相河間燾俾椽李奐斬偽署河間長史杜蕙睦以河  
間衆歸于公北河太守賀蘭進明率精銳五千濟河有詔助  
公討伐自是仁者赴仁義者赴義勇者不敢愛其力智者不  
敢秘其謀清河詞客李萼少年有才猷奇于公以通隣好增  
補軍寔前殿中侍御史沈震監山尉穆寧武邑尉李銑清河  
主簿張澹清池尉賈載各舒器能參贊成務公以長事進明

衆同甘苦莫不畢力惟公之使賊帥表知秦恃衆犯我聊城  
之西公一鼓而破之夷斬萬計其時河朔一十七郡同日嚮順  
連兵二十萬橫絕燕趙旁貫井陘啟土門通太原河北節度  
使李光弼朔方節度使郭子儀得橫行河朔復常山趙二郡  
大破賊帥史思明于嘉山皆公之由也推誠無私信及旁郡  
平盧將劉正臣以漁陽來歸公以漁陽賊之根本欲堅其意  
乃割愛子願令越海與正臣通問兼遺之軍資十有餘萬而  
寇陷京師駕在靈武往來傳置梗柁不通公以帛書表章封  
於蠟丸內俾健兒宵行晝伏四達以聞因奉詔旨肅宗即位  
之初遣使乘驛布于江淮王命再通繫茲是賴又遷工部尚

書兼御史大夫採訪招討使如故其年冬十月賊將尹子奇  
史思明以勅兵十萬發自燕南先陷滄瀛次陵德棣猛若燎  
火衝若決防公內無兼月之畜外絕同盟之援度勢量力議無  
幸結不敢委身待擒貽國之耻遂与麾下歸于鳳翔有詔遷  
憲部尚書尋兼御史大夫西京平公思復舊章屢進說議觸  
鱗忤旨竟不及留出為馮翊太守換蒲州刺史充本州防禦  
使又為酷吏所構貶饒州刺史遷昇州刺史充浙西道節度  
使時劉展在于睢陽反狀已明公乃訓偏師利五及水陸戰  
備以時增修都統使李垣奏以為過防駭衆肅宗有詔追拜  
刑部侍郎進爵縣公尋而劉展凌陷江淮李垣敗績奔走時

之議者皆多公之先覺怨垣之阻計烏御史中丞敬羽詐妄取  
恩惡公剴直乃以謗語陰中之天威赫然責命斯極貶蓬州  
長史代宗即位移利州刺史未之任徵拜戶部侍郎轉吏部  
侍郎加銀青光祿大夫進金紫光祿大夫除江陵尹兼御史  
大夫充荆南節度觀察使未辭闕而銜輿幸陝州公扈蹕行  
在拜尚書右丞及還京遷刑部尚書續兼御史大夫充朔方  
宣尉使進封魯郡食邑二千戶宰臣元載怙權專政每有  
公議公正言引經不為之屈指摘如將規之載心術色忿蓄  
而將發者數四矣會揖享太廟公以登器不修啟于宰臣載  
因奏公謗讟時政貶陝州未到任換吉州別駕移撫州刺史



轉湖州刺史政尚清淨長孤養耆徹冗浚隍式廉明進賢碩  
特責大指而已郡人悅之立碑頌德耽嗜文籍卷不釋手初  
任德州嘗著韻海鏡源遭難而止至是乃延集文士纂而成  
文古今文字詠于理者據華撮要固有不脩為三百六十卷  
以其包荒萬彙其廣如海自末尋源始之如鏡遂以名之又  
註吳興集十卷庠陵集十卷臨川集十卷並行于世大曆末  
奸臣伏誅宰臣楊綰常袞舉公舊德宜在中朝徵在刑部尚  
書公乃奏上所著韻海鏡源帝嘉之藏于集賢書院及秘閣  
公前後三領大司寇以年老辭榮上愛其才乃遷吏部尚書  
清汰九流用正庶官代宗晏駕朝廷以公鴻儒詳練典故舉

充禮儀使祇護陵寢率禮無違加光祿大夫太子少師使如  
故著禮儀集十卷上方倚以為相為權臣所忌遷太子太師  
外示崇高寔以散地震之也建中四年賊臣李希烈阻兵淮  
右詔公奉使宣慰豺狼方熾或諭公逗留以需公曰君命也  
為避之既見希烈奉宣朝旨詞不屈志不撓賊嘗乃交刃脅  
之嫚罵不遜公視之凜如責以悖逆希烈不敢亢逼而退久  
之置酒大會將餞公復命行有日笑遇叛臣李元平陷我汝  
海委質賊庭公于座上數其背恩屬氣叱責叛者慚殺密以  
異語動于希烈希烈意變遂執公囚于官舍防以甲士或拯  
甯于側或積薪于前或詒以瘞填或刳以焚鏹虐毒萬計期

公毀節公謂之曰頽假一劍豈勞多端服義而終乃其所也  
賊竟不敢逼貞元初希烈陷汴州是時公幽辱已三歲矢度  
必不能全乃自為墓誌以見其志是年遇害于蔡州之龍興  
寺中春秋七十有六自登朝及作藩牧人常以安居厚俗為  
務獎善罰惡為志言非至公不發于口事非直道不發于心  
植柝則夷齊之高也理戎則羊陸之仁也當朝則汲黯之直  
也蒞下則廉范之通也蘊是具美行乎至儉強暴莫敢銜干  
颺不能動大義久廢公起之醇風久醜公還之苟非賢人之  
業何以臻此然虛已下士不以名位自高苟有道者蓬門鷄  
衣必與抗礼在平原嘗荐安陵處士張鎬有公輔之量數年

後鎬位列鼎司論者稱之善與人交執友之子義均甥侄介  
操所至不遷其守剛而中礼介而善衆靜而無懣動而有光  
便于己希權倖不為也君有命蹈湯火不辭也心在弭乱不  
在功志在報國不圖生故其殺身成仁視死如歸雖漢之龔  
勝魏之王經無以加焉昔衛銘孔悝魯頌僖公載在礼經形  
于雅什僉以為公之事公事親愛敬直清跬步不忘德充也服  
義戴仁顛沛以之行極也探蹟儒府述古立言文任也勤勞  
王家靖難安仁武功也頌声不昭後嗣何現于是故吏庐州  
刺史李萼乃刻石建碑旌于不朽以桓嘗忝公會府公卿之  
末脩位史臣伴讚丕烈永示將來敢竭不才 恭述所聞銘

曰

天祚聖唐降賢拔時烈、魯公毓德應期岩時玉真伊傅之  
師文武忠信天子是毗亦既升朝侃然正色潤我王度作藩  
于德賊為豺虺流蠱下國公整王旅殄掃妖慝解紛以和柔  
逆以忠萬里狂飈半為淳風君子知微遇變則通出全庶人  
入奉宸聰乃副丞相是司喉舌周旋七命內外胥悅營、青  
蝇不害其潔危行言遜保茲明哲周啟土宇俾侯于魯式是  
百辟彞倫攸叙亂靡有定盜擾淮浦帝曰汝賢代予宣撫孰  
不懷忠處死難之于赫我公視險若平猛獸斷、履之不疑  
爾彼薄俗惟緝惟熙昔人申伯作藩周室詩人歌頌尚播教

律矧我文忠人之紀徑功侔四時節貫雪霜煥乎立言沒而  
靡彰日居月諸垂範止疆

顏魯公文集序

宋劉敞

魯公極忠不避難臨難不違義是其塵垢糠粃猶祇節而誦  
習之恃以是勸君况其所自造之文乎然魯公沒且三百年  
未有祖述其書者其在舊史施之行事蓋僅有存焉而雜出  
傳記流于簡牘則百而一二銘載功業藏于山川則十而一  
二非好孝不倦周流天下則不能徧知而盡見彼簡牘者有  
及而山川者不壞不幸而不傳則又至于千萬而一二未可  
知也吳興沈侯哀魯公之忠而又佳其文惧久而有不傳與

雖傳而不廣也于是採綴遺佚輯而偏之得詩賦銘記凡若干篇為十五卷孝者可現焉蓋君子多見則守之以約沈侯好孝喜聚書至三萬卷若是多矣然猶常汲：如不足者至其集魯公之文使必傳于天下必信于後世可謂守之以約而尚友者乎予是以序其意

明楊一清

文章節義天地间元氣所關而國家氣運興衰端必由之然是二者造物恒若有所靳不兼以畀人夫節義苟歎文雖工君子無取焉唐之女韓柳最著論者終醇韓而疵柳非其文之弗若也當安祿山亂作豺豕噬前止堅城顏魯公首倡大順

以烏合之衆櫻賊鋒列郡應之如響使賊逡巡不敢長驅而  
明皇得沒容狩蜀灵武受禪郭李卒成收復之勳要之義氣  
所激公功居多比之正色立朝公之直道屢升屢復百折不  
屈以成其軀公之節義炳々震蕩若是隻字片語固當見用  
于世而况其高文大冊典則沉厚真足以昭示止極乎公之  
文初葺于宋人沈氏劉原父序之苗元經七續為搜緝刻之以  
傳今多不存李者罕得而見散見于金石間者于百之一二  
耳近錫山安國民泰得傳錄舊本重梓之請予序夫公之節  
義不待文而顯然讀其文可槩知其心公之文非有意于傳  
而重其人則其文章不容不與大節並傳也抑予于公存沒



而有以得夫唐室興亡之機方公之舉義明皇聞之曰朕不  
識顏真卿何如人乃能若是至肅代德宗時則既知之矣是  
時國雖艱不若天寶之急授之將可折衝任之相能定國使  
究其用方岳不竄命乘輿不播辱獨奈之何救君者知而不  
能用之弗久且專蓋楊炎元載盧杞輩媚嫉于上而一二  
群小又構毀于下以成其私公徒抱孤忠躑躅不展卒死李  
希烈之手盧杞為之也而唐之亡亦胚胎于是矣公乎何損  
哉嗚呼是固有非人力之所及者矣予何人斯敢序公集而請  
者之意有足嘉者不可以默故是未任校訂訛偽至不可讀  
試得知言者釐正而詮次之則詞林鉅工別自有序述之者矣

俟予言

讀顏魯公集

羅洪先

南豐謂公文章性、雜于神仙浮屠而不皆合于理今觀集中戒壇仙壇諸碑良然至自叙與道流交歷、皆有名氏按公遭希烈之變七十七年矣非通于養生之理則精氣不能堅固完愚謂三代而下聖賢之季不明士人昏蕩馳騁于多岐而佛老尤為近理得其說者性、有所建立子房長源諸輩是也魯公之季雜于二氏吾何疑哉

唐著作佐郎顏延之集序

皇甫湜

吳中山泉氣狀英淑怪麗太湖異石洞庭朱寔華亭清淚與

帝立天竺諸佛寺鈎綿秀絕君出其中間翕輕清以為性結  
冷汰以為質煦鮮容以為詞偏于逸歌長句駭發踴厲性  
若穿天心出月脇意外驚人語非尋常所能及最為快也李  
白杜甫以死非君將誰與哉君以文入仕其為人類其詞華  
嘗送韓晉公于江南為判官驟成其磊落績入佐蕭郎不能  
慕順為衆排為江南即丞累歲脫縻無復北意起屋于茅山  
意飄然將續古三仙以壽卒漫以童子見君揚州孝感寺君  
披黃衫白絹鞞頭眸子瞭然炯々清立望之真白圭振鷺也  
既接歡然以我為楊雄孟軻顧恨不及見三十年于茲矣知  
音之厚曷嘗忘諸去年從丞相涼公襄陽有曰願非能生者

在門訊之即君之子也。出君之詩集二十卷。泣請予發之。涼公遠移。莊宣武軍。予裝歸洛陽。諾而未副。今又稔矣。生來速文。乃題其集之首。

唐天水郡舒論墓誌

論望出天水郡公。諱敦。父平。論是平第二子。時年廿有四年。杭州鹽官縣靈泉鄉。以元和九年甲午歲十月十四日。終于天長鄉內之私舍。以其月三十日。窆于西南四里。賈裘氏地。安厝之。禮也。論未婚。父平恐陵谷變遷。桑田改移。勒為誌。記詞曰。青、松柏落、澗石蓬蒿。裡中長歎。魂魄閉泉門。千秋永隔。

唐故萬府君墓誌銘

君諱仁泰字國寧其先扶風郡人也祖翺父清之次子也  
君招隱不仕里仁于居性玩琴書情欽義友豈謂泰山其頽  
梁木斯折以元和二年二月廿七日遘疾终于私第春秋五  
十有四以其年十月十九日窆于杭州鹽官縣蘭陵鄉 硤  
石市東一里新塋禮也娶彭城劉氏生 次揚次璵次

次通二女名適宅 推壘棘悲消響寔今恐人 後代地  
動遷桑田變海故勒貞博為志銘曰玄宮冥、兮晝不開視  
魄蕭、兮啼方哀愁雲、兮雨添泪松柏、兮風

唐故台州刺史渤海吳府君神道碑

鎮海軍節度使掌書記前守秘書省著作郎賜緋魚袋羅  
隱撰

黃巢之將叛也天下騷動而杭之豪傑橫戈舉挺以衛鄉里  
者八人故立八都之號其間王公節將派而分者以至一十  
三都太傅渤海府君居其一焉府君諱公約字處仁姬周盛  
族全吳胄裔今為杭之餘杭人也府君始以勇胆智畧為郎  
邑推洎朱直聚徒應募西討以功授西隄鎮遏使其後遂威  
勝軍節度使隴西郡王董太尉禦巢于西鄙加御史中丞奏  
置都額改硤石為訾齋之所于是摧鋒破銳日有声称丞相  
吳公之定越也府君以饒果聞兵罷拜千牛衛將軍肅政基

長俄而劉浩平錄功上奏天子嘉之授散騎常侍明年徐寇  
據姑蘓斬朱方諸軍糧道丞相乃委府君專征授北面諸軍  
行營招討使九月統衆自金陵返旆南討明年春三月克吳  
苑竟讓軍功以本都歸由是丞相益嘉其忠節後兼授義和  
鎮遏使兼本軍水陸都游戎使是冬復值淮寇侵擾合諸軍  
捍禦疆場累挫賊鋒日就月將勲業愈盛由中尚至于大冬  
卿改秋曹氏部二尚書尋以府城版築丞相勞卒之奏遷也  
執法自始至末薄于進取所蓄所有必以分散為將三十年  
家無長物出則督勵士卒入則告道子弟斯二名將之高節  
也乾寧四年夏六月二十有一日起于硤石之私第享

年五十八以明年正月十五日卜宅于錢塘之新亭卿桐扣山之原禮也府君娶樂陵石氏先府君即世男一人曰重裕襲拜西佳鎮道使兼義和鎮事丞相以府君績功又嘉其幹用授起部尚書領本都務始樂陵夫人不幸之後令子幼弱生業止主故以河間邢氏夫人繼焉生男二人曰重禮重禮女二人未笄將君嗣子以隱鄉里之舊既請銘其墓矣而後章父其美于道之闕

張子韶心傳錄序

明虞淳熙

宋崇國文忠公錢塘張子韶先生以龜山弟子傳瀛洛洙泗惟精惟一之心于堯舜蓋自兒時已宛然先覺矣其為吾道



正統非閏位餘分可知也。大廷策出龜山見而嘆曰：曾未之有，因未有之嘆其為入室高第，獨傳此心，又可知也。先生之道以志奪入，以伊尹之志入。或問先生曰：古人斬然獨見者，誰為最？先生曰：伊尹、尹去堯舜之世已遠，絕無師承，斬然号于人曰：吾天民之先覺者也。湯學焉，文武周孔傳焉，非有獨見，何敢自任如此？故先生雖師龜山，而所獨見者，与阿衡同一覺也。卻權貴之幣，輕館閣之榮楮，扇草履，污巾惡衣，沒齒清貧，致塵帝念，是犹再聘不起，一介不取之，搯与阿衡同一覺也。不離心而任論天下，不出身而安定國家，自為簽判為博士，為卿貳，觸詔擋觸，逆豫觸奸，檜萬死不回，百論不改，以

其不可奪有莘之可何必干湯而就桀又與阿衡同一覺也而偶交僧果世遂謂與僧果同一覺誤矣彼其比弓襪而謂之體既矛盾指淨潔而惜之用復牴牾判然兩家水乳自合當其時惟奸檜擬為同倫驅與同罪耳議和之口安足滿天下後世之公議乎且所謂覺者其體先覺自覺其用覺民覺他等覺也無幻不覺因覺知幻仁即是覺、即是心覺猶不着而况喜怒愛惡之私先生雅言之矣惟檜豫貂璫聖澤不被方將引為後覺而出之溝中其與僧果莫逆又何私哉時而襲無垢之號時而側傳燈之侶儒童光淨寧辱孔顏之名所自比禹拜昌言則上筍簾上物視果已耳論者謂漁溪之師

僧涯為孔氏之萇弘先生之友僧景為似氏之鼓鐘不其然  
乎而誤國之言卒以誤世遂有過信奸檜者自非得統如李  
憲赤石先生誰其發潛德而享之同志如司理偃紅先生誰  
其索遺編而獻之耶始近溪羅公忘年而友熙每語曰而鄉  
先生無垢心傳錄不可不讀時宦游長安與屠田叔發于中  
甫帳中之秘獲以應偃紅先生之索而獻赤石先生祀其人  
鐫其書視周海門陶石簣聖孝宗傳之選全矣脩矣附倣長  
虞論語諸詩于卒章嗟乎儒禪信難辨哉六朝名緇踞猊床  
而講三易三禮三易三禮不以登猊床故見遺虎現也今覺  
之一言空桑氏受幣發之桑門剃而揮塵演之豈以辱塵談

故謂子輿七篇盡鹿苑之書乎善夫先生之言曰士大夫知  
識去佛書寂滅甚遠道非虛空日用而已如其言是投虛與  
寂还之釋氏而收知與覺還之士大夫斯禪李聖學之辨也  
李憲司理位據正統而海門石簣先得二先生之同然所謂  
聖李宗傳者其在斯乎其在斯乎

重刻橫浦集序

明黃汝亨

張子韶稱無垢居士又稱橫浦先生蓋先生謫居南安之橫  
浦十四年談道著書李者宗之稱橫浦云先生嘗受業龜山  
龜山本之明道當時推先生為渡江大儒其李以未發之中  
為宗以仁為有宋家法而不受權貴之餌不諱趙鼎之党寒

逆豫之胆折和議之奸淡泊簡靜形骸俱遺清白劄正國家  
是急使盡展其用足以挽弱宗而奮中興而賊臣檜以居宮  
覲時與徑山杲禪師談宗契密往還莫逆遂借之指斥編置  
南安軍而先生之孝乃益磨鍊益明了嗟乎橫浦之孝明而  
先生大業半付之簡編可嘆也予嘗妄論宋之儒者務明理  
而不盡明心能研心而不能任事能明能任橫浦庶幾兼之  
而不竟其用其精義微言幸是集存焉耳是集吳康虞氏刻  
之南中焦先生為序而海昌令方君以橫浦家在海昌景行  
其哲重刻之方君之曾大父太常公與陽明子莊渠子講論  
問孝佐治心要語而方君能刻其集亦足以占其家風矣

仰高亭記

海昌邑治凡為游憇之所五茲亭表出本末下澈河蕪盡登  
臨之勝它則莫及也屋久敝日益甚客來不旋踵去之悵  
壑焉予初至官歲仍飢終日理訟牒局東几案工無暇有絃  
歌之造足累不至者累月明年春一雨涉兩旬椽折瓦墜嚮  
之傾且幾仆矣亭之有無寧足計失今不葺他日或訪故基  
于荒榛叢棘中詰其所從壞必予始也以故因其傾而正之  
易其腐撓者而新之前除有古桂參立如拱揖主人坐亭上  
咲語聲落亭下市之東西行者必舉首駢肩以望亭故有名  
不雅馴乃取杜子美詩更以今名顧予方折腰五斗負弩矢

從事上官走吏持一紙文書至庭占報小緩則出不遜語低  
頭愧見野人其為卑辱莫甚每一登亭窺月窟之清華挹玉  
宇之涼颼使人心開目明飄然凌青雲而上層霄直將挾  
飛仙以遨遊豈不亦甚可樂哉後之覽者能勿謂予以卑之  
毋甚高論幸矣淳熙十一年九月既望三山陳申撰

三先生祠堂記

程大昌

奉議郎知鹽官縣魏伯恂書來言曰伯恂效邑亦既旬歲奉  
法宣恩士民不距而聽此其善意殆可引之近道肆葺李宇  
以示之方又擇儒先之在此而望寔素孚者潔祠奉之與其  
即信生慕則勅率易入也故禮部侍郎張公子韶行其季而

縉紳推敬固其人矣有施德操彥執者李有本末主孟子以  
排釋氏曰絕人倫漫等級棄禮樂仁義不用謂能躐造空無  
此其勝處槩之以道尚自倒易後先况又飾荒幻報應誑愚  
取資則尤為世蠹因著為之論以曉未悟其李若此亦可謂  
強立不回者已又楊璇子平者安貧樂道不妄取予且謹獨  
之操閭室猶康莊也此二人者身塞而譽不宏然一邑人嚮  
之殆欲與侍郎張公等伯恂既即縣李東序闢堂肖像列三  
君子而祀之敬乞言以道所志也予曰大師樂合國之子弟  
凡有道有德者使教焉死則祭之瞽宗夫非為此貌敬也不  
忘其教而宗之而表之而祀之所以永其儀刑也子于此舉



其已古矣而尚賢立則施置又可大也一鄉一國以為善士者夫既還以屬之合天下以為善士者亦又于鄉國責繼焉則夫私淑諸人者厚矣凡尔邑子弟其具勉之此三君子者當其游鄉校習執業是此邦諸生尔今見貴重如此正惟季烏而能行故其声光随所遇豐狹皆可聽聞大道滿天下誰者不可与能亦加之意而已矣

南路鹽倉記

應 繇

淳祐五年六月監鹽官縣南路鹽場陳君桂觸熱來訪以新佐鹽倉成求為之記君之季父著作佐郎内小季教授寔癸未同年進士申、語予曰是子也才善為官廉而勤能幹以

治幸不愛以文為是子表厥役子敢不敬諾監藍君之言曰  
南踞距藍官東六十里所產花黃灣新興三子場隸焉嘉定  
中潮鬻新興一場藍課已失四分之一而他場多秀民收科  
第馳騫乎功名之途者踵相揖于鬻煎乎何有重于嘉熙  
疫頻仍亭民孳且死生者皆烏獸散場官莫克自振懷檄來  
揖空率便文自營而藍場遂敗壞不可為桂始至僅領一印  
首葺廨舍以庇身蒐文書于故吏家得其副喚亭民父老來  
前与之約使歸業躬自課督咸知奮勉歲額視舊復其半會  
天朝以仁和藍官二邑所有場割隸畿閩、帥戶部尚書趙  
公檄諸場官至府下知其不事、皆揖退之桂也蒙獨留蓋

以殫志竭力願為趙公所知也于是條十事以獻蒙趙公來  
聽皆次第施行而倉事起矣先是倉在邑中距場遠場丁疲  
于轉輸司度吏誅求百端不勝困殆議就場為倉眾聞皆喜  
既卜基有不便已者阻其成止移就北柵值天寒河凍舟膠  
陸行率十餘千致一石衆愈困合辭請自裒錢浚河築倉得  
就場便具以白趙公趙奮筆判從行且戒毋得裒錢凡費其悉  
從官給桂奉命唯謹浚河自保安橋達秋門注亘二十里日  
役千夫踰旬而畢水道與浙河西諸郡通因改閘復浚港三  
里許至浦口以迎客舟之自海來者于是河海水程脈絡濯  
輸無壅矣就所卜基乃僦乃營鳩工攄材予直如私家廳事

中峙前為門、左右及東西二廡為殿六、灰甃石甃既備、皆堅緻窳牢可支久、又以餘力于西屋為脩殿臨流創亭三、所以便登舟是役也、竟于四年之春、倉貲四萬有奇、河費一萬九千楮有奇、始給之數、贏于此、悉以還之、帥閻亭民樂于趨役、歲計益羨六、殿皆完、物價至者止、以容則寄留、旁近小民家乃僧廡、亦祠中、歲終而會羨二分、趙公信正、鹽錢二萬、緡以康之眾、願以此錢置屋、增倉、受餘、監趙公復從其請、乃鑿但闕、基復為屋十三間、為教、五、今年春三月告成于、是、茲場、搃十有一、殿、害除而利、具公私皆便矣、又為車筒、以度舟、檝、商旅、湊集、南路市稍還舊觀、河既通、民田資以灌溉、亦連

得善歲蓋不止場民賴其利而已予聞之語之曰古所謂能  
令所居官大非子也耶凡居官者皆能振厥職如子則宇宙  
之間何事不可為君退然不敢當曰桂也曷敢自以為功厥  
惟曰大尹尚書之賜也倉議未成非趙公炳然有特見其不  
阻于異議者希矣予敬趙公之能知君而喜君之為趙公所  
知于是乎書君永嘉人少有異才試童子成名連貢于鄉登  
進士第初筮已著奇績其居身清立甚似其季父云

師友集序

元黃 潛

師友集者張君伯雨所得名公贈言及倡酬之作也伯雨之  
生於宋季未久其大父漳水通守雅不欲諸生養于貴驕而

縱為異時華靡遊故事延儒先為師教之甚篤而伯而特聽  
寤與即穎出不群壯歲即務記覽美翰為詞章方是時前朝  
遺老宿儒魁士猶有存者數百年之文獻賴以不墜然皆尊  
其所聞人自為孝未嘗凌高厲空併為一談以事苟同伯而  
覲其光儀而聆其緒論如企嵩岱而得其高臨河海而得其  
大且涑佩服之素固非一日年運而往諸老相繼淪謝伯而  
乃以壯盛時去為黃冠師間出而覘國之光屬當文明之代  
一時鴻才碩望文季侍從之臣方相與鑄金鑄詞著為訓典  
播為頌歌以鋪張太平雍熙之盛伯而周旋其間又皆與之  
相接以粲然之文如填鳴而麓應也逮伯而倦游而歸入山

益深入林益密並游之英俊多已零落而伯雨亦老矣後生  
晚出如春華夕秀竒采逸發欲一徑伯雨之品題者無不挾  
所長以為贊而伯雨皆莫之拒維細弗遺宜其所積之富如  
此嗟夫伯雨負超邁卓絕之才不徒有闕于家廷而脫落綺  
紈之習遂能遺世獨立周覽六合必能盡大觀而無憾其高  
夙雅致固可槩見也雖然四十年間氣運有升降人物有盛  
衰而文章之變化与之相為亡窮述作之家尚有攷焉詩文  
總若干篇其次第不繫乎齒爵位望而一以歲月為後先方  
外一二士既編輯而校讐之復俾某為之序而刺實伯雨所  
居灵石山之登善菴某之鄙陋言不足以盡意序續集者寧

不為之單其說乎

句曲外史集跋

明毛晉

伯雨慕米元章為人撰中岳外史傳此即句曲外史自傳也  
如元章初募二王曉入韓平原伯雨始李雲麾將軍既逼歐  
陽率更元章一見無為公解竒石即欲兄事之伯雨入燕地  
見梅于吳間、家如遇西湖故人徘徊竟日不忍去元章多  
藏玉躡金題幾埒秘府而黃篋樓所儲不亞寶晉齋元章愛  
潤州江山因為卜居而金陵地肺丘壑更自佳勝至于元章  
先一月盡其平生書畫預置一棺焚香其中曰象香国裡来  
象香国裡去舉拂合掌而逝伯雨預塋冠劍于南山屏絕外



事飲酒賦詩焚香兀坐及期羽化篋無餘物安得云米顛而  
張仙非其流亞耶惜其詩文罕傳陳萬齋所輯遺集本傳不  
載亟為補諸卷末

句曲外史補遺跋

貞居子黃篋樓手編生平詩文甚富惜乎紅巾寇杭之餘不  
知所在予十年前所刻句曲外史集三卷蓋陳羽士訪諸貞  
居經歷之地寸管尺練櫛比而成者也犹恨未獲楊鉄崖所  
鈔重窺石室之秘耳幸湖州康侯閔君宥搜博采手錄遺止  
若干幅數月之內鱗羽相接而寄于予、亦隨開緘之先後而  
付諸梓人略無詮次又得三卷鉄崖所云晉武庫之遺劍不

在斯乎鉄崖為一代人望豈不輕可人獨醉心于貞居康侯  
真今日之鉄崖也所著江東外紀吳興藝文諸書不亞于史  
鉞及史義拾遺亦醉心于貞居壹、摺據無勸色貞居何幸  
遇此兩知己也予愧未能享姚公綬以古画相易或不至為  
胡李城受友人之託不能公之海內與

### 一經堂記

貢師泰

一經堂者海昌朱肅齋名以訓其子叅政周公伯琦所書也  
肅齋之子懿從予游閩致其父言請為之記予謂六經並載  
聖人之道何獨取于一經哉豈不以漢韋賢嘗以一經教子  
故耶不然則將先明一經而他經從可明矣夫經之目有六

曰易書詩春秋禮樂或道陰陽或紀政事或咏性情或正名  
分或以正行而和心雜其為說不同而其道則未嘗不貫于  
一也以三五以降歷世益遠然其立訓垂教不過數十言而  
止至吾夫子贊序刪正更加述作上以紹前聖之既往下以  
開後季之方來人文可謂極盛矣寔止不過數百卷而止耳  
以數百卷之書明數十言之旨簡易精潔如天地運行如日  
月照臨其道未嘗不廓然而公粲然而明也及秦漢諸儒各  
出已見務為專門論議詆訾朱紫混淆其簡冊之多棟充牛  
汗既以湮塞聖道磔裂經旨不可究極矣而近世科目之設  
則又解之以著述誘之以詞章盡之以記誦假之以經術遂

使海內之士疲精竭力靡然向風恣為新奇之言巧飾頗僻  
之見一切逢迎苟合以邀進取而六經始為釣功名利祿之  
具矣嗚呼大道之晦一至于此可勝嘆哉向非周程邵張朱  
呂數君子者出孰能發微言于既昧之中尋墜緒于不傳之  
後乎而今之孝士大夫執其全書因以潛覘默識旁通曲暢  
則亦幸矣然有讀書萬卷而終身無一言之得者有得一言  
之要而終身守之不失者其故何也道之明与不明而已是  
故明經所以明道、明則經無不明者而鑿也又文公諸孫  
強志善孝其庶幾有得于此矣不然雖日誦六經猶為無益  
况一經哉

送尹知州之官海寧

劉基

國家憐黔首之未寧乃大選守令以熙庶績非名寔素聞于  
上下勿任且以六事攷覈其殿最責至重也東平尹希善由  
餘杭主簿江浙行省掾史遂昌宣城縣尹溫台海道千戶皆  
能其職故得舉為海寧知州將之官相與交游者咸為為詩  
以餞之而屬其序于予惟今之人類多喜諛心竊非之夫求  
言于人而得譽不如勿求與人言而進以諛是不以賢人君  
子待其人不恭莫大焉故願其獻規而不以頌今天下久安  
而盜賊竊宥發不禁何哉為守全者非其人天子有不能  
徧治故托之守令謂之民牧夫牧也者受人之牛羊而牧之

為豈其水州適其寢訛去其瘼蠹驅其豺狼然後物生遂而  
牧之道得矣是故悍卒猾吏民虎狼也苛征橫斂民瘼蠹也  
虎狼不屏瘼蠹日生寢訛失時水草之絕則亦日就死亡而  
已矣惡在其為牧也夫好安樂而惡憂患人情同之盜賊之  
刑而族人必有大不得已誠能順而撫之吾未見其勿寧也  
海寧為濱海邑民勞而貧久矣孟子曰飢者易為食渴者易  
為飲于今之時抑亦可以謂之易而非難矣戶侯國家之寄  
百姓之望于是乎在它日惠政之碑又當為君書也 按尹  
知州繫元時所任伯溫仕元此或其初年筆耶

胡斗南詩集序

明寧獻王

予觀夫詩詞之發皆人心感物而行于言意之表也然必詞  
理兼該音律俱傳而後可以言詩也自夙雅以降歷代作者  
惟唐為盛故唐杜之詩卓冠群倫超絕萬古後之能詩者莫  
不皆以唐杜為之宗主胡虛白海昌之名儒也博貫經史尤  
長于詩元至正時平童慶童守錢塘數稱胡虛白以書寄廉  
夫楊先生曰此子而已廉夫以書答曰老夫  
久疑此人可與並轡也然是時虛白年才志學而聲譽已出  
矣壬午之秋予至淮南時方早飡未已侍兒持一幅莊子現泉  
園入視之上錄其詩不知何人所作予現其有滄霞眼日之語  
乃自謂曰苟非太白之後其誰与侍兒曰此海昌訓導胡虛

白先生所作也臣愛而錄之問其所曰今者任滿將之京矣  
予愕然而驚憮然而欣淳然而起喙然而笑不覺噴飯滿几  
左右莫不為之掩口後予之京奏而求之乃錫教授于王門  
自之豫章以來而日侍左右其表情曠達議論懸河凡題咏  
之傳于四方者人皆莫不知所愛敬而誦習之今稱為一代  
詩人之傑信不謬矣後歸海昌臥病數日俄而謂家人曰吾  
將歸矣遂令童子執筆作葵頌一章頌畢歌曰天地生我天  
地死我亦任于天有何不可遂抱膝而終且予嘗慕其詩之  
豪爽神俊道人微之得遺稿于其子玩之再三益見其詞氣  
豪邁有不羈之志而無月露風雲之句風韻清雅而有不



喫烟火食之味非神仙中人孰能及耶誠可謂絕洪流之巨  
漲窮滄海之深源卓冠時流者也蓋聞君子不沒人文善不  
匿人之美况于得之高可隱乎于是乃命教授周冕編次成  
快遂銀于梓以廣其傳姑叙此以為引

螺城集序

陳敬宗

山東叅議海寧孫公集其平昔所作五七言古今近体凡若  
千卷春容典則鏗鉤炳耀而萬物之理咸備高三光之昭明  
鬼神之幽怪高之于山岳深之于河海微之于艸木鳥獸變  
之于雷霆風雨以至朝廷之禮樂民俗之歌謠皆能不闕元  
理曲暢微妙誠一代之佳作也猗與盛矣維昔韓子有言懼

娛之詞難工而穷苦之言易好歐陽子亦曰非詩之能穷人  
殆穷者而後工也公自永樂甲申進士授兵部郎中而擢今  
官爵位之崇峻與脈之顯榮声望之隆重以至出入起居靡不  
遂所願欲而其吟咏之工乃能如是豈其心亦有所未足者  
与公颺歷中外餘三十年其文孝政事才猷識見皆足以出  
人之右固當顯用于朝以發舒其所蘊蓄今乃使之督治河  
道置之散地志高而位左其心固有所不平也以不平之心  
處閑散之地宜其冥搜僻引探竒索怪得以肆志于吟咏以  
發舒其所蘊蓄暢達其所不平譬如三峡之水愈抑而其勢  
愈怒則噴激衝突其奔益溥而其声益宏矣韓歐二三之言

豈無所驗與以是叙之孫公必有以教我哉正統六年歲次辛酉朝請大夫南京國子監祭酒四明陳敬宗序

螺城集序永樂壬寅括蒼徐用中宣德乙卯奉議大夫衛府

左長史三衢金寔正統四年己未翰林修撰張益

送彭教諭序

張益

仕以礼去官者三勞瘁倦勤理所當退謂之請老成功審已分所樂已謂之知止知難慮後事所決去謂之見机後世法制嚴密惟請老得循故事而知止見幾往之不遂人意士大夫名節能与公法清議並全者蓋不多見海寧縣李教諭彭君顯烈致仕歸庐陵年僅六十精力甚壯自始荐歷初門南

安以有今職名位未滿其德績用未究其學今治教休明季  
官又無危高嫌逼之防于三者皆不合而去之遽宜有不可  
必遂者而竟遂之藩臬州司無齟齬于其上縉紳里社無訛  
議于其下門生故人雖私相惜而大相樂不識君何以得此  
于衆殊之間也聞其鄉人言彭之先唐太尉安定王思珩宋  
御史中丞戶部侍郎思永之後自元歷今世有名宦其先君  
大雅先生正統間嘗詣闕上書言事又進二京賦 英宗勅  
賜冠帶以訓導致仕時楊文貞公當國奏欲由翰林固辭而  
歸審如是則先生出處進退當上有家法源流也嗟夫先生  
三為儒官鄉邑相望今及耋老之年去位猶之朝出游而暮

歸其序情事可人物色未改視世之遠仕不歸者相違豈直  
尺寸天壤之間獨此亦足有得而况無愧于名節哉若先生  
者殆可以言仕矣

轅門夜宴詩序

張寧

正統丁卯秋温州衛陳公彥章以蕙總浙西戎事及賊將歸  
道經海昌屬地時邊土寢平公雅向儒術置酒帳中老延致  
故人文孝之士相与咨決時務以圖後舉顧軍中無以為樂  
分韵賦詩得若干首命曰轅門夜宴具簡成帙以行後一年  
公且至出以示予求為題識予嘗記宋慶曆間西師未解宴  
晏元獻為樞密使會大雪置酒西園設客歐陽文忠公賦詩略

曰主人與國共休戚不惟喜悅將豐登須憐鉄甲冷徹骨四十餘萬屯邊兵公不樂曰昔轉愈亦能作言語赴裴晉公席但云園林窮勝事鐘鼓樂清時未曾如此合開於乎歐公豈自為身計哉亦惟尽其衷而已耳今觀是編之作若雪漢先生之渾化自然雲壑先生之嚴造有法孫素庵叅政之老練不放岑雪崖之格韵清勁與夫凌隙諸君俱有述作悲罄所長公果不以合開外之也抑否耶又聞公之先將軍都督荷國恩厚傳襲至公是休戚之臣也今日倭夷伺邊諸道兵未敢安枕公未嘗少釋于意此正文忠立論時也第恨不得列坐其次以聽蘓岑諸公規助之言何如展玩無似輒汗顏

而序其後云

重築障海塘記

張寧

海寧古鹽官瀕海南上可百里有小名赭山南遠有山對峙如門是為浙江受潮之口歲久沂泗滄瀆出渾若階則口隘潮束互擊于鹽官隈岍宋嘉定中潮汐衝鹽官平野二十餘里史謂海失故道有由也成化十三年二月海寧縣潮水橫濫衝圮堤塘逼盪城邑轉盼曳趾頃一決數仞祠庑廡舍器物淪陷略盡郭不及者半里軍民翹喘奔籲皆重足以待縣上其事于府守陳讓上其事于巡按侶鍾侶公以所上事詢諸布政使杜謙按察使楊瑄又以二公命各詢其佐

叅政李嗣副 端宏叅議盧雍僉事梁昉臧集厥地周視僉  
謀區畫會計相與祭于神具以成業托分巡僉事錢山曰君  
宜任重有所給之往羊惟君自處公乃躬履原隰量材度宜  
命杭湖嘉興官屬因地順民採石于臨平安吉諸小物用林  
積舟楫轉挽蔽河而至分命把總指揮李昭通判何某兼總  
工役初用漢犍絙法不就乃斷木為大櫃編竹為長落引而  
之泛濫稍定人知有成勢皆奮力趨事計以日費致月工填  
壘稠復為力漸易業可待就時盛夏公有念曰吾聞聖禹治水  
秦鮮定賦非但䟽泄而已今民蕩析未寧農稼方作飢勞野  
聚必有疾疫未可亟也由是作治雖嚴間輒拊循勞來失次



者徙寓空舍惠以薪米大集醫藥以療病者作副堤十里衛  
灌河以防泄鹵之害義穀倡道富人爭自賑施民至是始忘  
死徙之念歲八月塘成遠沙塗壅障其外公因增高倍厚覆  
實擣虛使腹抗背負屹成巨防而海復故道矣是冬舉羨餘之  
財修葺文廟增廣學地重建按察分司致祭告成乃復父老  
過相語曰昔元延祐海患財力大艱時官寡謀詘以異術今  
之深沙鉄神遺趾近在吾少歲猶見大父行于悒流涕而道  
其苦辛者 皇朝永樂九年海決有司不時治民流移者六  
千七百餘戶論田一千九百餘頃事聞遣保定侯孟瑛力役  
蘓湖九郡貲累巨萬積十有三載其惠始悉此吾輩耳目所

及者今錢公以騎行邑歛不及民勞不糜象徒以三府萬二千人僅七越月而績用聿成患大費省力少效速較之前事孰與此賢方首事之際震撼倉皇若禦勁敵然雖有優才絕力當亦不暇旁顧公能發心蘊竭性能紆徐委曲以庇食我以調劑我以成我稼穡以寧我婦子凡我輩今日復以得安此土者皆公賜也奈之何泯沒其德遂相率叩縣令孫經教諭彭永烈介予友庠生徐寬具書走幣徵子父刻石于念風濤漲溢凡際海之區無不間遇至于衝決激射惟浙江地勢為常自延祐及今才百五十年海已三變雖白氣數消長未嘗不以人力定勝但恐物非天成終當復故使赭山之渾復

出沙塗之壘再去後之繼任非人文献無改則父老前日之  
憂將或在其子孫也文章非紀實不足以傳信請詳述本末  
凡有事者皆刻之碑陰一以張今日之功一以示後世之法

聯句詩記

楊循吉

徐寬海寧人成化十七年進士家世喬木博學有操存溫  
言動與坐終日不默初授都水主事臨清築磚廠予自登第  
後奉差至浙遂與君遇君以見予遂如故人承君留予至衙中  
出佳酒飲予與予談浙中山水之勝云瑤華洞最佳君往  
必宜游之由連竟日別去後予至杭牽于公事但得到西湖  
上諸山及天竺靈隱而已然亦一認即歸不復能得其味所

謂孫華洞者竟負君言不得遊予可謂俗客矣後予事畢北  
還至清河則以水枯取道自穆陵關出德州米都下不及與  
君會臨清予至工部未久復差至保定取道至臨清迎老母  
北上則復見君保定知府陝西趙儲秀前曾為御史巡按山  
東與君交趙公妙于理學嘗與予談及君趙公曰栗夫極有  
工夫趙君特雅重君為今年事滿受代赴張當別除曰方  
以功名期之而栗夫乃云將給假還家座中客問君當明年  
來耶君笑曰來未有日諸君不信予獨然栗夫之言栗夫曰  
若遊山君來浙吾為主吾米吳君為主然不知予病人此歸  
可得稍健隨君登涉否人生得游奇山水亦是福緣所招不

不敢必也君是夜談謔甚多雅語不能悉記可惜也

海寧水利圖誌序

知縣嚴寬

惟王建國設官凡以為民為耳矣民事曷重曰有本曷先曰有要本者何田里樹蔬之謂也要者何水泉灌溉之謂也是故蒸民乃粒稷惟德懋而地平天成萬功實開之此固當務之急也三代而下固知貴本親要疏鑿之說雖幸有存者或失則誣或失則陋或失則勞或失則逆噫弊久矣又何異乎治之不古若耶惟我藩臬朱公欽若明倫總諸水政于南甸于浙之東西爰檄郡縣有司百執事各會山川形勢上之將以講求水利之源流與凡修興之利害勒為成書以嘉惠

萬世甚盛心也。下吏窺竊祿海寧媿初政。嘗若有知喘。焉  
惟無以仰承。是惧于時。延訪于嘗。探索于時。履歷攷詳。越數  
月。亦既得其槩矣。敢不綴聞。輯見以獻。竊惟海寧古鹽官縣  
也。按志。海通縣南。由鎮海門出。里許。以石隄捍潮。曰海塘。北  
自拱辰門達于仁和。曰上塘。東至宣德門達于運河。曰下塘。  
其沉旁通四境。中間為湖。為蕩。為瀆。為溝。為汴。為遂。為渠。為  
川。為注。為淙。為浜。未易悉數。皆蓄泄之支流耳。閔于一縣之  
利害者。三河其選也。第其緩急。則又不能無頓頓之差。為是  
故。海塘為要。上塘次之。下塘又次之。蓋緣地形高阜。俯視蘓  
湖。使海水捍禦。不禦則東南腴膏之地。盡為斥鹵。昔人築隄。

以捍之其慮周饒有如此者迺來怒濤衝激歲益以甚相去  
城河近不百步耳此利害之関于數郡者故曰為要上塘之  
水發源于杭之西山由吳家堰東抵長安壩以泄于運河近  
來西河占塞而水之來也有限吳家堰坍塌而水之去也無  
節矧自詩塲達于縣治幾七十里許地高河窄容蓄無幾舊  
制篔筒于有三處滂則泄旱則固所以節宣之也今則傾圮  
殆尽無復存者此利害之関于一方者故曰次之下塘河其  
支有二東由袁花歷海鹽抵白茆港以入于海北由郭店浮  
于蘇常由孟子河京口開以入于江源遠流長非大旱滂可  
以無慮惟近城十里地名曰轉塘河淺不足以為容塘小不

足以為衛涸舟沒路之患間亦不免為此利害之關于一時者故曰又次之議者謂浚河之土以加于塘則河深而水聚塘高而行便矣此固周禮因地勢水勢之說在因時處分而已矣固不敢重遺當道者憂也惟上塘之後工力頗繁使驗丁出力則富豪者或以計免而荷畚與嗟者類皆無田之民今欲道力于兩岸食利之家庶合佚道使民之旨而覓之制要當易以石間信非損貲公帑不可耳矧西湖曲防于吳家堰吳家堰屬籍于隣縣尤非下吏寬卑劣所得專者幸惟我公率作興事計處之下復以周旋則亦奚為不可至于海水潮汐世為邑患則又有甚焉者矣攷之石隄之築創于唐漆



設于宋元增修于我 國朝皆以數郡財力始克有濟正以  
據蕪常之上游為嘉湖之鎖鑰各與有責故均任其勞耳迨  
者海勢南奔乃驅一方之民以治之東興西廢財竭力疲惟  
明公處助始克底績迄今海沙漸長雖天幸亦人力也但潮  
汐潰決止常而一邑財力有限每遇興修則上下移文動以  
旬月計卒之損者崩、者廢計定而後行所損亦已多矣識  
者欲準海鹽事例歲儲均徭役銀若干以脩修築則百姓免  
興作之勞而官府者文移之費未為無見也明公存心天下  
加志窮民况通融處分具又在我果采而行之乎苟行之一  
舉手一投足之勞耳明公何吝焉寬也學不足以識古才不

是以通今按圖或乖于時宜道謀或主于偏見若夫通其志  
不違其欲齊其政不易其宜立言立功以垂永：願明公酌  
處何如耳若曰下吏之言為可必行也則寬豈敢

馮小海先生存集序

虞淳熙

世宗初北地信陽之風被于南維一二君子嗣言游以文學  
著力不足則見其媮而武林居宋輦下狎為宋音蓋靡：無  
當于雅習使然也是時燕人許子春先生修龍門之業大有  
毅而孫太初氏傳秦昔于詩歌復傾動一世惜其洪響忘其  
儉俠戶視寓公下視粉梓亦祇以薄耳善乎馮先生之鼓靡  
俗也情必蘄真境必循實詞：求譯語不假造一切卻謝銘

黃與所脂澤無使人疑天疑帝而疑北地信陽于武林也者  
是先生跨燕秦以重我朽梓也功斯為上矣夫西北天地閉  
藏之府也不可以暢其人骨勇啣枚營壘間怒則咤呼為殺  
逼以語調宮而應之渾、沉濁一吐便已南方麗斗玄宰之  
喉舌在焉故氣輒成殺變成文乃今文不文而不文者柄操  
則何也懸水合流其鳴大滄岐溢旁出其鳴汨、吾聞武林  
之給于言矣戰則善挑爭則善詈喜則善譔感則善諛勃礫  
乎一室而淆訛乎三家之市不啻千疇也脫以文位高華又  
得勦四方之語固其鄉人及請謁止虛日每為大言蕙足可  
分入門顧婢子刺、耳斯之謂岐溢旁出安所擇鳴也北地

信陽在淳于生所稱一鳴驚人者而馮先生于吾党為大宗  
無乃卜坤會以善處其默與先生之集過庭所錄僅滿八卷  
彼一二君子頽有內有外有雜有閏有餘有別是以多為媿  
也岐而汨、無為也長公之過庭闕詩矣又得闕斯言者猶  
訥、如不出口將文益昌哉長公舉孝廉喜文字嘗刺秦漢  
家言士趨購門如市而長公之子又為莊生洛誦之係無愧  
馮先生之孫乎嗟乎馮氏三世建懺不有舍枚從之者非夫  
矣

送吳默泉先生序

王慎中

君子之德何其多而難全也洪範列所以又人者沉潛高明

之不可兼則克之以剛柔必有待于剛柔之克而後沉潛高明者得歸于平康其始蓋亦偏矣后夔典冑子之教悉教其目有直寬剛簡之繁而直寬者惧其溫栗之不足剛簡者憂其傲虐之為害彼皆學于上而且承之庸之望其所以教猶當誘其未倫而防其不及如此猶然謂治教之法待之詳而設之豫云尔臯陶矢謨言人之無其多至于有九當虞之盛宣明其三嚴數其六者皆可以為家國之用爵莫尊于諸侯事莫重于大夫其為諸侯大夫而熙浚明亮采之載者亦言其人之有德至于三六而已德之難全厥已久矣以子現于吳然象先生之德何其全也方乎其外未嘗止而不行

也介乎其中未嘗劇而難迹也動乎其不可禦而若有約而  
苗之者而動出于有恒矣藏乎其無所有而若有拓而發之  
者而藏蘊乎善應矣其德之詳不可以遽列其于臯陶所序  
蓋不具者鮮矣道德之一莫盛于有虞之世克全于德者禹  
益臯陶之外其為諸侯大夫者已相為多寡其不能至夫三  
六而僅有其一二者宜多奮于治世之庸如是亦烏得謂之  
一彼皆昭乎其宣明肅乎其祇敬有者無如弃于無而無者  
不以忌乎有多者不敢病乎少而少者無所愧于多雖有三  
六之未備與夫一二之僅有而卒謂之咸事于時然則所謂  
九者何嘗不全而又烏有不土者哉有虞之君子所以為盛

皋陶所以得悉其盛而日之執其言而知之靜言而士色者  
不得廁于其間今之君子則異于是有者以傲无而无者以  
嫉有多者以之病人而少者以為人愧偏党反乎皇極惡教  
汨其彝性志不通乎天下而俗不同與斯世其患非一日之  
積也无者既已嫉矣少者既已愧矣非夫有者之能致無多  
者之能容少吾又何望焉今之君子有而且多者既莫如先  
生且將有大位于朝也必有所治也必有所教也以平康者  
治以中和者教忘所有以矜有而无者將日進于有舍所多  
以從少而少者將日勉于多然後其進而勉者受之可得而  
知施之可得而事也融什偏党泯絕惡數叙常倫以還大中

而君子之德不為後全矣非先生其孰為之予切為先生望  
之矣郡博士紀君其賢能知先生之德者欲有以贈先生而  
予為之序

二游草序

汪道昆

明興經術為政故左穀詩 孝、武以來駸、右矣嘉隆則  
東南蔚起夙雅在焉浙江為百谷王蓋人文薈也願希教問  
作卒以經術先鳴徃予與元美同朝始得舜舉舜舉朝太僕  
而夕司馬不啻壇坫之奉極文與之言詩老中肯綮叩其所自  
得恂、若不耐言異日者賈勇先登必其人也及予以迎親  
得請舜舉守在蘭臺造金吾小有言譎邊邑尉浮沉即署亦



越十年進進藩臬下大夫南出粵北入晉出則搃功今都儒  
宗入則治軍興脩邊境周游幾五千里稱詩幾五千言猶之  
龍章鳳儀得麟羽可概見乃今元美已矣予亦絕境外交舜  
舉自閩致書兼二游草猥云索居久矣願受繩墨之言其時  
則分部福寧予故治兵地也閩島夷將大舉先殺薄閩舜舉  
坐而籌之殆將賦詩卻敵居有頃行邊使者出山西舜舉乃  
從量移得代行矣予聞之古昔詩窮而工又嘗閩之先聖先  
師詩可以怨夫風雅之變類多隱約之思當其放逸流離堯  
積而颺發猶之雷伏而奮蟻屈而伸不期工而工則鬱者  
之為也不得而耐無怨已怨則憤故多溢怒之詞懷沙之忠

履霜之孝至今誦之要其歸則憤矣舜舉自南宮見坐隸邊  
鄙旅市朝即南海山西退然從大夫後不可謂不窮矣及其  
登高而賦結客而吟高則羅浮太行廣則河汾滄海莫不本  
之以溫厚出之以和平取材于六代三唐取法于濟南江左  
時而慷慨嘗而春容泐于治世之音怨于何有閩州雖未  
及見殆將探赤水而得玄珠是行也却而不前乃復遭其窮  
矣陶然欲遂其志憤悵不入于心業于是而益工目命氏  
將為舜舉地也他山之石可以攻玉又誰怨乎東歸而吊瑯  
琊願以斯言質元美

王尉功德記序

何喬遠

城郭區肆高門密閤地之俗也則必居岩峴川茅茨水竹以  
清之肴酒微逐輕綃點履人之俗也則必臨池作賦茗鐺芒  
履以遠之簿書獄訟桁楊鞅蓋吏之俗也則必招游彼都挹  
損內交為民興治久遠之務計其足以田廬衣食者莠除闌  
煇以安靜之故夫俗與雅對廉與貪對直與諂對誠與佞對廉  
直與誠雅之徒也貪俗與佞俗之徒也其為人也不俗則其  
守必不貪其行必不諂其心必不佞而端人正士也幾矣海  
寧王君鳳咄來尉武榮一歲餘一日叩予門求通予不知鳳  
密何如人意其以當事通邑子諸公折節為禮耳一日其邑  
之文孝先生徐君則脩述王君所以不俗之實而為直真誠

其俗之予聞唐人遺事得一襄陽尉其上官饋魚于尉、不  
在治妻卻不納其上官曰吾得二贖世人後知梅福脫屣棄  
官為仙舉耳如襄陽尉者乃真尉也則以得二名君之堂而  
君欣然謂予會其意蓋與予習予暇過君、則能詩能画潔  
治一室花卉襍列文酒錯陳脩然物外之致徐考君所以尉  
者皆為邑修築壞城開濬畝澮橋梁道路除治闢蠲其為事  
也甚詳而為力也不費有可以羨不入私橐復蓋已祿以治  
他務上官愛君有如親子弟君視官長有如父兄視其邑之  
士大夫青衿子文孝非其所師則師友也君既肝胆相示予  
亦意氣盡傾而益知君幾正人端士也疑矣夫君之善画予

予所謂居岩觀川茅茨水竹以清之者也君之善詩予謂所  
臨池作賦若鏘世履以遠之者也君之為吏予所謂為民興  
治久遠計其足以田廬衣食而安靖之者也人俗之而我自  
不俗由于我者也我固不俗而人俗之由于人者也君今作  
鎮于建寧之西安古人所謂得一障而乘之有可以不俗自  
在邊將行也交游父老刺君所以不俗之政予亦為不俗之  
文并首而贈君

唐睢陽太守忠節許公故廟碑

談遷

翳我監官有忠節許公殉睢陽以障江淮軀七尺以安九廟  
生致東都畢命偃師在至德二載之十月旬日賊遁遂葬故

里不至腐烏鳶而能孤忠辛難之亟濟也公墓楊園村見宋  
圖經 明田叔禾云堊洛塘南意其嘗馬鬣崇封蘋藻修潔  
寧惟是三尺之土已也宜有廟而掌故失載臨安志雙廟縣  
西塘同光二年建由今思之洛塘南故廟因雙廟而故也至  
德二載迄唐末百四十年安有曠代之久墟墓生哀不廟貌  
其間以慰碧血于萇弘荐念甲于汧督乎故廟之初其專祀  
公止疑也第安石之白碑未勒申胥之祠額易訛于是立堊  
禾黍門祚別棘農夫牧豎鮮識壽春之面候虫啼鳥徒聞董  
相之陵蒸嘗既闕樵採日侵雖非有玉魚金盃神劍祥珠可  
流發丘中郎之涎而漆燈未滅頓值沈彬武庫方營遽直樗

里悲哉乎後之人耽、焉得寸則寸得尺則尺寧能追獎忠  
魂仰安貞魄以全東平之塚樹表太師之泉臺哉猶未已也  
并故廟而佚之眎若下鬼夷于叢祠撻豚蹄藝瓣香者殆車  
篝之祝猫肅之功也名實俱喪昭聖止聞僅祔公于右沿流  
忘源顛蒙愚陋遂、如此即忠義之氣无所不之非因地為  
重輕然離桑與梓仍誤襲謬吾未知其可也廟前银杏大四  
人圍相傳公手植歲華而不實得非黛色參天苗端人之勁  
節愛妾餘恨終壯士之枵腹哉 遷 獲稱鄉人私淑千載之下  
俛仰往蹟幸釐正其事以歸之我公遂繫以銘曰  
畢昂星纏腥下土孤城突兀威天斧張牙露吻競脚偷投營

西來狂逞怒，飢軍壓羸不。忍觀天生豪傑，亦慘虜盡畫開。堯曠  
多圭組堂，帝室莫可數。太守受刑如縛虎，仇目憤髮壯公  
府。至今英靈滿塚，樹日霜噴薄。雄千古當皆權貴，俱朽腐。睢  
陽之名猶歌舞，井里蕭條失故主。落荒祠誰簋簋如婦，遼  
鶴問堂廡，雖修蘋藻神其吐。唯公大節開昏瞽，使我皇求  
步武。故鄉糴穢汙南郡，地下有知嗟獨苦。徘徊遺像泪如雨，  
衰哉斯世唯君圃。

按宋圖經故廟坊酒課民戶月輸錢四貫

國朝縣志故廟失載，歸其重于雙廟也。今廟又祀劉文龍，  
謂游長安落魄歸，飲恨死，即忠節公。姻誠齊東野人之



語或睢陽之難文就以戚誼左右如張中丞陸氏姑之類  
得列俎豆否則公之廟成于文就許氏不敢忘德也若如  
俚說則劉何自共我睢陽哉土人謂劉止子墓堅壯事容  
有之不足辨第以溷睢陽非子產立公孫泄之意為重識  
其後云

徐烈婦誄有序

從一大義殉難恒理此嬰孺共喻而庸俗積曉矣然史乘相  
沿今昔代嬗文姬辱于胡笳致賞蔚宗貴嬪咏于大都流嘆  
信國豈非滔天之勢江湖失其砥柱腥聞之劇椒蘭改其至  
性乎若夫五將之敗千里為墟昆陵之屠億兆併命維裂肝

塗腦洞髓潰腸譬之昆岡受焚玉石共燬鄧林方伐梓糧等  
盡也惡足耀冰蘖而侈丹鉛哉今吾邑文學徐元嘉之婦曰  
沈慧淑夙成織紵佐讀鷄鳴謦旦孕績終宵內行之嘗未易  
枚舉日者江左无幸代馬南牧飛鏑驟控橫戈揮刃堅城始  
陷溫室俱傾少婦鬱金之堂使君燕子之樓風霆頓掃血洞  
交屬劉石之禍遠隔于永嘉漢晉之季僅安于吳越并哉以  
一時也觸不周之山芦灰未止其狂溢從穆滿之車虫沙不  
保其全軍乙酉七月丙辰而鹽官見及笑奔蹄若電叢鏑如  
霜家斂戶掠日翳塵昏烈婦挺其孱軀抗辭厲色義不改顏  
誓無反顧甘頰血以衝仇惟碎身以殉天日氣息絕屬泉壤

為期游魂月下芙蓉之面犹生尋夢鏡中玉京之路可即嗟  
乎卓至悍也不能奪皇甫之嫫素至雄也不能絕樂昌之心  
然則貔貅十萬豺兕千群自江以南魚潰獸竄鉄騎長驅鳴  
鏑齊翰電激雷轟焱颺潮沂隻矢相加金湯立泯智不及籌  
勇不及扞嗑吸之間驕嘶駭喚高鼻虬鬚橫昨潁潁四掠委  
巷淫汚酷鍛雖有姬姜不如孤麩雖有華堂不如藜牀雖有  
金穴不如負牆雖有錦瑟不如空梁猗與烈婦倉卒慷慨壽  
陽白馬赤亭老羌大刀七尺拏踰天狼輕其一死何畏何殃  
彼怙其悍視犹羸尫彼習其暴眇為傖荒頽不足護壽不之  
祥斷脰截股洒血委璫收刀環顧奈此女郎攻城、陷突陣

：創向來百戰時逆顏行發星之精獨耀其鉅歸心九地萎  
生一霜貞視毅魄凌厲翔翔天不能滅地不能藏噴為苦霧  
散為幽光怒為水旱冥為混茫于呼哀哉何人不生：即除  
志何人不死：見哀謚非藉表章詎因名位我盡其心異于  
邪媚明妃入胡蔡琰還貨有覲視面目難安寢寤勿謂患難遺  
簪墮珥勿謂迫脅聯鑣並轡明：在天耿：在意鏡折釵分  
香銷影崇于乎哀哉細絕皇絃幕徙朔漠雜音鵬鷲噉人狐  
貉嬰之者靡見之者作堂：丈夫化為狙攫寒閨單箔最稱  
惟弱身犯其鋒有前止却玉容憔悴正氣磅礴鑿齒狎猢猻  
牙徒攫刺名琬琰舒憤藜藿庙近睢星陽高格澤于謂何教

勿摧何城勿下亦天行之遙然耳何崇柔金鉄而倒日月搖  
海岳而囚鸞龍哉如令墜樓金谷重觀鸞鴛絕瑟青陵得諧  
鯨鱷是兵革之威彌伸而冰霜之氣彌薄也載籍以來寧有  
之乎人殺鬼殺百年同盡今日他日人壽幾何必曰中饋為  
安丹頰為惜唱隨為永慨訣為變猶拍于里閨之淺說非明  
于鼎革之大致也第授崖墮井競烈于前休黃絹也然閱殺  
於大雅亦有識者所感悼而流聞者為之隕涕矣 遷何人斯  
敢役子墨獨不聞東平之樹感沉哀而西向青塚之蒼因積  
憾而南靡孑草木無情幽愴殊切 遷雖昧懦抗覲為人也犬  
牛羊月嘗愧卻裘金鈔絲繡苟其有極爰濡泪而誅之以昭

永其詞曰

處世承平忝附華貫我沈之先吳于詞館英之太僕

成祖所難圭組久替襄門庶熒清白卓傳耕織自按烈婦之生  
馳夢告旦習于母訓工于家筭逮事文學尊長功憚發問井  
印致虛澡盥洗手作羹登車垂幔雖勞不疲雖暑不汗纂組  
春汲往之食肝謂生大業可遂霄漢謂皆久安可終舉案裁  
以白苧炊以白粳衣之食之春秋屢換天心降割挽槍橫漫  
秦階六符妖氛凋亂夏劉生靈斬斷里閭野囑紫濛波騰海  
漸于乎哀哉自昔兵禍亂于西北開洛幽并戰場霾餘流染  
丹淵壤迷鬼域南風不競載遘螟螣鶴鷓晝啼魑魅遂陟瓊

蕤瑤枝微露其色  
席鑊冰湯侯、默、秋雲作黯  
長紅初拭  
有鳥雙飛漸臺之側  
其殼烏、其羽翊、是耶非耶  
精靈莫測於乎哀哉

故右散騎常侍舒國公褚公挽歌

蘇題

陽翟豐構臨平演慶源  
學筵尊授几儒服  
罷乘軒審諭曲  
中密開陳與上言  
但輝一不借空有賜東園

### 送顏平原

十二年春有詔補尚書十數  
公為郡守上親賦詩觴  
郡公安于蓬萊前殿仍贈以繒帛  
罷餞加等參美顏

公為罷別章句

天子念黎庶詔書撫諸侯仙郎授剖符華省輟分憂置酒會  
前殿則書若小山天章降三光聖澤談九州吾乞鎮河朔拜  
命宣皇猷駟馬辭國門一星東北流夏雲照銀印暑雨隨行  
翰赤筆仍在匣炉香惹衣裘此地隣東吳孤城呂滄洲海風  
掣金戟導吏呼鳴騶却原北連燕剽叔風未行與藍隘里巷  
桑柘盈田疇為郡豈淹旬政成應未秋易俗去猛虎化入似  
馴鷗蒼生已望君黃霸寧久留

胡笳歌送顏真卿使赴河隴

岑參

君不聞胡笳聲最悲紫髯綠眼胡人吹、之一曲猶未了愁  
殺樓蘭征戍兒涼秋八月蕭關道北風吹斷天山草崑崙山



南月欲斜胡人向月吹胡笳怨芳將送君秦山遙望隴山雲  
邊城夜、多愁夢向月胡笳誰喜聞

歸山

顧況

心事數莖白髮生涯一片青山空林有雪相待古道無人獨

還

送非熊下第歸越

姚合

失意尋歸路親知不復過家山向城遠日月在船多楚塞數  
逢雁浙江長有波秋風別鄉老還聽鹿鳴歌

送劉少府之鹽官

梅堯臣

我祖南昌尉時危隱去仙劉卽從官日天子治平年淪茗山

中火熬波海上烟  
吳民不為盜  
惟此重君權

寄施彦執

張九成

百念多忘萬事休  
一觴一味自賡酬  
坐看庾嶺當南斷  
又見橫江轉北流  
已覺摧顏侵兩鬢  
更先術窟補前旒  
何時把盞西湖上  
咲數浮生歲幾周

寫館黃灣

楊璠

望、人烟市行高  
日滿途四邊  
山勢合渾似蜀川圖

題知監廳

鹽課書常息  
民政事醇公  
庭无一事  
花柳醉娛人

送節婦章氏歸海昌

元植孟頫

桓、大將控壘夷萬里能全節婦歸掩鏡罷梳前日鬢還家  
猶着嫁時衣瑤臺月冷孤鸞怨紫塞風高一雁飛十載漂零  
心似石史官執筆泪應揮

寄張伯雨

虞集

獨抱長鑿管白雲琴心誰錄內篇文清齋三日秋仍瘦徧禮  
群真夜每分石記恐動塵外事山經了許世人聞已從司馬  
求真籙吏為通章九老君

霞珮翻、出洞天當時彷彿見矚仙幾年東海張公子今日  
西湖葛稚川滄海塵飛舟已熟玉堂人去榻空懸林間載酒

人相覓乞寫山灵與世傳

倪元鎮

谷口路微山木合濕衣空翠不曾情  
飢猿攀檻作人立寒犬  
号林如豹般小閣清秋聽雨臥長溪  
日出採芝行道心得失  
已先夢沐髮朝真候五更

夢張天雨

薩天錫

政恐梅巷即是君一牀蝶翅兩牀分  
邀予悟讀玄身子與尔  
偕升太素雲開篋取書銀字滅卷簾  
呼酒玉笙聞覺來不省  
誰同夢雲影翻窻似水紋

送張天雨入茅山二首

虞集

獨棹扁舟入白蘋  
隱君舊宅去栖真  
囊懸肘後惟丹訣  
書到人間稱候民  
未覺白雲留住晚  
也應蒼术寄來頻  
手栽松上騎飛鶴  
知是華陽第幾人

隱居闕道無人迹  
麋鹿來依積雪深  
每占雲氣得芝朮  
莫怪月光穿樹林  
茅君自騎一虎下  
木客或与群猿吟  
知尔此時最相憶  
逢予飛鶴度千岑

書扇餞潘濟民往黃岡

貢師泰

黃岡只在海東頭  
野水連天蕩白鷗  
昨日相門逢今日  
別藕花深處漫停舟

題朱肅画

芙蓉冷落渚宮秋  
翠蓋紅衣漫不收  
猶有雪鷓來上立  
夕陽無限遠人愁

題朱生質夫所藏梅竹圖

水晶簾幙珊瑚鉤  
萬玉花間一鏡秋  
睡起滿湘寒凜冽  
却疑飛雪在羅浮

夜深瑤女出寒江  
分得南枝兩一窻  
可是貞姿共清絕  
神仙肌骨更无双

登海昌城樓望海

高啟

百川浩皆東元氣流  
不息混茫自太古  
于此見容德積陰漲  
玄濤萬里失空色  
鴻鵠去不窮魚鼈  
安難測朝登茲樓望  
動

盪豁胸臆始知滄溟大外絡九州域日出水底宮烟生島中  
國寬疑浸天爛怒欲吹地曷當時烈風興海若不受職長隄  
此宵潰頻勞負薪塞况今難危際民若在壑溺有地不可居  
頭同風塵逼安得擎水游圖南附鵬翼

謁雙廟

維昔天寶末君王旣奸虜雄邊委強兵遺患同養虎叛闖遽  
西幸骨肉棄榛莽河北二十州義士誰禦侮兩公起誓衆慟  
哭告玄祖橫身過其冲江淮保安土孤城無全堞百戰霜月  
苦力窮援不來噬菑罵益怒殘兵日飢疲秋風小旗鼓男兒  
不生降一死冠今古故鄉有遺廟俗除巫屢舞丹青經塵中

爽氣猶可覩嗟今屬亂喪戎馬正傍午臨危肯捐軀如公未  
多數獨立為悲傷斜陽下寒楚

贈胡校書奎

我初遇子東海濱  
苧衫蓆帽凌風塵  
登城觀濤共嘆息  
見者不識何如人  
歸時憶近看  
灯節孤舟夜過黃  
昏雪書來書往  
道加養幾日相逢  
百年別再會之計  
何悠哉我未及去  
君能  
米秋風吹淺太湖  
水乘興上得吳王  
臺吳王臺前白楊  
柳西  
施去後吳娃醜  
四海同為比地人  
百壺獨買誰家酒  
更尋蒙  
客作夜遊簾弄  
明月琵琶洲有愁  
為君亦蕩滌何况  
我輩元  
無愁醉中狂談君  
可怨且共周旋莫  
歸去秋光已笑逼  
重陽



好為黃花三日住

送李使君鎮海寧

有双庙

海風千里捲殘旌  
按轡初開屬部清  
民襍島夷爭互市  
潮隨小雨入秋城  
鳴狐不近睢陽廟  
突騎猶屯廣利營  
肯掃帳中容我醉  
夜深燃燭臥談兵

過海昌贈李侯

閑聽盡下簾秋色滿  
疎髯久戍殘兵老  
多貧長吏廡陰風  
潮動郭晴日地生鹽  
三相逢說年來戶  
騰添

黃灣述懷二十二韵寄錢思

貝瓊

海岱初雲覆荆蠻  
遂土崩王公甘久辱  
奴僕尽同井遠通  
將

妻子端居謝友朋  
草堂森苦竹  
瓜圃蔓寒藤  
地尽山光斷  
天昏海氣蒸  
夜深常畏虎  
秋後更多蠅  
鶴髮愁難理  
烏皮懶自凭  
娉婷羞不荐  
齷齪恹先登  
拔劍歌誰和  
聞笳復與過  
逢欣已絕疾  
病恨相仍自擬秦  
民去重煩魯  
仗微吹毛多見  
諷刺古尚誰懲  
耆老惟君在  
文章對客矜  
才全怀白壁  
道重比朱繩  
虜榜名非忝  
鷄林價足增  
極知童子陋  
深愧大巫稱  
最憶春停騎  
高談夜剪灯  
病駒終弃擲  
生鶻必飛騰  
跡已從信誡  
時多任愛憎  
賦詩間莫廢  
好事老犹能  
漢月今頻滿  
天河本自澄  
小陰有孤棹  
雪下與還來

晚泊海寧州舟中作

劉基

春霧今朝氣稍清  
空江一舸客心驚  
東流濁浪冲山動  
西望長原似月明  
不有龔黃為郡縣  
空教耜耒化戈兵  
普天何處非王土  
無地安身愧此生

二月七日夜泊許村遇雨

漫喜晴天出北門  
還愁急雨送黃昏  
山嵐度水喧林麓  
野樹翻雲動石根  
宿麥已隨江州爛  
新泉休共井汜渾  
魚龍浩漫滄溟濶  
澤畔誰招楚客魂

二月二十三日自黃岡還杭途中作

日照江邊春樹林  
繁花亂葉感人心  
花間蛺蝶漫多事  
葉底杜鵑非好音  
舉目山川成皓首  
側身天地一沾襟  
解憂惟有

尊中酒多病年來已厭斟

寄長安章子智

江烟暎雨過丹楓去國怀思百感中老我江湖空翠、逼人  
歲月太匆匆、黃花開後無佳節鴻雁來時又北風籬落篋開  
新酒熟一樽思與故人同

送平博士致仕還鄉

孫子良

久羨橋門最好官又開賜老出朝端莫嫌多病成清瘦且得  
還家理舊歡白雪吟成堪遣興青氈卧穩不知寒相知己似  
同林鶴長路分飛淚不乾

登海上葆真觀玉皇閣

玉皇高閣倚天開，此日登臨逼上台。  
一派潮音天樂下，半空雲氣翠華來。  
窻涵海日神光動，地接仙壇鶴影回。  
倚徧危闌未歸去，恍疑身世到蓬萊。

寄海上葆真人沈道會

環珮珊珊，禮石壇步虛何必上茅山。  
門臨滄海月先到，樓入青霄霄易還。  
俗遠已無塵事累，丹成不遣髮老班。  
幾時乞得歸林下，未聽仙歌杳靄間。

到天涯驛渡海

已到天涯驛，那堪路更賒。  
瘴雲迷遠島，潮水浸平沙。  
蜀道誰云險，秦山未足誇。  
所希天道祐，不異造仙槎。

交州聞角

疎窓月落夢回時  
何處金笳帶月吹  
却記單于城上聽  
不知身世在南夷

全日作

天南逢至日  
暗想轉淒然  
去國一萬里  
離家十五年  
羈危常自保  
衰謝有誰憐  
知羨階前草  
年得氣先

北流舟中作

涉海經灘復渡河  
過舟日夜畏風波  
客途萬里非平地  
始覺人間險處多

江路見花有作

濛濛烟雨濕江花  
江上行人正憶家  
不省故園兒女輩  
看花曾憶列天涯

送封郎中永昌之京

蘓平

金臺十里路漫漫  
行李馳驅歲欲殘  
粉署清風勩業在  
紅亭綠酒別離難  
月明江店鷄聲早  
霜落閑城為色寒  
此去承恩是何處  
九重闈闈五雲端

寄李大亭前輩

少年長負賈生憂  
老去閑海心志海鷗  
港露舊歌金殿夕  
清霜誰振柏臺秋  
菊香彭澤思陶令  
瓜好東陵憶故侯  
我亦忘机林下客  
欲陪風月卧滄洲

九日登无垢書臺

九日登高隄懷賢意獨存  
灵泉流石髓陰洞入仙源  
樹遠書臺古灯残佛殿昏  
断碑荒藓裡回首易消魂

酬弟秉真見寄

茅屋簫々野水濱  
惟應魚鳥日相親  
問庭暮雨驚黃葉  
短棹西風釣白蘋  
曼倩飢未還自笑  
陶潛醉裡竟忘貧  
惠連群泛詩偏好  
幾度西堂入夢頻

贈孫太孫子良先輩

曾侍先皇沐寵輝  
白頭報國似君稀  
故山夜雨存黃菊  
華省春風對紫薇  
方岳久沾申伯化  
鄉人爭待潞公歸  
青雲遠



知多少獨向天涯問布衣

癸酉仲秋日與諸生觀海

西風黃葉江村路童冠從遊到海涯  
浪逐白鷗輕泛雪天連孤鷺遠隨霞  
樓船不返秦皇葉星渚曾通漢使槎  
日暮馮高縱吟目一行征雁落汀沙

轅門夜宴

轅門開宴集群英冠蓋相逢叙舊情  
城樹蕭疎秋色早海天空濶月華明  
綺羅謾舞花前影絲竹送傳曲裡聲  
良會不知能幾度風流今日勝蓬瀛

毘陵道中送孫昉歸海昌

天涯傾蓋獨相見  
又向關山問去津  
寄語故園桃李月  
好將春色待歸人

滄海寒潮 八景

怒挾長風過海門  
湏臾新漲沒沙痕  
鯨波吼夜千兵合  
雪浪翻空萬馬奔  
信侯有期當子午  
震雷餘響撼乾坤  
興來便欲乘槎去  
擬向扶桑一問津

鼎湖夜月

湖上娟娟月色浮  
無端清景滿滄洲  
光搖波浪孤輪夜  
影落山河一鏡秋  
寄此書淮人已去  
放歌赤壁客同遊  
姮娥自是多情物  
時遣餘輝照綵舟

郭溪春水

浴：漾：復：歎：綠漲前溪過雨新  
蘭渚帶烟湘浦晚桃花  
迎浪武陵春魚籃小店人爭利  
舟楫迷途客問津何事白頭  
林下叟一竿風月獨垂綸

長安曉鐘

萬戶千門曙色深鐘聲隱：出泉前林雲邊  
斷續連更漏郭外  
鐘鉤襟楚音候館驚回羈旅夢  
征途喚起利名心不知有客  
忘塵事枕上詩成月未沉

雙廟夕陽

羯胡流毒害忠良血食千年重海昌  
百戰報君全節北孤軍

抗敵與城亡扶持社稷心逾苦保障江淮策更長欲採蘋蘩  
奠杯酒蕭條遺廟對斜陽

兩峰秋色

依布馬耳與天齊秋色荒涼入望迷六寺樓臺連上下雙峰  
紫翠倚東西葛洪仙井寒泉積願况書堆夕照低我欲縱觀  
凌絕頂白雲深處有丹梯

無垢書臺

昔人曾此築高臺雲裡軒窻向日開捲幔靈泉浮爽日鈎簾  
晴嶂送青來登庸已見魁元策忠諫爭傳濟世才千室宅基  
隣咫尺共憐遺跡蔽蒿萊

自然石井

身人脱骨已昇仙石井空遺野水邊  
烟冷翠苔迷古甃雨深芳草覆寒泉  
銅瓶未汲心先爽碧椀纔分酒易痊  
華表不歸遼海雀却憐城郭又十年

送沈大尹復任海昌

承恩又見出京華黃葉西風別路賒  
潞水白鷗隨去棹琴川明月待還家  
莫辭彭澤杯中酒好種河陽縣裡花  
百里絲歌應有暇須從郭外問桑麻

贈蘇東衡東貞

章珍

涼風吹遠林蹠蹠上溝渠海水不盈尺  
中有双鯉魚嗟我非

鱗族安能与之俱良久忽遊逝  
時空踟躕有客川上來遺  
我一札書激憤發長嘆暗地投明珠江河云漫三高山路盤  
紆欲往一相從惜無舟與車展轉夜何長苑結不可舒起視  
參與高明月啼螿姑

有懷蘓雪溪時雪游西江

沈愚

春初為別到春深落尽殘紅又綠陰細雨空齋頻積夢碧波  
芳草獨關心九江客路連雲斷千里征書與雁沉懸想孤舟  
樓泊處遙窻明月共誰吟

送蘓雲坐還海昌

清時多病掩荆扉當路誰曾重布衣賈誼未膺宣室召相如

空向茂陵歸鷗邊芳草迷征棹  
雨外孤村映落暉此日河梁  
一尊酒不堪重與故人違

送蘇雪溪歸

沈周

買碑欲刻蓋光盟歸思蘊秋夜不寧世路交遊悲落葉人生  
離合類萍萍無情客鬢詩中白入夢鄉小枕上清沙水孤舟  
明日路西風落酒復飛

送孫千兵還海昌

徐寬

使車迢遞旆悠悠千里觀光上國游  
籥表一函來鳳闕天香  
兩袖出龍樓黃金臺下花爭發  
白玉橋邊水亂流今日風光  
念分手煩君少駐木蘭舟

與蘓紹文話舊無憶先師雲壑

張寧

一自寒冬立雪深  
門牆桃李隔春陰  
沓陰撮變人何在  
赤壁舟迴月易沉  
千古清醇師友度  
百年離合死生心  
如今已是悲秋客  
得共花時幾醉吟

送陶時中大尹歸海昌

王傳芳

公來何處不歌謳  
公去何人不汨淚  
除却圖書并琴劍  
更無一物載歸舟

祝虛齋先生歸田

錢琦

老臣毅望冠先朝  
多少陽和散沓瀟  
一疏乞身雲壑重  
千山回首玉峰遙  
春畦雨潤抽蘭葉  
晚閣風微動柳條  
龍尾峰前



精舍靜日長，唯有著書饒。

拜虛齋先生墓

絮及移來正，及秋石臺寥落對荒丘。山中不尽青精飯，天上  
那成白玉樓。泪洒斜陽衰草濕，手摩殘碣片雲愁。竅象若更  
能談易，欲繫侯芭問字舟。

過許東山永州故居

瀟洒湖南倅舟成，骨已仙常來談信宿。永別又三年，竹塹綠  
溪水沙村入野田。東山舊時月，還到酒杯前。

送許東山別駕之永州

沈祐

萬里營陽路，論心更一杯。乾坤皆我事，經濟待雄才。江影鷗

邊盡山光馬首開  
下車訪民瘼  
盡道次山來

同秦少尹登審山二首

郭 郊

解后東山下登臨  
共酒危林烟  
挾晚色  
蟬竟報秋期  
漢塚名何迥  
唐臺事可資  
攬衣還直上  
絕頂更多奇  
談笑唯無極  
相携上食共雲凝  
松徑狹烟暝  
梵教遲仙隱  
燒丹井  
龍飛礪劍池  
中心恒惡關  
不敢問魚疏

登東山

閩人嘉言

城市有閒人  
烟霞結社新  
夙岩紅葉冷  
石甕綠醅春  
舊事慚騎馬  
清歌效采蘋  
日斜人影亂  
歸路岸烏巾

借竹軒

硯石

錢 薇

僧借比隣竹，栽欣竹下居。  
虛檐无色相，空翠但松蘿。  
孤磬敲逾冷，三乘念已多。  
為憐塵世經元坐，自成吟

送祝維貞致仕歸海寧

儲 燿

京塵洗盡髮毛輕，好雨霑人亦有情。  
涉世自憐心尚拙，憂時翻笑病先成。  
一封奏罷中朝悟，三礼編來晚歲呈。  
明日征車休早發，東門歸路少人爭。

書郭武市画扇

湯顯祖

米雪汾陽下，越弼幅巾春。  
雨憶游梁曾從粉，暑游仙尉似借  
筭邊入武。即珠客酒綃分海色，玉人裁素寫秋光。  
愁予獨唱高齋夕，月露風多河漢長。

寄東硤黃潤玉先生

魯惟忠 番禺

唱石岩前有隱君  
州堂分得半閒雲  
南湖月色當窻見  
萬壑松聲隔樹聞  
墨沼寒通丹井水  
琴床晴護紫苔紋  
此身迥出烟霞表  
長倚青霄看宦群

沈山人隱居

孫一元

自得窮通理  
幽居不悞身  
清流梳石髮  
遠霧著山中  
竹上僧  
苗偈庭前雀  
近人科頭坐  
終日吾自愛  
吾真

朱朴

一往人深窅  
臨流開草堂  
幽花不滿地  
疎竹自成行  
鴨乳春  
泉動雞啼午  
飯香百年棲  
息穩多病更  
何妨

文徵明

永夏園亭風日嘉  
涼陰寂雁樹更加客  
來解帶圍新竹燕起  
衝簾落晚花頷畧清  
言蒼玉塵破除塵困  
茶團茶六街車馬  
塵如海不列柴桑處  
士家

懷許司諫

茶磨清風不可攀  
高人先我十年閒  
懶搵玉珮趨青瑣  
故毀銀魚臥碧山  
新水旋開田二頃  
紫雲深占屋三間  
若為便置蒼生望  
見說青鬃未班

過吳興寄懷許台仲

夏言

碧海東南望吾憐  
九杞山美人隔烟水  
長日掩雲閣白雲堆

同調黃精可駐顏杖藜春日裡那得共躋攀

月下懷查近川吏部

茅坤

中散今宵月山濤何處看長安不可望遙憶在雲端建禮舍  
香罷明光起草殘應憐遠游客鳧雁對江干

洛塘泛舟

姚旅

四月四日夏秋晨洛塘橋邊娛晚春扁舟蕩槳如有待皓腕  
提筐殊可親桑葉成陰全逸岸藤花垂水欲迷津溪深地僻  
真遺世何必桃源好避秦

送周先生之海寧

宗臣

彩筆時難見青氈爾自尊一官聊日月隻髻自乾坤雪後西

賦風前北海樽因君寄鄉思好去過江門

送章君之海寧教授

徐渭

大暑之頭小暑尾蛟龍忽帶風潮起沃焦斜立水倒流海外  
魚蝦跳成市乾坤非人誰料理無非不是秀才事君今挾帳  
海寧去壞屋荒田應墮淚

贈郭舜舉祠部新婚

王世貞

才子當今領彥先燕中花柳勝伊川自送二陸為文友乞得  
雲間贈婦篇

紅蠟初熔雙鳳凰新詩句好自催粧不須譚列如臯後一嘆  
先應喚郭郎

郭舜舉文縣嶺南學憲叅晉省尋轉閩憲送之

不為量移借一資  
總緣才大有驅馳  
閩中文獻高南越  
晉地山川讓我夷  
入夏荔枝將佐酒  
經秋榕葉好題詩  
使君大有風流在  
可憶平原贈婦時

送郭舜舉祠部謫尉懷仁

王世懋

蕭條一尉向陰山  
疋馬荒城列戍間  
白草愁侵孤客鬢  
黃雪慘傍逐臣顏  
風塵畏路曾懷璧  
雨露清朝倘賜環  
有酒為君唯取別  
吞聲西去是陽關

郭使君以南海督學遷山西少叅書來寄答

屠隆



堊烟瘴雨濕車輪采得明珠是大秦  
鮑靚藥鑪面白豹葛洪  
丹井出蒼麟不辭遠道傳仙札  
魚叢石香寄佛民頌表初歸  
汾晉去梗枿今日作勞薪

香雪洞天歌為語溪郭太學純虛作

沈明臣

老梅叔杼小梅直凍月開花並四壁  
香風歎：襲人衣雪色  
眩：照天白梅巷主人知是誰汾陽  
公子人中魁嗜香愛色  
人中玉眼应不肯容纖埃結茅里土  
讀素書洞天儼若仙人  
居夜深不用焚龍腦畫靜何殊獨綺  
疏坐移庾嶺在平地直  
是江南恣游戲喜時貼額有佳人恨  
欲寄情無騷使汾陽公  
子我所知潔白信是梅花姿他年調鼎  
供寔用今日且賦何

卽詩

長安舟中

武林西去是長安  
百里孤帆夜色寒  
津樹自侵閨月暗  
荒雞欲破曉霜殘  
身憐夢裡還鄉好  
歌聽人間行路難  
熙熙去來者  
笑予頭白未垂竿

泊硤石

野水俄成泊  
孤樹杳樹根  
丹楓雙寺境  
落日萬家村  
詩句逋翁好  
名山硤石尊  
徘徊不忍去  
酌酒一招魂

訪許長孺司理

其柰許詢何  
相思十載過  
孤舟官路少  
半灘小村多  
古寺依

黃葉長橋送碧波  
白雲秋片、相伴到山阿

郭舜舉督學以粵臬徙官晉籓寄送

才泛粵海貢珊瑚  
又以天章徙絳都  
路入太行雲萬里  
家臨上党月千鋪  
龍門禹甸近飛蓋  
晉水堯祠走傳符  
試問先賢高子業  
棠陰幾樹在前途

贈舜舉司馬

司馬經年註六韜  
知君不似尋南曹  
名溢蘭省郎宮起  
詩自雲中計日高  
明月九霄双鳳管  
太湖千頃一漁舸  
騷壇大將堪旗效  
莫便東風颯二毛

許長孺約游家山已而有婺州之行戲柬苗之

相期下榻子雲閣何事揚舠向越東  
魚浦潮聲喧枕上嚴陵  
山色滿帆中啣墳烏口嗟名邑指石黃  
初想廢宮強欲出門  
无可那箇君惟有石尤風

宿開亭州北山雲庄

錢 薇

天柱兩峰矗幽人睠此山  
闢園踞東麓泊雲掩畫閣看竹時  
移杖憐花晚傍欄層陰互松檜斜日伴  
虛閑將往無虛碍羊  
求得往還談玄忘尔我下榻借松杉  
暑淡因泉勝情幽覺地  
偏暝入情無已杯傳意自惟  
平泉徒舊跡金谷竟塵跡尔已  
遺簪紱惟知種秫田多君追古調不異習池仙

送陳廣野出理河間其先為予邑人茲以春秋舉進士

恋、天涯即故鄉班、車下復離觴  
朕曰屬扶風郡意氣  
新送結客場仙掌  
雙瞻瀛海上法星一綫貫城旁  
引經知尔  
夫無害自昔高門接大朝

冬夜集徐非明宅

湯煥

倚棹新江上言尋孺子來  
人烟環海曲霞色近天台  
白雲梁園賦清樽鄴下才  
遽欣殘臘後春意座中迴

贈郭汾源武選

屠隆

往事閑憑濁酒論  
風霜飽尽壯心存  
幾吹鉄笛驚龍子  
魯枕銅焦卧雁門  
黄石豈能消鬢髮  
紫泥終許濯崑崙  
相期好在

汪道昆

烟蘿外莫謂逍遙亦寓言

懷許長孺司理

江一變

蕭蕭烟雨樓悠悠  
一千里霜前雁不來  
望斷長江水君悲風  
木情子亦連枝恨  
誰憐同苦心千秋泪  
不盡

查虞臯儀即道出濟上遣書賜問賦答二首

于慎行

別緒三秋迫書秋慰夢思  
村中醒酒後河畔倚舟時  
雪晴閑山影雲生澗  
壑姿歲寒無可贈惟有折松枝

有懷江左彥風昔共蘭襟報國青萍器承家玉樹林  
郎曹双管舊禁漏五雲深無恙西山色犹堪拄笏吟

查虞臯文學自越中遣書相訊寄謝四首

春風曾泊孝廉船  
握手相看各黯然  
別後秋鴻江上杳  
一封未到海雲邊

曉月山城夢漸昏  
六橋烟樹不勝思  
梅花忽送江南色  
滿目仙郎白玉枝

奕世才名珥漢貂  
凌雲綵筆起垂髫  
即今過夏看行卷  
猶帶錢塘六月潮

絕代紅顏衆所降  
休將春色怨秋江  
若耶溪裡分明見  
一入吳宮自少雙

寄查憲副鳴朝

謝榛

昔年感舊識仙郎自古通家兩意長  
目斷雁聲空玉塞夢隨帆影下錢塘  
停雲南國多游好落日中原一老狂  
近轉梁園應有賦逢人曾復問鄒陽

贈陳廣野給諫

屠隆

天子宵衣百辟臨綵毫應得傍華簪  
星回北斗低朱戶氣轉南薰入鼓琴  
垂柳馬侵馳道綠名卷鸞語植垣深  
清歡一借西山月共說蘿烟象外心

仙人姑在立明光年少才名拜夕郎  
綠酒松蒼朝侍燕紅燈蘭葉在薰香  
閣中星斗書十卷塞上風雷詔十行  
休沐更聞多勝事山空雲物冷衣裳



送查大參之山東

載酒都門落日西，金壺擎罷惜分攜。  
天迴曉日辭龍袞，卷發春風送馬蹄。  
水漲河隄連鉅野，雲高海岱控青齊。  
使君車蓋絳行部，疑向山陰聽鳥啼。

中秋燕郭舉兵部宅

中秋恒醉令公家，更深雲盡月吐華。  
座客半是五陵侯，邊風不動天無沙。  
妖童新度梁州曲，豪士自鼓漁陽桴。  
滿庭玉露桂巷冷，金盃盡入山河影。  
六街如水爽氣空，疑在長河三萬頃。  
殘燭數點媚秋衣，變宮流微娛清輝。  
何人拔劍忽起舞，英雄猛氣橫金微。  
大星雨落北斗亂，眼看百道虹光飛。  
郭夫子

何瀟灑一夕風波尊俎中十年飄泊邊城下歸來髮短雄心存  
猶是當時和歌者母事闋尽浮雲輕榮華飄忽流電驚孫名  
聞智取大利益氣千秋莽未平銅臺上食亦何用金谷草荒  
寒露生以茲感嘆增慨慷白骨不到空名香明月既在天美  
酒復盈觴何物蝶蠶何物侯王丈夫眉頭何日不揚人開火  
宅那可任倒翻銀漢游清涼

送陳清甫進士尹海寧十六韻

吳國倫

君家八才子女更早知名一顧天機迥孤騫海闊輕青雲無  
後輩白雪有先聲奏對三千牘輝光十五城真能開氣象不  
獨紹簪纓玉筍趨朝識銅符領邑行匣翰龍作劍車揭鷲為

旌澤國稱佳麗明時息戰爭片雲將烏到萬戶待琴鳴為覽  
東南勝應增感慨情暑隣蚊室穩閣望蜃樓平木客巢椿莽  
醒即狎海瀛廢書闈夜織露冕閱春耕寒月隨潮上疎鐘入  
雨清放歌回禹穴飛夢繞神京臺省尋常事毋忘例履迎

送黃國英封君還海寧

五馬駉驄五馬豐  
悠然野服寄高風  
暫舟拼湖南景  
歸去絲綸海上翁  
對酒珠騰蛟女空  
行歌卷統越王宮  
年來好道无机事  
矯首仙源咫尺通

贈陳清甫舊海寧令時予病丹徒

余 宣

解后最分明令人感慨生長江一萬里  
夙色幾時平錦瑟調

何疾寶刀咽不鳴相看無可奈白日滿前楹

現趙郭小園為汾陽郎中作

湯顯祖

太原渡江入西越  
盡向家山向雲關  
去年卧閣披此圖  
展轉  
繚紛意難歇  
心知不是桃源路  
直是玲瓏杏花發  
野客留連  
芳樹陰閑人解望  
新橋月何處出樹陰  
閑楊柳灣西映殘苔  
漢歌  
暝泛橫潭竹  
牧笛春殘半樹梅  
花隱  
雪霏  
西翠樓邊  
啟竹扉  
早覺烟霄動  
去勝沈  
乃卜築臨清  
暉清暉古寺寒  
鐘  
影景臺半出西南  
粗知到流近  
禪林却笑潘安  
長瞻省君  
家上世每逢仙  
賣藥藏書此洞天  
早晚遊草市裡  
春秋得  
上斜林  
所君不見女  
此溪邊  
女兒語  
越國天人起  
溪女又不

見石門帳殿起烽烟中州一地小如錢何似洛川諸父老相  
將栖息太平年

春日東園隄口得陳廣野太常書却寄

邢侗

雪竇天窻落日低斷雲南望綠莎齊  
道、夢逐千山度漢、  
書從一雁迷憐客花琴時貫酒砌花  
露兩半成泥春來事、  
堪幽賞無日同君醉大堤

秋夜宿審山吳道士館

李應徵

落葉互相觸秋聲多任山無聲  
歸白社有客到玄關際海月初  
上隔溪雲自還猶疑遠鐘度近出紫微間

寄吳然泉行部漳州

王慎中

看君纓袂是柴羈行部蕭然何所為  
白羽乍飛休更頌青山  
每對按人時道心閉閣真如水  
煉丹登樓偶得詩恬泊應言  
元與共函怀知有野人知

春日雪後過鹽官宿安國寺晚起仍雪登閣賦此

李應徵

高閣瞻神目積雪明空林海天有餘暎  
岩阿足重陰回嶽激  
素輝颼颼故難任  
歸雁戢寒雨嗽、多哀音悠然念遠道望  
之何浩、憂思良在茲  
春風苦不早羲馭忽東昇  
音陽絢遊  
萬汴氣散淫寒流滋  
被野草所嗟嚴風烈  
旦日不可保人生  
百年間安得常美好  
適意在逍遙藏身以為室

送朱惺復出守建昌

鍾山一望楚天長，畫隼乘春入建章。  
曲渚晴暉白，峯慢層岩擁雪待。  
晨裝蒲葢以，理施無用榻。為投交下不妨青社向來，  
霖雨露未煩停轍問南陽。

送許侍御出按甘肅

姚士彝

秋風六博向羌氏，天入黃沙正鼓鼙。  
自逐飛霜深塞北，翻驚出日上關西。  
兩川鉄騎侵番過，五郡銅鑼擁障低。  
公到闡門休太息，虜庭蕭斧亦堪犁。

占鰲塔詩

亭：傑構倚崔嵬，躡級馮虛亦快哉。  
天柱搏青杯，庑出滄溟。

滙白鏡中開百年邵杜留餘澤一代文章叶上台員嶠方壺  
應咫尺何人先掣巨鰲來

旁乳蟠翔到海垠飛甍百尺柱青旻初疑世界藏金粟幾見  
蓬瀛起玉塵日落寒潮凜峽壯天似烟樹萬家村摩崖綵筆  
知難和聊嗣玄虛附不磷

題許稚則解帶亭

四壁何虛敞亭開面：風興來歌自和醉後草逾工天上王  
摩詰人問許侍中何時造深竹不問主人翁

懷許同生先生

曷一龍

長儒離禁闥官守淮揚郡其氣銷邪萌卧理閒尚論貂續謁



多史狐虎叱璫侈解綬歸舊邦錢塘候潮信

送查仁卿督學江右

郭正域

多冠嶽、下金墀詔拜江西弟子師棘院文章歸水鏡蘭臺  
諷諫托茅鷗詩書好聚四麻閣風雨應過九子池別後相思  
頻悵望月明南浦听菴差

西郊別墅

王穉登

小園臨湍結薜羅主人日涉趨如何幽谷時灌寒猶好小鳥  
春來雨亦歌雅稱琴尊清晝賞不妨樵牧夕陽過政成家園  
歸閒樂只讓溫公五畝多

寄慨

陳懋宣

新寧知縣

金屋曾經貯阿嬌  
登城一望楚天遙  
送可伶人去  
蒼無主簾外  
空餘社燕巢

硤石山寺

崔培元

幽僻暑不到  
當窻野色分  
雨深苔過檻  
風定竹留雲  
洞水山中味  
松散靜裡聞  
孰教冷眼客  
書就北山文

送門生時子求令海寧

清寧 楊士聰 右諭

上苑花深結勝游  
忽驚悵別憶高秋  
停尊暫對燕山月  
飛鳥俄依大海流  
琴篴作裝甘淡漠  
魚鹽徵賦念征求  
封章已近聞宸聽  
撫字無妨如意籌

子求以南糧道額有疏

書示郭彥深

黃道周

大道昭：何所求一行一節不足謀淡簡之心春与秋榮華  
之言後有牙誦詩讀書聖賢倚靜琴猶釣銷千炷生不聞道  
犹猿猱周孔去人十指頭平津再罷未封侯謝安五十犹烏  
裘苟成事業如泡漚安足与君爭清修林頭易書精且出我  
欲与君分鴻溝

僧郵致彥丹為浮沉發咏依韵

無字銷魚雁書空付老禪芥橋通蟻海木劍負龍淵水契存  
郵外交情在筆先江神藏拙意不易語時賢  
倦雲看已厭逸鳥為誰還豈識世情淡莫因天步艰新書昏  
破玦舊本自連環誰得惠莊意相忘桃李間

贈談孺木

陽城  
張慎言  
尚書

與子周旋將半載如登宛委西山顛多聞直諒

黃虞相後先一介貧无田十畝三冬利有史千年慚子寡疎  
眼酬應晤对无言祇默然

送萬詹如師赴廣州

葛徵奇

夫子憐多病西風獨遠行辭家已四載何日又孤城小削如  
人影霜寒止雁聲一官隨苜蓿猶喜宦情輕

秋日游海上和陳日生先生

吟罷閑看谷口樵携藤獨客似黎寥宿雲依鳥迷秌樹密雨  
沉鷗帶曉潮沙嘴一痕疑是岸浪卷百尺欲凌霄逢人莫話

滄桑事流水年：認舊朝

贈談孺木

新都吳亮

賈生違國體董子明經術萬言治安書三對天人策兩令二  
司馬賦手啟文華博洽推更生子雲饒著述漢家得人盛遠  
非晚近匹

聖祖再開天虞淵宴取日草昧攬英雄儒生脩承弼治理躋  
唐虞道脉紹精一父成洵父憲王猷賴潤色孝皇日再中重  
光至治極右文、大明真才應運出東越攀嶺南北地挈中  
國德成藝豈下文中元乃吉吳會濟南化新都雲社翼正嘉  
降隆萬百家用一律鞭弭與國從牛耳盟主執家珠戶和璧

作者能事畢體制无不談一事獨失職海昌一少年欲掩漢  
為七仔肩朝野史竊取聖明則皇十五朝庶績咸綴緝赫  
三九年經羅成巨帙是非折公評筆削融私臆鄭薛陳文  
流形穢爭自匿名山副已藏蘭臺札未給平原患才多衆技  
賈餘力勇既扶太山大亦吞夢澤人工徒尔輓必也天巧奪  
美玉須善沽韞匱久珍藜馮誰獻當宁子旌宜早及豈惟士  
無隻况復夫有特東現石渠問此臣何可失職司界論修皇  
猷當允塞式照列祖烈丕顯中興德庶幾昭代父軼漢繼周  
室共寶天下惜敢云吳公識樞寧李代偃蓬碩麻扶植名穀  
借游揚是故朋友責神物貴淵潛逸足謝長繁顧觀虞廷儀

母昭魯郊獲因書報喻生舉士核名寔沾：欣見止齋、俱  
朱逼惜哉公府逝免遭兩賢厄犹幸平子知拔五輒得十三  
府辟方交明王席正側他年封曲逆無知先受級處餘中郎  
籍將為主孫乞發藻首儒林繁露理察密雜家論鬼神万一  
宣室贊七畧重辨章四部倘収集覃恩著汰言珍重書隱逸  
不然大人賦小澤懼毋忽切勿退處士一失累千得究竟中  
一言神巧在服習技翰翻白慙勉旃止翰墨稍窺皆賈激昂  
魚以揚玄然何人咻公孫吾道久不惑敢誣厚期待所慎輕  
獎飾孰鍾奇偉才擇此卑薄域華宗埒神胄仙鄉遜岩邑人  
嗟干霄幹擬托菰芦植自詫橫海鱗偶落蛙黾窟吾友與

張聞之喜且泣恐居名後先兼避第甲乙龔今客平津求士  
頗汲食肉說豎投函鼎荐闌入張回因有司芳苦頻造膝  
邀同蘭臭樽並坐竹香宅群送有惠連抗顏思負笈陳翁隱  
方技好奇或採拾耆舊胡先生海內所矜式解后解佩力駿  
勤披衣蓆合艷傾城姿供稱曠世值結交重贈言小語亮非  
急美人隔水曲良訊因風北中。十日期牀。百里憶平生  
狎異人終致紫霄客生才天豈虛居其強餐食三年曾奮飛  
六月聊偃息請緩須史元通覿太上立預卜化人房功成待

長揖

感懷寄談儒木

鶴李

王

相



不識當時聚散身夢中相見豈无因珠亡去客三千獲泪下  
傷心一二人流戍半生萍在水空樓幾處燕辭春只今搖落  
多遺憾剩有疎狂老葛巾

寄怀孺木

尚憶蒲都客同衾卧石城異方疑蠹劫此地息蝸爭江表栖  
王粲人間識祢衡初聞懸榻待屢報下階迎拂露看紅葉先  
霜剖綠橙渡泛桃葉近詞變竹枝清醉月曾遺珮披風每結  
纓斜題秋作賦濡墨夜沉更瑟倦倚殘響簾高卷曲瓊雨花  
尋綺石水草擷香蘅塵市鱗斯密珠璣眼互明笙簧稔麓質  
軒冕塞炎原萍聚吟殘賦梅開問遠征無碗犹掩雪柏酒遂

班荆豈意雜顏隔旋憂國步傾兩河飛羽檄、千出繞旃旌  
外全師陷軍中上待薨拊髀思頗牧列土誓韓彭早潦頻年  
瘠出堙蔽日晶袞衣恒濕泊彤矢只隨征元惡函天憲刑書  
著國評志能持社稷法不貸鯨鯨稍賴三邊請後關九宙驚  
秦戈揮盜賊燕闕拜公卿以文章顯居多氣節名學極經  
索穴僂首效優洽醜蟄煤山樹烏号陽岸解聖躬甘就烈臣  
膝藉求榮容芳窺神器艰唯宅帝京東郵喧鼓角西徼落樵  
槍戎馬仍衝斥王孫自屏營乘時登紫極定策冒丹誠舊德  
謳歌在新國羽翼成群才雄記室相府重書生秉署參中秘  
追終擬大行超然辭荐拔勉矢戒虛盈雜守憐憲異飭勞謝

尾頰誰云封六國，偶語惑群情。四海搖昌始，孤見失白嬰。青  
宮嚴鎖鑰，黃閣厲獐獐。節度籠台輔，尚書締舅甥。但為門戶  
計，寧慮虜貌勅。位埒怀私抵，權倖却善鳴。焚株傷靈灼，享席  
禍羊羹。獨檜專和議，諸藩實縱橫。玉錢歸朱使，銀鑄射胡庭。  
背井迷庸主，熊蹯絕外兵。未基尊九五，片刺降孤惇。野死捐  
忠骨，潛逃竄義教。淮陽流血滿，吳越積屍平。烽火侵霄赤，雷  
車列炮轟。鑿凶驅鉄甲，示誓擊銅鉦。假手飢鷹颺，誅心走狗  
烹。潢池張鯨吻，沸釜泣魚氓。喪亂身非我，隳零力漸寧。掃門  
逢荏苒，處世費支撐。往昔餘蕉夢，于今感鹿茸。空囊聊誦讀，  
糊口庶緩耕。惟悴羞隣里，生涯問弟兄。所悲惟破泪，嗟咽向

秋并

送許元忠之任仙遊三首

張次仲

朝來風日好，仙令過淡絳。  
洗眼看銀帶，催覓到玉屏。  
帆移嚴子瀨，暑接蔡家亭。  
珍重經過地，高風引客旌。

記得西湖畔，相邀坐竹林。  
月明同好夢，風至各披襟。  
二十年前事，三更而後心。  
錢塘江水碧，那似故交深。

遷恨頭鬢白，貪看篆色紅。  
老妻憎視舌，幼女咲飛蓬。  
荒草柴門僻，孤城古巷中。  
相送誰與坐，春風

奉候談孺木先生

端居寂寞道何尊，一艇衝寒晚叩門。  
野曠天高數株樹，水枯

橋斷獨家村  
窻間片紙風  
簫瑟枕上遺  
書日討論  
攜手逢  
向阡陌不知何處採芳蓀

奉贈談孺木先生盟長

秀水 朱茂暉

六季矜隸事  
衣冠飾固陋  
降今紛倚席  
掩口咲紕漏  
談子室  
環堵自窮古  
今宙命駕輕  
千里借本溢  
兩袖合意掌  
錄歸折  
竹還寫就  
吻爽兀挾策  
牀版樹陰舊  
述明慕國  
椎金匱玉  
空紬旁採及  
隱快芟繁且  
刊繆未給  
蘭臺札已儲  
延閣副象  
然脩資治  
繼迹涑水  
後側聞謝  
世榮荆門  
常掩畫名  
士多高  
趣宜穢  
收與壽芳  
夙被廣坐  
嘯然發  
左右我  
數造君  
滕君六  
就我宿  
輒隨林  
草區所  
畏山水  
冠無緣  
嘆獨游  
孔依欽  
前秀

寄問陳太史時尊公大中丞以邊事下獄

陳子龍

漁陽節鎮復南冠，寒月邊雲萬里寒。  
異日功名誰魏尚，此時賓客愧任安。  
貴臣意重終難失，聖主恩深獨自寬。  
公子不須頻叩閣，會當飛檄取三韓。

白水菴

釋弘石

翠微西去數椽橫，何事前人得水名。  
滿屋餘寒浮遠色，當階淺碧美虛明。  
深松迳依山尽冉，雲根接野平。  
治亂不聞惟独坐，頓令身世悄然輕。

聞陳彥升宗伯墮馬却寄

陳名夏

幾存霜清月照書闕君墮馬病何如公卿悔不登牛驥鄉里  
應當傲澤車行步雖工誰引避識途既老漫容輿出門蹇產  
尋常事湖海如今氣已除

讀房升燕京雜詩

眼中誰作帝京篇宗伯詩成世必傳曾聽歌鐘過戚里又看  
金埒候中涓倡家站履游聞市奴子橫行官長前幾載風烟  
渾不似何人騎馬不相憐

海昌即事寄范女白孫幼安

彭年

衰柳高楓漾葉舟歲殘無故問清游兵戈滿耳誰烏帽風雪  
隨身此救裘泉麻向慳隨斥鹵酒胡分供佐蠟蜂仲宣賦筆

迷漫久獨擁寒暉臥小樓

東寺訪海寧姚黃客不遇

侯官

許

琚

西風薜蘿動僧衣不識何人採古薇  
黃竹水深乘鶴坂白沙人靜釣魚磯  
昏甕土屋村春急晚騎霜原獵火微  
尚有行吟門外者尋秋一路月同歸

送海昌守李使君遷海虞

高啟

兩為海上州民定何如此遮使君  
馬坡迎使君車但令人買牛不足容  
饋魚我知使君賢讀律人讀書

過硤石

青山夾長溪，上有魚市土門閉  
落日野氣白于水虎行車



跡外鳥起鐘敲裡吳語問居人到州還幾里

贈談孺木

西陵  
柴紹炳

東海稱高士如君定幾人著書堪自老被褐未言貧  
與到清樽滿愁來白髮新風塵懸月旦雨雪見陽春  
林下巨源舊朱門支遁親此中能作達何必買山隣

